

# АХМАД АЛ-ФАРГОНИЙ

92  
A 92



МАРКАЗИЙ ОСИЁ ТАДҚИҚОТЛАРИ  
ХАЛҚАРО ИНСТИТУТИ

Ашраф АҲМЕДОВ

# АҲМАД АЛ-ФАРГОНИЙ


(тах. 798 — тах. 865 йиллар)

«Ўзбекистон миллий энциклопедияси»  
Давлат илмий нашриёти  
ТОШКЕНТ

72.3  
A 98

ISBN 5-89890-151-5

Φ 0503000000  
358-98



© «Ўзбекистон миллий энциклопедияси» Давлат илмий нашриёти. 1998 й.

## **ФАХРИМИЗ, ШУҲРАТИМИЗ**

*Бу буюк инсоннинг номи етти иқлимга маълум ва машҳурдир. Машриқ аҳли уни ал-Фарғоний деб, Мағриб аҳли эса Алфраганус деб улуғлайди.*

*Бу буюк инсоннинг номи тарих зарварақларида Аристотель, Платон, Пифагор, Гален, Архимед, Гиппократ, Форобий, ал-Хоразмий, Ибни Сино, Беруний, Коперник, Улугбек каби энг улуғ олимларнинг номлари билан бир қаторда зикр этилади.*

*Маълумки, IX асрда Багдодда машҳур «Байт ул-ҳикма» — ал-Маъмун академияси таъсис этилиб, ўз фаолиятини бошлиди. Бу масканда Марказий Осиёнинг турли шаҳарларидан келган атоқли олимлар кўп ишлар давомида фаолият олиб бориб, қадимий Турон илмий ва маданий анъаналарини қадимги юонон ва Яқин Шарқ анъаналари билан жисплаштириб, сифат жиҳатидан бутунлай янги илмларга асос солдилар. Натижада кейинчалик Мусулмон Ренессанси деб аталмиш улкан илмий ва маданий тараққиёт даври юзага келди.*

*Бу давр ибтидосида бизнинг ватандошимиз, бундан 1200 йил муқаддам гўзал Фарғонанинг Кубо (ҳозирги Куба) шаҳрида таваллуд топган Абул Аббос Аҳмад ибн Мұҳаммад ибн Касир ал-Фарғонийнинг ҳам муборак номи борки, биз бундан ҳар қанча фахрлансанак арзиди.*

*Ал-Фарғонийнинг илмий меросини фақатгина мусулмон Шарқи доираси билан чеклаш мумкин эмас. Унинг Европа ва бутун жаҳон олимларига бўлган таъсири айниқса беқиёсдир.*

*Тарихдан бир далолат борки, унинг ҳам мажозий, ҳам илмий аҳамиятини ҳеч ким инкор этолмайди. Буюк италиян шоири Данте Алигьери «Илоҳий комедия» асарини битган чогида, Дўзах, Аъроф ва Жаннатни тасвир этар экан, уларни жойлаштиришда осмон харитасига асосланган экан. Данте ўзи гувоҳлик бериб ёзади: «Мен бунда Алфраганус илмига асосландим, демакки, бунда ёлғон йўқдир».*

*Христофор Колумб Испаниянинг Колумбино кутубхонасида сақланаётган бир дастхатида ўз саёҳатлари ва тадқиқотларида Ал-Фарғоний илмий меросига таяниб иш кўрганини таъкидлаши бејизс эмас.*

*Ал-Фарғонийнинг «Илми нужум асослари» (Европада «Астрономия асослари» номи билан машҳур) асари ўн иккинчи асрдаёқ арабчадан лотин ва иврит тилларига ўғирилган ва неча юз йиллар давомида Осиё ва Европа мунажжисим олимлари учун ўзига хос қомус вазифасини ўтаган.*

*Буюк ватандошимиз биринчи бўлиб Ер куррасининг доиравий узунлигини, диаметри ва радиусини аниқлаган, Ер меридианлари ҳақидаги билимларга асос соглан, самодаги юлдузларга мукаммал тасниф берган, чуқур математик тадқиқотлар натижасида самовий жисимларнинг баландлиги ва уларгача бўлган масофани ўлчаш жиҳози — устурлобни (астролябияни) қуриш ва ишлатиш илмининг биринчи мукаммал назариясини яратган.*

*Ал-Фарғоний амалиётчи муҳандис сифатида ҳам беназир эди. Унинг лойиҳаси ва фаол иштирокида 861 йилда қайта қурилган, Нил дарёсида сув сатҳини ўлчайдиган «Миқёс ан-Нил» деб аталмиш иншоотнинг Миср ҳалқига асрлар давомида (то Асвон тўғони қурилганига қадар!) хизмат қилгани ва бугунги кунда ҳам буюк ёдгорлик сифатида сақланиб қолгани бу фикримизнинг яққол тасдиқидир.*

*Ал-Фарғоний таваллудининг 1200 йиллиги биз — Ўзбекистон ҳалқи учун катта сиёсий ва маърифий аҳамиятга эга. Биз бу санани давлатчилигимиз ва илму маданиятимиз тарихини, мустабиқ тузум йилларида ноҳақ унүтилган буюк ажсадодларимизнинг муборак номларини қайта тиклашдек олижсаноб ишининг узвий бир қисми деб биламиз.*

*Ал-Фарғоний таваллудининг ЮНЕСКО қарори билан ҳалқаро миқёсда кенг нишонланиши унинг илмий мероси бўйича янгидан-янги тадқиқотларга турткি бўлиши, умумбашарий фан ва маданият тарихини янада бойитиши шубҳасиздир.*

**Ислом Каримов,  
Ўзбекистон Республикаси Президенти**

## СҮЗ БОШИ

ЮНЕСКО қарори билан 1998 йилда Марказий Осиёнинг ва умуман бутун Шарқнинг буюк алломаларидан бири Аҳмад ибн Муҳаммад ибн Касир ал-Фарғоний таваллудининг 1200 йиллиги кенг нишонланадиган бўлди. Шу муносабат билан Ўзбекистон Республикаси Вазирлар Маҳкамаси Аҳмад ал-Фарғоний юбилейига тайёргарлик кўриш ва уни ўтказиш тўғрисида маҳсус қарор қабул қилди.

«Биз бирор аждодимизнинг тўйини ўтказсак, – деганди Ўзбекистон Республикаси Президенти Ислом Каримов, – бунга унинг миллатимиз равнақи учун қилган ишлари, тарихимизда тутган ўрни сабаб бўлади»<sup>1</sup>.

Ал-Фарғоний юбилейини жаҳон миқёсида ўтказиш масаласини ЮНЕСКО олдига кўйиш ҳам мамлакатимиз ва халқимизнинг бугуни ва эртаси ҳақидагина эмас, балки унинг тарихини ўрганиш тўғрисида ҳам тинмай ғамхўрлик қилаётган юртбошимиз Ислом Каримовнинг шахсий ташаббуси билан бўлди.

Ал-Фарғоний IX аср бошларида, ҳақиқий илмлар энди илк қадам қўяётган бир пайтда илм оламига кириб келди ва унга ўзининг салмоқли ҳиссасини қўшди. У ўзи асли фарғоналик бўлса ҳам, ўша даврнинг илмий ва адабий тили бўлмиш араб тилида ижод этди ва бу билан нафақат арабларни, балки бутун ислом оламини ўзининг илмий ютуқлари билан таништирди. Ал-Фарғоний тарихда астроном сифатида ном қолдирди, ўзининг астрономик асарлари туфайли Оврупода ҳам танилди. У ерда олимнинг номи лотинчалаштирилган Алфраганус шаклида шуҳрат қозонди ва Оврупо маданиятида асрлар давомида ўз ўрнига эга бўлди.

Ал-Фарғоний асарлари асосан астрономияга бағишлиган бўлса-да, математика, география ва этнография фанлари, геодезия ва муҳандислик ҳам унинг ижоди ва фаолиятида катта ўрин эгаллаган эди. Мана, 1100 йилдан зиёд вақтдан бўён Миср мамлакатининг пойтахти Қоҳирада у

ихтиро этган сув сатхини ўлчаш жиҳози – «Миқёси Нил» – нилометр сақланиб турибди. Мисрликларнинг айтишича, бу жиҳоз яқин йилларгача, яъни Асвон тўғони барпо қилингунига қадар, Миср аҳолисига хизмат қилиб турган. Демак, узоқ Фарғонадан келган ал-Фарғонийнинг Миср халқига хизмати ниҳоятда улкандир.

Ушбу китобда олимнинг ватани Фарғона минтақаси тарихи ҳақида маҳсус тўхталиб ўтамиз, чунки Аҳмад ал-Фарғоний билим асосларини ўз юртида олиб, шу ерда олим бўлиб шаклланган.

Албатта, ал-Фарғоний ўз даврининг маҳсули ва фарзанди эди. Бинобарин, ўша давр ижтимоий ҳаёти ва илмий муҳити ал-Фарғонийнинг фаолиятида катта аҳамият касб этган.

Ал-Фарғоний ҳақида фикр юритилар экан, у яшаган давр илмий муҳитини Марказий Осиёлик Муҳаммад ал-Хоразмий, Аҳмад ал-Марвазий, Аббос ал-Жавҳарий, Холид ал-Марваррудийлар каби қатор олимларимизсиз тасаввур қилиб бўлмайди. Халифаликдаги ва умуман ўрта асрлар Шарқидаги юксак илмий ўзгариш ва мисли кўрилмаган тараққиёт пойдевори IX асрнинг аввалги учдан бир қисми давомида халифа ал-Маъмун даврида кўйилди. Ал-Фарғоний ўша пойдеворни кўйган олимларнинг энг илғорларидан бири эди. Зоро, давлатимиз бошлиғи Ислом Каримов таъкидлаганларидек: «Ҳар қандай цивилизация кўплан-кўп халқлар, миллатлар, элатлар фаолиятининг ва самарали таъсирининг маҳсулидир»<sup>2</sup>.

Ал-Фарғоний билан бизнинг давримиз орасида ўн икки аср вақт ётибди. Бу орада илм-фан аллақачонлар юксалиб, IX асрдаги доирасидан чиқиб кетган, албатта. Лекин шуниси ҳақиқатки, агар IX асрдаги пойдевор бўлмаганда, илм ҳозирги даражада бўлмаслиги ҳам мумкин эди. Худди шунинг учун ҳам миннатдор авлодлар буюк олимнинг бир минг икки юз йиллик юбилейини нишонлайдилар.

## Биринчи боб

### ВАТАНИ

Халқимизда Ватан тушунчаси муқаддасдир. Узоқ ўтмишда бизнинг муқаддас еримиздан қанчадан-қанча буюк алломалар зухур этди. Улар турли сабабларга кўра ўзлари туғилиб ўсган масканларини тарк этиб, олам кезгандар. Уларнинг баъзилари пировард натижада яна ватанга қайтиб келганлар. Кўплари эса бир кетганча қайтиб келмай, бошқа юртларда кўз юмганлар. Лекин дунёning қаерида бўлмасинлар, улар ал-Хоразмий, ал-Бухорий, ал-Фарғоний, ал-Термизий, ал-Форобий, ан-Насафий, ас-Самарқандий, аш-Шоший деб аталиб, ватан номини гуур ила ўз исмларида олиб юрганлар. Улар шу номлар билан дунё миқёсида шуҳрат қозонганлар, Осиё ва Оврупода маълум ва машхур бўлганлар. Ал-Хоразмий, ал-Фарғоний, ал-Форобий исмларининг Алгоритми, Алфраганус, Алфарабиус деб лотинча аталиши бунинг далилидир.

Шарқона ал-Фарғоний исмида ҳам, фарбона Алфраганус исмида ҳам Фарғона атамаси англашилиб турибди. Ҳа, Фарғона унинг ватани эди.

Фарғона... Нақадар оҳангдор сўз. Қанчадан-қанча шоирлар уни шеърларида, бастакорлар мусиқаларида тараннум этганлар. Бу маскан ҳақида фанда қандай маълумот бор экан, кўрайликчи...

Фарғона водийси – Марказий Осиёning тоғлар билан ўралган қисми. Шимол тарафдан у Тиёншон, жанубдан Ҳисор-Олой тоғ тизмалари билан ўралган. Узунлиги шарқ-фарб йўналишида 300 км га чўзилган, эни энг кенг жойда – шимол-жануб йўналишида 170 км ни ташкил қиласиди. Водий шарқда даралар ва сўқоқлар орқали Шарқий Туркистон ва Хитой билан, фарбда Ўратепа ва Ховос йўли орқали Жиззах чўли ва Зарафшон водийси билан боғланган. Шу билан бирга Фарғона водийси Чирчиқ, Оҳангарон дарёлари ҳавзаси ва Тошкент воҳаси билан ҳам қадимдан узвий алоқада бўлган. Табиийки, бу алоқа ва боғланишлар узок

вақтлар давомида Фарғона маданиятининг шаклланишига ижобий таъсир этган.

Сўнги ўн йилликларда Фарғона водийсининг Сўх сойи бўйидаги Селенгур горида олиб борилган археологик тадқиқотлар натижасида у ерда бундан 700–500 минг йил мұқаддам инсон яшагани аниқланди. Ҳатто топилган одам қолдиқларига кўра у ерда яшаган инсонга «Фарғантроп» деган маҳсус ном берилди<sup>3</sup>. Демак, Фарғона водийси инсон шаклланган энг қадимги ҳудудлардан ҳисобланади. Бу макон жуда қадим замонлардан деҳқончиликка мослашган, чунки бу ернинг табиати ilk тарихий даврлардаёқ инсонни ўтроқликка ундалган. Ҳақиқатан ҳам, деярли чор атрофдан тоғлар билан ўралган, айтарли катта бўлмаган географик ҳудудда қудратли сув оқими – Сирдарёning ва Норин, Қорадарё, Куршоб, Оқбура, Аравон, Исфайрам, Сўх, Испара, Қора унғур, Кўгарт, Косонсой ва бошқа катта-кичик ирмоқлар, дарё ва дарёчалар, сойларнинг мавжудлиги инсон тарихининг ilk даврларидаёқ уни шу сойлар ва сувлар бўйига ундалган. Серунум ерлар ва ўсимликка бой жойлардан ўтиб келадиган бу сувлар инсонни арzon озуқа билан таъминлаган.

Бу маконнинг фақат инсон томонидан яратилган ўсимлик дунёсигина эмас, балки Фарғонага туташган Кетмонтепа, Олой ва Чотқол каби кўкатга бой яйлов ва ўтлоқлар ҳам қўшни жойлардан кўчманчи чорвачиларни ўзига жалб қилган.

Тоғ ёнбағирлари ва, айниқса, Фарғона тоғ тизмаси ёнбағирларидаги ўрмонлар ўз табиатининг илиқлиги ва мева-чева ҳамда озиқ-овқатга бойлиги билан инсон яшashi учун мисли кўрилмаган қулай ўчоқлар яратади. Бу ерда тоғ даралари ва уларда горларнинг кўплиги, демак, тури табиий оғатлар ва ёғинлардан муҳофазаланиш мумкинлиги, ҳар хил асбоб ва қурол ясаш учун керакли нарсаларнинг мавжудлиги ҳам ибтидоий даврлардаёқ инсон аждодларини ўзига жалб қилган. Селенгур гор-маконининг топилганилиги бунга ёрқин мисолдир. Ундан ташқари Қашқайўл, Норин, Кетмонтепа, Арслонбоб дарё ва дарёчалари йўлларидағи Сулаймонтоғ, Айирмочтоғ, Қатронтоғ, Мўғултоғдаги ва бошқа жойлардаги қатор горлар, ҳозирча уларда инсон изи топилмаган бўлса ҳам, инсон яшashi учун қулай макон бўлган. Бўлажак археологик тадқиқотлар буни тасдиқлашига ишончимиз комил.

Во тийда инсон тарихининг илк овчи-йиғувчилик даврига хос ашёвий далиллар ҳозирча фақат Селенгур төғидан топилган бўлса, илк деҳқончиликдан дарак берувчи ашёлар анчаг ینа. Улар сўнгги неолит ва ҳатто илк жез даврига, яъни мілоддан аввалги (бундан буён — м.а.) VI — IV минг йилликларга хос бўлиб, ҳозирги Андижон ва Наманган вилоятлари чегарасида, Ҳаққулободдан шимолроқдаги қадимги Эйлатон шаҳарчасида ва Норин жамоа хўжалиги ҳудудида топилган. Бу топилмаларга кўра, қадимда ушбу маконда яшаган одамларга деҳқончилик маданияти хос бўлиб, улар дон етишириш ва боғдорчилик билан шуғулланганлар. Топилган ашёларга кўра, Фарғона маданияти худди ўша даврдаги Яқин ва Ўрта Шарқ маданиятидан паст бўлмаган. Бу ерда деҳқончилик билан шуғулланилганлиги шубҳасиз, лекин мазкур ерларда сугориш иншоотларисиз деҳқончилик қилиб бўлмасди. Демак, Фарғона одамлари турли катталиктаги ариқлар қазищдан хабардор бўлганлар ва қазий олганлар ҳам. Бу эса жамоа уюшқоқлиги юксак даражада бўлишини талаб қиласди. Демак, ижтимоий тузум ҳам илк давлат тузилиши арафасидаги уюшганлик даражасида бўлган.

Мазкур одамлар дон янчиш учун тош янчгичдан фойдаланганлар, донни сақлаш ва пишириш учун эса лойдан идишлар ясаганлар. Идишлар ярим думалоқ шаклда бўлиб, сирти суюқ лой қатлами билан қопланган, унинг устидан сарик, қизил ва жигарранг минерал бўёқ билан геометрик шаклдаги расмлар чизилган. Идишни ўчоқقا қўйиш кулаг бўлиши учун уни думалоқ шаклда ясашган. Бундай идишлардан, одатда, кўпроқ қўчманчи чўпонлар фойдаланганлар. Бинобарин, бундан, Фарғонадаги илк одамларнинг йирик подалари бўлган ва ахолисининг қандайдир қисми чўпонлик билан шуғулланган, умуман унинг ахолисининг қўчманчилик маданиятига ҳам қандайдир алоқаси бўлган, деган холосага келиш мумкин.

Фарғонада чорвачилик билан деҳқончилик шу тариқа илк даврдан мавжуд бўлган бўлса ҳам, бу маданият минг йиллар давомида шу макон тарихининг асосий хусусиятини ташкил қилиб келди.

Водий деҳқонларининг тинч ҳаёти аҳён-аҳёнда тоғ даралари ва жарликлари орқали келган қўчманчиларнинг босқини натижасида бузилиб турарди. Улар деҳқонларнинг ясилий ва ялангликларнинг чеккаларидаги хўжаликларини,

яшаш жойларини вайрон қилар эдилар. Кўчманчилар ясси-текисликларнинг баъзи ерларида ва чеккаларида узоқ муддаттагача устунлик қилиб турдилар. Бироқ аста-секин улар ясситеқислиқдаги ўтроқ аҳоли томонидан тоғ этаклари ва дараларига сиқиб чиқарилди. Ўтроқларнинг кўчманчилар устидан эришган устунлиги Шарқий Фарғонада Жалолобод яқинидаги тошга битилган расмларда ўз аксини топган. Бу қоя расмларининг композицияси, техникаси ва ташқи кўринишини таҳлил қилиш натижасида улар ми-лоддан аввалги II — I минг йилликлар оралиғига тўғри келади, деган холосага келинган<sup>4</sup>. Бу расмлар, одатда, қадимги Эронда м.а. VI — IV асрларда Аҳоманийлар сулоласи даврида тошга битилган расмларга ўхшатилади. Ҳар ҳолда Фарғона расмлари бажарилиш техникасига кўра жуда қадимиyllиги шубҳасизdir. Хуллас, Шарқий Фарғонадан то-пилган, қояга битилган расмлар сирли-маъбутий маросими-ни ўзида акс эттириб, Фарғонада ўша даврда деҳқончилик пайдо бўлганини англатади ва, шу билан бирга, чорвачи-лик ҳамда овчиликнинг аҳамияти катта бўлганлигидан гувоҳлик беради.

Аравондаги қояда топилган, м.а. V — IV асрларга таал-луқли расмларда одамлар билан бирга ёввойи ҳайвонлар тасвиrlанган. Бу расмлар ҳам маъбутий характерга эга. Унда ҳайвонларнинг кўпайиши ва муваффақиятли ов манзара-ларидан иборат диний характердаги тасвиrlар келтирилган. Яна ўша ерда топилган м.а. III — I асрларга хос бир расмда машхур Фарғона отларининг кўпайиши билан алоқадор ман-зара тасвиrlанган. Аравон расмлари далолат беришича, у даврда Фарғона аҳолиси ҳаётида ёввойи ва хонаки ҳайвон-ларнинг аҳамияти катта бўлган.

Шундай қилиб, бу қоя расмлари м.а. I минг йиллик ўртаси ва иккинчи ярмининг бошларига тўғри келади. Худди ана шу даврдан бошлаб Фарғона ва унинг атрофларида-ги қабилалар, халқлар ва давлатлар ҳақидаги хабарлар ёзма манбаларда учрай бошлайди. Марказий Осиё ҳақидаги энг қадимги ёзма хабарлар қадимги форс подшоларининг ёзувларида ва юонон тарихчиларининг асарларида келтири-лadi. Бу ёзма хабарларнинг энг қадимгиси м.а. VI аср ўрта-сига ва иккинчи ярмига тааллуқлидир. Милодий I — IV асрларда ва ундан бироз кейин Марказий Осиё халқлари ҳақида янада кўпроқ хабарлар келтириллади. Лекин бу ёзма хабарларнинг бирортасида Фарғона номи тўғридан-тўғри

тилга олинмайди. Масалан, қадимги юонон тарихчиси Геродот (м.а. 486 – 424 йиллар) Эроннинг Аҳоманий шоҳларига қарам срлар ва халқларни қайд этиб, ўнинчи сатрапияга (мулкка) париканийлар ва ортокорибантийлар киришини ва улар шоҳга ҳар йили 450 талант кумуш солиқ тўлашларини айтади<sup>5</sup>. Лекин бу кўрсатилган қабила ё элатлар қандай мамлакат ёки юртда яшашини аниқ айтмайди. А.Н. Бернштамнинг талқинига кўра, ортокорибантийлар – Беҳистун Эрон ёзувларида эслатилган «сака тиғраҳауда», яъни «учли қалпоқли саклар» қабиласи бўлиб, улар Сирдарёдан шарқроқда яшаганлар<sup>6</sup>. Бундан ташқари Марказий Осиё сакларининг яна икки қабиласи бўлган, улар – «сака тиамтара дарая», «дарё (ёки денгиз) ортидаги саклар» ва «сака ҳаумаварга (ёки амургий)», яъни «ҳаума (яъни май) қайнатувчи саклар». А.Н.Бернштам бу кейинги икки қабилани ҳам Сирдарёдан шарқроққа, яъни Фарғона водийсининг шимоли-шарқий қисмига «жойлаштиради».

Геродот эслатган иккинчи қабила – париканийларга келсак, м.а. I асрда яшаган Рим тарихчиси уни париканлар деб атайди<sup>7</sup>. Яна А.Н.Бернштамнинг айтишича, «Фарғона» атамаси ана шу париканларнинг номидан келиб чиқади ва аслида бу атама «Паргона» бўлиб, бу сўз маҳаллий халқнинг тилида «тоғлар орасидаги водий» маъносини англатган. Бу ҳолда ҳақиқатан ҳам водийнинг ҳар томондан тоғлар билан ўралганлиги қайд этилиб, унинг асл номи «Паргона» бўлиб, кейинчалик араблаштириш натижасида у «Фарғона» шаклини олган, дейиш мумкин. Кейинчалик юзага келган Хитої манбаларида келтирилган водий номларининг бири «Палона» эканлигига ҳам «Паргона» номи шаклига яқинлик сезилади.

А. Н. Бернштам «Паргона – Фарғона» идентификацияси гоясини илгари сурган бўлса ҳам, антик муаллифлар, яъни юонон, лотин муаллифлари Фарғонани билмаганлар, деган узил-кесил хulosага келади.

Рус тарихиси Н.Г.Горбунова бу масалага бир мунча чукур ёндошади. У юонон ва римликлар Фарғонани билмаганликларини эътироф этиб, бунинг асосий сабаби м.а. VI – IV асрлардаги ҳарбий юришлар асносида форс лашкарлари ҳам, юонон фаланглари ҳам бу водийнинг ичкари ерларигача этиб бормаганликларида, деб кўрсатади<sup>8</sup>. Бундан ташқари, унинг айтишича, юонон муаллифлари бу ерларнинг аниқ географик ўрнини билмаганликлари учун

Фарғонани бошқа ерларга қўшиб кўрсатган бўлишлари мумкин. Хусусан юон муаллифларининг Оврупо билан Осиё туташган жой ҳақидаги тасаввурлари аниқ бўлмаганлиги учун Дон билан Сирдарёни битта дарё деб қараб, иккисини ҳам Танаис деб атаганлар. Шу тариқа Сирдарёнинг шимолидаги ерлар Скифияга, жанубидаги ерлар Кавказга қўшиб кўрсатилган. Бу хато хусусан Геродотда юз берган. Баъзи хабардорроқ муаллифлар Фарғона водийсининг Сирдарёдан шимолдаги қисмини эса Скифияга, жанубдаги қисмини Суғдга қўшганлар. Юон муаллифларининг яна бир тоифаси Фарғонани умуман Бактрия ёки ҳатто Ҳиндистоннинг бир қисми деб қараган.

Умуман хulosса қилиб шуни айтиш мумкинки, антик муаллифлар Фарғонанинг фарбий қисмидан, яъни ҳозирги Ҳўжанд ва унинг атрофларидан хабардор бўлганлар. Бу хабардорлик Александр Македонский (Искандар Зул-Қарнайин)нинг бу ерга м.а. 327 йилги юриши билан боғлиқ. Бу хабарни Ариан (90 – 175 йиллар) келтиради. Лекин у ҳам Фарғона ёки шунга ўхшаш атамани келтирмайди.

Юқорида айтилганлардан, Фарғона қадимги дунёning халқаро сиёсий фаолиятида муҳим аҳамиятга молик бўлмаган, деган хulosса келиб чиқмаслиги керак. Фарғона қадимда халқаро ишларда ўзига хос фаол бўлганлигидан гувоҳлик берувчи далиллар ҳам бор. Бу фаоллик Искандарнинг Шарққа юришидан кейин бу ерда юз берган сиёсий вазият билан боғлиқ. Маълумки, Искандар ўлимидан бироз вақт ўтиши билан у барпо қилган улкан империя парчаланади. Империянинг Ўрта денгиздан Марказий Осиёгача бўлган қисми алоҳида улкан бир давлат тарзида шаклланади ва Искандарнинг ҳамроҳларидан бири Селевк Никатор (м.а. 281 – м.а. 261 йиллар) ҳокимият тепасига тахтга келади<sup>9</sup>. У барпо қилган Селевкийлар давлати айтарлик узоқ ҳукм сурмайди. М.а. 246 йили Селевкийларнинг Бактриядаги сатрапи (ҳокими) Диодот исён кўтариб, мустақилликка эришади<sup>10</sup> ва шу тариқа қарийб бир аср ҳукм сурган Грек-бактрия давлати (м.а. 246 – 140 йиллар) юзага келади. Искандар давридан бошлаб қадимги Ҳўжанднинг аҳамияти ошади. Водийнинг фарбида жойлашган бу шаҳар Эроннинг Аҳоманий шоҳлари сулоласидан биринчи шоҳи ва улар давлатининг асосчиси Кюруш (м.а. 538 – 529 йиллар), яъни Кайхусрав валий томонидан чегаравий қалъа сифатида барпо қилинган. Юон манбаларида бу шаҳар Кирэсхата ва Ки-

ропол номи билан маълум бўлган. Искандар Зул-Қарнайн м.а. 327 йили Сирдарё бўйига келганида бу қалъани қайта тиклаб, Александрия эсхата, яъни Узоқ Искандария, деб атаган. Селевкий подшоҳларидан Антиох I (м.а.281 – 261 йиллар) даврида шаҳар яна таъмирланиб, Антиохия деб атлади.

Ҳарбий-стратегик аҳамияти катта бўлган бу шаҳар юнонлар даврида қайта-қайта таъмирланиб, навбатдаги подшоҳноми билан аталиши бежиз эмас эди. Селевкийлар ҳам, грек-бактрия подшоҳлари ҳам қалъа-шаҳарнинг мавқеини сақлаш учун ўхтин-ўхтин водийнинг марказий ва шарқий йўналишларида зуфум қилиб турғанлар. Хусусан грек-бактрия подшоҳи Евтидем I Фарфона орқали Шарққа катта юриш қилгани ҳақида хабар бор. Лекин бу воқеалар йили ва жойи кўрсатилган аниқ маълумот бирор солномада етиб келмаган.

Ҳозирги баъзи тадқиқотчилар Кирэсхатани Ўратепа, Антиохияни яна бир бошқа шаҳар дейишларини ҳақиқат сифатида қабул қилинса, у ҳолда м.а. VI – II асрлар оралиғида ёқ Фарғонанинг гарбида бир йўла уч машхур шаҳар бўлган ва ўша даврларда ёқ Фарғона тарихга анча маълум бўлган, деб хulosha чиқариш мумкин.

Фарғонанинг тарих саҳнасига чиқишининг яна бир омили – м.а. II аср ўрталарида Грек-бактрия давлати яксон қилиниб, Марказий Осиёнинг талай қисмида Кушон давлатининг таркиб топиши бўлди. Кушон подшолиги қадимги даврнинг анча сирли ва кам маълум давлатларидан ҳисобланади. М.а. II асрнинг биринчи ярмида ё Хитойда ривожланаётган сиёсий вазиятнинг таъсири натижасида, ёки Грек-бактрия давлатининг парчаланиши туфайли, ёинки бу икки ҳодиса бир вақтга тўғри келганлиги туфайли Марказий Осиёнинг гарбий қисмида кўчманчи ва ярим кўчманчи ҳамда турли ирқ ва тил гуруҳларига мансуб бўлган юежи, усун ва хунн қабила гуруҳлари ҳамда бошқа Тиёншон қабилалари ҳаракатга келиб, улар орасида кушонлар устунликка эришадилар ва Фарғонани ишғол қилиб, Кушон подшолигига асос соладилар<sup>11</sup>. Кейинчалик бу подшолик ҳудудлари Фарбий Ҳиндистонгача ёйилади. Одатда «кушон» номи Хитой манбаларидаги «усун» номи билан бир деб ҳисобланади.

Хитой манбаларida Фарғона учун алоҳида иероглифли атама – «Давань» атамаси бўлган. Ажабланарлиси шуки, бу хитойча номнинг маъноси, бир томондан, юқорида айтил-

ган «Паргона» номининг маъносига яқин бўлса, иккинчи томондан, у туркча «довон» маъносини ҳам англатиб, бу ҳолда гўё «довон ортидаги юрт» (яъни шарқдан, Хитой тарафидан қарабанданида) маъносини ҳам англатган.

М.а. II асрда Хитойда ипак олишнинг анча унумли усули ихтиро қилиниб, бу қимматбаҳо маҳсулот катта ҳажмда тайёрланада бошланди. Шу пайт хитойликларнинг хорижий бозорга эҳтиёжи фоят ортиб, Хитойнинг ўша даврдаги қудратли императори Ву-ди «Буюк ипак йўли»ни очиш мақсадида фарбга Чжан Цян бошчилигида экспедиция уюштиради. Бу экспедициянинг илмий аҳамияти ниҳоятда катта бўлиб, унга фарб мамлакатларининг йўллари, ҳаёт тарзи, ижтимоий-ҳарбий тузуми, қудрати ва имкониятларини билиб, алоҳида дафтарда тавсифлаш топширилган эди. Чжан Цян шу мақсадда Фарғонада икки марта — м.а. 136 — 128 ва 115 йилларда бўлади. У император юклаган вазифани шараф билан бажариб, Фарғона ҳақидаги энг биринчي мукаммал ва қимматли тавсифни қолдиради. Унинг айтишича, ўша пайт Фарғонада етмишга яқин катта-кичик кентлар бўлган ва улардаги аҳолининг сони бир неча юз мингга етган. Чжан Цян фарғоналикларнинг дехқончилик мадданияти, ишлаб чиқариш ва ижтимоий муносабатлари юқори бўлганлигини тан олган. Фарғоналиклар асосан ўтроқ бўлиб, дехқончилик билан шуғулланганлар, шоли ва буғдой етиштирганлар. Фарғонада кўплаб «самовий» отлар борлиги, бу отлар учун маҳсус ем сифатида беда стиширилиши ва узумдан тайёрланган майнинг ҳаддан зиёд кўплиги уни ҳайратга солган. Ҳақиқатан ҳам, м.а. II асрда Фарғонада 10000 хум, яъни қарийб 1000 тонна май етказиб бераолган яккахўжаликлар бўлганлиги XX аср охирида ҳам кишиларни ҳайратга солади. Бу хабар дикқат билан таҳлил қилинса, бундай хўжалик эгаси бўлган шахснинг бир неча юз гектар узумзори бўлгани ва бундай катта ерда катта ҳажмдаги ишларни бажарувчи кўплаб хизматкорлари ва от-уловлари бўлганини тан олиш керак бўлади. Шуни ҳам айтиш керакки, Чжан Цян ва унинг баъзи замондошлари Фарғонадаги ижтимоий тузум тосинфий бўлиб, фарғоналиклар металл ва пулни билмасликларини айтганлар. Бу хабар Фарғонага ёт киши сифатида келган, маҳаллий тилни билмайдиган хитойликнинг нуқтаи назари эканлигини унутмаслик керак. Балки у юрган йўлларда хитойлар ҳаётига мос бўлган нарсалар учрамагани учун унга шундай бўлиб кўрингандир.

Қадимдан қофоз ёки ёғоч пулга ўрганган хитойлик учун Фарғонада бундай нарсанинг йўқлиги ажабланарли кўрингандир. Сирдарёдан шимолроқдаги кўчманчи саклар м.а. VI – IV асрларда ёқ пўлатдан ясалган «ақинак» деб аталувчи ханжар билан куролланганликлари тарихдан маълум. Марказий Осиёning кўплаб қадимги манзилларида олиб борилган археологик қазишларда м.а. IV – II асрларга оид металл пуллар топилган. Бинобарин, баъзи манбаларнинг Фарғонада синфий тузум, металл ва пул бўлмаган, деган хабарига ишонавермаслик керак. Чунки худди шу манбанинг ўзи Фарғонада м.а. II асрда ўта йирик яккахўжаликлар мавжуд бўлгани, бу хўжаликлар, манбадаги маълумотларга зид ўлароқ, феодализмга яқин бўлганидан далолат беради.

Хитойларнинг м.а. I асрда ток ва беда, наслдор «самовий» от етиширишни Фарғонадан ўрганганликларининг ўзи ёқ гўёки «тосинфий» бўлган Фарғона тузумининг қадимдан синфий бўлган Хитойга нисбатан қандайдир устунлиги бўлганлигидан далолат беради. Ҳар ҳолда, жуда қадимги маданиятга эга бўлган Хитойнинг Фарғонадан моддий ҳаётнинг қандайдир тарафини ўргангани диққатга сазовордир.

Фарғонадаги энг қадимги шаҳарлар ҳақидаги маълумотлар ҳам Хитой манбаларида қелтирилади. Юқорида айтганимиздек, Хитой манбаларида м.а. II асрда Фарғонада 70 та кент бўлганлиги қайд этилади. Бу кентлар ўша даврнинг шаҳарлари эди, чунки улар шаҳарларга хос бўлган ташқи ва ички деворга, ўз маъмуриятига эга эди. Ана шундай шаҳарлардан бирининг харобалари ҳозир Андижон вилоятининг Марҳамат туманида сақланган. Асли маҳалий номи Арист бўлиб, хитойлар Эрши деб атаган бу шаҳар қадимги Фарғонанинг пойтахти бўлган. Шаҳар ички қисми деворларининг харобалари яхшироқ сақланган, у тўғри тўртбурчак шаклида бўлиб, узунлиги 700 м ва эни 500 м ни ташкил қилган. Шаҳар ташқи деворининг ўрни жуда кам сақланган. Лекин шаҳар ички деворининг ўлчамлари ёқ унинг етарли даражада катта шаҳар бўлганлиги ҳақида тасаввур ҳосил қилиш имконини беради. Хитой манбаларида Фарғона шарқидаги яна бир шаҳар – Ю (Ўзганд) ҳақида ҳам анча аниқ маълумот бор. Бу маълумотларга кўра, қадимги Ўзганднинг тузилиши ҳам Арист-Эршининг тузилишига ўхшаш бўлган. Фарғонадаги м.а. IV – II асрларда, яъни кушонлар хукмронлиги ўрнатилгунига қадар бўлган шаҳарларнинг ҳаммасига умумийлик хос бўлиб, бу улар-

да ички ва ташқи деворнинг мавжудлиги эди. Бу шаҳарларда сак, усун (ёки хиосион)ларнинг ўтроқлари яшаган, тоғ ёнбағирларида эса кўпроқ кўчманчи чўпонлари яшаган. Лекин шаҳар аҳолисининг ҳаётида ҳам уй ҳайвонларининг, айниқса, отларнинг аҳамияти катта бўлган. Шаҳаркентларнинг икки қават қўрғон-девор билан уралганлиги, лекин уларда аҳоли яшайдиган уйларнинг камлиги бу кентлар узоқ ўтмишда ҳарбий ўрду сифатида юзага келганидан далолат беради. Шаҳар аҳолисининг асосий машғулоти дехқончилик ва чорвачилик бўлса-да, уларнинг ҳаммаси ҳарбий ҳолатга мослашган отлиқ аскарлар ҳам эди.

М.а. II аср охирида Фарғонага хитойлар икки марта ҳарбий юриш уюштирадилар. Бу юришлар натижасида воийнинг шарқидаги шаҳарлар, айниқса, Ўзганд ва Эрши катта талафот кўради. Эрши эса пойтахтлик аҳамиятини йўқотади. Хитой юришларидан бироз аввал Марказий Осиёда Грек-бактрия давлати тугатилиб, кушонлар подшолиги ҳукмронлиги ўрнатилганди. Бу давлатнинг асосий ўзаги Фарғона бўлиб қолади. Фарғонанинг шимолида кушонлар янги пойтахт барпо қилиб, уни ўз номлари билан Кушон деб атайдилар. Пойтахт учун жой шу қадар қулай танланадики, у кўп-марталаб харобага айлантирилса ҳам янгидан тикланаверади ва ҳатто ҳозирги кунгача, бироз ўзгарган бўлса ҳам, ўз номини Косон шаклида сақлаб қолади. Лекин ундан 200 йил аввал кушонлар Фарғонада ўз ҳокимиятларини ўрнатиш билан гарб ва жануб йўналишида ҳарбий юришларини давом эттирадилар, аммо бу воқеалар Фарғона ҳудудидан ташқарида юз беради. Фарғонада кушонлар бу ерларга м.а. I аср ўрталарида кириб келган ҳуннлар билан муросай мадора қилишга мажбур бўладилар. Ҳуннлар эса кушонлар билан узвий маданий ва иқтисодий мулоқотга киришадилар. Афтидан, м.а. I аср ўртасидан, ҳуннлар келиши билан Фарғона аҳолисининг турклашиш жараёни боishланади. Ҳудди шу вақтнинг ўзида кушонлар давлати ҳудудлари кенгайиши билан бирга Марказий Осиё ҳалқларининг ўзаро мулоқотлари кучайиб, маданиятда ҳам умумийлик орта боради. Бу ҳодиса Фарғонага зардуштийлик – оташпарастлик динининг сингишига олиб келади. Афтидан, бу ҳодиса суғдларнинг тъсиридан далолат беради.

Милод бошларидан ҳуннларнинг Фарғонага сингиши янада кучаяди ва бу жараён кейинги асрларда ҳам тўхта-

майди. Шу билан бирга күшонларнинг аҳамияти борган сари пасайиб, улар аста-секин турклаша боради. VI асрга келиб күпчөнлар Фарғонанинг ҳам сиёсий, ҳам маданий саҳнасидаи абадий кетадилар. Лекин улар Фарғона маданияти ва тарихида чукур из қолдиргандилар. Кўп тадқиқотчилар эътироф этишича, Фарғона аҳолисининг талай қисми бу ерларга этник турклар келишидан анча аввалроқ тил жиҳатидан турклашиб бўлганди. Бу жараён күшонлар даврида ҳам, хоқонлик даврида ҳам водийнинг шарқида фарбидагига нисбатан кучли бўлганини ҳозирги этник харитадан ҳам кўриш мумкин.

VI асрда Турк хоқонлиги юзага келиши билан Фарғона тарихида муҳим ўзгаришлар юз берди. Ўша аср ўрталарида Марказий Осиёнинг шарқида турк қабилалари бирлашиб, Ашина уруфи бошчилигига Турк хоқонлигига асос солдилар. Даставвал бу давлат таркибиға фақат Мўғулистон ва Хитойнинг шимоли киради. VI аср охирига келиб, бу давлат ҳудудлари Қора денгизга қадар кенгайди. Хоқонлик юзага келиши биланоқ иккига: Шарқий ва Farбий турк хоқонлигига бўлинган эди. Марказий Осиёнинг Farбий қисми, жумладан, Фарғона Farбий турк хоқонлиги таркибиға киради. Турклар, ҳамма жойларда бўлгани каби, Фарғонада ҳам маҳаллий аҳоли ҳаётига қаттіқ аралашмайдилар. Шу билан бирга Турк хоқонлиги даврида уларга қарам ерларнинг деярли ҳаммасида сұғдларнинг таъсири кучаяди. Фарғонанинг фарбига – Хўжанд ва унинг атрофларига сұғдлар анча аввалроқ таъсиrlарини ўтказа бошлагандилар. Турк хоқонлиги даврида улар Фарғонанинг ички ноҳияларига ҳам кириб бордилар. Сұғдларнинг савдо-сотиқ ишларига мойиллиги кучлилигини билган турклар ипак савдосини бутунлай сұғдарга топшириб қўйдилар. Бундан сұғдлар моҳирлик билан фойдаланиб, Тинч океани соҳилларидан то Қора денгизгача оралиқда ўзларининг кўплаб савдо колонияларини ўрнатадилар. Улар Буюк ипак йўли савдосини бутунлай ўз қўлларига оладилар. Бу савдо йўлининг бир шоҳобчаси Фарғонадан ўтарди. Бу ерда сұғдларнинг таъсири кучли бўлганлигидан далолат берувчи бир ҳужжат мавжуд: Фарғона подшоҳи ҳам Сұғд подшоҳи каби ихшид деб аталади.

Хоқонлик даврида Фарғона шимолидаги Косоннинг аҳамияти ортади. Бу шаҳар турклардан кўйилган подшоҳнинг қароргоҳи бўлади ва турк

подшоҳи каби ябғу (ёки жабғу) деб аталади. Ҳудди шу вақтнинг ўзида Фарғонанинг туб аҳолисидан подшоҳ — ихшид ҳам бўлади. Бу подшоҳлар кушонлар орасидан чиққан сулола бўлиб, III асрдан то VIII аср ўртасигача хукм сурган.

Хитой манбаларида Косондан ташқари иккинчи сиёсий марказ — Хумин эслатилади. Лекин хитойлар бу ном билан қайси шаҳарни атаганлари аниқ маълум эмас. VII аср бошидан иқтисодий марказ сифатида Ахсикатнинг мавқеи ортаборади. Сирдарёning ўнг соҳилида баландликда жойлашган бу шаҳар ҳарбий жиҳатдан яхши қўриқланган бўлса, иккинчи жиҳатдан, у ҳам қуруқлик, ҳам сув йўлида бўлгани учун иқтисодий жиҳатдан анча қулайликка эга эди. VII аср биринчи ярмида бу ерда катта-кичик шаҳарларнинг сони 100 га яқин бўлиб, номи юқорида зикр этилган шаҳарлар уларнинг энг йириклари эди. Шу пайтдан бошлаб Фарғона шаҳарларининг йириклишуви янада кучаяди. Одатда тадқиқотчилар бу ҳодисани туркларнинг ўтроқлашуви билан боғлайдилар. VII аср биринчи ярмидан Фарғона тарихида янги давр — ислом даври бошланади. Албатта, бу пайт араблар ҳали Фарғонага юриш қилмаган эди. Лекин тарихчи Табарийнинг бир хабари фарғоналикларнинг араблар билан тўқнашувда иштирок этганликларидан далолат беради.

Табарий хабаридаги воқеа милодий 643 йилга алоқадор бўлиб, у пайтда араблар Эроннинг Сосонийлар сулоласидан энг сўнгги подшоҳи Йаздигард III ибн Шахриёр билан уруш олиб бораётган эдилар. Йаздигард арабларга қарши урушда ёрдам сўраб Турк хоқонига ва Суғд подшоҳи Гурек хузурига элчи юборади. Лекин ёрдам тезда келавермагач, араблардан қочиб, Амударёning ўнг соҳилига ўтади. Бундан кейинги воқеани Табарий бундай баён қиласи: «Йаздигарднинг элчилари хоқон ва Гурек хузурига боргандарида, уларнинг иккиси ҳам унга ёрдам бера олмадилар. Шунда унинг (шоҳнинг) ўзи қочиб, дарёдан уларнинг тарафига ўтди. Бу гал хоқон қулай фурсат топиб унга ёрдам берди — ахир подшоҳлар бир-бирларига фақат ўз манфаатлари юзасидан ёрдам берадилар-ку. У турклар билан келди ва Фарғона ҳамда Суғд аҳолисидан (аскар) тўплади. Сўнг у улар билан юриш қилди. Йаздигард ҳам Хурсонга қайтиб келиб, юриш қилди: у дарёдан кечиб Балҳда турди. Хоқон ҳам у билан сувдан кечди. Кўфалик-

лар Марваррудга, ал-Аҳнафнинг ҳузурига чекиндилар. Коғирлар эса Балхдан юриш қилиб, Марваррудда ал-Аҳнаф рўпарасида тўхтадилар»<sup>12</sup>.

Кеитирилган иқтибосдан кўринадики, биринчидан, фарғоналиклар сугдлар, турклар билан анча иттифоқлашган. Иккинчидан, Фарғона аҳолиси VII аср биринчи ярмида халқаро воқеаларда фаол қатнашганлиги маълум бўлади. Учинчидан, муаллиф бу ерда Суғд деб Мовароуннаҳрнинг Фарғонадан бошқа барча ерларини назарда тутган, бинобарин, Фарғона Суғд таркибига кирмаган алоҳида жуғрофий ва маъмурий ҳудуд бўлган. Ва, ниҳоят, тўртинчидан, Фарғонанинг ҳам, Суғднинг ҳам ўз подшоҳлари бўлганига қарамай, хорижий масалаларда Турк хоқонига бўйсунгандар ва унга аскар тўплаб беришга мажбур бўлганлар. Табарий турк хоқонининг исмини эслатмаган бўлса ҳам, у Фарбий турк хоқони Тунжабгу эди.

Шуниси диққатга сазоворки, фарғоналиклар 643 йилги воқеада ўз юртларидан анча узоқ бўлган Тажан дарёси (Туркманистонда) юқори оқимидағи Марварруд шахри яқинидаги жангда иштирок этганлар.

Табарий мазкур ҳижрий йилга алоқадор бўлган яна бир қизиқ хабар келтиради. Марварруд воқеасидан сўнг хоқон ўз юртига қайтади. Шунда шоҳ Йаздигард ҳам хоқон билан бирга кетиш истагини билдиради. Лекин унинг баъзи лашкарбошилари бунга кўнмайдилар ва шоҳ билан лашкари ўртасида низо чиқиб, лашкарнинг бир қисми ўрлудан чиқиб, шоҳдан ажралади. Араблар бундан фойдаланиб, шоҳга хужум қиласидар ва уни енгадилар. «У қочди, – деб ёзади Табарий, – ва паноҳ излаб дарёдан (Амударёдан) кечди ва Фарғонага турклар ҳузурига қочди. У ўша тарафда то (халифа) Умар ҳокимлигининг охиригача турди»<sup>13</sup>. Демак, бу хабарга кўра, шоҳ Йаздигард 643 – 644 йилларда бир йилча атрофида Фарғонада паноҳ топган. Йаздигард ўзи билан бирга Фарғонага ҳарамини ҳам, жумладан, балоғатга етган қизини ҳам олиб кетади. Кейинчалик бу қиз араб адабиётида «аруса ал-Фарғона», яъни Фарғона келини номи билан машҳур бўлиб, адабий қаҳрамонга айланади.

Йаздигард Фарғонада подшоҳнинг меҳмони бўлиб, унинг ҳузурида тургани эҳтимол, чунки у 651 йил кузида ёрдам сўраб, «Фарғона подшоҳига мактуб юборади»<sup>14</sup>.

Юқорида айтилганлардан ва бошқа маълумотлардан VII асрда Фарғонанинг халқаро мавқеи анча ортгани кўринади.

Фарона Фарбий турк хоқонлигига тобеъ бўлган эса-да, ўз подшоҳига эга бўлиб, бу подшоҳ – ихшид кўп жиҳатдан мустақил ташқи сиёсат юритган. Фарона ихшиди ташқи сиёсат масалаларида анча маҳоратга эга бўлган кўринади, чунки у айтарлик катта бўлмаган жуғрофий ҳудуднинг ҳокими бўлишига қарамай, Шош ва Суғд подшоҳлари ва Турк хоқони билан коалицияга кириб, гарбда арабларни даф қилиб турган. Шарқда эса Хитой ва Тибет зуғумига қарши курашишга тўғри келди.

618 йили Хитойда янги Тан сулоласи (618 – 907 йиллар) ҳокимият тепасига келади. Янги императорлар ҳокимиятни мустаҳкамлаб олиши биланоқ ғарбга ва шимолга босқинчилик юришларини бошлайдилар. Улар Шарқий турк хоқонлиги ва Фарбий турк хоқонлиги ерларига VII аср ўрталари ва иккинчи ярмида бир неча марта ҳужум қиласидилар<sup>15</sup>. Бу ҳужумлар натижасида улар Фарғонанинг марказий қисмларигача кириб келадилар. Хитойларнинг ғарбга интилишларига фақат 751 йилда Талас яқинидаги жангда араблар чек қўядилар.

VII аср ўрталарида Фарғонага тибетлар ҳам зуғум қиласиди<sup>16</sup>. Фарғоналиклар бу зуғумни ҳам даф этадилар. Фарона подшолиги то VIII аср бошларига қадар шарқ ва ғарбдан бўлган истилоларни муваффақиятли даф этиб, мустақилликни сақлаб туради. Лекин араблар билан аҳвол борган сари оғирлашиб борарди.

Юқорида айтганимиздек, фарғоналикларнинг араблар билан биринчи тўқнашувлари 643 йили Хурсонда бошланган эди. Лекин арабларнинг Фарғонага юришлари анча кейин рўй берди.

651 йил ёзида Эроннинг энг сўнгги Сосоний шоҳи Йаздигард Марвда ўлдирилади. Уни таъқиб қилаётган араблар Марвни эгаллаб, Амударёнинг сўл соҳилига келадилар. Араблар Мовароуннаҳрга биринчи марта 654 йили ўтадилар ва Суғддаги Маймурғ қишлоғига ҳужум қиласидилар. 667 йили араблар дарёдан ўтиб, Чагониёнга (Сурхондарё) ҳужум қиласидилар ва яна халифаликнинг Хурсондаги қароргоҳи Марвга қайтиб кетадилар. Бу ҳужумлар арабларнинг асосан ўлжа олиш учун қилган ҳужумлари эди. Араблар Мовароуннаҳрга бундай ҳужумларини то VIII аср бошларигача давом эттирадилар ва ҳар галги юришдан сўнг улар Марвга қайтиб келадилар. VIII аср бошидангина араб лашкарбoshilari Мовароуннаҳрдаги бой ўлкалар – Суғд, Фарғонага тибетлар ҳам зуғумни ҳам даф этадилар. Фарғоналикларнинг араблар билан биринчи тўқнашувлари 643 йили Хурсонда бошланган эди. Лекин арабларнинг Фарғонага юришлари анча кейин рўй берди.

на, Шош ва Усрушанни бутунлай фатҳ этишга киришади-  
лар. Бу воқеалар Қутайба ибн Муслим номи билан боғлиқ.

704 йили халифа Абдулмалик ибн Марвон Қутайба ибн Муслим ал-Бохилийни ўзининг Хуросондаги ноиби этиб тайинлади<sup>17</sup>. Қутайба Мовароуннаҳр ва Хоразмни забт этишга астойдил киришади. У келгунига қадар араблар Мовароуннаҳрнинг фақат фарби ва жанубини – Суғд, То-ҳаристон, Хуттал ва Чагониённи забт этган эдилар. Лекин бу ерларда ислом ҳали қаттиқ ўрнатилмаган эди. Қутайба аввало Мовароуннаҳрнинг бош шаҳарлари – Бухоро ва Самарқандни забт этишга киришади ва 706 – 711 йиллар орасида бу шаҳарларга бир неча бор юриш қиласи, маҳаллий аҳолининг кўпини қирғин қиласи. Шуниси ажабла-нарлики, 707 йили Қутайба Ромитанга юриш қилиб, орқага – Марвга қайтиб келаётганида унинг лашкари йўлини турклар, сүғдлар ва фарғоналиклар тўсадилар. Қутайбанинг лашкари икки қисмга бўлинib қайтаётган эди: олдинги илфор қисмни Қутайбанинг ўзи бошқарар, ундан бир мунча орқада келаётган лашкар ўғруқини унинг укаси Абдурраҳмон ибн Муслим бошқарарди. Мовароун-наҳрликлар коалицияси ўғруқни енгаёзган эди, уларни Қутайба қутқаради. Бу тўқнашувнинг натижаси қандай бўлганидан қатъи назар, Бухоро яқинидаги жангда фарғона-ликларнинг иштирок этгани диққатга сазовордир.

Манбаларда араб фатҳи даврида фотиҳларга қарши ку-  
рашда Фарғона ва фарғоналикларнинг мавқеи ва роли  
катта бўлганлиги ҳақида қатор хабарлар келтирилади. 712  
йили Қутайба Самарқандни қамал қилганида Суғд под-  
шоҳи Гурек Шош (Тошкент) подшоҳи ва Фарғона ихши-  
дига мактуб йўллаб, унда: «Агар араблар бизни енгсалар,  
кейин сизларга ҳам бизларга келтирсанларини келтиради-  
лар. Шунинг учун ўзингизнинг ғамингизни енг», – деб  
ёzáди. Шунда Шош ва Фарғона ҳокимлари дарҳол ёрдамга  
келадилар<sup>18</sup>. Гурек турклар, шошликлар ва фарғоналиклар-  
дан иборат катта лашкар билан Қутайбага қарши чиқади  
ва қатор жангларда ғалабага эришади<sup>19</sup>.

713 йили Қутайба биринчи марта Шош ва Фарғонага  
юриш қиласи. Бухоро, Каш, Насаф ва Хоразмдан янги  
мусулмонлардан тўпланган йигирма минг кишилик қўшинни  
у Шошга юборади. Ўзи эса лашкарнинг кўпроқ араблар-  
дан иборат асосий қисми билан Фарғона тарафига йўл ола-  
ди. Қутайба аввал Ҳўжандга яқин келиб, уни қамал қила-

ди. Хўжандликлар катта қўшин тўплаб, қаттиқ қаршилик кўрсатадилар. Бироқ бир неча жангдан сўнг шаҳар таслим бўлади. Шундан сўнг Кутайба Фарғонанинг ўша даврдаги йирик шаҳри Косонга қараб йўл олади. Бу орада Шошга юборилган қўшин шаҳарнинг талай қисмини ёндириб, уни забт этади ва Кутайба қўшинига бориб қўшилади. Бирлашган лашкар Косонга ҳам ўт қўйиб, забт этади.

714 йили Кутайба яна Шошга қарши юриш уюштиради. Лекин энди воҳа ҳудудига етганида шаввол ойининг охира (июлнинг ўртаси) халифанинг Ироқ ва Шарқий ўлкалардаги ноиби ал-Ҳажжож ибн Юсуф вафот этгани ҳақида хабар олали ва дарҳол ўзининг қароргоҳи Марвга қайтади. Ал-Ҳажжож Кутайбанинг ҳомийси эди ва унинг тақдири энди нима бўлиши номаълум эди. Шунинг учун Кутайба бир муддат Марвда иккиланиб туради. Бироқ тез орада халифа ал-Валиддан мактуб келади: унда халифа Кутайбанинг ишини матьқуллаб, уни қўллашини билдириган эди.

715 йилнинг эрта баҳорида Кутайба кагта лашкар тўплаб, Хитойга юрици ташкил қиласиди: унинг йўли Фарғона орқали ўтади. Шу кезда халифа ал-Валид ибн Абдулмалик вафот этиб, ўрнига Сулеймон ибн Абдулмалик халифа бўлади, деган хабар келади. Лекин халифа ал-Валид ўғли Абдулазиз ибн ал-Валид ўзидан кейин халифа бўлишини васият қиласиди ва бу ҳақда барча ноиб ва лашкарбошиларига мактуб йўлланган эди. Ал-Ҳажжож билан Кутайба буни тан олиб, Абдулазизга байъат қиласиди. Шунинг учун Кутайба Сулеймоннинг одамларидан хавфсираб, оила аъзолари ва бутун қариндош-уруғларини ҳам оиласиди билан Марвдан олиб кетади ва уларни Самарқандга жойлаштиради. Ўзи эса Фарғона тарафидан Хитойга йўл олали. Кутайба шу юришида Кошгаргача боради ва турклар билан бўлган оғир жангда галаба қозониб, шаҳарни олади ва шу ерда тўхтайди<sup>20</sup>. Тарихчи ал-Йаъқубий Кутайба бу юришида «Фарғона мамлакатининг энг чекка срларигача етди»<sup>21</sup>, деб ёзади.

715 йиллаги юриш асносида Кутайба лашкарида халифа Сулеймон тарафдорлари низо чиқаришади ва у юришини тўхтатишга мажбур бўлади. Кутайба Фарғонада Сулеймон тарафдорлари томонидан ўлдирилиб, боши халифа хузурига олиб кетилади. Танаси эса Фарғонага кўмилади. Унинг қабри Андижон вилоятининг Жалолқудук tumанида ҳисобланади.

Ода да тарихчилар Фарғонанинг ва умуман Мовароуннахринг араблар томонидан тўла забт этилишини Кутайба ибн Муслим номи билан боғлайдилар. Лекин Кутайба ўлимидан кейин Фарғонада юз берган воқеалар бундай фикр ҳақиқатдан узоқ эканлигини кўрсатади.

721 – 722 йиллари халифанинг Ироқ ва Шарқий ўлкалардаги ноиби Умар ибн Хубайра Хурросонга ноиб этиб Саъид ибн Амр ал-Харашийни тайинлайди. У ўзининг ёвузлиги ва золимлиги билан танилган эди. Бундан хабардор бўлган Суғд аҳолиси уй-жойларини ташлаб, паноҳ излаб Фарғона подшоҳи ҳузурига борадилар ва ундан мусулмонларга қарши ёрдам сўрайдилар. Суғдлар бошлиқларининг номлари Карзанж, Кашибин, Байаркат ва Собит бўлиб, улар ўзлари билан асосан Иштиҳон аҳолисини Хўжандга олиб борадилар<sup>22</sup>. У ердан Фарғона подшоҳи ат-Торга мактуб ёзиб, уларни ўз паноҳига олишини ва ҳимоя қилишини сўрайдилар. Бундан, ўша пайтда Фарғона подшоҳи ҳали исломни қабул қилмагани ва у анча қудратга эга бўлгани кўринади. Шуни ҳам айтиш керакки, Кутайба давридан бошлаб Фарғонада араб ноиби турарди. Лекин манбалардаги хабарларга кўра, Фарғона подшоҳи ноибга бўйсунмай, анча мустақил бўлган. Бунда у турк хоқонининг кучига таянганлиги маълум.

Фарғона подшоҳи суғдларга Исфара яқинидаги Исом жарлиги номли рустақни ажратади. Бу суғдлар маданиятининг изи Исфарадан ташқари Сўҳ, Косон ва Каравонда олиб борилган қазилмаларда топилган.

722 – 723 йиллари ал-Хараший суғдлар Фарғонага кўчганини эшишиб, лашкар тўплаб уларнинг устига боради. Хўжандда бўлган жангда арабларнинг қўли баланд келади. Лекин Фарғона тўла бўйсундирилмаганича қолади. 723 йили Умар ибн Хубайра ал-Харашийни юмшоқликда айблаб, уни Хурросон ноиблигидан четлатади ва ўрнига Муслим ибн Саъидни тайинлайди.

Муслим ибн Саъид 723 – 724 йиллари Мовароуннахрга юриш қилиб, турклардан енгилиб қайтади. 724 – 725 йилларда эса у катта куч тўплаб, Фарғонага юриш қиласи. Араблар турклар, фарғоналиклар ва шошликлар билан қатор жанглар қиласидилар. Бу жангларда кўпроқ мовароуннахрликлар устун келади. Шунинг учун бўлса керак, 725 – 726 йиллари Муслим ибн Саъид Дамашққа чақириб олинади.

728 – 729 йилларда бутун Мовароуннахр аҳолиси арабларга қарши қуролли қўзғолон кўтаради. Араблар билан Бухоро-яқинидаги Камарча қишлоғида бўлган жангда Бухоро, Суғд, Афшона, Насаф (Қарши), Шош, Фарғона аскарларидан ташқари ҳатто Турорбанд (Ўтрор) аҳолиси ҳам иштирок этади. Турк хоқони мовароуннахрликлар тарафида туриб урушади<sup>23</sup>. Араблар фақат найранг ишлатиш йўли билан муваффақиятга эриша оладилар.

737 – 738 йиллари Хуросон ноиби этиб Наср ибн Сайёр тайинланади. 737, 739 йилларда у Фарғонага икки марта юриш қиласди. Биринчи юришида у Фарғонага арабларнинг омили этиб Мұхаммад ибн Холид ал-Аздиини тайинлайди ва Кубо (Қува)да тўхтаб, Фарғона подшоҳининг вориси билан жанг қиласди. Фарғонага иккинчи юришида Наср ўз ташаббуси билан Фарғона подшоҳига сулҳ ҳақида ёрлиқ юборади<sup>27</sup>.

Юқорида келтирилган хабарлардан кўрамизки, Фарғона VI – VIII асрларда дунё аҳамиятига молик воқеаларда фаол қатнашади. Фарғонанинг араб халифалиги билан мулоқоти бошланган даврдан то IX аср бошигача қарийб юз йил давомида Фарғона ўз подшоҳи – ихшид бошчилигига ўз мустақиллигини сақлаб туради. Шу билан бирга Фарғона доимо турклар билан узвий алоқада ва уларнинг таъсирда бўлади. Шу сабабли араблар даврида ҳам Фарғона жамияти этник жиҳатдан турклashiшда давом этади. Иккинчи тарафдан эса, ихшиллар узоқ вақтгача исломни тан олмаган бўлса ҳам, аҳоли аста-секин исломлашиб боради. Бу жараён VIII аср охиридан кучаяди.

Исломгача Фарғонада шаҳар ва кентларнинг сони, хитой манбаларига кўра, 100 га яқин бўлганлигини айтган эдик. IX – X асрлардаги Фарғонадаги шаҳар ва манзиллар ҳақида араб манбаларида муфассал тавсифлар сақланган. Улар X аср сайёҳ-географлари Истахрий, Ибн Ҳавқал, Мақдисий ва Ибн Ҳўрдодбех асарларида келтирилган. IX асрда бу шаҳарларнинг энг йириклари Хўжанд, Ахсикат, Кубо, Косон, Ўзганд ва Ўш эди. Фарғонадаги йирик ишлаб чиқариш, хунармандчилик ва санъат марказлари ҳам шу шаҳарлар эди. Фарғонанинг шаҳар аҳолиси ҳам асосан шу жойларда тўпланган эди. Бироқ улардан кичикроқ бўлган Бисканд, Салат, Шикит, Ванкет, Мадва (Мади), Канд (Кандибодом), Сўх, Риштон, Зандарамиш, Марғинон (Марғилон), Баранг, Уштикон, Андукон (Андижон), Иламиш,

Исфаға, Авал, Навкат, Тамахуш, Бамкахуш, Мискон, Хўқканд (Кўқанд), Поп, Самгар, Ҳажистон, Турмукан, Нажм. Каравон, Чатқол, Нанай, Насробод, Минора, Ранжад, Заркон, Ҳайрлом, Бешбешон, Буканд, Чорак, Ашт, Тубкар, Дигарканд, Бигон, Тисхон, Шавдон каби яна бир қатор шаҳарчалар ва кентлар бўлган-ки, ал-Фарғоний ватани маданияти ва салоҳиятини ифодалашда уларнинг ҳам ҳиссаси бўлган. Демак, олимнинг ватани Фарғона ўша қадим даврлардаёқ шаҳар ва кентлари сероб, юксак ўтроқ маданиятга эга ўлка бўлган.

## Иккинчи боб

### **АЛ-ФАРГОНИЙ ЯШАГАН ДАВР ВА МУХИТ**

Мовароуннахр ва, жумладан, Фарфона араб халифалиги таркибиға кирганидан сүнг бу ерларда халқнинг ижтимоий-иқтисодий ҳәётида бирор муддат турғунлик юз беради. Бу ерда күшонлар давридаёт қошланган феодаллашиш жараёни араб фатҳи даврида бироз тұхтаб қолади. Бу даврда халифаликнинг марказий қисмлари – Ироқ, Сурия ва Мисрда феодал муносабатлар жадал ривожланади. VII аср бошида араб жамияти ҳали ижтимоий тузумнинг қабиля-уруғчилік босқичида турған бўлса, марказлашган ягона халифалик шаклланиши билан халифаликнинг илгор вилоятларининг хўжалик, иқтисодий ва маданий ютуқларини ўзлаштириш натижасида у феодал муносабатларга тўлақонли равишда киришади. Шунга кўра VIII аср ўрталарида халифаликнинг марказий вилоятларида феодализм Мовароуннахрдагига нисбатан анча юқори поғонага кўтарилиганди. Лекин халифаликнинг ягона иқтисодий доирасиға кириш, қишлоқ хўжалик ишлаб чиқаришининг ривожланиши, халифаликнинг бошқа вилоятлари билан фаол савдо муносабатлари олиб бориш натижасида VIII аср охирларидан шаҳарлар ривожланиб ва ишлаб чиқариш кучлари тараққий топиб, Марказий Осиё ҳудудида ҳам, халифаликнинг бошқа ерларидаги каби, тараққий этган феодализм босқичи бошланади. Марказий Осиёнинг бошқа ерларидаги каби, Фарфонада ҳам фан ва маданият янги тарихий шароитда тараққий этади.

Шундай қилиб, IX асрда бутун халифаликда фан ва маданиятнинг қудратли ривожланиши юз беради. Марказий Осиё халқлари ҳам бу жаравенда халифаликнинг бошқа халқлари каби фаол иштирок этадилар. Бу пайт халифалик таркибиға кирган халқлар «ислом маданияти» деб аталағын, лекин аслида турли халқлар маданиятларининг ўзаро сингиши натижасида юзага келган ягона маданият ҳаракатнинг қатнашчилари бўлиб қолдилар<sup>25</sup>. Илм-фан со-

ҳасида ҳам жонли ҳамкорлик ўрнатилади. Халифаликда фан ва маданият соҳасида қудратли тўлқин, кўп жиҳатдан, ўша даврда бой илмий иборалар билан сугорилган араб тили ягона халқаро миллий тилга айлангани туфайли, юз берди. Бу ҳақда Абу Райхон Беруний «Сайдана»сида қуйидагича сермазмун сўзларни айтган: «Араблар тилига бутун дунё мамлакатларининг илмлари ағдарилган: улар безалиб, қалбларга ёқадиган бўлди, улардан тилнинг кўрки ортиб, томирларга ёйилди»<sup>26</sup>. Турли халқлар вакиллари ўз илмий асарларини араб тилида ёзганлар. Марказий Осиёлик барча олимлар қаторида ал-Фарғоний ҳам асарларини шу тилда ёзган. Юнон, санскрит, форс (паҳлавий), сурёний тилларида ёзилган илмий асарлар араб тилига таржима қилинарди. Бу эса келиб чиқишига кўра турли халқларга мансуб бўлган олимларга турли замонлардаги турли халқларнинг илмий меросларидан баҳраманд бўлиш имконини берди. Натижада турли-туман маҳаллий ва миллий таркибдаги ислом илм ва маданияти юзага келди. Улар орасида Марказий Осиёнинг, жумладан, Фарғонанинг ҳам улуши бор эди, чунки бу худуднинг олимлари халифаликда фаннинг шаклланиши ва ривожланишига катта ҳисса қўшгандилар.

Кўп йиллик узвий илмий ва маданий ҳамкорлик халифаликнинг турли минтақалари халқларига турлича таъсир ўтказди. Агар халифаликнинг Ироқ, Сурия, Миср ва Мағриб мамлакатлари каби марказий ва фарбий ерларида маданий ва миллий ассимиляция юз бериб, натижада бу мамлакатларнинг аҳолиси араблашган бўлса, Марказий Осиё, Эрон ва Кавказ халқлари бу ассимиляцияга берилмадилар. Аксинча, улар бошқа халқлар билан араб тилида мулоқот ва ҳамкорлик қилиб, дунё маданияти хазинасига бебаҳо ҳисса қўшдилар ва, шу билан бирга, миллий ўзликларини сақлаб қолиб, ўз маданиятларини ҳам бойитдилар. Бу эса кейинчалик уларга ўз миллий илмий мактабларини ривожлантиришга ва илмий изланишининг янги истиқболи ва йўналишларини ихтиро қилишга имкон берди.

Шу ҳолатни ҳам назарда тутиш керакки, халифаликда ислом динининг ҳукмронлиги Арабистон ярим оролида ҳам, ундан ташқарила ҳам кўчманчиларнинг ўтроқлашувига ва мамлакатда шаҳарлашув кучайишига объектив равишда имкон яратди. Немис шарқшуноси Г.Э. фон Грюнебаум таъкидлаганидек, ислом кўчманчилар орасида зуҳур қилган бўлса ҳам, ўтроқликни рафбатлантириди, чунки, одат-

да, мусулмон жамоаси ўз хизматчиларига эга бўлган масжидларга бирикарди, жамоа эса ўз ҳуқуқий масалаларига эга бўлиши, булар эса ўз қонуниятларига ва бу қонуниятларни амалга оширувчиларга эга бўлиши керак эди ва ҳоказо<sup>27</sup>. Араблар Сурия, Эрон, Миср, Суғд, Хоразм, Фарғона ва қадимги маданиятга эга бўлган бошқа мамлакатларга кириб бориш билан уларда мавжуд бўлган шаҳар турмуш тарзига хос ҳусусият ва муассасаларни, маданият элементларини ўзлаштирилар. Шуниси ажабланарлики, кейинчалик бу янги фотиҳлар барча ўзлаштирган нарсалари ни қадимдан арабларники бўлган, деб кўрсатдилар. Инглиз шарқшуноси У.Монтгомери Уотт: «Яқин Шарқнинг қадимги маданияти мусулмон маданиятига айланганида ҳеч қандай ажабланарли нарса йўқ», – деб ёзган эди<sup>28</sup>. Халифаликнинг маркази ва чеккаларидаги Дамашқ, Бағдод, Басра, Қоҳира, Рай, Исфаҳон, Нишопур, Гурганч, Кот, Марв, Бухоро, Самарқанд, Балх, Хўжанд, Ахсикат ва бошқа қудратли фан ҳамда маданият ўчоқларида нисбатан жуда қисқа муддат ичida шаҳар маданиятининг ривожланганигини шу билан изоҳлаш мумкин.

Яқин ва Ўрта Шарқ мамлакатлари халқлари тарихида IX аср маҳсус ўрин тутади. У турли фанларнинг, айниқса, тиббиёт, математика ва астрономиянинг жўшқин ривожланган асли бўлди. Тўққизта ҳинд рақами ва сифр (нўл) белгисига асосланган ўнлик ҳисоблаш тизими ихтиро қилиниб, кенг омма орасида сингдирилиши халқлар маданиятида ҳақиқий инқилобий бурилиш ясади. Шу илмий янгиликларни киритишда Муҳаммад ал-Хоразмийнинг хизмати жуда катта бўлди. Ўша асрнинг ўзида илм-фаннинг ривожланиши натижасида математика фани ичida дифференциацияланиш юз.бериб, алгебрага мустақил фан сифатида асос солинади. Астрономия фанидан тригонометрия ажralиб чиқади ва асосий тригонометрик функциялар аниқланади. Ўша давр учун яхши жиҳозланган илк расадхоналар пайдо бўлади; натижада халифалик олимлари бирорвларнинг ютуқларини ўзлаштириш ўрнига энг янги жиҳозлар билан кузатишларга асосланган ўз астрономик ва тригонометрик жадвалларини тузишга ўтадилар.

Худди шу асрнинг ўзида ижтимоий фанлар, айниқса, қалом (теология), тарихнавислик, тилшунослик ва шунга ўхшаш фанлар соҳасида улкан одимлар ташланади. Бу соҳада ал-Фарғонийнинг ватандоши, ислом дунёсининг фахри

бўлмиші Имом ал-Бухорий (810 – 870 йиллар) номини эслашнинг ўзи кифоя.

Халифаликда таржимонлик фаолияти ҳам кенг қўламда ривожланади. VIII асрнинг 70 – 80-йилларидан бошлаб қарийб 100 йил давомида Евклид, Архимед, Аристотель, Аполлоний, Гиппократ, Гален, Менелай, Феодосий, Герон, Птолемей, Веттий Валенс, Диофант, Александр Афродизий, Геон Алискандарий ва бошқа юнон олимларининг асосий асарлари ҳамда қатор ҳиндча, форсча илмий асарлар таржима қилинди.

VIII аср охири ва IX асрда халифаликда юз берган улкан илмий ва маданий тараққиётни фақат халифаларнинг фанга қизиқишилари билан боғлаш хато бўлар эди. Бундай ўсишнинг заминни халифаликнинг иқтисодий талаблари ва ғоявий-назарий асосининг ўзида мавжуд эди. Халифаликнинг асосий ғоявий базаси ислом идеологияси бўлиб, Куръони карим ва ҳадиси шарифларда баён қилинган. Аввалида ислом яхлит бўлган эса-да, тез орада унда турли тариқат, оқим ва сулуклар пайдо бўлди. Яхлит исломдан ажралган илк оқим шиъа бўлди. Даставвал у сиёсий оқим бўлиб, халифаликдаги ҳукмрон доираларнинг ҳокимиятга ворислик бўйича юзага келган келишмовчиликларининг ғоявий ифодаси эди. Шиъа кўп тарафдан ўзини пайғамбар суннасига зид қўярди. Халифалик тарихининг иккинчи асрода ислом тўрт мазҳабга бўлинади. Бу мазҳаблар ўз асосчиларининг номлари билан «ҳанафия», «моликия», «шофеъия» ва «ҳанбалия» деб аталади. Шиъа ҳукмрон сулолага нисбатан қарама-қаршиликда тургани учун унга Ироқ ва Ҳижознинг хорижийлари, Эрон ва қўшни ерларнинг халқ оммаси қўшилади. Тез орада шиъа ўзининг ортодоксал суннадан фарқ қиласиган назарий асосини ҳам яратади<sup>29</sup>.

Исломдаги ғоявий оқимлар кўп қиррали ва ранг-баранг эди. Халифаларнинг ўзлари ҳам ислом ақидаларига турлича ёндашганлари маълум. Умавий халифалар давридаёқ исломда янги ғоявий оқим – мұтазилия (яъни ажралганлар) юзага келади. Бу эса илк ислом илоҳиётидаги маъқул бир йўналиш эди. Гап шундаки, ислом тарихидаги илк даврларда у улкан ҳудудларда тарқалиб, бу ерлардаги ғоявий асослари ва анъаналари қадимдан ишлаб чиқилиб, такомиллашган динлар – мусовийлик, иссовийлик ва зардуштийлик томонидан ғоявий қаршиликка учрайди. Ислом янги

дин бўлгани учун дастлаб фақат Куръон ва ҳадисларга асосланиб, бу динлар билан муваффақиятли кураш олиб боролмади. Шу боис исломнинг ўз рақиблари билан кураши жараённида мұтазилийа юзага келди.

Мұтазилийанинг асосий ажралиб туралыган тарафи унинг билимнинг асосий ўлчови ва мезони деб ақлга, тафаккурға таяниши эди. Халифалик тарихида VIII аср ўрталари шароитида бу мұхим эди, чунки мұтазилийа дунёвий фанлар билан шуғулланишни, юон илмий ва фалсафий меросини ўрганишни рағбатлантиради. Мұтазилийлар Аристотель таълимотидан кўп нарсани ўзлаштирадилар. Бу билан улар араб фанида ҳақиқий фалсафий тафаккурни бошлаб берувчилар бўлдилар. Мұтазилийа инсон иродаси эркинлиги ғоясини олға суриб, инсонни тафаккур эркинлигига, хурфикликка ундар эдилар. Мұтазилийлар антик давр фани ва фалсафасини тарғиб қилиб, уларга хос бўлган кўп илғор ғояларни ҳам илгари сурардилар. Бу билан улар аксарият ҳолларда анъанавий ислом доирасидан четга чиқардилар ҳам. Шунинг учун умавий халифалар даврида мұтазилийлар қаттиқ таъқиб остига олинадилар ва улар яширинишга мажбур бўладилар.

Мұтазилийлар ҳаракатидан Аббосийлар усталик билан фойдаланадилар. Улар аслида шу ҳаракат тўлқинида ҳокимият тепасига келадилар. Шунинг учун илк Аббосийлар мұтазилийларга бағрикенглик билан қарайдилар. Халифа ал-Маъмун даврида эса 827 йилдан мұтазилийа халифаликнинг расмий тан олинган идеологияси бўлиб қолади. Ҳокимият тепасига ал-Мутаваккил (847 – 861 йиллар) келганидан кейингина мұтазилийлар таъқиб қилинабошлидилар. Айни ана шу қарийб бир аср давомида юон, сурён, форс, санскрит тилларидан араб тилига асосий таржималар бажарилди. Шундай қилиб мұтазилийа идеологияси қадимги давр олимлари асарларини таржима қилишга, илм-фаннинг ривожланишига имкон берди. IX аср ўртасидан мұтазилийа манъ этилган бўлса ҳам, ҳалқ оммаси тафаккуридаги ижодий жараённи тўхтатиб бўлмас эди. Энди «ислом душманларининг ҳеч қандай таъқиби илмий ва фалсафий тафаккурни бўғолмасди»<sup>30</sup>. Лекин ислом тақвадорлари ҳалқ оммасига таъсирини сақлаш учун мұтазилийларнинг баъзи усувларини қабул қилишга мажбур бўладилар. Шу аснода улар IX – X асрлар оралиғида ислом илоҳиёти – қаломни яратдилар.



Ал-Фарғоний даври бўлмиш VIII аср охири ва IX асрни ҳамда унинг атроф муҳитини тавсифлаш билан бирга ўша діврнинг қўйидаги хусусиятига аҳамият бериш лозим. Бу даврда феодализм катта одимлар билан борганлиги учун объектив шароит ишлаб чиқариш кучларини тақомиллаштиришни ва шу билан боғлиқ равишда ишлаб чиқаришни катта шаҳарларда тўплашни тақозо қиласади. Феодализмдан аввалги илк даврларда шаҳар фақат ҳарбий-маъмурӣ вазифани ўтаган бўлиб, уларнинг нуфуси бир неча минг кишидан иборат бўлган бўлса, ривожланган феодализм даврида янги шаҳарлар пайдо бўлади, эскилари эса мисли кўрилмаган даражада катталашиб кетади. Ҳақиқатан ҳам Аббосийлар даврида ал-Мансура, Бағдод, Самарра, ар-Рофиқа ва Византия чегараларида бир неча шаҳарлар барпо қилинади. 772 йили Кўфа ва Басра биринчи марта шаҳар деворлари билан ўралади. Мовароуннахрда шаҳарлар бундан ҳам ривожланади. Арманистон, Эрон ва, айниқса, Марказий Осиёда IX – X асрларда шаҳарларнинг сони ҳам, катталиги ҳам ортиб боради. Араб Шарқида ўрта асрлар ривожланиш даврининг якуни деб Қоҳиранинг барпо қилинишини айтилади<sup>31</sup>. Илк феодализм даврида шаҳарнинг ишлаб чиқариш доираси анча төкланган бўлиб, у тор доирадаги шу шаҳар ва унинг атрофидаги истеъмолчилар талабини қондиришга мўлжалланган эди. Шунга кўра бозор ҳам, бозор айирбошлиши ҳам макон ва замонда чегараланган эди. Бухоро яқинидаги Пойқанд бозори ва исломдан аввалги Бағдод бозори (Суқ Бағдад) йирик бозорлар эди. Улар мавсумий бозорлар бўлиб, йилда бир ой ишларди. Ишлаб чиқариш тараққиёти ва шаҳарлашиш кучайиши билан халифаликнинг йирик шаҳарларида доимий бозорлар пайдо бўлади. Бунинг оқибати сифатида кўп тармоқли ҳунармандчилик ишлаб чиқариши пайдо бўлиб, у нафақат ички талабни, балки ташқи талабни ҳам қондиради; пул тизими, қуруқлик ва дengiz орқали савдо ривожланади. У ҳам, аслида, шаҳар ишлаб чиқариши билан боғлиқ эди. Ана шу омилларнинг ҳаммаси шаҳарларнинг улканлашувига олиб келди. Баъзи шаҳарлар шу қадар йириклишди, уларни ҳақли равишда ўрта асрлар агломерацияси дейиш мумкин. Чунончи, шундай шаҳарлардан бири Бағдод эди; у еттита кичик шаҳарларнинг қўшилишидан юзага келган эди; Қоҳира ҳам шулардан бири, у иккита шаҳарнинг қўшили-

шидан ҳосил бўлган эди. Шаҳарлар шу тариқа иқтисодий ва маданий марказларга айланади.



Ишлаб чиқариш кучларининг ва шаҳар ҳунармандчилик ишлаб чиқаришининг ўсишини фундаментал ва татбиқий фанлар соҳасидаги тадқиқотларни йўлга қўймасдан ва ташкил қилмасдан таъминлаб бўлмас эди. Илмий тадқиқотларни ташкил қилишга объектив талаб пайдо бўлди. Ҳарбий юришлар даврида, халифалар фақат «ер ва сув тўплаш» билан машғул бўлган пайтларида бундай талаб ҳали йўқ эди. Халифалар ал-Мансур (754 – 775 йиллар) ва Ҳорун ар-Рашид (786 – 809 йиллар) даврида аҳвол тубдан ўзгарди. Аслида ана шу халифалар даврида халифаликда маърифат даври бошланади. Илк Аббосий халифалар даврида, аслида Балх зардустийлари оиласидан келиб чиқсан Бармакий вазирлар маърифатпарвар бўлганликлари катта аҳамият касб этди. Бармакий вазирлар юонон, сурён, санскрит тилларидан араб тилига таржимани рағбатлантирилар. Илмий ишларнинг ташкил қилувчиси ва раҳбари халифа ал-Маъмун (813 – 833 йиллар) эди, у халифалик олимларини «Байтул ҳикма» – «Донишмандлар уйи»га бирлаштириди. Лекин шуни ҳам айтиш керакки, агар илмга астойдил берилган ва, буюк Беруний айтганидек, унга «ilm ўз зоти билан матлубдир, ҳақиқатан ҳам у барча нарсадан лаззатли. Илмдан бошқа қандай нарсада манфаат зоҳирроқ ва қандайида фойда кўпроқ бўлади, фақат илм билангина ҳам дин, ҳам дунё учун хайрли ишларни қилиш ва уларга зарар келтиришдан сақланиш мумкин. Агар илм бўлмаганида биз жалб қилаётган нарса ёмонлик эмаслигига ва четланаётган нарса яхшилик эмаслигига ишонч бўлмас эди»<sup>32</sup>, деб қарайдиган фидойилар бўлмаганида, ҳеч қандай халифа ёки вазир илмни ташкил қилолмасди. Шунинг учун халифалар даврида илмларнинг ҳақиқий ташкилотчилари ва раҳбарлари йирик ва серқирра олимлар эди; улар фаннинг ҳар соҳасидан чукур билимли бўлиб, ходимларни танлаш ва жойлаштириш уларга боғлиқ эди. Санад ибн Али, Ҳабаш ал-Хосиб, Ҳолид ал-Марваррудий, Йаҳйо ибн Абу Мансур, Муҳаммад ал-Хоразмий каби олимлар шулар жумласидан эди. Халифалар ал-Восиқ ва ал-Мутаваккил даврида шундай шарафли вазифа Аҳмад ал-Фарғонийга насиб этди. Биз халифа ал-Маъмун саройида кўплаб Ҳурросон ва Мовароуннаҳрлик олимлар қандай қилиб тўпланиб қолгани ҳақида фақат тахмин қилишимиз мумкин. Лекин ал-



Арист—Эрши. Шарқий Фарғона. Шаҳар девори. М.а.І — м. VII асрлар









**Кубо. Шаҳристон. Шаҳарнинг умумий манзараси, олиб борилаёттан  
казилмалар ва IX — X асрларга онд топилмалар намуналари. М.а. IV — м. XIII  
асрлар**





Кубо. Шахристон топилмалари







Муттепа — Косон. Шымолий Фаргона. Калъа деворлари. М. I — VI асрлар



**Кутайба ибн Мұслым макбарасы.  
715 йил дағынасы**



Ахсанат. Үрге асрлардаги Фарғона пойтахти. Қалъя деворлари. V — XVI  
асрлар

сида яшаганлигини билдиради. Ал-Фарғонийда эса нисба фақат битта бўлгани учун унинг аслида фарғоналик бўлганлигига ҳеч қандай шубҳа қолдирмайди.

Ал-Фарғоний ҳақида биографик маълумотлар сақланмаганлиги учун у қачон ва қаерда туғилганлиги, қаерда таълим олганлиги ҳақида фақат таҳмин қилишимиз мумкин. У ҳақдаги энг сўнгги маълум сана 861 йил бўлгани учун шу санадан сўнг у кўп яшамаган кўринади. Унинг вафоти 865 йил атрофида дейиш мумкин. У 809 – 819 йиллар оралиғида Марвда Абдуллоҳ ал-Маъмун саройида бошқа қатор олимлар билан бирга тўпланганлиги маълум. Бу ўн йилнинг қайси палласида ал-Фарғоний Марвга ал-Маъмун саройига келгани ҳақида эса қуйидаги мулоҳазани юритиш мумкин. Ал-Маъмун Марвда турган ўн йиллик муддат ичидаги 813 йил охиридан то 819 йил ўртасигача ўтган оралиқ осуда ўтган. Демак, ал-Фарғоний шу оралиқда етук олим бўлиб кўзга кўрингандирки, ал-Маъмун уни Марвга, ўз саройига таклиф қилган. Марв ўша даврларда халифаликнинг шарқий ерлардаги ноиблигининг маркази эди. Ал-Маъмун бу шаҳарда Хурросон, Мовароуннахр, Афғонистон ва Хоразм ерларидан олимларни тўплайди. Улар кейинчалик Бағдоддаги «Байтул ҳикма»нинг, яъни «Ал-Маъмун академияси»нинг ўзагини ташкил қилди.

Ал-Маъмун даврида Марвда юзага келган илмий муҳитни таҳлил қилган ҳолда халифалиқда илмларнинг манбай ҳақида тўхталиш мақсадга мувофиқдир. Албатта, халифалиқда илмларнинг шаклланишига унинг таркибиға кирган барча халқлар ўз ҳиссасини қўшган. Лекин ўша даврдаги кўплаб олимларнинг ижодини ўрганиш халифалиқда илмларнинг шаклланишида сурён, форс (паҳлавий), хинд ва юнон илмий манбаларининг ҳиссаси катта бўлганини кўрсатади.

Халифаликнинг шарқий ерлардаги ноиблигининг маркази сифатида Марвнинг танланиши тасодифий бўлмаган кўринади. Марв Марказий Осиё цивилизациясининг энг қадимги марказларидан ҳисобланади. Исломгача бу шаҳар Сосонийлар Эронининг йирик ҳарбий-маъмурий истеҳкоми эли. Ал-Фарғоний даврида Марв халифаликнинг йирик маланий марказига айланди. Унда бир неча кутубхона бўлиб, уларнинг бирида энг сўнгги Сосоний шаҳаншоҳ Йаздигард III келтирган китоблар ҳам сақланарди<sup>33</sup>. Ал-Фарғоний давридаги Марв маданий муҳитининг шаклланишида ислом-

гача бу ерда бўлган сурёнийлар колонияси маълум даражада аҳамият касб этгаи кўринади. Эдессадаги академия тарқатиб юборилганидан сўнг Византия ортодоксал черковининг таъқибидан қочиб келган Феодор Марвий ва Ишодод Марвий шу ерда фаолият олиб борган эди<sup>34</sup>. Марвдаги сурёний олимлар халифаликнинг илк асрларида ҳам ўз мавқенини йўқотмаган кўринади, чунки IX асрдаги машхур табиб-олим ва таржимон Абул Ҳасан Али ибн Раббон ат-Табарий (808 йилда туғилган) асли марвлик сурёний эди.

Марв юнон-сурён ва форс олимларининг таъсирида бўлган ягона маданий ўчиқ эмас эди. Йирик сурён илмий мактаби Нисибинда ҳам бўлган. VI асрда Суриядаги Нисибин мактаби ва Афина академияси ёпиб қўйилади, шундан сўнг бу илмий мактабларнинг олимлари – мажусийлар ёки христиан-сектантлари шарққа кўчиб, Эрон, Хиндистон, Мовароуннаҳр ва ҳатто Хитой шаҳарларида жойлашадилар. Эрондаги йирик илмий марказлардан бири Гундишопур бўлиб, у ерда бир гуруҳ сурён ва форс олимлари фаолият олиб бораради. Сурён – эроний илмий-таржимонлик марказлари халифаликнинг дастлабки ўн йилликларида ҳам фаолият олиб борган. Бу илмий марказларда таржимачиликдан ташқари фалсафа, мантиқ, география, метеорология, табобат ва кимё соҳасида ҳам ишлар олиб борилган. Антик давр олимларининг асарлари арабчага таржима қилинишидан аввал сурёнчага таржима қилинган. Шуниси маълумки, Птолемей «Алмажистий»си ва Теон Алискандарийнинг (IV аср) унга шарҳи аввал сурёнчага, сўнг сурёнчадан арабчага таржима қилинган. Птолемейнинг «Тетрабиблос»и («Тўрт китоби») Иброҳим ибн ас-Салт томонидан арабчага сурёнчадан таржима қилинган эди. Унинг «География»си ҳам аввал сурёнчага афдарилган эди<sup>35</sup>.

Йирик сурён олимларидан бири Север Себоҳт (VII аср) эди. Птолемейнинг «Алмажитий»си, «География»си ва «Тетрабиблос»ини, Арат ва Теоннинг ишларини юнончадан сурёнчага Север Себоҳт афдарган, деб ҳисобланади.

Таникли сурён олими эдессалик Яков (640 – 708 йиллар) ҳам халифаликдаги фанга маълум даражада таъсир ўтказди. У Птолемей «Алмажистий»сини қайта ишлагани ва қомусий асари «Ҳексамeron»ни ёзганлиги маълум.

Эронда исломгача эришилган илмий ютуқлар ҳам халифалик даврида фаннинг шаклланишига сезиларли таъсир кўрсатди. Исломдан аввалги Эрондаги маданият мустаҳ-

кам илмий пойдеворга асосланғанлыги шубҳасиз. Агар араблар юонон дунёси билан ислом бошидан, яъни VII аср иккинчи чорагидан узвий алоқага киришган бўлсалар, Эрон эллинистик дунё билан жуда қадимги даврдан илмий ва маданий алоқалар ўрнатган. Геродот Эрон шаҳаншоҳи Доро Інинг (м.а. 521 – 486 йиллар) шахсий сарой табиби юонон Демокед бўлгани ҳақида хабар беради<sup>36</sup>. Искандар Зулқарнайн даври ва ундан кейинги юонон дунёси билан Эрон ўртасидаги маданий алоқалар анча яхши ўрганилган. Исломгача Эрон фанига қадимги Бобилнинг ҳам таъсири бўлган, чунки Бобил илк Аҳоманий шаҳаншоҳлари давридан то араб истилосигача қарийб 1200 йил давомида Эроннинг мулки бўлиб турган.

Араб фатҳи қадимги Эрон фани ва маданиятига қаттиқ зарба берди. Исломгача бўлган Эрон илмий меросидан факат айрим намуналаргина сақланиб қолган. Айрим юонон асарларининг паҳлавийга таржимаси борлиги маълум. Баъзи хабарларга кўра, Птолемей «Алмажистий»сининг арабча таржимасини Раббон ат-Табарий паҳлавийчадан бажарганилиги маълум. Исломгача Эрон фанига ҳинд асарларининг ҳам таъсири сезиларли бўлган. Буни сосонийлар давридаги «Зиж аш-шоҳ» (ёки «Зижи Шаҳриёр», паҳлавийча «Зики Шатроайар»дан) мисолида кўриш мумкин. Бу зижнинг илк нусхаси 450 йил атрофида ёзилган бўлиб, ўша даврда таҳтда ўтирган сосоний шаҳаншоҳ Йаздигард II (438 – 457 йиллар)га бағишланган. Сўнгра у 556 или Хусрав Ануширвон (531 – 579 йиллар) даврида қайта таҳрир қилинган ва ҳиндларга, юононларга хос маълумотларни ўз ичига олган муқаддимани киритиш билан кенгайтирилган. Бу асарнинг энг сўнгги таҳрири шаҳаншоҳ Йаздигард III ибн Шаҳриёр даврида бажарилиб, «Зики Шаҳрийар», яъни «Шаҳриёр зижи» деб аталган. Э.С.Кеннеди бу зижда келтирилган баъзи параметрлар ҳинд сиддҳанталаридан, хусусан Браҳмагуптанинг «Браҳмаспұта-сиддҳанта»си ва «Суря-сиддҳанта»дан олинганлигини кўрсатган<sup>37</sup>.

«Зиж аш-Шоҳ» бизгача тўлиқ ҳолда етиб келмаган. Унинг баъзи парчалари Беруний асарларида келтирилади. Уларга кўра, «Зиж аш-Шоҳ»нинг асл нусхасида ҳиндлардан ва, балки, бобилликлардан ҳам олинган кўп жадваллар бўлган, деган хulosага келиш мумкин. Шу муносабат билан таъкидлаш лозимки, бу асарни тузувчилар «зик» (ёки «зих») деб жадвал тарзидаги асарни тушунгандар, чунки паҳлавий

тилида «зик» сўзи «тўр шаклида», «катақ» маъноларини англатган (ўзбек тилидаги «зич» сўзи ҳам шу маънога яқин). Кейинчалик бу сўз арабийлашган «зиж» шаклида юонча kanon сўзининг синоними бўлган ва жадвалли астрономик асарни англатган.

Манбаларда ўрта форс (паҳлавий) тилида ёзилган ва бизга етиб келмаган яна бир асар ҳақида маълумот бор. Бу асар номи «Бизизаж» бўлиб, у ҳам астрономик мавзуга бағишиланган. Эндиликда бу асар аслида Веттий Валенснинг (II аср) «Антология» («Муқаддима») асарининг паҳлавийча таржимаси эканлиги аниқланди<sup>38</sup>.

Сосонийлар Эрони қўшни Ҳиндистон билан узвий маданий мулоқотда бўлганлиги сабабли Эронда санскритдан таржима қилинган, лекин номлари бизга номаълум қолган бошқа астрономик ва математик асарлар ҳам бўлгани эҳтимол.

Қадимги маданият мамлакати бўлмиш Ҳиндистон IV – VII асрларда улкан илмий тараққиётни бошидан кечирди. Бу оралиқда бир қатор машхур ҳинд математиклари ва астрономлари фаолият олиб борди. IV асрда номаълум муаллиф томонидан нодир ҳинд астрономияси ва математикасига алоқадор рисола – «Суря-сиддҳанта» ёзилган. Буюк ҳинд олим Ариабҳатта I (V – VI асрлар) бир неча асарлар ёзган, улар орасида «Ариабҳатиям» ва «Суря-сиддҳанта»га шарҳ бор. Ариабҳатта I дан бироз кейин яшаган олим Варахамиҳира (VI аср) «Панча-сиддҳантика» асарини ёзган ва унда беш классик астрономик асар – сиддҳанталарни тавсифлаган.

Кейинги асрда Бхаскара I (VII аср) «Ариабҳатиям»га шарҳ ва «Маҳа-бҳаскария» ҳамда «Лагху-бҳаскария» рисолаларини ёзган, уларда чуқур астрономик ва математик муаммоларни ҳал қилишга уринган.

Бҳаскара I нинг замондоши Браҳмагупта (598 – тах. 665 йиллар) қадимги Ҳиндистоннинг атоқли олимларидан эди. У иккита машхур астрономик рисола – 628 йили – «Браҳма-спҳута сиддҳанта»ни ва 665 йили «Қҳандқҳадъяка»ни ёзган. Бу асарлар халифаликда аниқ фанларнинг шаклланишида муҳим аҳамият касб этган.

Халифаликда фанларнинг муҳим асосларидан бири қадимги юонон илмий мероси эди. Ҳақиқатан ҳам бутун ўрта асрлар давомида Яқин ва Ўрта Шарқ мамлакатлари илм-фанига Евклид, Архимед, Аполлоний, Герон, Птоле-

мей, Диофант, Теон, Аристотель, Гиппократ ва бошқа юонон олимларининг асарлари таъсир кўрсатиб турди.

Шуни ҳам айтиш керакки, халифаликда астрономиянинг ривожланишига арабларнинг исломгача бўлган даврдаги астрономик қарашлари ҳам маълум даражада таъсир ўтказди. Бу қарашлар қисман Куръонда ҳам ўз акси ни топган. Бундан ташқари арабларнинг Бобил билан қадимги алоқалари уларнинг астрономик қарашларига таъсир этган. Масалан, улар баъзи сайёralарнинг (жумладан, Зухра, Уторуд), буржларнинг номларини (Жавзо, Сунбула, Мезон ва ҳ.к.) бобилликлардан олганлар. Бундан ташқари осмон сферасининг арабча номи – «фалак» бобилликлардаги pulukku сўзининг транскрипцияси ҳисобланади<sup>39</sup>.

Халифалик даврида халифаларда табобатга қизиқиш ҳам уйғонади. Ривоятга кўра, халифа Умар II (717 – 720 йиллар) Искандария ва Антокиядан Дамашққа юонон ва сурён табибларини олиб келади; халифаликда табобат илми шундан бошланади. Аммо халифаликнинг шарқида, Эрондаги сурён колонияларида аниқ фанлар соҳасидаги излашишлар ислом қарор топганидан сўнг ҳам давом эттирилган. Беруний эслатган терига ёзилган бир эски зиж бу ҳақда гувоҳлик беради. У бу зижни Фазнада Али ибн Мұхаммад Вишгардийнинг қўлида кўрган<sup>40</sup>. Бу зиж Диоклетиан йиллари бўйича тузилган бўлиб, бу эра 284 или бошланган ва унда 709 – 719 йиллар орасидаги кузатишлар эслатилган. Бу кузатишлар эса зижнинг охирида унинг муаллифи томонидан эмас, балки эгаларидан бирининг қўли билан ёзилган эди. Беруний бу зижнинг асосий қисмидаги бирор санани ёки унинг ёзилган йилини эслатмайди. Албатта, бу зиж халифаликдаги энг қадимги зижлардан деб қаралмоғи керак ва унинг ёзилиш вақти ҳам VII асрдан кеч эмас. Беруний бу зиж қайси тилда ёзилганини ҳам айтмайди. Демак, бу зиж VII асрда тузилган бўлиб, Диоклетиан йилларига асосланган бўлса, у ё сурён тилида, ёки паҳлавий тилида ёзилган.

Араб тилида ёзилган энг ilk астрономик асарлар ҳам халифаликнинг шарқида пайдо бўлди. VIII аср ўрталарида Синдда араб тилида «Зиж ал-Арканд» юзага келади, Берунийнинг айтишича, у Браҳмагуптанинг «Кҳандакҳадъяка»-сининг таржимаси ёки шарҳи бўлган. Бу таржима айтарлик аниқ бўлмаган кўринади, чунки у бу асарни янгидан араб

тилига таржима қиласы<sup>41</sup>. Қандахорда ёзилған яна иккита астрономик асар : «Зиж ал-Жомиъ» ва «Зиж ал-Хазур» маълум<sup>42</sup>. Уларнинг келиб чиқиши ҳам Браҳмагуптанинг «Кҳандакҳадъяка»сига бориб тақалади. Беруний хабар берган «Зиж ал-Харкан»да ҳисоблар Йаздигард эрасининг 110 йили, яъни 742 йил учун бажарилган.

Халифаликда илмий ва таржимонлик фаолияти пойтахт Дамашқдан халифа ал-Мансур томонидан 762 йили қурилған янги шаҳар – Бағдодга кўчирилганидан кейин ҳақиқатан кенг кўламда олиб борилади. Албатта, ал-Мансур Бағдодга аввал Дамашқда, сўнг вақтинча пойтахт бўлган ал-Анборда ўз хизматида бўлган олим табиблар ва астрономларни ўзи билан бирга олиб келган. Чунки Беруний ал-Маъмун билан Марвдан келган олимларни «марвликлар» (ал-маровиза) деб улардан ажратади<sup>43</sup>.

Бағдодда астрономия соҳасидаги тадқиқотларга асосий туртқи бўлган воқеа бу ерга 773 йили Ҳиндистондан Канка (ёки Кабіка) деган бир олимнинг келиши бўлди. У ўзи билан ҳинд китобларини, жумладан, Браҳмагуптанинг «Браҳма-спұхта-сиддҳанта»сини олиб келган.

Халифа Иброҳим ибн Ҳабиб ал-Фазорийга бу асарни араб тилига таржима қилишни буюради. Ўша асар мазкур ҳинд астрономи Браҳмагуптанинг «Браҳма-спұхта-сиддҳанта» асари эди. Ал-Фазорий бу асарни таржима қилиш асносида, уни қисқартиради ва қайта ишлайди. Бу таржима «Ас-Синдҳинд» ёки «Катта синдҳинд» номи билан илмий муоммалага киради. Бу зиж араблар орасида катта шүхрат қозонади ва то халифа ал-Маъмун (813 – 833 йиллар) давригача олимлар ундан фойдаланадилар<sup>44</sup>.

Худди ўша даврнинг ўзида бошқа араб мутаржими Йаъкуб ибн Ториқ (796 йилда вафот этган) юқорида эслатилган «Зиж ал-Арканд»ни қайта ишлаб, жадваларини қисқартириб, «Ал-Арканд» номли зиж тузади. Бу зиж ўкувчиларга «Ас-Синдҳинд» каби маъкул келмаса ҳам, у араб халифалигига ҳиндулар астрономик анъясининг ёйилишида маълум роль ўйнайди.

Йаъкуб ибн Ториқ ҳиндулардан олинган маълумотларга таяниб, «Осмон сфераларининг тузилиши ҳақида» номли яна бир астрономик асар ёзади. Кейинчалик бу асардан Беруний ҳам фойдаланади<sup>45</sup>.

Халифа ал-Мансур даврида кимёгар ва мутаржим Жобир ибн Ҳайрон (721 – 769 йиллар) ҳам фаолият олиб

боради ва Евклид «Негизлари» билан Птолемей «Алмажистий»сини шарҳлаш билан шуғулланади.

Халифа Ҳорун ар-Рашид (786 – 809 йиллар) даврида таржимонлик фаолияти биринчи марта маъмурий асосга эга бўлади: машҳур «Байтул ҳикма» таъсис этилади. Ибн ал-Қифтийнинг бир хабарига кўра, Ҳорун ар-Рашидинг вазири Йаҳйо ибн Холид ибн Бармак (738 – 805 йиллар) бир груҳ таржимонларга Птолемей «Алмажистий»сини арабча баён қилишни буоради. Лекин у таржимонларнинг ишидан қаноат ҳосил қилмайди. Сўнгра у ўша пайтда «Байтул ҳикма»ни бошқариб турган икки олим – Абу Ҳассан ва Салмонга мазкур ишни янгидан юклайди. Улар мутаржимларнинг янги гуруҳини ташкил қиласидар ва ишни қўнгилдагидек бажарадилар.

Ўша пайтда сурён ёш олими Абу Закарийо Йаҳйо ибн Мосавайҳ (777 – 857 йиллар) ўз фаолиятини бошлайди. Халифа Ҳорун ар-Рашид унга Румга юришда Анқара ва Амориядан келтирилган табобатга оид юононча китобларни таржима қилишни буоради. Ал-Ҳажжож ибн Йусуф ибн Матар ал-Кўфий (VIII – IX асрлар) ҳам ўз фаолиятини ўша кезларда бошлайди. Лекин унинг фаолиятининг унумли палласи Ҳоруннинг ўғли ал-Маъмуннинг даврига тўғри келади.

Ал-Маъмуннинг таҳтга келиши баъзи тарихий воқеалар билан боғлиқ бўлгани учун улар ҳақида тўхталиб ўтиш мақсадга мувофиқдир. Ҳорун ар-Рашид 809 йили вафот этганидан сўнг халифаликда нотинч давр бошланади. Бу воқеалар унинг ўғли ал-Маъмуннинг таҳтга келиши билан алоқадор эди. Аслида бу нотинчликлар VIII аср охири ва IX аср бошида Мовароуннаҳр ҳамда Хуросонда юз берган ички сиёсий вазиятнинг ривожланишининг натижаси эди. VIII аср охирида Мовароуннаҳр ва Хуросонда Ҳамза ал-Хорижий бошчилигига қишлоқ аҳолиси Хуросондаги ноиб Али ибн Исо ибн Моҳоннинг халқни қароқчиларча талаганидан норози бўлиб, қўзғолон кўтаради. Арабларнинг солиқ сиёсатидан норози бўлган Эрон зодагонлари ҳам бу қўзғолонга қўшилади. Араблар узоқ муддат қўзғолон ўтини ўчиролмайдилар. 801 йили Абул Ҳосиб бошчилигидаги қўзғолончилар ноибликнинг маркази Марвни эгаллашларига оз қолади.

806 йили Суғдда араб лашкарбошиси Рафиъ ибн Лайс бошчилигига деҳқонлар қўзғолони ўг олади. Аввалига Рафиънинг қўзғолони йирик зодагоннинг исёни бўлиб кўри-

нади. Исённинг сабаби қўйидагича эди. Ҳорун ар-Рашид 805 йили Али ибн Исо ибн Моҳонни Ҳурсонга ноиб этиб тайинлаб, Рафиъ ибн Лайс ал-Лайсийни унинг мулоғимлари қаторига киритади, Ҳурсонга келганидан сўнг Али ибн Исо Рафиъни Мовароуннаҳрнинг волийиси, Самарқандни эса унинг қароргоҳи этиб тайинлайди. Лекин бир йил ўтиши билан Али ибн Исо Рафиъни суст раҳбар ҳисоблаб, уни мансабдан четлатади. Шунда Рафиъ қўзғолон кўтаради ва бу қўзғолонга қишлоқ аҳолиси ҳам қўшилади. Қўзғолонга араб бошчилик қилгани халқни руҳлантиради ва у бутун Мовароуннаҳрга ёйилиб, ҳатто Амударёнинг сўл соҳили – Ҳурсонга ҳам ўтади. Қўзғолоннинг қанчалик кенг кўламлиги ва жиддийлиги ҳақида ал-Йаъқубийнинг қўйидаги сўзлари гувоҳлик беради: «Рафиънинг иши борган сари кенгаяборди. Шош, Фарғона, Хўжанд, Усрушана, Сағониён, Бухоро, Хоразм, Ҳуттал ва бошқа вилоятларнинг, Балх, Тоҳаристон, Суғд, Мовароуннаҳр, Турклар мамлакатининг аҳолиси, қарлуқлар, тўғузғузлар ва Тибетнинг лашкари ва бошқалар унга қўшилдилар. Ҳокимият учун курашда у улардан ёрдам сўраган эди»<sup>44</sup>.

Қўзғолоннинг кўламидан қаттиқ хавфсираган Ҳорун ар-Рашид Али ибн Исони вазифасидан четлатиб, ўрнига Ҳарсама ибн Аъйонни қўяди. Бироқ бироз пасайгандай бўлган қўзғолон яна янги куч билан бошланади. Қўзғолонни бостириш учун 808 йили халифанинг шахсан ўзи лашкар бошида Ҳурсонга қараб йўл олади. У ўзи билан иккинчи ўғли Абдуллоҳни олиб, катта ўғли Муҳаммадни пойтахт Бағдодда ўз ўрнида қолдиради. Шу билан бирга Ҳорун Муҳаммадга васият ҳам қолдиради. Васиятга кўра, агар халифа вафот этса, ўрнига тахтга ал-Амин номи билан Муҳаммад, ундан кейин ал-Маъмун номи билан Абдуллоҳ ўтириши битилган эди. Халифанинг ўзи Тусда тўхтаб, шу ердан туриб ҳарбий ҳаракатларга бошчилик қилмоқчи бўлади ва қўзғолонни бостириш учун Марвга Абдуллоҳни юборади. Абдуллоҳнинг лашкарбошилари 808 йил охирига келиб Ҳурсондаги қўзғолонни бостирадилар. Суғдда ҳам баъзи қўзғлон ўчоқларини ўчиришга муваффақ бўлинади.

809 йили халифа Ҳорун ар-Рашид Тусда тўсатдан вафот этади. Араб зодагонлари томонидан қўлланган Муҳаммад ал-Амин номи билан халифалик тахтига ўтиради. 809 йил октябр – нояброда Абдуллоҳ қон тўкиш ва Рафиъга берилган катта пора ҳамда хирожни чорагига қисқартириш эва-

зига бутун Мовароуннахрда қўзғолонни бостиришга муваффақ бўлади. Бу тадбир натижасида Абдуллоҳнинг Мовароуннахр аҳолиси олдида обрўси бир мунча ошди. Уни Хоразм ва Хуресоннинг йирик зодагонлари қўллайдилар.

Шуни ҳам айтиш керакки, Абдуллоҳнинг тарафдорлари халифа Ҳорун ар-Рашиднинг эски васиятномаси бўлганини ва унга кўра аввал Абдуллоҳ ал-Маъмун таҳтга ўтириши кераклигини таъкидлайдилар. Ҳуллас, Абдуллоҳнинг обрўси ва ҳарбий қудрати кундан-кунга ортиб боради. Бундан жиддий хавфсираган ал-Амин унга Бағдодга келишни буюради. Абдуллоҳ бу талабни рад этади ва ал-Аминнинг номини хутбада эслатмасликни, пулларда зарб этмасликни буюради. Бу эса тўғридан-тўғри исён эди. Хуресон ва шарқий ерларнинг аҳолиси 811 йил июля — августида ал-Маъмунни халифа деб байъат қиласидилар<sup>47</sup>. Шундан сўнг ака-ука ўртасида қонли жанг бошланиб, у икки йил давом этади. Жабол ва Ироқдаги қатор ғалабалардан сўнг 813 йили ал-Амин таҳтдан ағдарилади. Ал-Амин қатл этилганидан сўнг ҳам ал-Маъмун пойтаҳт Бағдодга кўчиб ўтмайди ва вақтинча — 819 йилгача Марв халифаликнинг пойтаҳти бўлиб туради.

Афтидан, худди ана шу 813 — 819 йиллар орасида ал-Маъмун Марвда ўз атрофига бутун Мовароуннахр, Хуресон, Афғонистон ҳудудларидан кўзга кўринган олимлар ва истеъоддли ёшларни тўплай бошлайди. Юқорида номлари Зикр қилинган олимларнинг баъзилари ва номлари бизга номаълум қолган бошқа олимлар шу паллада ал-Маъмун ҳузурига тўпланган бўлса эҳтимол.

Ал-Маъмун барча рақибларини дафъ этганидан сўнг 819 йили Бағдодга кўчади; унинг халифалиги то вафотигача — 833 йилгача давом этади. У ўзи билан Бағдодга Марвдаги барча олимларни олиб келади. Улар орасида Йаҳйо ибн Абу Мансур, Ҳолид ибн Абдулмалик ал-Марваррудий, Аббос ибн Саъид ал-Жавҳарий, Абут Тайиб Санад ибн Али, Муҳаммад ибн Мусо ал-Хоразмий, Аҳмад ал-Фарғоний, Аҳмад ибн Абдуллоҳ Ҳабаш ал-Ҳосиб, Абдулҳамид ибн Турк ал-Хутталий каби астроном ва математиклар бор эди<sup>48</sup>.

Бағдодга келганларидан сўнг марвлик олимлар у ерда «ал-маровиза», яъни «марвликлар» атамасини олдилар. Бағдодга келиши билан ал-Маъмун «Байтул ҳикма» олимларининг ижодий ва интеллектуал қувватига асосланган ҳолда кенг кўламдаги илмий-ташкилий фаолиятни бошлаб юборди. «Байтул ҳикма»нинг ал-Амин даврида бироз сусайган

фаолияти «марвликлар» келиши билан құдратли импульс олиб, яңғидан шилдат билан бошланди. Үша даврдаги Бағдодда ишлаган олимлар орасида «марвликлар»нинг салмоғи устун бўлганлиги аниқ. Ю.Рушканинг айтишича, IX – X асрларда Бағдодда «Байтул ҳикма»да фаолият олиб борган математик ва астрономларнинг Г.Зутер томонидан тузилган рўйхати 500 дан ортиқ кишини ўз ичига олган бўлиб, бу олимларнинг деярли ҳаммаси Хуросон, Мовароуннаҳр, Бактрия ва Фарғонадан бўлганлар<sup>49</sup>.

Ал-Маъмун даврида «Байтул ҳикма» олимларининг асосий фаолиятларидан бири таржимонлик фаолияти эди. Йирик таржимонлардан бири ал-Ҳажжож ибн Йусуф ибн Матар эди: унинг фаолияти Ҳорун ар-Рашид даврида бошланганини биз юқорида айтган эдик. У Евклид «Негизлар»ини икки марта таржима қилган бўлиб, биринчиси Ҳоруннинг даврида бошлангани учун «ал-Ҳоруний» деб аталган эди. Бу таржиманинг катта бир камчилиги бор эди: унда бир қанча маҳсус юнонча иборалар таржима қилинмаган эди. Халифа ал-Маъмун даврида бажарилган ва шунинг учун «ал-Маъманий» деб аталган иккинчи таржимада бу камчиликлар бартараф қилинган эди. Шунинг учун ўрта аср олимлари унга эътиқод қиласар эдилар<sup>50</sup>. Ал-Ҳажжож 827–828 йилларда Птолемей «Алмажистий»сининг ilk таржимасини бажарган эди<sup>51</sup>.

IX асрнинг биринчи ярмида яшаб ижод этган файласуф ва табиб Абу Закарийо Йұханна ибн ал-Батриқ йирик таржимон ҳам эди. У Платоннинг «Тимей», Аристотелнинг «Осмон ҳақида», «Метеорология», «Кўнгил ҳақида» ва «Сиёсат» асарларини ҳамда Гиппократ ва Галеннинг баъзи асарларини таржима қилган эди<sup>52</sup>. Ундан ташқари Абу Закарийо фалсафа ва табобатга оид қатор асарлар яратган.

IX асрнинг йирик таржимонларидан бири Абу Зайд Ҳунайн ибн Исҳоқ ал-Ибодий (808 – 873 йиллар) эди. Унинг ёшлик йиллари халифа ал-Маъмун даврида ўтди. Аслида у Ироқдаги Ҳира шаҳридан бўлиб, Гундишопурда билим олди, сўнг Бағдодга келиб, «Байтул ҳикма»да ишлади. У китоб келтириш мақсадида бир неча марта Румга саёҳат қиласади. У сурён, юнон, араб ва форс (паҳлавий) тилларини яхши биларди. Ҳунайннинг фаолияти ал-Маъмун даврида бошланиб, энг унумли ишлаган йиллари халифа ал-Мутаваккил (847–861 йиллар) даврига тўғри келади. Унинг асосий қиласиган иши юнон тилидан таржима қилиш эди.

Хунайн юончадан арабчага ҳам, сурёнчага ҳам таржима қилаверар ва ўз шогирдларининг таржималарини таҳрир қиласар эди. У кўп йиллик унумли фаолияти натижасида фалсафа, мантиқ, табобат, математика, астрономия, механика ва бошқа фанларга доир юз элликдан ортиқ юончада асарларни таржима қилди. Унинг таржималари орасида Гиппократнинг («Афоризмлар», «Прогностика»), Галеннинг («Софлиқ тартиби ҳақида китоб», «Овқатнинг хусусиятлари ҳақида китоб», «Оддий дорилар ҳақида китоб»), Платоннинг («Синопсис», «Давлат», «Тимей»), Аристотелнинг («Ҳайвонлар ҳақида», «Метафизика»), Орибазийнинг, Менелайнинг, Птолемейнинг, Феодосийнинг, Диоскориднинг ва Павлининг асарлари бор эди.

Таржимонликдан ташқари Хунайн ибн Исҳоқ табобат соҳасида ҳам унумли фаолият олиб борган. Хунайннинг шахсан ўз асарларининг сони юзга яқин бўлиб, уларнинг аксарияти табобатнинг турли муаммоларига бағишиланган<sup>53</sup>. Унинг ўғли Исҳоқ ибн Хунайн Птолемей «Алмажистий»сини таржима қилган<sup>54</sup>.

Бу ерда Бағдоддаги «Байтул ҳикма»да ал-Фарғоний билан ҳамкорлик қилиган таржимонлардан баъзиларининг номларини эслатдик. Албатта, ал-Фарғонийга замондош таржимон олимлар доираси анча кенг эди. Бироқ уларнинг баъзилари ҳақида ниҳоятда кам маълумот сақланган, баъзилари ҳақида эса умуман сақланмаган.

Юқорида айтганимиздек, Бағдодга ал-Маъмун билан бирга Марвдан келган олимлар ислом илм-фани ривожига улкан ҳисса қўшдилар. Тарихий ҳужжатларга кўра, улар «Байтул ҳикма»да бошқарувчилик вазифаларида бўлганлар. Халифалар уларнинг маслаҳатларига муҳтож эдилар, кўпчилик уларнинг сўзларига қулоқ соларди. Ал-Фарғонийнинг ўзи ҳам «Байтул ҳикма»да салмоқли ўринни эгалларди, «Байтул ҳикма» расадхоналарида асосан мовароуннаҳрик олимлар бошчилик қиласарли.

Бағдод олимлари кўпроқ фаннинг астрономия ва математика соҳалари билан шугулланардилар. «Байтул ҳикма»нинг Бағдод ва Дамашқда иккита расадхонаси бор эди. Халифаликлаги энг биринчи расадхона 828 йили Бағдоднинг Шаммосия дарвозаси олдида барпо қилинган. Расадхона қурилиши ва унинг асбоб-ускуналарини ясаш Абу Тайиб Санад ибн Алига – халифа ал-Маъмун қўлида имон келтирган Марказий Осиёлик яхудийга топширилади. Яна

халифанинг амри билан Шаммосиядаги астрономик кузатишга мутасадди этиб Йаҳйо ибн Абу Мансур (830 йилда вафот этган) тайинланади. Ал-Маъмун унга Гиппарх ва Птолемейларнинг кузатиш натижаларини қайта аниқлашни буюради. Беруний «Геодезия»сида келтирган маълумотларига кўра, Йаҳйонинг бу кузатишлари 828–830 йилларда бажарилган. Беруний бу кузатиш натижалари ҳақида «Геодезия»да бундай хабар келтиради: «Птолемейдан кейин то амир ал-мўминин ал-Маъмуннинг замонигача бўлган бирорта кузатиш [ҳақида] бизга хабар етиб келмаган. У Йаҳйо ибн Абу Мансурга бу ҳисобларни янгилашни буюрди ва у буни Шаммосияда амалга оширди. Маълумки, у энг катта оғишини тўлиқ айлананинг икки минг тўрт юздан бир юз эллик етти бўлагига teng топган, – бу эса  $23^{\circ}33'$  бўлади, – ва шунга ўз зижидаги жадвалларини асослаган. Бу ҳақда ал-Хоразмий шу [юқоридагидек] ҳикоя қиласиди ва бу маълумотларни ўз кўзи билан кўрганларига нисбат беради, чунки у бу ўлчашларни [шахсан] ўзи кузатган»<sup>55</sup>.

Бу иқтибосда эслатилган зиж – Йаҳйонинг «Зиж ал-Маъмуний ал-мумтаҳан» (яъни «Имтиҳон қилинган (текширилган)зиж») асари бўлиб, унинг Шаммосиядаги кузатишлари натижасида тузилган. Унинг номидаги «текширилган» сўзи Йаҳйо бу асарни ўз ўтмишдошларидан ўзлаштириб олмаганини, балки шахсий кузатишлари натижасида текширганлигини англаатади. Бу зижнинг икки таҳрири мавжуд бўлган. Улардан бири ҳозир Мадридда Эскуриал (ар.927) кутубхонасида сақланади.

Йаҳйо ўзининг Шаммосиядаги кузатишларини келаси 829 йили ҳам давом эттиради ва бу гал Қуёшнинг энг катта оғишини  $23^{\circ}35'$  га teng деб топади. Бироқ Шаммосиядаги кузатишларнинг пировард натижаси ал-Маъмунни қаноатлантирумайди ва уни «арзимайдиган деб топиб, ...сўнгра Холид ибн Абдулмалик ал-Марваррудийга Дамашқда ўлчаш ишларини бажаришга буйруқ берди»<sup>56</sup>.

Биз юқоридан биламизки, Холид ҳам Марвдан келган Марказий Осиёлик олим. Бағдоддаги ўлчашлар натижаси халифани қаноатлантирумаганининг сабаби шуки, Шаммосия расадхонаси текис ерда жойлашган эди. Кузатишлар аниқроқ бўлиши учун эса одатда расадхонани баландликда барпо қилинади. Дамашқдаги кузатиш учун кулай жой танланади - Қасийун тогида олиб борилади. Бунинг учун Хо-

лид Қасийун төғидаги Дайр Муррон монастирининг деворига квадрант ўрнатади ва тўла бир йил давомида ўша ерда кузатиш олиб боради. Бу кузатишлар натижасида Холид энг катта оғиши 832 йил учун  $23^{\circ}33'57''$  деб топади. Бу эса ўз даври учун анча аниқликдаги миқдор эди.

Шундай қилиб, биз кўрамизки, Бағдодда ишлаган Марказий Осиёлик олимлар эклиптика текислигининг осмон экваторига оғиши бурчагини ўз даври учун катта аниқлик билан топдилар. Холиднинг иштироки билан Ер меридиани бир даражасининг узунлиги Мосул яқинидаги Синжор саҳросида ўлчаниб, 56 араб милига, яъни қарийб 113 кмга тенг деб топилади, бу ҳам ўз даври учун катта аниқлик эди. Бу ўлчашларда Йаҳйо ибн Аксом, Аббос ал-Жавҳарий ва Аҳмад ал-Фарғонийлар иштирок этади. Бу ҳақда қуйида муфассал тўхталамиз.

Бу олимларнинг биринчиси - Йаҳйо ибн Аксом ибн Йаҳйо ат-Тамимий ҳақида маълумотлар кам сақланган. Фақат у 775 йили Марвда туғилгани ва Бағдодга ал-Маъмун билан бирга келгани маълум. 833 йили ал-Маъмун вафот этганидан сўнг у Басрага қози этиб тайинланади ва ўша ерда 856 йили вафот этади<sup>57</sup>.

Мазкур олимларнинг иккинчиси — Аббос ибн Саъид ал-Жавҳарий Шаммосия ва Дайр Муррондаги кузатишларнинг фаол қатнашчиларидан бири эди. У аслида Сирдарё бўйидаги Фороб шахри (ҳозирги Арис) яқинидаги Гавҳар қишлоғидан эди. Ал-Жавҳарий ўз даврининг атоқли астрономи эди, у мазкур расадхоналарда узоқ муддатли кузатишлар олиб борди, сайёralар эфемеридаларини тузди<sup>58</sup>. У Санад ибн Али, Йаҳйо ибн Абу Мансур, Холид ибн Абдулмалик, ал-Хоразмий ва ал-Фарғонийлар билан узвий ҳамкорликда астрономик кузатишлар олиб борди. Унинг қаламига мансуб асарлардан «Зиж», «Күёшнинг Ер марказидан масофалари ҳақида рисола», «Евклид «Негизлари» I китобига тўлдириш», «Негизлар»га шарҳ» ва «Негизлар V постулатини такомиллаштириш» асарлари мавжуд<sup>59</sup>. Бу асарларнинг охиргиси ал-Жавҳарийни буюк математик сифатида оламга танитди. Бу асарида у ўрта асрлар даврида биринчилар қаторила параллеллар назариясига аҳамият беради ва бу билан ўзига замондош олимларнинг дикқатини бу масалага жалб қиласи. Француз математиги А.М.Лежандр бу масалага ал-Жавҳарий каби фақат 1800 йил, яъни ундан қарийб минг йил ўтгач ёндашади<sup>60</sup>.

Шаммосиядаги расадхона қурилиши ва бунда Санад ибн Алининг фаолияти ҳақида юқорида айтилган эди. Манбаларда унинг туғилган ва вафот этган йиллари, жойи ҳақида маълумот келтирилмайди. Берунийнинг бир хабарига кўра, 844 йили у Бағдодда Холид ал-Марваррудий ва Али ибн Исо ал-Ҳарроний ал-Астурлобий билан биргаликда баҳор мавсуми муддатини ўлчаган<sup>61</sup>. У 828 – 832 йилларда Бағдод ва Дамашқдаги кузатишларда фаол қатнашган. Санаднинг қаламига «Зиж», «Конус кесимлар ҳақида китоб» ва Евклид «Негизлар»ига шарҳ мансуб.

Бу ерда номи эслатилган Али ибн Исо ал-Ҳарроний ҳам IX асрнинг йирик олимларидан эди. У Ироқнинг шимолидаги Ҳаррондан, юлдузларга топинувчи сабийлар тоифасидан келиб чиққан эди. Унинг тўлиқ исмидаги ал-Астурлобий нисбаси у астурлоб ясаш бўйича мутахассис эканлигидан далолат беради. У астурлоб ва астрономик ускуналар ясашга қодир бўлгани учун ал-Маъмун у билан бошқа олимларга Синжор сахросида Ернинг миқдорини ўлчаш учун асбоблар ясашни буюради. У асосан астрономияга таалуқли «Астурлоб илмини изоҳлаш ҳақида рисола», «Зиж», «Ой тимпани ва тутилишлар дастаси билан амал қилишни аниқлаш ҳақида рисола», «Илми нужум санъатини рад этиш ҳақида рисола» асарларини ёзган. Бу асарлар учинчисининг номидан Али ибн Исо Қуёш ва Ой тутилишларини аниқловчи маҳсус асбоб ихтиро қилгани кўринади. Охирги рисоланинг номига қараганда эса, у астрологияга қарши бўлган.

Ал-Фарғоний даврида яшаган олимларнинг энг буюги ал-Хоразмий эди, десак ҳеч муболага бўлмайди. Ибн ан-Надим «Фихрист»ида ва Табарий «Тарихи»да келтирилган маълумотларга кўра, олимнинг тўлиқ исми Абу Жаъфар (ёки Абу Абдуллоҳ) Муҳаммад ибн Мусо ал-Хоразмий ал-Мажусий ал-Қатраббулий бўлган. Исмнинг энг аввалги қисми – кунйасининг икки хил бўлишига сабаб шуки, баъзи манбаларда уни Абу Жаъфар дейилса, бошқа манбаларда Абу Абдуллоҳ дейилган. Олимнинг ўзининг ҳақиқий исми Муҳаммад, отасининг исми Мусо, асли Хоразмдан бўлгани учун ал-Хоразмий бўлган. Баъзи тахминларга кўра, унинг отаси оташпараст зардуштий коҳин – муф бўлиб, исломни кейин қабул қилган. Шунинг учун олимнинг тўлиқ арабийлаштирилган исмига ал-Мажусий (муф – магос – мажус) нисбаси қўшилган. Исмнинг охиридаги ал-Қатраббулий нисбасига келсак, Хоразмий халифа саройига яқин ки-

шилардан бўлгани учун Бағдод яқинидаги зодагонлар яшайдиган Қатраббул даҳасида яшагани сабабли берилган. Олимнинг туғилган ва ўлган йиллари ҳам аниқ маълум эмас. Лекин баъзи ҳужжатларни таҳлил қилиш натижасида унинг туғилган йилини 783 ва вафот йилини 850 йил деб келишилган.

Биз юқорида ал-Хоразмий бошқа олимлар билан бирга ал-Маъмуннинг Марвдаги саройига 813 – 819 йиллар орасида келганини айтган эдик. Демак, саройга келишидан аввал у кўзга кўринган олим бўлиб танилган. Шу сабабли ал-Маъмун уни ўз саройига таклиф қилган. Бундан яна бир нарса кўринади – у ўз ватани Хоразмда маҳаллий анъанага таяниб илм олган ва олим бўлиб шаклланган. Хоразмда VIII аср охири ва IX аср бошидаги илмий анъана ва муҳит ҳақида биз фақат тахмин қилишимиз мумкин. Лекин шуниси шубҳасизки, Хуросонда ҳам, Хоразм ва Мовароуннаҳрда ҳам исломгача маҳаллий илмий анъана бўлган ва у ислом даврида ҳам сақланган. Ана ўша анъананинг мавжудлиги IX аср бошидаёт ал-Хоразмий, ал-Жавҳарий, ал-Фарғоний, ал-Марвазий ва бошқаларнинг йирик олим бўлиб шаклланишига имкон берган. У олимлар Бағдодга келишлари билан юонон илмий асарларини ўрганиб, ўзларининг илмий дунёқарашларини янада кенгайтириш имконига эга бўлганлар. Ал-Хоразмий улар орасида бирлаштирувчи ва бошқарувчи ролини ўйнади. У «Байтул ҳикма»нинг мудири бўлиб, бу муассасанинг йўналишини ва илмий ишларини режалаштириб турди. Ал-Хоразмий ўз фаолиятида, энг аввало, ўзи билан бирга Марвдан келган Марказий Осиёлик олимлар – фарғоналик Аҳмад ибн Касир ал-Фарғоний, марвлик Ҳабаш ал-Ҳосиб ва Йаҳийо Абу ибн Мансур ҳамда Марвнинг маъмурий доирасидаги Марварруддан бўлган Ҳолид ибн Абдулмалик ал-Марваррудийларга таянди. Шунинг учун бўлса керак, Бағдолининг илмий марказ сифатида шуҳрати тез орада оламга тарқалди. «Байтул ҳикма»нинг IX аср биринчи ярмида Марказий Осиёлик олимлар фаолияти натижасида тўплаган илмий потенциали кейинги аср охиригача етди.

Ал-Хоразмийнинг илмий меросига келсак, уларнинг умумий сони энг сўнгги тадқиқотларга кўра йигирмага яқинлиги аниқланди. Улар қуидагилардир.

1. «Алжабр ва алмуқобала ҳисоби ҳақида қисқача китоб» (ал-Китаб ал-мухтасар фи ҳисаб ал-жабр вал-муқабала). Бу номдаги «алжабр» ва «алмуқобала» иборалари аслида «тўлди-

риш» ва «қарама-қарши кўйиш» маъноларини англатиб, тенгламаларни каноник кўринишга келтиришдаги ал-Хоразмийнинг иккита асосий амали вазифасини бажарган. Кейинчалик бу ибораларнинг биринчиси лотинча транскрипцияда ал-Хоразмий шу асарида асос солган янги фан – алгебранинг номи бўлиб қолди. Рисоланинг арабча қўлёзмалари Оксфорд, Кобул, Мадина ва Берлин кутубхоналарида сақланади.

Рисола халифа ал-Маъмунга бағишлиланган ва, демак, унинг вафотигача, яъни 833 йилгача ёзилган.

2. «Ҳинд ҳисоби ҳақида китоб» — ал-Хоразмийнинг арифметик рисоласи, фақат лотинча таржимада сақланган. Унинг асли арабча номи «Китаб фи ҳисаб ал-ҳинд» бўлган деб тахмин қилинади<sup>62</sup>.

3. «Қўшиш ва айириш ҳақида китоб» («Китаб ал-жамъват-тафриқ») — ал-Хоразмийнинг иккинчи арифметик рисоласи. Уни Ибн ан-Надим X аср олими Абдуллоҳ ибн ал-Ҳасан ас-Сайдананийга бағишлиланган бўлимда эслайди, чунки у шу рисолага шарҳ ёзган эди. Рисоладан бир парчани Миср математиги Абу Комил (таксминан 850 – 930 йиллар) ўзининг алгебраик асарида келтиради.

4. «Зиж» ёки «Кичик Синдҳинд», Оврупо адабиётида «Астрономик жадваллар» номи билан ҳам маълум — ал-Хоразмийнинг асосий астрономик асари. Асарнинг асл арабча нусхаси сақланмаган. Унинг фақат Кордовада яшаган андалусиялик астроном Маслама ал-Мажритий (1007 йилда вафот этган) томонидан қайта ишланган нусхасидан Аделард Бат (XII аср) ва Петр Алфонсо (XII аср) бажарган лотинча таржималар сақланган.

5. «Ер тасвири китоби» (Китаб сўрат ал-ард), ал-Хоразмийнинг географик асари, ўрта асрлар мусулмон географиясига асос солган. Асарнинг ягона арабча нусхаси сақланган, у 1037 или кўчирилган, Страсбург Университет кутубхонасида сақланади.

6. «Астурлоб ясаш ҳақида китоб» (Китаб амал ал-астурлаб), Ибн ан-Надим томонидан эслатилади<sup>63</sup>. Унинг бир парчаси Берлинда сақланади.

7. «Астурлоблар билан амал ҳақида китоб» (Китаб ал-амал би-л-астурлабат). Бунинг биргина нусхаси Берлин кутубхонасида сақланади.

8. «Муҳаммад ибн Мусо ал-Хоразмий амалларидан ақлли фикр — астурлоб ёрдамида азимутни аниқлаш» (Зара’иф

мин амал Мұхаммад ибн Муса ал-Харазми маърифа ас-самт би-л-астурлаб). Бу мұжаз рисоланинг құләзмаси Истамбулда Аё Сўфия кутубхонасида ал-Хоразмийнинг кичик рисолалари тўпламида 4830 рақами билан сақланади.

9. «Күёш соати тахтасида соат ясаш» (Амал ас-са’ат фи басит ар-рухама), Истамбулда мазкур құләзма билан бирга сақланади.

10. «Истаган шаҳар қибласи азимутини аниқлаш рисоласи» (Маърифа тақвим самт ал-қибла айий баладин ши’та). Рисоланинг нусхалари Тошкентда, Қоҳирада, Истамбулда ва Британия Музейида сақланади.

11. «Тулұз азимутини аниқлаш ҳақида рисолалар». Шу ном билан мазкур Истамбул құләзмасида келтирилган кичик рисолаларни атаймиз.

12. «Намоз вақтини аниқлаш ҳақида рисола», мазкур Истамбул құләзмасининг бир қисмими ташкил қиласы.

13. «Ҳилол кўриниши ҳақида рисола». Бу асарнинг фақат бир парчаси Йаҳйо ибн Абу Мансурнинг «Зижи мумтаҳани» таркибида сақланган.

14. «Яхудийлар эралари ва байрамларини аниқлаш ҳақида мақола» (Мақала фи-стихраж тарих ал-йаҳуд ва айядиҳим). Бу мұжаз рисоланинг биргина арабча нусхаси Патнада (Хиндистон), Банкипур кутубхонасида сақланади.

15. «Тарих китоби» (Китаб ат-тарих). Юқорида айтилғанидек, унинг фақат парчалари сақланган.

16. «Ал-Хоразмийнинг астрономия санъатига кириш китоби», одатда бу «Квадривиум» номи билан ҳам маълум. Унинг фақат лотинча қайта ишланган нусхасининг құләзмалари маълум.

17. Хаср олим Абу Маслама ал-Мажритийнинг «Файат ал-ҳикам» номли асари таркибида ал-Хоразмийнинг астрологик маънодаги рисоласидан парчалар келтирилади.

18. Мазкур Истамбул құләзмаси 4830 да мукхула, туғар, бинком ва дуlob деб аталувчи соат ускуналари тавсифланган рисолачалар келтирилган.

Ал-Хоразмий асарларининг айтарли тўлиқ бўлмаган рўйхати шудир.

Юқорида биз ал-Фарғоний давридаги илмларнинг асосий манбалари, Марв ва Бағдодда унинг атрофидаги илмий мухитни ифодалаган олимлар ҳақида тўхталиб ўтдик.

Олимнинг нисбаси ал-Фарғоний бўлса ҳам, унинг асли туғилган ери аниқ маълум эмас. Лекин ал-Фарғоний Марв-

дан ал-Маъмун билан бошқа олимлар қаторида Бағдодга келгани, Шаммосия ва Даир Муррондаги астрономик кузытишларда фаол қатнашгани, Мосул яқинида Синжор саҳросидаги Ер меридиани бир даражасининг узунлигини ўлчашда иштирок этгани ва ал-Фустот (ҳозирги Қоҳира) ҳудудида Нилдаги Равзо (Рўда) оролида миқёсни барпо қилгани маълум.

Олимнинг тўлиқ исмидаги ал-Фарғоний нисбаси унинг туғилган ери ҳақида аниқ маълумот бермайди. Гап шундаки, у даврларда арабларга хос бир одат билан кўпинча мамлакат ё ўлканинг бош шаҳрини ҳам, аслида шаҳарнинг ўз номи бўлса-да, мамлакат номи билан аталган. Масалан, Хоразмнинг қадимги пойтахти Котни 995 йилгача Хоразм ҳам дейилган. Лекин мазкур йилдан бошлаб пойтахт Хоразмнинг ғарбий шаҳри Гурганчга кўчган ва бу шаҳарни ҳам мазкур йилдан бошлаб Хоразм дейилаверган. Ҳудди шунингдек, арабларда Сурия Шом деб ҳам аталади. Лекин улар ҳудди шу ном билан пойтахт Дамашқни ҳам атайдилар. ёки Қоҳирани олайлик, араблар уни ҳам мамлакат номи билан Миср дэяверадилар.

Ал-Фарғонийнинг нисбаси билан ҳам шундай бўлгани аниқ. VIII аср охири ва IX аср бошларида Фарғонанинг пойтахти Ахсикат (ёки Ахси) эди ва бу шаҳарни ҳам воғийнинг номи билан Фарғона дейиларди. Ахсикатда араб ноиби турар эди, шунинг учун араблар уни пойтахт ҳисоблардилар. Ахсикат Сирдарёнинг ўнг соҳилида жойлашган бўлиб, қалъа, шаҳристон ва рободи бўлган. Қалъада сарой ва қамоқхона, шаҳристонда жомеъ масжид ва бозор бўлган, бозорлар рабодда ҳам бўлган.

Шаҳристоннинг беш дарвозаси бўлиб, улардан тўрттасининг ўрни ҳозиргача сақланган: булар Мардкуш, Косон, Жомеъ масжиди ва Риҳон дарвозалари деб аталган. Шаҳар серсув бўлган, ҳовузлари ҳам кўп бўлган. Айниқса, шаҳристонда ариқлар кўп бўлиб, улар ҳовузларга келиб тушган. Ҳовузлар туби ва лабига қир қоришма билан фишт терилган. Шаҳар иморатларининг кўп қисми шаҳристонда бўлиб, улар пахсадан ишланган. Шаҳар айланаси 3 фарсах (тажминан 18 км) ҳисобланган. Ал-Мақдисийнинг айтишича, шаҳар Фаластиндаги ар-Рамла шаҳридан бир ярим баробар катта бўлган; бу шаҳарнинг эни бир мил (2 км), бўйи бундан бироз узун бўлган<sup>64</sup>. Шаҳар атрофида яна икки фарсах (12 км) масофада боғ-роғ бўлган. Дарёнинг сўл

Қирғоғида шаҳарликларнинг ўтлоқлари ва ундан ҳам нарида бир марҳала (қарийб 30 км) масофада қумлоқлар бўлган. Шаҳардан шу жануб тарафида Кўқандга олиб борувчи йўл (узунлиги 7 фарсах – қарийб 42 км) бўлган. Кўқанд йўли тўғри Ахсикат дарвозасигача етган, ундан ўтгач, Сирдарёдан кечилган. Шу хабарга кўра, Ахсикат рабодининг бир қисми Сирдарёнинг сўл соҳилида бўлган, деб ҳисобланган<sup>65</sup>. Ахсикат катта-кичик шаҳар ва кентлар орқали ўтувчи йўллар билан Ўш, Хўжанд, VII аср охири ва IX аср бошигача Фарғона иҳшидларининг пойтахти бўлмиш Косон ва Кубо билан боғланган. Ахсикатнинг харобалари ҳозир Наманганд вилоятининг Поп туманида Сирдарёнинг ўнг соҳилидадир.

Ал-Фарғоний Марвга кетишидан аввал Ахсикатда араб ноибига яқин бўлгани эҳтимол, акс ҳолда ал-Маъмуннинг таъсир доирасига тушиши амри маҳол эди. Лекин аслида у ахсикатлик эмас. Кубо (Кува)лик бўлганлиги эҳтимолга яқин. У Фарғонанинг бошқа шаҳарларига нисбатан анча обод эди; ҳатто баъзилар Кубони Фарғонанинг иккинчи шаҳри деб ҳисоблаганлар. Сувга сероблиги ва боғлари кўплиги жиҳатидан у Ахсикатдан устун бўлган. Ал-Мақдисийнинг айтишича, Кубо катталиги ва бойлиги жиҳатидан ҳам Ахсикатдан устун бўлган. Шаҳар марказида майдон бўлиб, жомеъ масжиди бозорлар орасида бўлган. Шаҳар қалъя, шаҳристон ва рабодга бўлинган. Жомеъ масжиди қалъада бўлган; бозорлар, сарой ва қамоқхона рабодда жойлашган. Шаҳар Кувасой бўйида жойлашган. Шаҳар водийнинг анча шарқида жойлашгани учун Ўшга яқин ва унгача масофаси 7 фарсах (42 км) бўлган. Кубонинг харобалари Шаҳристон номи билан ҳозирги Куба шаҳрининг чеккасида сақланган; бу ўша ўрта асрлардаги шаҳар шаҳристони бўлса керак.

Ал-Фарғонийнинг 1200 йиллик юбилейи муносабати билан шаҳарда кенг қўламда археологик қазишмалар олиб борилаяпти. Аввалги қазишмаларда IX – X асрларга хос нафис шиша ва сопол идишлар, ҳайкалчалар топилган эди. Эндиғи қазишмалар натижасида VIII аср бошларига таалуқли нодир танга пуллар топилди. Диаметри 1,2 – 2 см бўлган икки юздан ортиқ бу тангалар тадқиқотчиларнинг диққатини ўзига жалб қиласяпти.

Шаҳристондаги қазишмаларда топилган тангаларнинг умумий сони 400 дан ортиқ бўлиб, улар Турк хоқонлиги,

Араб халифалиги, Сомонийлар ва Қорахонийлар даврига тааллуқлидир. Улар ичида, айниқса, Турк хоқонлиги даврида зарб этилган тангалар тадқиқотчиларда катта қизиқиши уйғотаяпти. Умуман Куба Шахристонида топилган маданий ёдгорликлар, хусусан Кубо ва умуман Фарғона аҳолиси юксак дидли ва маданиятли халқ бўлганидан далолат беради. Турли даврларга тааллуқли танга пулларнинг кўплиги эса ўша даврларда Фарғонада пулнинг аҳамияти катта бўлганлиги ва пул-товар муносабатлари анча юқори бўлганлигидан далолат беради. Бу эса Фарғона тарихини ва умуман Марказий Осиё тарихини анънавий усул билан эмас, балки бутунлай бошқача қараш билан янгидан кўриб чиқиши кераклигини билдиради.

Юксак маданиятли шаҳарлар — Кубо ёки Ахсикатдан келиб чиққан ал-Фарғоний қадимги анъаналарга асосланган билим ва маълумотни ўз ватанида олганига шубҳаланмаса бўлади. Ана шу чукур билимлари туфайли ал-Маъмун уни ўз ҳузурига таклиф қилган.

Ал-Фарғоний иштирок этган астрономик кузатишлар ва ўлчашларга келсак, турк фан тарихчиси Ойдин Сайлининг таъкидлашича, Аҳмад ал-Фарғоний халифа ал-Маъмун давридаги буюк астрономлардан бўлган ва у Шаммосия, Қасиён расадхоналаридаги кузатишларда иштирок этган<sup>66</sup>. Юқорида айтганимиздек, Шаммосиядаги кузатишлар 828 йилдан бошланади. Демак, ана шу сана ал-Фарғонийнинг Бағдоддаги ҳаётининг муҳим бир санаси деб қаралмоғи керак, чунки Шаммосиядаги кузатишларда Йаҳйо ибн Абу Мансур, Санад ибн Али ва Муҳаммад ал-Хоразмийлар билан бирга унинг ҳам ҳиссаси бўлган. Биз юқорида Санад ибн Али халифа ал-Маъмун кўлида имон келтирган йаҳудийлигини айтган эдик. Лекин Санад исломни қаҷон қабул қилгани ҳақида маълумот йўқ. Шундай бўлса ҳам у Шаммосияда йаҳудийларнинг ибодатхонаси – канисани 828 йилдан бироз олдин кургани маълум. Агар шу воқеани ҳақиқат дейилса, у ҳолда унинг имон келтириши ҳам ўша 828 йил арафасида ёки айнан ўзида бўлған, чунки Санад ибн Али шу йили ўзи барпо этган канисадан ибодатхона сифатида эмас, балки расадхона сифатида фойдаланади. Бундай килиши эса фақат йаҳудийликдан қайтганидан кейингина мумкин бўларди. Шундай қилиб, ал-Фарғоний ҳам Шаммосиядаги кузатишларда 828 йилдан бошлаб иштирок этади.

Айни маҳалда шуни ҳам таъкидлаш керакки, бу астрономик кузатишлар Шаммосияда турғун (стационар) расадхона барпо этилганидан сүнг бошланган астрономик кузатишлар жумласидандир. Лекин ал-Маъмун Марвдан ўз атрофидаги олимлар билан бирга 819 йили Бағдодга келганидан то 828 йилгача бирор кузатиш ё ўлчаш ишлари олиб борилмаганми, бу тўқиз йиллик оралиқда олимлар нима билан шуғулланган, деган қонуний савол туғилади. Шуни ҳам айтиш керакки, у вақтда олиб борилган илмий ишлар ҳақида тўла тавсиф ҳеч бир манбада келтирилмаган. Орада ўтган Қарийб 1200 йиллик вақт ичida кўп қўлёзма манбалар йўқолган. Баъзи хабарлардагина бирор воқеа ҳақида жуда оз маълумот берилади. Ал-Маъмун вақтидаги ўлчашлар ва астрономик кузатишлар шулар тоифасидандир. У кузатишлар ҳақида баъзи хабарлар бизга Абу Райҳон Беруний асарларида ёки кузатишлар давридан бир-икки аср қейин яшаган бошқа бирор олим (масалан, X асрдаги Ибн Йунус) асарида етиб келган. Баъзан бундай олимлар берган хабарлар бирбирига мос келмайди ёки ҳатто зид келади. Шунинг учун биз у хабарларни диққат билан тафаккур мезонига солиб кўришимиз керак бўлади.

Одатда ал-Маъмун давридаги кузатиш ёки ўлчаш ишлари ҳақида гап боргандা бир ёки икки олимнинг номи эслатилган бўлса ҳам, шубҳасизки, бу ишларда халифа атрофидаги олимларнинг барчаси иштирок этган. Чунки бундай ишларда кўпинча халифанинг ўзи ҳам иштирок этарди. Бинобарин, бундай ҳолларда бутун сарой мулоғимлари, айниқса, кузатиш, ўлчаш ишларига ал-Фарғоний каби бевосита алоқадор шахслар албатта мажбурий тарзда қатнашарди. Сарой муарриҳлари ҳар гал барча олимлар номларини эслатиб ўтирумай, балки у ерда мутасаддилик қилган ёки корчалон бўлган кишиларнинг номларинигина қайд этган. Шуни эътиборга олиб, агар у ёки бу кузатишга Йаҳйо ибн Абу Мансур ёки Санад ибн Али ёҳуд Ҳолид ибн Абдулмалик мутасаддилик қилди, дейилганда, бу ишда улар қатори Ҳабаш ал-Ҳосиб, Муҳаммад ал-Хоразмий, Аҳмад ал-Фарғоний ва кўплаб бошқа олимлар ҳам иштирок этган, деб тушунишимиз керак.

Атоқли рус шарқшуноси И.Ю.Крачковский манбаларни синчковлик билан таҳлил қилиб чиқарган хulosага кўра, ал-Фарғоний иштирокида Синжор саҳросида Ёр меридиани бир даражаси узунлигини ўлчаш ишлари 827 йилга яқин

олиб борилган. Лекин бу ҳақда хабар берган Беруний ва Ибн Йунас аниқ санани кўрсатмаганлар. Бу ерда бизга бир нарса аниқки, бу ўлчаш ишлари Шаммосиядаги расадхона барпо этилишидан, яъни 828 йилдан аввал бошланган. Шунинг учун у ишлар 827 йилдан бироз аввал олиб борилган бўлиши ҳам эҳтимол.

Халифа ал-Маъмун давридаги кузатишларнинг аксариятида унинг шахсан ўзи иштирок этган ва у кўп илмий ишларнинг бош ташаббускори бўлган. Ал-Маъмун халифа бўлиш билан бирга илмга чанқоқ ва синчков тадқиқотчи бўлган. Шунинг учун ҳам у илмий ишларда доим ташаббус кўрсатган. У ниҳоятда илмпарвар ва маърифатпарвар шахс бўлган. Акс ҳолда у ўз атрофига олимларни тўпламаган ва уларнинг ижодига шароит яратмаган бўларди. Ал-Маъмун халифа сифатида бир ќилида қилич ушлашга мажбур бўлган бўлса, олим ва маърифатпарвар сифатида иккинчи ќилида китоб ушлаган. Аслида ал-Маъмун ўрта асрлардаги энг биринчи олим ҳокимлардан эди.

Ал-Маъмун даврида ва ундан бироз аввал олиб борилган таржима ишлари ҳақида юқорида айтилган эди. Демак, таржима ишлари 819 йилдан кейин кенг кўламда бошланган, дейиш мумкин. Беруний айтишича, «Ал-Маъмуннинг ўлчашлари у юононларнинг китобларида бир даражанинг ҳиссаси беш юз стадия эканлигини ўқиб олганидан кейин бўлган... У таржимонларда бу ўлчамнинг миқдори ва уни аниқлаш ҳақида қониқарли хабар топмади. Ўшанда ...ал-Маъмун шу ўлчаш ишларини бажариш учун асбоблар ясаш ва жой танлашни буюрган»<sup>67</sup>. Бу иқтибосга кўра, халифа ал-Маъмуннинг ўлчаш ва кузатиш ишларига киришиши «маъмуний» таржималардан кейин бўлган. Демак, Синжор саҳросидаги ўлчаш ишлари вақти 820 – 827 йиллар оралиғига тўғри келади. Ал-Фарғонийнинг бу ўлчаш ишларида қатнашганига шубҳа йўқ, чунки бу ҳақда Беруний келтирган далиллар бор. У келтирган хабарга кўра, мазкур саҳрова Ироқ шимолидаги Мосул шаҳридан фарброқда текис ер танланган. «У ернинг текислиги ҳаммани қаноатлантириди. Сўнгра ўша ерга асбобларни ўрнатдилар ва унда бир жойни танлаб, у ерда Куёшнинг тушки баландлигини ўлчадилар. Кейин улар икки гуруҳга бўлиниб, Холид [ибн Абдулмалик] ер ўлчовчи ва ҳунармандлардан иборат бир тоифа билан бирга шимолий қутб йўналишида кетди. Али ибн Исо ал-Астурлобий ва Аҳмад ибн ал-Бухтарий аз-Зарроълар бир тўда билан жанубий қутб

йўналишида кетдилар. Ҳар бир тоифа олимлар Қуёшнинг тушдаги баландлиги оғиш туфайли ўзгаришидан ташқари яна бир даражагача ўзгарганини топгунларича ўлчайвердилар. Улар йўл-йўлакай масофани ҳам ўлчаб, унга ўқ ўрнатиб кетаверган эдилар. Орқага қайтганларида йўлни иккинчи марта ўлчадилар. Иккала тоифа аввал ажралишган жойларига яна йифилдилар ва Ер [айланаси] бир даражасининг [миллардаги] ҳиссаси эллик олти мил эканлигини топдилар<sup>68</sup>. Бу иқтибосда фақат иккала гуруҳда бошчилик қилган шахсларнинг номлари эслатилган. Беруний «тоифа», «тўда» деб олимлар икки гуруҳини назарда тутаётир. Уларнинг бирида ал-Фарғоний бўлгани шубҳасиз. Биз буни куйироқда кўрамиз. Топилган натижа – бир даражанинг узунлиги – эллик олти мил ҳам ўша гуруҳлардан бири топган натижа деб қаралмоғи керак. Бу мил араб мили бўлиб, бир араб мили 1995 м га teng<sup>69</sup>. Демак, бу ҳолда  $1995 \times 56 = 111720$  м ёки 111,72 км бўлади. Бу эса ҳозирги ўлчамларда Ер меридиани бир даражаси учун қабул қилинган 111,135 км дан фақат 0,545 км ортиқ бўлиб<sup>70</sup>, ўша давр учун катта аниқлик эди.

Берунийнинг хабарига кўра, юқорида келтирилган натижа ҳақида хабарни Ҳабаш ал-Ҳосиб Ҳолид ибн Абдулмалик Йаҳъо ибн Аксам ал-Ғозийга айтотганда эшитган ва эшитганича ёзиб олган. Демак, Ҳабашнинг ўзи у ўлчашларда иштирок этмаган. Аммо ал-Фарғонийга келсак, унинг мазкур ўлчашларда иштирок этгани ҳақида Беруний бундай дейди: «Ал-Фарғонийдан ҳикоя қилиб айтадиларки, ўша мазкур миллардан кейин яна учдан икки мил келади»<sup>71</sup>. Бу хабарда ал-Фарғоний аввалги иқтибосдаги натижадан фарқли натижани бевосита иштирок этган ва кўрган шахс сифатида таъкидлаб айтаяпти. Бу галги натижа 113,05 кмни ташкил қиласди. Бу натижа аввалгидан бироз ортиқ бўлсада, у ҳам ўз даври учун анча аниқ эди. Берунийнинг айтишича, бир ўлчамдаги бу икки хил натижанинг ҳосил бўлиши, аслида, иккала гуруҳнинг ҳар бири топган натижалардир.

Беруний Ҳабаш ал-Ҳосиб ва ал-Фарғоний хабарларига кўра милларнини даражалардаги ҳиссаларини алоҳида жадвалга жойлаштирган. Демак, у шу жадвални ал-Фарғоний асарларининг биридан олган. Шунинг учун биз у жадвални бу ерда келтирамиз.

**Милларнинг даражалардаги ҳиссалари жадвали**

Фарсаҳ- лар	Мил- лар	Ат-Фарғоний				Ҳабаш ат-Хосиб			
		даража- лар	дақиқа- лар	сониялар	солисалар	даража- лар	дақиқа- лар	сониялар	солисалар
0	1	0	1	3	32	0	1	4	17
	2	0	2	7	4	0	2	8	34
	3	0	3	10	35	0	3	12	51
1	4	0	4	14	7	0	4	17	9
	5	0	5	17	39	0	5	21	26
	6	0	6	21	11	0	6	25	43
2	7	0	7	24	42	0	7	30	0
	8	0	8	28	14	0	8	34	17
3	10	0	10	35	18	0	10	42	51
	11	0	11	38	49	0	11	47	9
	12	0	12	42	21	0	12	51	26
4	13	0	13	45	53	0	13	55	43
	14	0	14	49	25	0	15	0	0
	15	0	15	52	56	0	16	4	17
5	16	0	16	56	28	0	17	8	34
	17	0	18	0	0	0	18	12	51
	18	0	19	3	32	0	19	17	9
6	19	0	20	7	3	0	20	27	26
	20	0	21	10	35	0	21	25	43
	21	0	22	14	6	0	22	30	0
7	22	0	23	17	39	0	23	34	17
	23	0	24	21	10	0	24	38	34
	24	0	25	24	42	0	25	42	51
8	25	0	26	28	14	0	26	47	9
	26	0	27	31	46	0	27	51	26
	27	0	28	35	17	0	28	55	43
9	28	0	29	38	49	0	30	0	0
	29	0	30	42	21	0	31	4	17
	30	0	31	45	53	0	32	8	34
10	31	0	32	49	24	0	33	12	51
	32	0	33	52	56	0	34	17	9
	33	0	34	56	28	0	35	21	26
11	34	0	36	0	0	0	36	25	43
	35	0	37	3	31	0	37	30	0
	36	0	38	7	3	0	38	34	17
12	37	0	39	10	34	0	39	38	34
	38	0	40	14	7	0	40	42	51
	39	0	41	17	38	0	41	47	9

1	2	3	4	5	6	7	8	9	10
13	40	0	42	21	11	0	42	51	26
	41	0	43	24	42	0	43	55	43
	42	0	44	28	14	0	45	0	0
14	43	0	45	31	45	0	46	4	17
	44	0	46	35	18	0	47	8	34
	45	0	47	38	49	0	48	12	51
15	46	0	48	42	21	0	49	27	9
	47	0	49	45	52	0	50	21	26
	48	0	50	49	25	0	51	25	43
16	49	0	51	52	56	0	52	30	0
	50	0	52	56	28	0	53	34	17
	51	0	53	59	59	0	54	38	34
17	52	0	55	3	32	0	55	42	51
	53	0	56	7	3	0	56	47	9
	54	0	57	10	35	0	57	51	26
18	55	0	58	14	7	0	58	55	43
	56	0	59	17	39	0	0	0	0
	57	0	0	21	11	0	1	4	17
19	58	0	1	24	42	0	2	8	34
	59	0	2	28	14	0	3	12	51
	60	0	2	31	46	0	4	17	9

Бу жадвалнинг ажойиб хусусияти шундаки, ал-Фарғонийнинг натижалари ҳам, Ҳабашнинг натижалари ҳам жадвалга чизиқли интерполяциялаш:

$$f(x) = f(x_0) + (x - x_0) \frac{f(x_0 + h) - f(x_0)}{h}$$

формуласи бўйича жойлаштирилган.

Жадвалдан кўринадики, Ҳабашда 56 милга  $1^{\circ}$  да эришилган. Лекин ал-Фарғонийда 56 милга  $0^{\circ}59'17''39'''$  мос келади. Жадвалнинг кейинги сатрида 57 мил келтирилган бўлиб, унга бир даражадан ортиқ –  $1^{\circ}0'21''11'''$  мос келади. Демак,  $1^{\circ}$  нинг қиймати 56 ва 57 миллар орасидадир. Агар мазкур интерполяциялаш формуласи қўлланилса,  $1^{\circ}$  учун 56,66 мил мос келишини кўрамиз, бу эса ал-Фарғонийдаги  $56\frac{2}{3}$  нинг ўзидир.

Халифа ал-Маъмун даврида ал-Фарғоний иштирокида аниқланган Ер меридиани бир даражасининг узунлиги ҳозирги ўчашшлар натижасидан ярим километрдан ҳам ортиқ бўлга-


нининг сабаби ўша давр ўлчаш асбобларининг мукаммал эмаслигига эди. Шундай бўлса ҳам И.Ю.Крачковский у ўлчашларга юқори баҳо берган: «Ўша ўлчашга жасорат билан киришишнинг ўзиёқ араб маданиятининг кенг кўламда ва тез ривожланаётганининг ёрқин далили эди. У география ва математика фани тарихида ҳақли равишда юксак ўрин олди. Бу воқеанинг тарихий аҳамияти яна шу билан исботланадики, араблардан кейинги бундай ўлчашлар [Оврупода] фақат XVI, XVII асрлар бошларида бажарилди»<sup>72</sup>.

Ал-Маъмун даврида меридиан 1 даражасининг 56 2/3 мил деб топилгани лотинча таржималар орқали Оврупо фанига ҳам сингиди. Лекин XIV, XV асрлардаги Оврупо олимлари ўша даврда араб миллари Оврупода қабул қилинган милларга мос келмаслигидан бехабар эдилар. Ана шу хато, Крачковскийнинг айтишича, Колумбга Американи очишига ёрдам берди<sup>73</sup>: у араб милини ундан 384 метр кам бўлган италия милига teng деб олган. Шунинг учун унда бир дараҷа араблардагидан 22 км кам бўлган ва натижада фарбий Оврупо соҳили билан Шарқий Осиё соҳили орасидаги ма-софа унга ҳақиқийсидан анча яқин бўлиб кўринган ва уни Атлантика океанида сузишга ундаган.

Синжор саҳросида ал-Фарғоний ва мовароуннаҳрлик бошқа қатор олимлар иштирокида олиб борилган ўлчашлар натижаси ҳозирги илм нуқтаи назаридан катта аниқликда бўлмаса ҳам, бу иш халифа ал-Маъмун даврида астрономия ва математик географиянинг барча масалалари бўйича мунтазам илмий изланишлар олиб борилганлигидан далолат беради. Ал-Фарғоний бу изланишлар, ўлчаш ва кузатишларнинг фаол қатнашчиси бўлиб, уларга маҳсус асарлар бағишишлаган.

Ал-Маъмун даврида илмий изланишлар мунтазам олиб борилганлигидан далолат берувчи яна бир ҳужжат мавжуд. 830 йили халифа Румга (Византияга) қилган бир юриши асносида юқорида эслатилган Санад ибн Али уфқнинг қуяилашиш бурчагини кузатиш ёрдамида Ернинг миқдорини ўлчаган. Ал-Фарғоний бу ўлчаш ишида иштирок этган ё этмаганлигидан қатъи назар, бу иш унинг муҳитидаги ҳамкасби томонидан бажарилганлиги учун диққатга сазовор.

Санад ибн Алининг усулини намойиш қилиш учун I-расмга мурожаат қиласилик. Унда LF — маркази K бўлган Ер айланаси, E — тоғ чўққиси, EL = I — тоғ баландлиги,



1-расм. Санад ибн Али усули

$LB$  – тоғ асосининг қўринма уфқи,  $LK = r$  – Ер радиуси,  $EG$  – тоғ чўққисидан Ерга  $F$  нуқтада уринган кўз нури бўлсин. Агар  $BG = h$  – қўйилашиш ёйи десак,  $BH = \sin h$ ,  $MN = \cos h$  бўлади. Аслида  $LEM$  – қўйилашиш бурчаги бўлгани учун тўғрибурчакли  $BHM$ ,  $EKF$  учбурчакларнинг мос томонлари тенглигидан  $\angle HBM = \angle LEM$  бўлади.  $MBH$  ва  $EKF$  учбурчаклар ўхшашлигидан  $MB:HM = EK:KF$  пропорция ўринли. Бу пропорциядан осонлик билан  $MB:(MB - MH) = EK:EL$  пропорцияни ҳосил қилиш мумкин. Бундан

$$EK = EL + LK = \frac{MB \cdot EL}{MB - MN};$$

$$\text{ёки } 1 + \frac{r}{R} = \frac{R_1}{R - \cosh h}$$

демак, Ер радиуси  $r = \frac{1 \cosh h}{R - \cosh h}$  бўлади.


Беруний Санад ибн Али топган Ер радиусининг сон қийматини келтирмаган. Лекин аниқ математик қоида билан Ер радиусининг топилишининг ўзи ал-Маъмун давридаги олимларнинг, жумладан, ал-Фарғонийнинг катта ютуғи эди.

Биз юқорида ал-Фарғонийнинг ҳамкасби Йаҳйо ибн Абу Мансур ижоди муносабати билан у эклиптиканинг экваторга оғиш бурчагини Шаммосиядаги кузатишларда аниқлагани ҳақида бироз тўхталган эдик. Бу қиймат Птолемейда  $23^{\circ}51'20''$  га тенг бўлиб, халифа ал-Маъмунни ҳақиқатан ҳам қаноатлантирумайди, чунки сайёralар ҳаракатларига ва юлдузлар астрономиясига алоқадор қатор ўзгарувчилар шу параметрга боғлиқдир. Ал-Маъмун ана шуни тўғри англағани унинг юксак даражада астрономик маълумотга эга бўлганигидан далолат беради. Юқорида келтирилган иқтибосда

Беруний Шаммосиядаги кузатишлар ҳақидаги хабарида буюк ватандошимиз Мұхаммад ал-Хоразмий «шахсан ўзи кузатган» деб ёзған бўлса, Крачковский Шаммосиядаги кузатишларда Хоразмий билан бирга ал-Фарғоний ҳам бўлганини эътироф этади<sup>74</sup>.

Маълумки, ал-Маъмунни Шаммосиядаги кузатишлар натижалари қаноатлантирганидан сўнг у кузатишларни 831 йили Дамашқдаги Қасийун тепалигидағи Дайр Муррон расадхонасиға кўчиради. Қасийун тепалиги Дамашқнинг шимолий тарафида жойлашган бўлиб, аслида у Ливан тоғларининг қујиси ҳисобланади. Бу ер астрономик кузатишга Шаммосиядаги расадхонадагига нисбат анча қулай бўлиб, халифа ал-Маъмунни бу ердаги кузатишлар қаноатлантирган. Дамашқдаги кузатишларда ал-Фарғоний иштирок этгани шубҳасиз. Беруний у кузатишларда ал-Маъмун билан Марвдан келган олимлардан фақат мутасаддиларнинггина номларини, яъни Санад ибн Али ва Холид ибн Абдулмалик ал-Марваррудий номларини эслатган. Шаммосиядаги кузатиш натижалари халифага маъқул келмаганлиги учун, яъни 830 йил декабрида Куёшнинг энг кичик баландлиги кузатилганидан сўнг, у олимларни Дамашққа кўчирган кўринади. Чунки манбаларда шу вақтдан кейин Шаммосиядаги кузатишлар эслатилмайди.

Дамашқда ал-Фарғоний иштирокида Холид ибн Абдулмалик, Санад ибн Али ва бошқа астрономлар Дайр Муррон расадхонасида илк бор Куёшнинг энг катта баландлигини 832 йил 15 июня, якшанба куни, сўнг кейинги икки кун ҳам, яъни 16—17 июнларда — душанба, сешанба кунлари кузатадилар ва  $80^{\circ}4'10''$ ,  $80^{\circ}4'30''$ ,  $80^{\circ}4'28''$  натижани топадилар. Беруний бу кузатишлар ҳақида хабар бериб, чизмалар ҳам келтиради. Биз бу кузатишларни қуидаги чизмада намойиш қиласылар (2-расм). ABC — эклиптика ёйи ва B нуқта шу ёйнинг ўртаси бўлсин; A, B ва C нуқталар эклиптиканинг Куёш баландлиги аниқланган якшанба, душанба ва сешанба кунларига мос нуқталари, E — ёзги Куёш туриш нуқтаси ёки унга жуда яқин нуқта,  $A'B'C''$  — уфқ текислигининг изи ва  $AB'C'$  — уфқ текислигига параллел текисликнинг изи бўлсин. Шаклдан  $AA'=h_A=80^{\circ}4'10''$ ,  $BB''=h_B=KK''=80^{\circ}4'30''$ ,  $CC''=FF''=h_C=h_F=80^{\circ}4'28''$  чиқади. Бундан  $\Delta h_{AC}=\Delta h_{AF}=h_C-h_A=h_F-h_A=0^{\circ}0'18''$ ;  $\Delta h_{AB}=\Delta h_{AK}=h_B-h_A=h_K-h_A=0^{\circ}0'20''$ .



2-расм. Холид ибн  
Абдурмалик  
үлчашлари

Ал-Маъмун олимлари Куёшнинг бир кунлик ҳаракати ёйи АВни  $\Delta\lambda_{AB} = 0^{\circ}56'58''48'''$  топганлар, АF ёйини эса шу белгилашларда  $\Delta\lambda_{AF} = 0^{\circ}51'16''55'''$  топганлар. У ҳолда шаклдан  $\Delta\lambda_{AB} - \Delta\lambda_{AF} = \Delta\lambda_{FB} = 0^{\circ} 5' 41'' 53'''$  ва  $\Delta\lambda_{AB} = \Delta\lambda_{BC}$ ,  $\Delta\lambda_{FB} = \Delta\lambda_{KC}$ ,  $\Delta\lambda_{AF} = \Delta\lambda_{KB}$  бўлади. Яна шаклдан  $\frac{1}{2}\Delta\lambda_{BK} = \Delta\lambda_{FK} = 0^{\circ}25'38''27'''30''''$ . Демак,  $\Delta\lambda_{AE} = \Delta\lambda_{EK} + \Delta\lambda_{AB} = 0^{\circ}25'38''27'''30'''' + 0^{\circ}56'58''48''' = 1^{\circ}22'37''15'''30''''$ ,  $\Delta\lambda_{AE} = 1^{\circ}22'37''15'''30''''$ .

Ал-Маъмун астрономлари халифалик фани тарихининг шундай илк даврида сферик тригонометрия теоремаларидан хабардор бўлганлар ва тўғрибурчакли сферик АВВ' ва АЕЕ' учбурчакларнинг мос ВВ', ЕЕ' катетлари ва АВ, АЕ гипотенузаларига кўра сферик Пифагор теоремасини татбиқ қилиб,

$$\frac{\Delta\lambda_{AB}}{\Delta\lambda_{AE}} = \frac{h_B - h_A}{h_E - h_A} — \text{пропорцияни топганлар.}$$

Мос қийматлар пропорцияга қўйилганидан сўнг:

$$\frac{0^{\circ}56'58''48'''}{1^{\circ}22'37''15'''30''''} = \frac{0^{\circ}0'20''}{h_E - h_A} \text{ ёки}$$

$$h_E - h_A = 0^{\circ} 0' 29'' \text{ бўлади.}$$

Бундан  $h_E = h_A$  баландликни  $h_E = h_A + 0^{\circ}0'29'' = 80^{\circ}4'10'' + 0^{\circ}0'29'' = 80^{\circ}4'39''$  кўринишда топилади. Бу эса 832 йили Дамашқдаги ёзги Куёш туриш пайтидаги Куёшнинг баландлиги, яъни унинг энг катта баландлиги  $h_{max} = 80^{\circ}4'39''$  эканини билдиради.

Ал-Маъмун олимлари мазкур 832 йил 16, 17, 18 деқабрь душанба, сешанба, чоршанба кунлари, яъни қишики Қуёш туришига яқин бўлган кунларда унинг баландлигини кузатганлар. Аввалги шакл ва ўша усул билан энг кичик баландлик  $h_{\min}$  ни қўйидагича топганлар. Аввалги белгилашларда  $h_A = 32^{\circ}55'0''$ ,  $h_B = 32^{\circ}54'58''$ ,  $h_C = 32^{\circ}55'28''$  ва  $h_E = h_{\min} = 32^{\circ}55'28'' - 32^{\circ}55'0'' = 0^{\circ}0'28''$ ;  $h_C - h_B = 32^{\circ}55'28'' - 32^{\circ}54'58'' = 0^{\circ}0'30''$  бўлади.

Шунингдек эплиттик ёйлар ҳам мос белгилашларда  $\Delta\lambda_{CB} = 1^{\circ}1'27''36'''$ ,  $\Delta\lambda_{CF} = 0^{\circ}57'21''46'''$ ,  $\Delta\lambda_{FC} = \Delta\lambda_{EB}$  эканлигидан  $\Delta\lambda_{CE} = 1/2 \Delta\lambda_{FC} + \Delta\lambda_{BC} = 1^{\circ}30'8''29'''$  бўлади.

Эклиптиканинг СВ ва СЕ ёйлари билан В ва Е нуқталарнинг баландликлари ёйларидан ҳосил бўлган тўғрибурчакли сферик учбуручаклардан сферик Пифагор теоремасига кўра

$$\frac{\Delta\lambda_{CB}}{\Delta\lambda_{CE}} = \frac{h_C - h_B}{h_C - h_E}$$

пропорция ҳосил бўлади. Мос қийматларни пропорцияга кўйиб,

$$\text{топамиз: } \frac{1^{\circ}1'27''36'''}{1^{\circ}30'8''29'''} = \frac{0^{\circ}0'30''}{h_C - h_E}.$$

Бундан  $h_C - h_E = 0^{\circ}0'44''$ ,

бу ерда  $h_E = h_{\min}$ .

Демак,  $h_{\min} = h_C - 0^{\circ}0'44'' = 32^{\circ}55'28'' - 0^{\circ}0'44'' = 32^{\circ}54'44''$

Бундан энг катта оғишни  $\varepsilon = \frac{h_{\max} - h_{\min}}{2}$  муносабатга асосан

$$\varepsilon = \frac{80^{\circ}4'39'' - 32^{\circ}54'44''}{2} = \frac{47^{\circ}9'55''}{2} = 23^{\circ}34'57''30'''$$

кўринишда топилган. Бу қиймат эса Ньюкомб формуласига асосан 832 йил учун топилган қиймат  $23^{\circ}35'28''31'''$  дан  $31'''1'''$  кам. Ўз даври учун бу қиймат анча аниқ ҳисобланади.

Халифаликда ал-Маъмун даврида энг катта оғиш учун топилган бу қиймат анча аниқ эди. Бундай аниқликка ал-Фарғоний ҳам ҳисса қўшгани маълум. Мусулмон олимлари бутун ўрта асрлар давомида бу параметрни янада аниқроқ топишга уринганлар.

Ниҳоят, ал-Фарғоний таржимаи ҳолидаги охирги сана – 861 йил ва Нил миқёси ҳақида бироз тўхтайлик.

Миср мамлакати Нил ҳавзасида жойлашган бўлиб, унинг деҳқончиликка қулай қисми дарёнинг қўйисидаги юонон-ларнинг делта ҳарфи, яъни учбурчак шаклидаги кичик бир парчасини ташкил қиласди. Нил делтасининг аҳамияти на-фақат Миср тарихида, балки бутун инсоният цивилиза-цияси тарихида улкан бўлган, деб ҳисобланади. Чунки ин-соннинг аждодлари деҳқончиликни биринчи марта ана шу ерда бошлаган, дейилади. Миср цивилизацияси тўла равишида Нил дарёси билан боғлиқ бўлган. Гап шундаки, дарё бошланадиган ерлар тропик зонада жойлашган бўлиб, у ерларда йилига икки марта ёғингарчилик мавсуми бўлиб, шу пайтлар Нил дарёси сувга тўлиб оқади. Дарё сувининг кўпа-йиши унинг юқори ва ўрта қисмларида деярли сезилмаса ҳам, қуий оқимида, Миср ҳудудида ва, айниқса делтада жуда сезилади, чунки бу ерда ёғингарчилик мавсумида сув тошқинлари юз бериб, катта-катта экинзор далалар сув ос-тида қолиб кетади. Геродотнинг айтишича, геометрия фани («геометрия» – юонончада «ер ўлчаш» демакдир) делтанинг қанча қисмини сув босгандигини аниқлаш учун олиб борилган ўлчаш ишлари жараёнида юзага келган. Шунинг учун мисрликлар жуда қадим замонлардан бошлаб ўз ҳаётини Нилнинг «хулқ-атворига» мослаштирганлар, яъни дарёнинг сув режими билан мувофиқлашишга уринганлар. Бунинг учун улар ҳар доим дарёнинг суви кўтарилиш вақтларини би-лишга ҳаракат қилганлар. Бундай уринишлар то аббосий халифа ал-Мутаваккил (847 – 861 йиллар) давригача беху-да кетаверган. Ал-Мутаваккил мисрликларни Нилнинг сув режими ҳақида огоҳлантирувчи бир қурилма ускунна ясашни ал-Фарғонийга топширади. Биз юқорида кўрган эдик-ки, халифа ал-Маъмун даврида энг масъулиятли илмий ишларга мутасадди этиб тайинланадиган олимлар Санад ибн Али, Йаҳйо ибн Абу Мансур, Холид ибн Абдулмалик ва Муҳаммад ал-Хоразмийлар эди. Демак, халифа ал-Мутаваккил даврида Бағдоддаги «Байтул ҳикма» олимларининг энг кўзга кўрингани Аҳмад ал-Фарғоний бўлган. Шунинг учун халифа Нил суви сатҳини ўлчовчи миқёсни барпо этиш вазифасини унга юклаган. Лекин қурилма битмасидан ха-лифа вафот этади.

Нил миқёсини ал-Фарғоний ал-Фустот шаҳридаги Рав-зо (ёки Рўда) оролида барпо этади. Кейинчалик ал-Фустот

ундан шимолроқда барпо этилган Қоҳиранинг таркибий қисми бўлиб қолади. Орол дарёнинг ўнг қирғонига яқин кўрфазга ўхшаган ерда жойлашган. Миқёс цилиндр шаклидаги бино ичидаги жойлашган бўлиб, унинг томи конус шаклидаги қуббадан иборат. Ички тарафдан томнинг шифтида у ҳижрий 1367 (милодий 1938 йили) барпо этилгани ҳақида ёзув бор. Демак, миқёснинг қадимги томи олтмиш йил бурун ўз умрини яшаб бўлган кўринади.

Цилиндр бинонинг ичидаги ер сатҳида қарийб 2,5 м кенгликда, доиравий кузатиш сатҳи жойлашган, бинонинг марказида цилиндрнинг ўқи сифатида тошдан ясалган саккизбурчакли миқёс ўрнатилган. Миқёснинг узунлиги қарийб 10 м ни ташкил қиласди. Миқёснинг тепасида диаметр бўйича кўндаланг ёғоч тўсинг ўрнатилган. Унинг икки ён тарафида Куръони каримдан «Бақара» сурасининг 255-ояти («Оят ал-Курсий») битилган.

Доиравий кузатиш сатҳининг ич тарафи 80 см баландликда доиравий тўсиқ билан ўралган. У тўсиқ остидаги уч қаватлик қудуқни ўраб туради. Миқёс ана шу қудуқнинг ўртасида. Қудуқнинг энг тепасида унинг бутун девори бўйлаб айланасига Куръон «Иброҳим» сурасининг 31, 32, 33-оятлари кўфий ҳарфлар билан битилган. Қудуқ уч қаватдан иборат бўлиб, деворлари эни 23 см ва бўйи 40 см бўлган тош плиталар билан териб чиқилган. Ҳар бир қаватдан кейингисига тош зиналар билан тушилади. Энг пастки биринчи қават қудуқнинг баландлиги 184 см бўлиб, унга мазкур тош плиталар 8 қатор терилган. Қудуқнинг шимол тарафида баландлиги 150 см ва эни 55 см бўлган туннел ўрнатилган: дарё суви қудуқнинг биринчи қаватига шу туннел орқали киради. Қудуқнинг юқоридаги икки қаватида ҳам шу туннелнинг тепасида биттадан яна иккита туннел ўрнатилган. Демак, сув қудуқка уч туннел-кувур орқали кирган.

Энг пастки биринчи қават қувурнинг асоси диаметри 4,5 метрли доира сатҳдан иборат. Унинг марказида асосий жиҳоз — миқёс туради. Миқёс аслида 8 бурчакли призма устундир. Унинг ўзи диаметри қарийб 1,5 м келадиган доиравий мармар плитанинг марказида туради. Миқёснинг шу плитага туташган асоси томони қарийб 50 см ни ташкил қиласидиган квадрат мармар, унинг устида баландлиги 30 см ча келадиган устуннинг аввалги плитадан бироз энсизроқ квадрат кесимдаги қисми, ундан ҳам тепароқда томони

қарийб 60 см келадиган яна бир квадрат плита келади. Буннинг устида эса диаметрлари тепага қараб камайиб борувчи устма-уст түртта доиравий плиталар ва, ниҳоят, улардан кейин устуннинг ўзи — 8 бурчакли тош призма келади. Аслида ана шу тош призма шкалалар билан даражаланган миқёсdir. Миқёс ҳар 60 см да бўғинланган. Энг биринчи бўғиннинг пастки тарафида призманинг томонлари ёй тарзida йўнилган. Ҳар бўғиннинг саккиз ёғидан фақат тўрттаси бир оралаб даражаланган. Масалан, биринчи бўғиннинг 1, 3, 5, 7 ёқлари, иккинчи бўғиннинг 2, 4, 6, 8 ёқлари ва шу тартибда то устун учигача давом этган.

Устуннинг баландлиги шундай мўлжалланганки, сув унинг бирор бўғинига етганида Нил делтасининг маълум музофот ва ноҳиялари сув келиши ҳақида огоҳлантирилган. Ҳудди шунингдек биринчи туннелдан сув кирабошлаган пайтдан то у сув остида қолгунига қадар бўлган вақтгача сув босиши мумкин бўлган ерлар волийлари ва аҳолиси огоҳлантирилган ва ҳ.к. Шу тартибда ал-Фарғоний усули билан Нилнинг сув режими маълум даражада тартибга соилиб турилган.

Ал-Фарғонийнинг Синжор саҳросидаги Ер ўлчаш ишларида иштирок этиши ва Нилда асрлар оша яшаб келган машхур миқёсни ихтиро этиши унинг ижодининг яна бир Қиррасини — олим ихтирочи муҳандис ва иқтидорли геодезист ҳам бўлганлигини намойиш қиласи. Унинг олим ва муҳандислигидан халифалар хабардор бўлганлар ва унга ўта масъул вазифаларни юклаганлар. Ал-Фарғоний юксак билим ва иқтидорни талаб қилувчи бу вазифаларни шараф билан бажарган.

Ал-Фарғоний ҳақида асрлар оша бизгача етиб келган қисқача маълумотлар ана шулардир. Ушбу маълумотларнинг 1200 йил оша бизгача етиб келганининг ўзи унинг буюк даҳо бўлганлигидан далолат беради. Қандайдир манбаларда у ҳақда бошқа маълумотлар ҳам бордир. Лекин ҳозирча бу манбалар топиб ўрганилмаганлиги учун у маълумотлар сирлигича қолмоқда. Ишонамизки, бир кун бу сир ҳам очила-жак.

## Учинчи боб

### АЛ-ФАРГОНИЙ ИЖОДИ ВА АСАРЛАРИ

Ал-Фаргонийнинг ижоди ва илмий меросига келсак, у математик, астроном, географ, мұхандис ва геодезист бўлиб, кўпроқ астрономия соҳасида машғул бўлган кўринади. Чунки унинг бизгача етиб келган ва етиб келмаган асарларининг номлари далолат беришича, улар асосан астрономияга бағишлиланган. Буларнинг энг биринчиси ва энг машҳури манбаларда ўнта ном билан қайд қилинган. Бу номлар ушбудир: «Илми нужум асослари ҳақида китоб» (Китаб фи усул илм ан-нужум), «Самовий ҳаракатлар ҳақида китоб ва илми нужум тўплами» (Китаб фи ҳаракат ас-самавиййа ва жавамиъ илм ан-нужум), «Ўттиз фасллик астрономия китоби» (Китаб ал-ҳайъа, ал-фусул ас-саласин), «Илми нужум ва самовий ҳаракатлар тўплами ҳақида китоб» (Китаб фи жавамиъ улум ан-нужум вал ҳаракат ас-самавиййа), «Илми нужум асослари ҳақида рисола» (Рисала фи усўл илм ан-нужум), «Алмажистийга кириш фасллари, ўттиз фаслдан иборат» (Ал-фусул мадхал фи Мажисти ва хува саласуна фаслан), «Осмон фалакларининг иллати» (Илал ал-афлак), «Осмон фалакларининг тузилиши» (Таркиб ал-афлак), «Ал-мажистий», «Астрономия илми» (Илм ал-ҳайъа).

Бу асарнинг қўлёзмалари ҳозир Амстердам (47), Бағдод (2959), Дублин (4114), Қоҳира (Миқот 944, 47, Университет 310-311), Лейден (84185), Санкт-Петербург (В 3059/3), Москва (154/2), Оксфорд (I 879/1), Париж (2504/3), Принстон (Гарриет 967), Истанбул (Аё Сўфия 2843/2, Жорулла 1279), Тунис (Миллиёт 02103/1) ва Фес (Зовия 56) шаҳарларида кўрсатилган рақамлар остида сақланади.

Бу асарни ал-Фаргоний 840 йил атрофида ёзган, чунки китоб ичida шу сана қаламга олинган. Асар XII асрда икки марта лотин тилига ва бир марта яхудий тилига таржима қилинган. Биринчи лотинча таржимани 1145 йили севилиялик Иоанн ва иккинчисини 1175 йили кремоналик Герардо

бажарган. Яхудийча таржимани Якоб Анатоли бажарган. Асар Оврупо Ренессанси даврида ва ундан бироз сүнг бир неча марта нашр этилган ва у ерда узоқ муддат астрономиядан асосий қўлланма вазифасини бажарган. Унинг энг биринчи нашри севилиялик Иоаннинг таржимаси асосида 1493 йили Феррарида (Италия) бажарилган<sup>75</sup>. Иккинчи нашр кремоналик Герардонинг таржимасидан 1537 йили Нюрнбергда Й.Шёнер томонидан амалга оширилган<sup>76</sup>. Асарнинг учинчи лотинча нашри яхудийча таржимадан Й.Христманн томонидан 1590 йили Франкфуртда амалга оширилди<sup>77</sup>. Ниҳоят, охирги лотинча нашрни Оксфордда сақланувчи қўлзманинг арабча матни билан бирга голланд шарқшуноси ва фан тарихчиси Якоб Гоол 1669 йили Амстердамда амалга ошириди<sup>78</sup>. 1930 йили асарнинг биринчи марта ҳозирги тиллардан италян тилига таржимаси нашр этилди<sup>79</sup>. Ношир Р.Кампани ўз сўзбоисида ал-Фарғоний асарининг ўрта асрлардаги буюк италян мутафаккири Дантеанинг ижодига таъсири хусусида тўхталган.

Ал-Фарғонийнинг асосий астрономик асари лотинча таржималарининг Оврупода пайдо бўлиши Оврупо маданияти учун муҳим аҳамият касб этди. Буюк немис математиги ва астрономи Региомонтан (Иоганн Мюллер) 1464 йили Падуя университетида шу асар асосида астрономиядан маърузалар ўқиган. Асарнинг лотинча таржималарига кўра, олимнинг номи Оврупода лотинчалаштирилган Алфраганус шаклида машҳур бўлган. Асарнинг ўзи эса ўрта асрлар Оврупосида тарқалган энг биринчи ва деярли энг машҳур араб астрономик асари бўлган. Оврупо маданиятининг буюк арбобларидан Данте Алигьери (1265–1321 йиллар) унинг номини ўз «Илоҳий комедия»сида ва Ф.Шиллер (1759–1805 йиллар) ўз «Валленштейн»ида эслатган<sup>80</sup>.

Энди асарнинг мазмунига келсак, у 30 бобдан иборат. Унинг биринчи боби «Араб ва ажам йиллари, ойлари ва кунларининг номлари ҳамда улар ораларидаги баъзи фарқлари ҳақида» леб аталиб, календарга бағишлиланган. Муаллиф араблардаги одат бўйича араб бўлмаган халқларни «ажам» леб атаган. Лекин бу бобда араблардан ташқари форслар, суренийлар, румлар (яъни юнонлар) ва қиблалар (Мисрнинг исломгача аҳолиси)нинг тақвимлари ва эралари ҳақида баён қиласди. Энг аввал ал-Фарғоний барча халқларда йил ўн икки ойдан иборатлигини таъкидлайди. Шуни ҳам айтиш керакки, ал-Фарғоний «араблар ва ажамлар» деганида

ўша пайтларда халифалик таркибига кирган асосий миллатларни назарда тутган. Шунинг учун унинг асарининг тарихий-маданий аҳамияти ниҳоятда юқоридир, чунки бунда олим халифалик таркибидаги халқларнинг этнографияси ва миллий урф-одатларини ўрганиш ва уларни бошқа халқларга ҳам билдиришга интилиш мақсадини ҳам олға сурганилиги яққол кўринади. «Араб ойларига келсак, — деб ёзди ал-Фарғоний, — улар муҳаррам, сафар, рабиъ ал-аввал, рабиъ ал-охир, жумоди ал-аввал, жумоди ал-охир, раЖаб, шаърон, рамазон, шаввол, зулқаъда, зулҳижжа ойларидир»<sup>81</sup>. Ҳақиқатан ҳам, агар бу асар фақат мусулмонлар учун мўлжалланган бўлса, у ҳолда араблар ойларини алоҳида эслатишнинг ҳожати йўқ эди. Асар мусулмон бўлмаган халқлар учун ҳам мўлжалланганлиги боис олим уларни арабларнинг календарь ҳисоблаш одатлари билан таништираяпти.

Бундан кейин олим араб ойларининг олтитаси 30 кундан ва яна олтитаси 29 кундан иборат бўлиб, галма-галдан кетма-кетликларда келишини кўрсатади. Ал-Фарғоний 30 кундан иборат ойларни тўлиқ ва 29 кундан иборатларини ноқис деб айтади. Шунда, унинг айтишича, «мутлақ ҳисобда» араб йилидаги кунларнинг сони 354 кун бўлади. Лекин «агар аниқ ҳисобланса, — дейди ал-Фарғоний, — шу араб йилидаги кунларнинг сони ҳар ўттиз йилда ўн бир кунга ортади. Шунинг учун бир йилнинг ҳиссаси бешдан бир кун ва олтидан бир кун бўлади. Ҳақиқатда эса бир йилда уч юз эллик тўрт кун ва куннинг бешдан бири ва олтидан бири бўлади. Бу каср тўлган йили етти ойи тўлиқ ва беш ойи ноқис бўлади»<sup>82</sup>.

Ислом тарихининг ilk ўн йилида араблар қамарий-шамсий йилдан фойдаланганлар. Улар у пайтда қамарий йил билан шамсий йил орасидаги фарқни «насий» деб, ёдда сақлаганлар ва учинчи йили бу фарқлар бир ойга тўлганида уни «насий» ойи деб йилга ўн учинчи ой сифатида кўшганлар ва шу тариқа қамарий йил шамсий йил билан мос келтирилган. Лекин 632 йили охирги—видолашув ҳажида Мұҳаммад пайғамбар «насий» ойини бекор қилганлар<sup>83</sup>. Шундан сўнг араб йиллари аниқ қамарий бўлиб қолган.

Ал-Фарғоний айтган «аниқ ҳисобдан» қамарий йил  $354 + \frac{1}{5} + \frac{1}{6} = 354 \frac{11}{30}$  бўлгани учун каср ўттиз йилда 11

кунга тўлади. Шунинг учун «бир йилнинг ҳиссаси»  $\frac{1}{5} + \frac{1}{6} = \frac{11}{30}$  бўлади.

Шу ўттиз йиллик даврнинг охирги ўттизинчи йили кабиса йили ҳисобланиб, одатда 29 кундан иборат бўлган зилҳижжа ойи 30 кун белгиланган.

Бу ерда эслатилган ўттиз йиллик давр аслида қадимги Бобил астрономлари томонидан киритилган бўлиб, буни одатда «Зуҳал (Сатурн) даври» дейилади, чунки унга асос қилиб Зуҳалнинг Куёш атрофига бир марта тўла айланishi, яъни «йили» муддати қабул қилинган. Бобил астрономлари бу муддатни 30 йил деб ҳисоблаганлар (аслида 29,5 йил).

Ал-Фарғоний давом этиб ёзди: «Ойларнинг бу кунлари сони — Куёш ва Ойнинг ўртacha ҳаракатида ижтимоъ қилишидан аниқ ҳисоблаш билан олинган. Аммо янги ой кўринишига келсак, у зоидлик ёки ноқислик билан фарқ қиласди. Бунда кетма-кет тўлиқ ёки ноқис ойлар келиши керак. Ҳамма вақт ҳам ҳисоблаб топилган ой боши ва кўринма ой боши бир кунга тўғри келавермайди. Уларнинг иккаласи фақат узоқ замонларда тенг бўлади»<sup>84</sup>. Бу ерда айтилган Куёш ва Ойнинг ижтимоъ қилиши, яъни қўшилиши уларнинг бир эклиптик узунликда энг яқин масофада бўлган пайтидир. Демак, ал-Фарғонийнинг сўзларига кўра, бу ёритгичларнинг ижтимоъ вақтлари мусулмон астрономлари томонидан анча илгарироқ аниқ ҳисобланган. Ал-Фарғоний ўз асарини оммабоп қўлланма тарзida ёзгани учун бу ҳисоблашларни келтирмаган. Ижтимоъ вақтлари ой бошига, яъни ҳилол кўриниши пайтига тўғри келади. Янги ой — ҳилол кўриниши икки ҳил усул билан аниқланган: биринчи ва энг соддаси бу кузатиш билан, яъни визуал аниқлашdir. Бунда янги ой Куёш ботганидан бироз сўнг гарб уфқидан андак баландликда ингичка ўроқ шаклида кўринади. Буни арабчада ҳилол дейилган. Лекин ингичка ҳилол ернинг гарбий худулларида шарқдагиларга, яъни, масалан, Марокошда Банглалешга нисбатан олдин кўринади. Шунинг учун мусулмон мамлакатлари календарларида тафовут мавжуд. Рамазон ҳайит турли мамлакатларда бир кунга тўғри келмаслигининг сабаби ҳам шунда.

Аммо янги ой аниқланишининг иккинчи усулига келсак, бу — ҳисоблаш билан аниқлашdir. Ҳисоблаш усули аниқ математик қоидаларга асосланган. Янги ойни куз-

тиш аслида астрономик масалалардан бири бўлса ҳам, ҳижрий йил ҳисоби қамарий ойларга асосланганлиги сабабли у ислом вожиботлари нуқтаи назаридан муҳим аҳамият касб этган. Шунинг учун мусулмон олимлари ўз асарларида бу масала хусусида маҳсус тўхталганлар. Масалан, Беруний ўз «Қонуни Масъудий»си саккизинчи мақоласининг шу масалага маҳсус бағишланган ўн тўртингчи бобини «Янги ойни кузатиш ҳақида» деб атаган ва у ушбу муаммони ҳилолнинг баландлиги ва азимутини топиш масаласига келтирган<sup>85</sup>.

Арабларнинг йил ва ойлари ҳақида маълумот берганидан сўнг ал-Фарғоний ойдан кейинги вақт ўлчаш даври – ҳафта ҳақида қуидагиларни айтади:

«Арабларнинг ойларини ҳисоблайдиган кунлари еттиладир. Уларнинг боши якшанба, у шанба куни Куёш ботишидан бошланади ва охири Куёшнинг якшанба кунидаги ботиши бўлади. Қолган кунлар ҳам шунга ўхшаш бўлади. Араблар ҳар бир кеча-кундуз бошини Куёш ботиш вақтидан ҳисоблашларининг сабаби шуки, улар ой кунларини ҳисоблашни ҳилол кўриниш вақтидан бошлайдилар. Ҳилол кўриниши эса Куёш ботиши пайтида юз беради»<sup>86</sup>.

Албатта, бу парчада сўз ҳафта кунлари ҳақида кетаяпти, чунки муаллиф у кунларни «еттита» (сабъя) деяпти. Аслида биз ишлатадиган «ҳафта» сўзи арабча «усбуъ», яъни «еттилик» сўзининг форсча таржимасидир. Худди шунингдек, биздаги ҳафта кунларининг номлари якшанба, душанба, сешанба, чоршанба, пайшанба, жумъа, шанба аслида арабчадан форсчага таржимадир. Ал-Фарғоний бу ерда ҳафта кунларидан фақат якшанба ва шанбанинг арабча номлари – явмул аҳад ва явмус сабтни келтирган. Ҳафтанинг қолган кунларининг номлари: душанба – явмул иснайн, сешанба – явмус суласа, чоршанба – явмул арбаъа, пайшанба (панжшанба) – явмул хамис, жума – явмул жумъа – ҳақида у тўхталмайди.

Хозирги кунда араблар кеча-кундузни, ал-Фарғоний айтганидек жорий кундуз охиридаги Куёш ботишидан ҳисобламай, барча миллатлар каби яримтундан, соат 24.00 дан бошлайдилар.

Ал-Фарғоний араб тақвими ҳақида хабар берганидан сўнг халифаликдаги бошқа йирик ҳалқлар – юнонлар, сурёнлар, форслар ва қибларнинг календарлари ҳақида хабар келтиради. «Аммо, – деб ёзади ал-Фарғоний, – румлар

(юнонлар) ва бошқалар ойнинг кунларини ҳисоблашда янги ой кўринишидан фойдаланмайдилар, чунки уларда кундуз тундан олдиндир. Ҳар бир кечакундуз уларда Қуёш чиқишидан то эртаси кун Қуёш чиқишигача давом этади»<sup>87</sup>. Албатта, юнонлар ва қадимда Рим империяси таркибиға кирган халқларнинг ал-Фарғоний айтганидек кечакундузни ҳисоблаш усулидан ўрта асрларда фойдаланганлар.

Сурёнларнинг ойлари ҳақида ал-Фарғоний бундай ёзди: «Сурёнларнинг ойлари қуйидагилар: тишинул аввал – бу ўттиз бир кун, тишинус соний – бу ўттиз кун, конунул аввал – бу ўттиз бир кун, конунус соний – бу ўттиз бир кун, шубот – уч йил йигирма саккиз кун ва тўртинчи йили йигирма тўққиз кун ҳисобланади; ўша йили ана шу бир кун ортиқлиги сабабли кабиса йили дейилади; озар – ўттиз бир кун, нисон – ўттиз кун, айор - ўттиз бир кун, ҳазирон – ўттиз кун, таммуз – ўттиз бир кун, об – ўттиз бир кун, айлул – ўттиз кун. Бир йилда уч юз олтмиш беш куну чорак кун бўлади. Ва тўрт йилда бу каср бир кунга ортади ва ўша йилда ҳақиқатда уч юз олтмиш олти кун бўлади»<sup>88</sup>.

Ал-Фарғоний «сурёнлар» деб Суриянинг қадимги аҳолисини айтаяпти. Улар милод бошида христианликни қабул қилганлар. Кейинчалик сурёнлар араблашганлар ва уларнинг кўпчилиги исломни қабул қилган. Сурёнларнинг бир қисми ҳозир ҳам христианликка эътиқод қиласи ва улар Сурия, Ливан, Исроил ва Фаластинда яшайдилар. Сурёнлар қадимдан қатъий шамсий йил ҳисобини қўллаганлар. Уларнинг тақвим ҳисоблаш усувлари Рим империяси даврида римликларга ва кейинчалик юнонларга (румларга) ҳам ўтган.

Бу ҳақда ал-Фарғоний ёзди: «Аммо рум ойларига келсақ, кунларининг сони бўйича улар сурён ойларига мос келади. Уларда йилнинг биринчи ойи январь – бу конунус сонийдир, шубот – февраль, озар – март, нисон – апрель, айор – май, ҳазирон – июнь, таммуз – июль, об – август, айлул – сентябрь, тишинул аввал – октябрь, тишинул охар – ноябрь, конунул аввал – декабрь»<sup>89</sup>. Бу ерда биз рум ойларини ҳозирги талаффузга мослаштириб ёзди, аслила муаллиф уларнинг номларини лотин-юнон ёзувидан олган ҳолда январиус, феврариус, мартаус, апрilius, майус, йуниус, йулиус, агустус, себтанбар, оқтубар, нўванбар ва деқанбар деган. Бундан ал-Фарғоний лотин ва юнон тилларидан қандайдир тарзда хабардор бўлган ёки шу тил-

лар эгалари билан мuloқотда бўлган, деган хуроса келиб чиқади.

Ал-Фарғонийнинг форс ойлари ва қунлари ҳақидаги фикри диққатга сазовордир. Бу ҳақда ўёзди: «Форсларнинг ойларига келсак, улар: фарвардин моҳ – унинг биринчи куни наврӯз, урдибиҳишт моҳ, хурдод моҳ, тир моҳ, мурдод моҳ, шаҳривар моҳ, меҳр моҳ – бунинг ўн олтинчи куни меҳргон, обон моҳ – бунинг йигирма олтинчи куни фарвардигон деб аталувчи ўн қунликнинг биринчи кунидир, уларнинг бештаси обон моҳнинг охиридир, қолган бештаси эса ойларга қўшилмайди ва андаргоҳлар деб аталади; озар моҳ – унинг биринчи куни «кўсаннинг келиши», дай моҳ, баҳман моҳ, исфандармуз моҳ. Бу ойлар ҳар бирининг сони ўттиз кун. Обон моҳ билан озар моҳ орасига ойларга қўшилмайдиган беш кун киритилади. Йилнинг қунлари сони уч юз олтмиш беш кун бўлади.

Форслар ўз ойларининг қунларини қўйидагича атайдилар: ҳурмуз, баҳмон, урдибиҳишт, шаҳривар, исфандармуз, хурдод, мурдод, лайбаозар, озар, обон, хур, моҳ, тир, жўш, дайба меҳр, меҳр, сируш, рашин, фарвардин, баҳром, ром, бод, лайбадин, дин, ард, аштоз, осмон, замбад, морисфанд, анирон. Андаргоҳ қунларининг номлари: аҳнудгоҳ, ашнудгоҳ, асфандармузгоҳ, ахуштаргоҳ, вахуштаргоҳ (ваштгоҳ)»<sup>90</sup>.

Мовароуннаҳр ва умуман Марказий Осиё ҳалқлари қадимдан Эрон билан қўшни бўлиб, минг йиллар давомида форслар билан маданий мuloқотда бўлганлар. Бу ҳалқларнинг маданияти бир-бирига ўзаро сингиган. Ал-Фарғоний келтирган маълумотларга кўра, унинг форсларнинг календарларидан яхши хабардорлиги сезилади. Унинг форс ойлари ва қунлари ҳақидаги хабарлари шу билан қимматли-ки, улар Беруний «Осор ал-боқия»сида келтирган худди шу каби маълумотларидан қарийб икки юз йил аввал келтирилган. Шунинг учун ал-Фарғонийнинг ушбу асари Берунийни «Осор ал-боқия»ни ёзишга ундаган асалардан бири, деб қараш мумкин. Беруний форс ойларининг ва қунларининг номлари ва хусусиятлари ҳақида ал-Фарғонийга нисбатан муфассалроқ тўхталади ва бу билан ўз ўтмишлошини бироз тўлдиради<sup>91</sup>.

Юқорида ал-Фарғоний ҳаётининг охирги қисмини Мисрда яшаб, ўша ерда вафот этгани зикр қилинган эди. У даврларда Миср аҳолиси ҳали айтарлик араблашмаган ва

унинг асосий қисмини христианликни қабул қилган қадимги мисрликлар – қибтлар ташкил қиласади. Нил дельтасида қадимдан аҳоли зич яшаган. Қибтларнинг кўпсонли эканлиги ал-Фарғонийда улар халифаликнинг асосий миллатларидан эканликлари ҳақида тасаввур пайдо қилган кўринади. Шунинг учун бўлса керак, у қибт ойлари ҳақида ҳам хабар келтиради ва ёзади: «Қибт ойларига келсак, улар ушбулардир: тут, фоуфи, хатур, кивафи, туби, мохир, фоминут, фармут, баҳун, боун, афиуфи, мосури. Булардан кейин қўшимча дейиладиган беш кун келади. Қибтчасига уларни абуумина дейдилар. Уларнинг ҳар бир оий кунларининг сони ўттизта. Шунинг учун йилдаги кунларнинг сони худди форсларникideк уч юз олтмиш беш кун бўлади.

Шу айтиб ўтилган ойларнинг бошлари форс ойларининг бошларига мос келади. Чунончи, тут ойининг боши дай моҳнинг бошига мос келади. Сўнгра ҳар бир кейинги ой ўз ўхшашига мос келади, токи қибт йилининг охири озар моҳнинг охирига мос келганича давом этади. Ҳозирги замон зижларида ана шундай ҳисоблаб жойлаштирилган. Ҳозирги замон Миср аҳолиси фойдаланадиган қибт ойларига келсак, улар бунга хилоф, чунки мисрликлар румлар ва сурёнлар мазҳабига ўхшаб, йил кунларига чорак кунни қўшганлар ва бу билан форс ойларига хилоф қилиб йилнинг кўп кунлари йиғиндисида сурён ва рум ойларига мувофиқ қилганлар. Улар йилининг биринчи куни об (август) ойининг йигирма тўққизинчисидадир»<sup>92</sup>.

Бу ерда муаллиф айтган қўшимча кунларни абуумина дейиши аслида қибтча бўлмай, юононча ўша маънодаги «Эпагоменай» сўзининг бузиб ёзилишидир. Ал-Фарғонийнинг охирги жумлалари юқорида биз айтган сўзларни тасдиқлайди. Демак, ҳақиқатан ҳам қибт ойлари ҳақида ал-Фарғоний келтирган маълумотлар энг камида исломдан аввалги даврга ва ҳатто милод бошларига тўғри келади.

Шу бобнинг охира ишларни ал-Фарғоний «Эралар» деб аталган ўта диққатга сазовор қуйидаги кичик бир бўлимни келтиради:

«Араблар эраси набийуллоҳ алайҳиссалом Маккадан Мадинага ҳижрат қилган (кўчган) йилнинг бошидан бошланган, унинг боши эса жума куни эди.

Форслар эраси Йаздигард ибн Шахриёр ибн Кисро подшо бўлган йилининг бошидан бошланади, унинг боши эса сешанба куни эди.

Румлар ва Сурёнлар эраси боши Искандар йилининг боши билан бир хил, у душанба кунидир. Искандар – бу Зул-Қарнайн.

«Ал-Мажистий» китобида қибтлар эрасининг боши Бухтунаср подшоҳ бўлган йил бошидан бошланади. Унинг боши чоршанба куни эди. Птолемей зижида қибт эраси Филипп йилининг бошидан – якшанба кунидан бошланади.

Бухтунаср эраси билан Йаздигард эраси орасидаги фарқ бир минг уч юз етмиш тўққиз форс йили ва уч ойдир.

Филипп эраси билан Йаздигард эраси орасидаги фарқ тўққиз юз эллик беш йил ва уч ойдир.

Искандар эраси билан Йаздигард эраси орасидаги фарқ рум йилларидан тўққиз юз қирқ икки йил ва икки юз эллик тўққиз кундир.

Хижрий эра билан Йаздигард эраси орасидаги фарқ кунларда уч минг олти юз йигирма тўрт кундир.

Бу эралардан энг биринчиси Бухтунаср эраси, сўнг Филипп эраси, кейин Искандар эраси, ундан сўнг ҳижрий эра, кейин эса Йаздигард эраси келади»<sup>93</sup>.

Муҳаммад пайғамбар ҳижрат қилган йил – милодий 622 йил. Ўша йили 1 муҳаррам ҳақиқатан ҳам жума кунига – 16 июлга тўғри келган эди. Йаздигард эрасининг боши унинг тахтга ўтирган куни – 632 йил 16 июндан бошланган. Лекин иккала эра орасидаги фарқ, ал-Фарғоний айтганидек, 3624 кун бўлмай, балки 3621 кундир ( $165 + 365 + 366 + 365 + 365 + 365 + 366 + 365 + 365 + 365 + 169$ ).

«Искандар эраси» аслида Искандар Зул-Қарнайнга алоқадор бўлмай, Селевкий подшоҳ Искандар (Александр) III номи билан боғлиқ. Эранинг боши шу подшоҳнинг тахтга ўтирган куни – м.а. 312 йил 1 октябрь ҳисобланади. Искандар эраси билан Йаздигард эраси орасидаги фарқ ҳақиқатан ҳам 942 йил бўлиб, лекин кунлари сони 257.

«Бухтунаср эраси» аслида Бобил подшоҳи Набунаср билан боғлиқ бўлиб, унинг тахтга ўтирган куни – м.а. 747 йил 26 февралда бошланган. Йаздигард эраси билан бу эра орасидаги фарқ 1377 йил 221 кун бўлади. Ал-Фарғоний эслаган Филипп эраси Искандар Зул-Қарнайннинг телба укаси Филипп Арридей номи билан боғлиқ. Искандар вафотидан сўнг Филипп подшо деб эълон қилинган, у м.а. 323 – 317 йиллар подшолик қилган. Унинг номи билан атаган эра м.а. 324 йил 12 ноябряда бошланган. Филипп эраси Птолемей «Ал-мажистий»сида қўлланган. Филипп эраси

билин Йаздигард эраси орасидаги фарқ аслида 954 йил 215 кун бўлади.

Асарнинг «Осмоннинг курра шаклида эканлиги ва унинг ўзидаги барча ёритгичлар билан биргаликда айланishi курранинг айланishiiga ўхшашлиги ҳақида» деб аталувчи иккинчи бобида ал-Фарғоний бевосита астрономик масалалар баёнига ўтади.

Маълумки, мусулмон мамлакатларида еру осмон ҳақидағи тасаввур астрономик илмлар йўлга қўйилганига қадар асосан Куръонга кўра ҳосил қилинган. Куръонда «сабъа самовот» («етти осмон») деган ибора кўп марта ишлатилиди. Лекин бу «етти осмон» деб аслида нима назарда тутилиши аниқ маълум эмас. Ундан ташқари самовий ҳаракатлар ҳақида Куръоннинг бирор оятида ҳеч нарса дейилмаган. Бу соҳада Бағдод олимлари, хусусан ал-Фарғоний, биринчилар қаторида осмоннинг сфера шаклида эканлиги, ундаги ҳаракатлар айланма эканлиги ҳақида баён қиласиди ва бу билан халифаликда илмий дунёқарашнинг шаклланиши ва оммалашишига ўз ҳиссасини қўшади. У ёзади:

«Осмоннинг курра шаклида эканлиги ҳақида ҳамда осмон ўзидаги барча ёритгичлар билан бирга бири шимол тарафида, иккинчиси жануб тарафида бўлган икки ҳаракатланмайдиган қутб атрофида айланма ҳаракат қилиши ҳақида олимлар орасида ихтилоф йўқ. Барча ёритгичларнинг шарқда пайдо бўлиши ва ўз ҳаракатида бир хил тартибда оз-оздан кўтарилиши, улар жисми ва бир-бирлашибдан масофаси миқдорининг осмоннинг ўртасигача давом этиши бунга далиллар. Сўнгра улар юқоридаги тартиб ва қоида билан фарб томонга пастлайди. Уларнинг ҳаракатлари ўзаро параллел доираларга ўхшаш бўлади. Улар тезлашиш ва секинлашиш бўйича фарқ қилмайди, чунки гўё улар курра сиртига қаттиқ маҳкамлангандек ва уларнинг ҳаммаси бир айланма ҳаракат билан айланади.

Осмоннинг тузилиши курравий шаклда эканлиги ҳақида гумонларни тарқатиш ва фикрларни исботлаш учун ёрқин мисол тариқасида шимолий иқлиmlарда доимо Ер устида кўринадиган Жадий («Эчки»), ал-Фарқадайн («Икки бузоқча») ва Банот ан-наьш («Тобут олдида йиғловчи қизлар») каби ёритгичларни ҳамда улар яқинидаги ёритгичларни келтириш мумкин. Улар бир-бирига параллел доиралар бўйлаб гўё битта атрофида айланади. Шу нуқтага энг яқинлари кичкина доира бўйлаб айланади ва уларнинг

ҳаракати секин бўлгандек кўринади. Бу нуқтадан узокроқда турғанлари яқинроқда турған ёритгичлар доирасига қараганда каттароқ доира бўйлаб ҳаракатланади. Буларнинг ҳаракати ҳаракат доираси катталашгани сари кичикларига қараганда тезроқ кўринади. Нуқтадан масофа шу нуқтадан ерниң тагида фойиб бўлган ёритгичларга етгунга қадар давом этади. Шу нуқтага энг яқин Ер тагида фойиб бўладиган ёритгич Ер устида ботувчи бўлиб туради ва Ер остида фойиб бўлиш вақтида кўтарилигунча бироз ботади. Ботадиган ёритгичларнинг ўша нуқтадан кўпроқ узоқда бўлганлари оз вақт кўринади, кўп вақт фойиб бўлади. Бундан ташқари, ботадиганлари ва ботмайдиганларининг тўла бир марта айланиш вақти бир хил ва уларнинг ҳаракат доиралари бир-бирига ҳалақит бермайдиган ҳолда параллелигича қолади. Бундай бўлишига сабаб, мазкур нуқта курранинг икки қутбидан бири бўлишидир. Осмоннинг курра шаклида эканини, айланиши ҳам курранинг айланиши каби эканини ойдинлаштириб бермоқчи бўлганимиз мана шулар эди.

Сўнгра, баъзи кишилар айтганидек, осмон текис бўлса эди, бу ҳолда унинг ҳамма томони биздан бир хилда узоқлашмаган бўларди. Аксинча, осмоннинг бизга энг яқин жойи бошларимиз тепасидаги қисми бўларди ва уфқ томонларига яқин қисмлари эса анча узоқ бўларди. Шунда Күёш, Ой ва бошқа ёритгичлар шарқдан чиқаётганда сезилмайдиган кичик бўлиб кўринишлари керак эди, чунки улар бизнинг нигоҳимиздан узоқ. Сўнгра ёритгичлар осмон ўртасига яқинлашган сари катталашгандек бўларди, чунки энди, улар бизнинг кўзимизга энг яқин бўлардилар. Сўнгра улар ўзларининг фарбга оғишида то кўздан фойиб бўлгунча оз-оздан кичрайиб борардилар. Лекин биз ҳеч бундай ҳолни кўрмаймиз. Аммо уларнинг чиқиш олдидаги, осмоннинг ўртасидаги ва ботиш олдидаги катталикларини айни бир хил кўрамиз. Бунинг устига яна уларнинг шарқ ва фарбадаги миқдорлари осмоннинг ўртасидаги миқдоридан катта кўринади. Биз Күёшни ботаётганида, доирасининг боши уфқа яқинлашиб, оз-оздан фойиб бўлаётганини кўрамиз, токи унинг доирасининг охирги қисми ботгунча уфқ уни кесиб туради. Ой билан ҳам шундай. У уфқнинг шарқи ва фарбидаги осмон ўртасидагидан каттароқ кўринади. Лекин бу Ой шу жойларда осмон ўртасидагидан бизга яқинроқ бўлгани учун эмас, балки Ердан кўтарилаётган буғланиш

бизнинг кўзимиз билан уфқ орасида туриб қолгани учундир. Уларни биз совуқ кунларда ёмғир туфайли, баҳор ҳавосида, намлиқ катта бўлганда, қиши кунларида каттароқ кўрамиз. Шундай кунларда Қуёш ва Ой чиқиши ва ботиш олдиндан жуда катта бўлиб кўринади. Худди шу сингари одам тоза сувнинг қаърида бирор нарсани кўрса, у нарсанинг ҳақиқий шаклидан катта кўради. Соф сувдаги нарсалар гўё чуқурроқда кўринади. Еритгичларнинг уфқ яқинида катта бўлиб кўринишининг сабаби ҳам худди шундай»<sup>94</sup>.

Келтирилган иқтибосдан кўриниб турибдики, ал-Фарғоний жуда содда усул билан осмоннинг курра шаклида эканлигини исботлай олган ва бунга ўз замондошларини ҳам ишонтирган.

Куръонда Ер (ард) ҳақида ҳам кўп марта эслатилади ва, одатда, «ас-самовот вал-ард» («осмонлар ва ер») деган ибора ишлатилади. Ер шакли ҳақида ҳам Куръонда аниқ тасаввур мавжуд. «Нуҳ» сурасининг 19-оятида: «Аллоҳ жаъала лакум ал-арда бисатан» деб, Ерни гиламга («бисат») ўхшатилади. «Бақара» сурасининг 22-оятида: «Ал-лази жаъала лакум ал-арда фирошан» деб, уни тўшакка («фирош») ўхшатилган. «Набаъ» сурасининг 6-оятида ҳам «А лам нажъал ал-арда миҳодан» деб, яна Ер кўрпачага («миҳод») ўхшатилган. Бу ояларнинг ҳаммасида Ернинг текис эканлигига шама қилинаётганлиги аниқ кўриниаяпти. Шуниси ажабла-нарлики, Куръонда шунчалик аниқ айтилган бу фикр ислом мамлакатларида географиянинг ривожланишига тўскىнлик қилмади. Аксинча, бу ва бошқа оялар пайғамбарнинг илмга ундовчи ҳадислари билан бирга ислом астрономлари ва географларини ҳақиқат узра йўналтириди, уларга бу йўналишда катта туртки берди. Аҳмад ал-Фарғоний бундай олимларнинг энг пешвоси эди. У биринчилар қаторида Ернинг курравий – сферик шаклда эканлиги ҳақидаги тўғри тасаввурга келди. Ал-Фарғоний ўз асарининг учинчи бобини тўғридан-тўғри «Ернинг қуруқлик ва денгизга тегишли ҳамма қисмлари билан биргаликда курра шаклида эканини тан олишган. Унинг далили шуки, Қуёш, Ой ва бошқа ёритгичлар Ернинг турли тарафларида бир вақтда чиқмайди ҳам, ботмайди ҳам, балки Ердан

«Шундай қилиб, барча олимлар Ернинг қуруқлик ва денгизга тегишли ҳамма қисмлари билан биргаликда курра шаклида эканини тан олишган. Унинг далили шуки, Қуёш, Ой ва бошқа ёритгичлар Ернинг турли тарафларида бир вақтда чиқмайди ҳам, ботмайди ҳам, балки Ердан

қараганда улардан шарқий вазиятда бўлганлари фарбий вазиятда бўлганларидан олдинроқ чиқишини кўрамиз, шарқдагиларнинг ботиши ҳам фарбагиларнинг ботишидан олдин бўлади. Бу улар баландликда бўлиши ҳодисасидан ҳам равшан кўринади. Ой тутилиши сингари аниқ бир ҳодисанинг юз бериши Ернинг турли тарафида турли вақтда кузатилади. Агар бу ҳодиса ораларидаги масофа узоқ бўлган шарқ ва фарбаги икки шаҳарда кузатилса, масалан, тутилиш вақти шарқий шаҳарда кечаси соат учда рўй беради, дейлик. Агар биз фарбий шаҳарда шу ҳодисани аниқланмоқчи бўлсак, бу шаҳарлар орасидаги масофани эътиборга олиб, тутилиш вақти уч соат кам бўлади. Шарқий шаҳарда соатнинг зиёда бўлиши Куёшнинг фарбий шаҳардагига қараганда бу ерда илгарироқ ботишини билдиради.

Катта ёритгич ботиш вақтида кузатилса ҳам ана шундай бўлади. Турли икки шаҳарда унинг кузатилиш вақтини олдин изоҳлаганимиз каби топамиз. Ҳамма вақт шарқий шаҳар соати фарбий шаҳар соатидан олдинда бўлади. Вақтдаги бу фарқлар Ернинг одам яшайдиган қисмининг фарбий ва шарқий худудлари орасида мавжуд. У шаҳарлар вақти орасидаги фарқ улар орасидаги масофага боғлиқ ра-вишда аниқланади. Бунга мониълик қиласиган ҳеч нарса йўқ.

Шимол ва жанубдаги бир-биридан узоқликда жойлашган жойлар орасида ҳам худди юқоридаги каби фарқ мавжуд. Агар Ерда жанубдан шимолга қараб юрилса, (кишига) унга шимол томонда ботувчи бўлган баъзи ёритгичлар абадий кўринувчи бўлиб қолади. Худди шу сингари жануб томонда аввал унга кўринган баъзи ёритгичлар энди доим кўринмайдиган бўлиб қолади ва доим шу бир хил тартибда бўлади.

Биз баён этганларнинг ҳаммаси Ернинг курра шаклида ва Ер сиртининг думалоқ эканини исботлайди. Агар Ер ясси бўлса эди, биз баён этган ҳодисаларнинг биронтаси рўй бермас, Ернинг ҳамма томонида ёритгичлар айни бир вақтда чиқар ва Ернинг шимоли ва жанубидаги ҳодисалар юз бермас эди: доим кўринадиган ёритгичлар кўринмайдиган ва, аксинча, доим кўринмайдиган ёритгичлар кўринадиган бўлиб қолар эди»<sup>95</sup>.

Ўрта асрларда ислом астрономлари ва умуман табиатшунослари кўп жиҳатдан ўз даврларидан илгорлаб кетгандарига қарамай, олам тузилиши масаласида геоцентризм

доирадасида қолдилар. Бу доирадан чиқиши учун бошқа илмий мұхит ва ижтимоий шароит яратилиши керак эди. Бундай мұхит ва шароит бир мунча кейин Оврупода юзага келди.

Ал-Фарғоний яшаган илк ўрта асрлар даврида геоцентризм худудида ҳали катта илмий ютуқларга эришиш мүмкін бўлган. У асарининг тўртинчи бобини «Ер курраси осмон куррасининг ўртасида қўзғалмас марказ каби экани, унинг ўлчами осмон ўлчамига нисбатан кичкина доирадек нуқта каби экани ҳақида» деб номлади. Сўнгра олим бу сарлавҳага чиқарган даъвосини аниқ далиллар билан исботлайди. У бундай ёзади:

«Ернинг осмон ўртасида эканлигига далил – олдин биз ёритгичларнинг масофалари ҳақида баён этганимизdir. Чунки уларнинг жисми ернинг ҳамма тарафида бир хил катталикда кўринади. Бу осмон билан Ер орасидаги масофа ҳамма тарафдан қараганда ҳам бир хил миқдорда эканини исботлайди.

Ер осмоннинг ўртасида туради, деб қатъий айтиш мүмкін.

Исботлаш учун, келтирилган далиллардан фарқлироқ, Ер осмоннинг ўртасида эмас деб, балки осмоннинг бошқа бирор жойига нисбатан яқинроқ вазиятда бўлсин, деб фараз қиласлий. Бундай ҳолда осмоннинг ўша жойига энг яқин бўлган тоғда яшовчилар доим осмоннинг фақат ярмисидан озроғини кўришлари керак эди. Худди шу сингари, осмоннинг ўша нуқтасидан энг узоқдаги тоғли ўлкалардаги аҳоли доимо осмоннинг ярмисидан кўпроғини кўришлари керак эди. Бу эса осмоннинг кўринишига хилофдир, чунки Ернинг барча томонидаги кишиларга осмондаги олтита бурж абадий кўринади ва қолган олтита бурж абадий кўринмайди. Бу ернинг осмонга нисбатан нуқтадек кичкина эканини исботлайдиган далилдир. Агар унинг ўлчови осмонга нисбатан катта бўлганида эди, Ердагилар доимо осмоннинг ярмисидан озроғини кўрар эдилар.

Ер осмоннинг ўртасида бўлгани учун осмонни тенг иккига бўлувчи текислик Ернинг марказидан ўтади, чунки бу марказ осмоннинг ҳам маркази бўлади. Шунинг учун ердагиларга осмондаги нарсаларнинг тенг ярмиси кўринади. Бу сезги билан аниқланадиганга зид келмайди. Бунинг далили шуки, кўзимиздан ўтган текислик Ернинг сиртида ҳам уфқ бўйлаб йўналади. Бу текислик билан Ернинг марказидан ўтuvчи текислик орасида айтарли фарқ йўқ. Шу-

нингдек, Ер маркази билан сирти орасидаги масофа осмон ўлчамларига нисбатан сезиларли миқдорда эмас. Шунинг учун, ҳақиқатан ҳам Ер курраси осмон куррасига нисбатан нуқтадек.

Бу сўзлардан сўнг, қуйида турғун юлдузлар орасидаги масофани тавсифлашда осмонда кўринувчи энг кичик турғун юлдуз ҳам ўлчами бўйича Ердан катта эканлигини ва энг кичик юлдузлар осмонда нуқтадек кўринишини айтамиз. Ернинг жисми энг кичик ёритгичлар жисмидан ҳам кичкина бўлгани учун осмоннинг ўлчами олдида унинг ўлчами ҳисобга олинмаслик даражада сезиларли эмас.

Юқорида баён қилганимиздан аён бўладики, Ер оламнинг ўртасида, худди марказдек, уни ҳамма томондан ҳаво ўраб олган. Осмон ҳам курра сингари ҳаво билан ўралган. Ернинг ўлчами осмон ўлчамига нисбатан кичкина доира-дек, нуқтадир»<sup>6</sup>.

Ал-Фарғоний ушбу асарида қабул қилган баён қилиш услуби шу қадар содда ва равшанки, бунда геометрик шакллар ва ҳисоблашларга ҳожат сезилмайди. Чунки агар келтирилган тўртинчи бобга шакл илова қилинадиган бўлса, бунинг учун бир айланадан билан унинг марказини ифода-лашнинг ўзи етарли бўларди. Лекин матн бусиз ҳам тушунарли. Шунинг учун биз ҳам шакл келтирмадик.

Бундан сўнг ал-Фарғоний ўзи танлаган содда усул билан осмон сферасидаги энг асосий доиралар тушунчасини, яъни, ҳозирги ибора билан айтсан, эклиптик ва экваториал координатлар тушунчасини киритади. Буни у «Осмоннинг биринчи икки ҳаракати ҳақида, улардан бири бутун оламнинг шарқдан фарбга йўналган ҳаракати бўлиб, унинг натижасида тун ва кун рўй беради, иккинчиси – сайёralарнинг ҳаракати бўлиб, у эклиптика бўйлаб фарбдан шарққа йўналган кўринади» деб аталувчи бешинчи бобда баён қиласи.

«Биз осмоннинг шакли ва Ер ҳақида баён қилганимиздан сўнг энди осмоннинг биринчи кўринма ҳаракатларидан ҳосил бўладиган нарсаларга ҳам татбиқ этамиз. Айтамизки, осмонда кўринадиган биринчи ҳаракатлар иккитадир. Улардан биринчиси бутун олам ҳаракати бўлиб, унинг натижасида тун ва кун рўй беради, Қуёш, Ой ва барча ёритгичлар кечакундузда шарқдан фарбга қараб тўла бир марта ва бир хил ҳолатда, иккала қўзғалмас кутб атрофида бир хил тезлиқда айланиб чиқади. Биринчи ҳара-

катнинг қутбидан бири – шимолдагиси шимолий қутб, деб, олдин эслатганимиздек, унга қарама-қарши иккинчиси – жанубдагиси жанубий қутб, деб аталади. Ёритгичлар бу ҳаракат билан ўз парралел доиралари бўйлаб ҳаракатланади, шу доиралардан энг каттаси осмон экватори деб аталади. У биринчи ҳаракат миңтақаси ҳам дейилади, чунки у осмон куррасини тенг икки бўлакка ажратади. Миңтақанинг ҳар иккала қутбдан масофаси айнан бир хил бўлади.

Унинг осмон экватори дейилишига сабаб, Қуёш ундан ўтайданда ернинг ҳамма жойида тун билан кун тенглашади. Биз бу ҳақда кейинроқ яна баённимизни давом эттирамиз. Иккинчи ҳаракат шуки, бунда Қуёш ва ёритгичлар биринчи ҳаракат йўналишига қарама-қарши ўлароқ, фарбдан шарққа, биринчи ҳаракат қутбларидан бошқа икки жуфт қутблар атрофида ҳаракатланади. Мана шу бошқа қутблардан баробар узокликдаги катта доира иккинчи ҳаракат миңтақаси бўлиб, буржлар фалаки ўртасининг доираси леб аталади. Бу Қуёшнинг фарбдан шарққа қараб ўзига хос ҳаракатида чизадиган доираси бўлиб, у буржлар деб аталадиган ўн иккита тенг бўлакка ажратилади. Уларнинг исмлари: Ҳамал, Савр, Жавзо, Саратон, Асад, Сунбула, Мезон, Ақраб, Қавс, Жадий, Далв, Ҳут. Ҳар бир бурж ўттиз дараҷага тақсимланади. У ҳолда барча доира уч юз олтмиш дараҷа бўлади. Ҳар бир дараҷа олтмиш дақиқадир.

Қатъий қилиб айтиш керакки, эклиптика доираси осмон экватори билан қарама-қарши икки нуқтада кесишиди ҳамда ундан шимол ва жануб йўналишларида бир хил микдорга оғади. Қуёш осмон экваторининг жанубидан шимолига ўтганида кесиб ўтадиган нуқта – *баҳорги тенгкунлик нуқтаси* дейилади. У Ҳамал буржининг боши. Иккинчи (нуқта) Қуёш (экваторнинг) шимолидан жанубига ўтганида кесиб ўтадиган нуқта, у *кузги тенгкунлик нуқтаси* деб аталади. У Мезоннинг боши. Осмон экваторидан шимолдаги олтитаси шимолий бурж бўлиб, улар Ҳамалнинг бошидан Сунбуланинг охиригача, олтитаси жанубий бурж бўлиб, улар Мезоннинг бошидан Ҳутнинг охиригача.


Осмон фалакида шимолдан жанубга қараб ётувчи учинчи доира ҳосил бўладики, у ўша икки доиранинг қутбларидан ўтади ва бу иккала доира қутбларидан ўтувчи доира деб аталади. У осмон экваторини ҳам, эклиптиканни ҳам тенг икки қисмга бўлади.

Хақиқатан, у эклиптика билан иккита шундай нүктада кесишади, бу нүқталар оғиш чегаралари бўлиб, улар экваторнинг ҳар икки — шимол ва жануб томонидан экватордан тенг масофада бўладилар. Шимолий нүқта — ёзги *Қуёш туриш нүқтаси* деб аталади. У Саратон буржининг бошида бўлади. Жанубий нүқта қиши *Қуёш туриш нүқтаси* дейилади ва у Жадийнинг бошида бўлади.

Шу қутблардан ўтувчи доирада ётган икки *Қуёш туриш нүқталарининг* ҳар бири билан экватор орасидаги ёй эклиптиканинг экваторга оғиши миқдоридир. У, Птолемей аниқлаганидек, агар уч юз олтмиш қисмга бўлинган бўлса, йигирма уч даража ва эллик бир дақиқага тенг бўлган. Бу оғиши ал-Маъмуннинг, Аллоҳ уни раҳмат қилсан, кишилари текширишлари билан солиштирсак, чунки у кўпгина олимларни йиғиб текширитирган эди, улар бу оғиши йигирма уч даража ва ўттиз беш дақиқага тенг деб топишган.

Олдин баён этганимиздек, ҳаракатланувчи ёритгичлар эклиптика қутблари атрофида фарбдан шарққа ўзига хос тезлиқда ва барча тебранишлар билан айланади. Колган ёритгичлар шарқдан фарбга биринчи тур ҳаракатда бўладилар. Кутблардан ўтувчи доира биринчи тур ҳаракатни такрорлайди. Экваторнинг қутблари биринчи тур ҳаракатда кўзғалмасдир, яъни ҳаракатланмайди, эклиптиканинг қутблари эса экватор қутблари атрофида биринчи ҳаракат билан айланади ва уларнинг иккаласи ҳам иккала орбита, яъни экватор ва эклиптика қутбларидан ўтган доирада жойлашади<sup>97</sup>.

Ал-Фарғоний талқинидаги осмоннинг биринчи, яъни фарбий ҳаракати, аслида бу осмоннинг кўринма ҳаракати бўлиб, Ернинг ҳақиқий айланишига кўра содир бўлади. Осмоннинг иккинчи — шарқий ҳаракати эса сайёralарнинг қўзғалмас юлдузларга нисбатан кўринма ҳаракати бўлиб, сайёralарнинг ҳаракатига кўра содир бўлади. Ал-Фарғоний бу ерда экваториал ва эклиптик координатларни тавсифлаяпти. У келтирган тушунча ва ибораларни Зрасмда кўрайлик. Шаклда марказ — О нүқтада Ер бўлган осмон сфераси тасвирланган. Бу ерда  $QQ'$  — осмон экватори,  $P$  ва  $P'$  — унинг шимолий ва жанубий қутблари. Бу доирани ал-Фарғоний «доира мутьаддалун наҳор» — кундузни тенглаштирувчи доира ва «минтақатул ҳаракатил ула» — биринчи ҳаракат минтақаси дейди. Бу номлар аслида



3-расм. Экваториал координатлар расми

юонча «экватор», яъни «тengлаштирувчи» сўзининг эркин таржималариидир. Экватор доирасида кеча ва қундуз соатлари тенг бўлиб, ҳар бири 12 соатни ташкил қиласди ва бу тенглик йил мавсумларида ҳам ўзгармайди.

Шаклда  $\odot\gamma\vartheta\omega$  — эклиптикадир,  $E$  ва  $E'$  — унинг шимолий ва жанубий кутбларидир. Уни ал-Фарғоний «минтақатул ҳаракатис сония» — иккинчи ҳаракат минтақаси ва «доирату васати фалакил буруж» — буржлар фалакининг ўртаси доираси ёки қисқа қилиб «фалакул буруж» — буржлар фалаки дейди. «Эклиптика» сўзи аслида юонча бўлиб, «эклипсис» — «тутилиш» сўзидан ясалган, чунки Қўёш ва Ой тутилишлари ушбу доирада юз беради.

Эклиптика осмон экватори билан икки нуқтада: Ҳамал буржининг бошида, яъни баҳорги тенгкунлик нуқтасида кесишади, шаклда у Ҳамал буржининг ҳозирги қабул қилинган астрономик белгиси  $\gamma$  билан белгиланган, бу 21 марта тўғри келади; эклиптика осмон экватори билан кесишидиган иккинчи нуқта Мезон буржининг боши, 22 сентябрда юз беради, шаклда у ушбу буржнинг астрономик белгиси  $\omega$  билан белгиланган. Эклиптиканинг осмон экваторидан шимолдан ярми  $180^{\circ}$  ни ташкил қилиб, у Ҳамал, Савр, Жавзо, Саратон, Асад, Сунбула буржларидан иборат ва Ернинг шимолий ярмидагилар учун у ёзги ярим ёки ёзги буржлар деб аталади. Эклиптиканинг осмон экваторидан жанубдан ярми Мезон, Ақраб, Қавс, Жадий, Даљ ва Ҳут буржларидан иборат, у ҳам  $180^{\circ}$  ни ташкил қиласди ва Ернинг шимолий ярмидагилар учун бу қишиги ярим ёки қишиги буржлар деб аталади.

Эклиптика шимолий ярмининг ўртаси, яъни Саратон буржининг боши 22 июнга тўғри келади. Шимолий уфқ-

ларда Қуёш шу куни энг катта баландликка күтарилади. Одатда бу баландликни  $h_{\max}$  билан белгиланади, эклиптиканинг шу кунга тўғри келувчи нуқтасини эса Саратон буржининг астрономик белгиси  $\Phi$  билан белгиланади.

Эклиптиканинг жанубий ярмининг ўртаси, яъни Жадий буржининг боши 22 декабрга тўғри келади. Шимолий уфқларда Қуёш шу куни энг паст баландлик  $h_{\min}$  га күтарилади. Эклиптиканинг шу кунга тўғри келувчи нуқтасини Жадий буржининг астрономик белгиси  $\Omega$  билан белгиланади.

Эклиптиканинг ва осмон экваторининг қутбларидан ҳамда Қуёш туриш нуқталаридан ўтувчи доирани ал-Фарғоний «иккала доира қутбларидан ўтувчи доира» (аддоира ал-махтута ала ақтаб ал-фалакайн) дейди, ҳозир уни «Қуёш туришлар колюри» дейилади.

Эклиптиканинг осмон экватори билан кесишиш бурчагини оғизи бурчаги, ёки энг катта оғиз дейилади. Ҳозир уни юононча ҳарфи билан белгиланади. З-расмдан кўриш қийин эмаски,  $\epsilon = \frac{h_{\max} - h_{\min}}{2}$ .

Осмон куррасининг ёзги Қуёш туриш нуқтасидан осмон экваторига парралел ўтган доирани ёзги тропик ва худди шунингдек қишки Қуёш туриш нуқтасидан ўтган параллелни қишки тропик дейилади. Осмон сферасининг ана шу иккала тропик орасидаги қисми тропик зона дейилади.

Ал-Фарғоний бу ерда халифа ал-Маъмун давридаги ўлчашларни эслагани диққатга сазовордир. Биз юқоридан биламизки, бу ўлчашлар 829 – 831 йилларда бажарилган, уларда ал-Фарғонийнинг ўзи ҳам иштирок этган ва  $\epsilon = 23^{\circ}35'$  топилган.

Ал-Фарғоний асарининг «Ернинг аҳоли яшайдиган тўртдан бир қисмининг тавсифи ва унда осмони фалакнинг айланышидан рўй берадиган жами нарсалар ва туну куннинг фарқлари ҳақида» леб аталган олтинчи бобида горизонтал ва географик координатларни киритади ва ёзади:

«Осмон куррасининг икки хил ҳаракатидан нималар рўй беришини биз юқорида эслатдик. Энди биз Ерда аҳоли яшайдиган жойлар ҳақидаги билганларимизни, бизгача етиб келган нарсаларни зикр этамиз. Бу жойларда осмони фалакнинг айланishi туфайли содир бўладиган барча ҳодисалар, тун ва куннинг фарқлари ҳақида тўхталамиз.

Биз айтамиз, Ер куррасининг маркази осмони фалакнинг ҳам маркази бўлгани учун осмон экватори доирасининг текислиги Ер куррасини тенг икки қисмга бўлиши лозим. Унда Ер сиртида ҳосил бўлган бўлакнинг доираси осмон экватори доирасига параллел бўлади ва у *Ер экватори* доираси деб аталади. У Ер сиртини тенг икки қисмга ажратади. Улардан бири шимолий кутб билан, иккинчиси жанубий кутб билан чегараланади.

Ерда биз билган аҳоли яшайдиган жойлар унинг шимолий ярмидадир. Шу аҳоли яшайдиган жойларнинг боши шарқ билан чегараланади ва энг охирги узоқ жойи фарб билан чегараланади. Лекин бу икки чегаравий жойлар орасидаги масофа осмон фалаги доирасининг ўн икки соатидан ортиқ эмас.

Биз Ер сиртида шундай катта доирани тасаввур қиласликки, у Ер экватори доирасини тўғри бурчак остида кесиб, уни тенг икки бўлакка ажратсан. Бу доира Ер экваторини аҳоли яшайдиган жойларнинг шарқдан ҳам, фарбдан ҳам энг узоқ жойида кесади. Бу икки ўзаро кесишган доира Ер сиртини тўртта чоракка ажратиши лозим. Шимолий икки чоракнинг бири Ердаги аҳоли яшайдиган жойларнинг ҳаммасини ўз ичига олади. Унинг узунламаси шарқдан фарбгача курра айланасининг ярмига тенг. Биз шу одам яшайдиган чоракда жойлар кенгликларини топайлик. Бизнинг аниқлашимизга кўра, бу жойлар Ер экватори доирасидан то шимолий кутб уфқдан тахминан олтмиш олти даражага кўтарилиган оралиқдаги жойлардан иборат экан.

Энди шу ерда ҳар бир иқлим учун, уфқ доираси ва осмон меридианини аниқлайлик.

Уфқ *доираси* деб, осмоннинг Ер устида биз кўрадиган ва Ер остида биз кўрмайдиган қисмларга ажратадиган доирага айтамиз. Унинг қутби зенитда бўлиб, у осмонни тенг иккига ажратувчи катта доиралардан биридир, чунки Ер куррасининг осмони фалакка нисбатан ҳис қилинадиган ҳеч қандай катталиги йўқдир.

Осмон меридиани экваторнинг иккала қутби ва жойнинг зенит нуқтаси орқали ўтади. Унинг қутби уфқда кун ва тун тенглашадиган жойда бўлади. У Ер устидаги ва остидаги осмон экваторига параллел доиралардан иборат барча кесимларни тенг икки қисмга ажратади.

Аҳоли яшайдиган жойлар кенгликларидаги барча нарсаларга келсак, улар Ер экваторидан, яъни ундан нариёғи

жануб бўлган аҳоли яшайдиган жойларнинг чегарасидан бошланади.

Биз айтамиз, осмон экватори доираси Ер экватори доирасида яшовчиларнинг барчасининг зенитидан зарурان ўтади. Бунда албатта осмон экваторининг иккала кутби шу жойларнинг уфқ доираларида бўлади. Шунинг учун ҳам бу ерда, яъни Ер экваторида осмон экватори уфққа оғмасдан, тик, яъни перпендикуляр бўлади. Ва Қуёшнинг зенит масофаси шимол тарафида ҳам, жануб тарафида ҳам айни бир миқдорда бўлади. Шу сабабли у ерларда ёз ва қишининг мизожи мўътадил бўлади. Уфқ доиралари экваторга параллел барча доираларни кесиб, тенг иккита ярмига ажратади, чунки уфқ доираларининг ҳаммаси экваторнинг кутбларидан ўтади. Қуёш ва бошқа ёритгичларнинг чиқишидан ботишигача бўлган вақт, йилнинг барча кунлари учун, уларнинг ботишидан чиқишигача ўтган вақтига тенг бўлади. Бу ерда тун билан кун ҳар доим тенг.

Аммо Ер экваторидан шимол томон оғган жойларни олсак, бу ерларнинг ҳаммасида осмон экватори зенитдан жанубга оғган бўлади. Бунда осмон экваторининг шимолий кутби уфқдан ўша миқдорга кўтарилган бўлади. Шимолий кутбгача масофалари кутбнинг уфқдан баландлигига тенг бўлган осмон экваторига параллел доирадаги барча ёритгичлар Ер устида абадий кўринувчи бўлади. Худди шунингдек, жанубий кутб томонидан шуларга ўхшаш доирадаги барча ёритгичлар абадий кўринмас бўлади. Уфқ доираларини ўзаро параллел доираларидан фақат осмон экватори доираси тенг икки қисмга бўлади.


Осмон экваторига парраллел доираларга келсак, уфқ уларнинг ҳаммасини тенг бўлмаган икки қисмга ажратади. Бу доираларнинг осмон экваторидан шимолдаги қисми, яъни Ернинг устидаги қисми Ернинг остидаги қисмидан катта бўлади. Уларнинг осмон экваторидан жанубдагиларида эса бунинг аксича, Ернинг устидаги қисми Ернинг остидаги қисмидан кичик. Чунки шимолий кутб уфқдан баландда бўлганида жанубий кутб уфқдан пастда бўлади ва шимолий доиралар баланд бўлиб, уларнинг ҳар бирининг ярмидан ортиғи кўринади; жанубий доиралар эса уфқдан пасайган ва уларнинг ҳар бирининг ярмидан кўпроғи кўринмайди. Кутбнинг баландлиги ортиб борувчи уфқларда шу бўлаклар орасидаги фарқлар ҳам ортиб боради. Бунда ёз ва қиши кунлари орасидаги фарқ ҳам катта бўлади. Шунингдек агар

бир иқлимда шу параллел доиралардан бирининг осмон экваторидан масофаси катта бўлиб, қутбга яқин бўлса, доира катта бўлагининг кичик бўлагидан ортиқлиги уларнинг осмон экваторига яқин бўлганидан катта бўлади.


Биз тавсифлаганлардан маълум бўлади-ки, агар Қуёш иккала тенг кунлик нуқталарида бўлса, яъни Ҳамал боши билан Мезон бошида бўлса, у ҳолда Ернинг ҳамма жойида тун ва кун тенг бўлиши шарт, чунки шу кунларда Қуёшнинг параллели уфқни тенг иккига бўлувчи осмон экваторининг ўзи бўлади. Агар Қуёш шимолий буржларда бўлса, куннинг вақти туннинг вақтидан узун бўлади. Шунингдек, Қуёш осмон экваторидан шимол томонга узоқлашса, кун тундан ортиб боради, бу ортиш Қуёш осмон экваторидан энг катта оғиш миқдорида узоқлашгунча давом этади. У Саратоннинг бошига етганида куннинг узайиши ва туннинг қисқариши ниҳоясига этади. Агар Қуёш жанубий буржларда бўлса, аҳвол биз тавсифлаганнинг аксича бўлади, яъни кун тундан қисқа ва бу қисқариш Қуёш Жадийнинг бошига етгунча давом этади. Кейин куннинг қисқариши ва туннинг узайиши тугайди. Шунингдек, агар икки параллел осмон экваторининг турли томонида бўлиб, ундан масофалари тенг бўлса, у ҳолда бу параллеллардан бирининг Ер устидаги бўлаги иккинчисининг Ер остидаги бўлагига, улардан бирининг куни иккинчисининг тунига ва тунлари эса кунларига тенг бўлади.

Қуёш Саратон бошида бўлганидаги энг узун кун у Жадий бошида бўлганидаги энг узун тунга тенг бўлиши шарт. Шунингдек, Саратоннинг тунлари Жадийнинг кунлари каби бўлади. Ернинг аҳоли яшайдиган жойларида содир бўлиши мумкин бўлган ҳодисаларнинг барчаси мана шулардан иборат»<sup>98</sup>.

Ал-Фарғоний сўзларини 4-расмда изоҳлайлик. Фараз қилайлик, шаклда Ер курраси тасвиrlанган бўлсин. У ҳолда N – шимолий қутб, S – жанубий қутб, O – шарқ нуқтаси, W – гарб нуқтаси бўлади. Агар Ер куррасини унинг марказидан ва WO чизигидан ўтувчи ҳамда қутблардан баробар узоқликдаги текислик билан кесилса, у ҳолда бу текислик Ер куррасини тенг иккига бўлади. Бу текисликнинг Ер сиртидаги изи OP'WP катта айланада бўлиб, уни Ер экватори дейилади. Ер экватори доираси O, S, W, N нуқталардан ўтган доира билан экваторнинг диаметри OW бўйлаб кесишади ва Ер куррасини тўрт чоракка бўлади.



4-расм. Ер экватори ва қутб доираси



5-расм. Уфқ ва зенитга оид расм

Уларнинг Ер шимолий ярмидағи шарқий чораги OPWN ни ал-Фарғоний «рубъи маъмур» ёки «рубъи маскун», яъни Ернинг обод чораги, Ернинг аҳоли яшайдиган чораги деб атаган. Бу иборалар аслида Птолемейнинг шу маънодаги «ойкумена» деган сўзининг таржималаридир. Кўриш қийин эмаски, бутун экваторнинг узунлиги 24 соат бўлгани учун унинг шарқий ярми OP<sup>1</sup>W нинг узунлиги 12 соат бўлади.

Ернинг шимолий қутби яқинидаги кичик доира, ал-Фарғоний айтишича, 66° 30' кенгламадаги параллелдир, уни қутб доираси дейилади. Ал-Фарғоний шу доира билан қутб орасида аҳоли яшамайди, деб ҳисоблаган.


Ал-Фарғоний бу ерда кўринма уфқ билан ҳақиқий, яъни математик уфқни фарқ қилмаяпти. 5-расмда NOSW – ҳақиқий уфқдир, N – унинг шимоли, S – жануби, O – шарқи, W – гарби. Ҳақиқий ёки математик уфқ Ер маркази Е дан ўтади. Z – уфқнинг зенити, Z<sup>1</sup> – назири (надири). Ҳақиқий уфқ осмон фалагини икки қисмга ажратади: баландлиги зенит Z бўлган кўринма ярим ва баландлиги назир Z<sup>1</sup> бўлган кўринмас ярим.

Осмон экватори олам ўқи деб аталувчи иккала қутбдан ўтувчи PP<sup>1</sup> ўқ (6-расм) атрофида айланади. Осмон фалагининг кичик айланаси aa<sup>1</sup> бир кунлик ёки кечакундуз параллели дейилади. Ёриттичларнинг кунлик кўринма ҳаратлари кунлик парралеллар бўйлаб содир бўлади.


Осмон экватори ҳақиқий уфқ билан икки нуқта – шарқ нуқтаси Е да ва гарб нуқтаси – W да кесишади.

Осмон фалагининг катта айланаси PZQSP<sup>1</sup>Z<sup>1</sup>Q<sup>1</sup>N осмон меридиани орқали ўтади. PP<sup>1</sup>, ZZ<sup>1</sup> ва NS ўқлар унинг

текислигига. Шарқ ва гарб нүқталари E, W, яъни, ал-Фарғоний ибораси билан айтганда, «*кун ва тун тенглашадиган жойлар*» унинг қутбларидир. У ҳақиқатан ҳам уфқ доирасини, осмон экваторини ва кунлик параллелларни тенг ўртасидан бўлади. Ал-Фарғоний осмон меридианини «доира нисфин наҳор», яъни «кундуз ўртаси доираси» деб атаган. Лотинча «меридиан» сўзи ҳам «кундуз ўртаси» маъносини англатади. Ҳақиқатан ҳам осмон экваторининг EQW бўлаги унинг кундузги ярми бўлиб, Q нүқта унинг ўртаси — тушки соат 12.00 га тўғри келади.




6-расм. Экваториал ва горизонтал координатлар расми




7-расм. Ер экваторидагилар учун юлдузлар ҳаракати расми

Ер экваторида бўлганлар учун ҳақиқатан ҳам осмон экватори зенитдан ўтади. Бу ҳолда (7-расм) Q нүқта зенит Z билан ва  $Q'$  нүқта назир  $Z'$  билан устма-уст тушади, қутблар P ва  $P'$  эса уфқнинг шимоли N ва жануби S билан устама-уст тушади. Осмон экватори ( $QQ'$ ) ва барча кунлик параллеллар ( $aa'$ ,  $bb'$ ) уфқ текислигига перпендикуляр бўлиб, бу текислик уларни тенг иккига бўлади. Шунинг учун бу минтақада кеча ва кундуз тенг бўлиб, 12 соатдан иборат бўлади.

Шимолий кенглиги  $\phi$  бўлган уфқларда Шимолий қутблнинг P уфқдан масофаси, яъни қутб масофаси  $PN = p$  (8-расм) баландликка кўтарилиган бўлади. Бу ҳолда  $PN < p$  оралиқдаги барча ёритгичлар абадий кўринувчи бўлади ва уларнинг кунлик параллелларини уфқ текислиги кесмайди. Осмон куррасининг жанубий ярмида ҳам  $SP' < p$  оралиқдаги юлдузлар билан худди шунингдек бўлади. Шунда шимолдаги абадий кўринувчи юлдузлар жанубда абадий кўринмас ва, аксинча, жанубдаги абадий кўринувчилар шимол-



8-расм. Шимолий кенгликтеги-  
лар учун Ер ҳаракати расми



9-расм. Шимолий қутбдагилар  
учун юлдузлар ҳаракати расми

да абадий күринмас бўлади. Лекин қутб масофа  $p$  аслида қутбнинг баландлиги  $p = h_p$  бўлгани ва унинг ўзи ёритгичнинг оғиши  $\delta$  билан  $p + \delta = 90^\circ$  муносабат орқали боғланганлиги ҳамда уфқнинг шимол нуқтаси  $N$  нинг оғиши  $\delta_N$  уфқнинг — кенгламаси  $\phi$  билан  $\delta_N = 90^\circ - \phi$  муносабат орқали боғлангани ва жануб нуқтаси  $S$  нинг оғиши  $\delta_S = \phi$  бўлгани учун юлдузларнинг чиқувчи ва ботувчилик шартларини қўйидагича ифодалаш мумкин.

Агар ёритгич  $QQ'$  экваторда бўлса, яъни  $\delta = 0$  бўлса, у аниқ шарқ нуқтаси  $E$  да чиқиб, аниқ фарб нуқтаси  $W$  да ботади.

Агар ёритгич оғиши  $\delta > 0$  бўлса, у экватордан шимолда бўлиб, шимоли-шарқда чиқади ва шимоли-шарқда ботади.

Агар ёритгич оғиши  $\delta < 0$  бўлса, у осмон экваторидан жанубда бўлиб, жануби-шарқда чиқади ва жануби-фарбда ботади.

Агар  $\delta > (90^\circ - \phi)$  бўлса, ёритгичнинг кунлик параллели шимолда ҳам, жанубда ҳам уфқ текислигини кесмайди ва у шимолда абадий күринувчи (ботмас) ва жанубда абадий күринмас (чиқмайдиган) бўлади.

Агар ёритгич оғиши абсолют миқдори бўйича  $\delta < (90^\circ - \phi)$  бўлса, унинг кунлик параллели шимолда ҳам, жанубда ҳам уфқ билан кесишади. Фақат бу ҳолда шимолий кенгламаси  $\phi$  бўлган ёритгичнинг күринувчилик вақти худди жанубий кенгламадаги ёритгичнинг күринмаслик вақтига тенг бўлади.

Агар, 9-расмдагидек, кузатувчи шимолий қутб нуқтасида бўлса, унинг зенити  $Z$  ҳам шимолий қутби  $P$  билан

устма-уст тушади. Бу ҳолда барча ёритгичларнинг кунлик параллеллари Ер экваторига параллел бўлиб, осмон экваторидан юқоридаги (шимолдаги) юлдузларнинг барчаси абадий кўринувчи, жанубдагилари эса абадий кўринмас бўлади.

Юқорида кўрганимиздек, асарнинг ўтган боблари хронологияга ва астрономиянинг бошланғич тушунчаларига бағишиланган. Муаллиф асарнинг кейинги уч бобини географияга бағишилайди.

Асарнинг еттинчи боби «Ернинг аҳоли яшайдиган чорагининг хоссалари, Куёш неча ойлаб тулув қилганича ботмайдиган ва ботганича неча ойлаб тулув қилмайдиган жойларнинг баёни ҳақида» деб аталиб, унда муаллиф Ер экваторидан шимолий қутбга қараб йўналишда Куёш ва ёритгичларнинг ҳаракатида рўй берадиган аҳволлар ҳақида баён қиласди.

Энди, деб ёзади муаллиф, Ер экватори билан обод чоракнинг охири орасидаги Ернинг аҳоли яшайдиган жойларнинг хоссаларини баён этамиз. Агар Ер экватори доираси билан қутби у ерда эклиптиканинг экваторга оғиш бурчагидан кичик бўлган миқдорга кўтариувчи жой оралифидаги аҳоли яшайдиган жойларга келсак, Куёш улар зенитидан бир йилда икки марта ўтади, чунки у ерларда зенит нуқтасининг осмон экваторидан масофаси Саратон бошининг экваторга оғиш миқдоридан кичик бўлади. Саратон бошидан икки тарафда икки жой бўлиб, уларнинг осмон экваторидан оғиши қутбининг баландлиги миқдоричадир.

Агар Куёш шу икки жойнинг ҳар бирида бўлса, шу пайт у зенитдан ўтади. Агар Куёшнинг йўли эклиптикада шимолий бўлакда ўша иккала жой орасида бўлса, у зенитга нисбатан шимол тарафдан ўтади. Аммо қутбнинг баландлиги эклиптиканинг осмон экваторига оғиш бурчагига тенг бўлган жойларда Куёш зенитдан бир йилда бир марта ўтади. Бу Куёш Саратоннинг бошида бўлганида рўй беради.

Аммо қутб баландлиги эклиптиканинг осмон экваторига оғишига нисбатан катта бўлган бошқа жойларда Куёш зенитдан ҳеч қачон ўтмайди, у зенитнинг жануб томонидан ўтади. Ҳар доим қутбнинг баландлиги ортиши билан Куёш йўли зенитдан жануб тарафига оғиб бораверади ва ёзниг машриқи қишининг машриқидан узоқлашади. Ва ёз кундузининг қиши кундузидан фарқи ортиб бориб, шундай жойга етадики, у ерда қутбнинг уфқлардан баландлиги Саратон

боши доирасининг қутбдан масофасига тенг, яъни олтмиш олти даражадан тўртдан бир даждада ва олтидан бир даражада бўлади.

Бу ерда зенитнинг осмон экватори қутбидан масофаси эклиптика қутбининг ундан масофасига тенг бўлади ва эклиптика қутби зенитдан ўтган доирада бўлади. Саратон бошининг параллели Ер устида абадий кўринади. Жадий бошининг параллели абадий кўринмайди. Агар Куёш Саратон бошида бўлса, кундуз йигирма тўрт соат бўлиб, тун бўлмайди. Агар Куёш Жадий бошида бўлса, тун йигирма тўрт соат бўлиб, унда кундуз бўлмайди. Бу жойларда эклиптика қутби зенитга мос келади, чунки эклиптика уфқ доираси билан устма-уст тушади. У ҳолда Ҳамалнинг боши шарқда, Мезоннинг боши фарбда, Саратоннинг боши шимолий уфқда, Жадийнинг боши жанубий уфқда бўлади. Агар эклиптиканинг қутби зенитдан силжиса, эклиптика билан уфқ кесишади ва улар тенг икки бўлакка ажралади. Унда эклиптиканинг шарқий ярми уфқдан кўтарилади, фарбий ярми эса пастга тушади ва кутилмаганда олтида бурж бирдан чиқади. Улар Жадийнинг бошидан Жавзонинг охиригача бўлган буржалардир. Шу сингари, қолган олтида бурж ҳам дафъатан ботади.

Агар Ернинг аҳоли яшайдиган чорагининг ҳамма жойларида бундан кейин нималар содир бўлишини билишни истасак, уларнинг хоссалари қуйидагича. Агар бу жойларда қутбнинг уфқдан баландлиги Саратон параллелининг қутбгача бўлган масофасидан ортиқ бўлса, унда Саратон боши параллели иккала ёнидаги бўлагининг осмон экваторидан шимолда бўлган офишининг қутбнинг зенитдан офишидан ортиғи Ер устида абадий кўринади. Шунингдек, унинг Жадий бўлган қарама-қарши бўлаги абадий кўринмайди. Шунинг учун ёз кунларидан бирининг узунлиги давомида Куёш ўзининг эклиптика бўйлаб ҳаракатида ўша Ер устида доимо кўринадиган бўлакни кесиб ўтади. Қиши тунларидан фақат бирининг узунлиги ўша кун миқдорича бўлади.

Кутбнинг уфқдан баландлиги олтмиш етти даражада ва чорак даражада миқдорига тенг бўладиган жойларга келсак, мана бундай: уларда Жавзонинг ярмидан Саратоннинг ярмигача бўлган параллел Ер устида абадий кўринади. Қавсоннинг ярмидан Жадийнинг ярмигача бўлган параллел абадий кўринмайди. Шу сабабли, ёзниг бир ойининг ҳаммаси кун, унда тун бўлмайди ва қишининг бир ойининг ҳамма-

си тун. Бир йилнинг қолган ўн ойида ҳар бир кун ва тун биргалиқда йигирма тўрт соат бўлади.


Қаерда қутбнинг баландлиги олтмиш тўққиз даража ва ярим ва чорак даража бўлса, ўша ерда Жавзо ва Саратон буржларининг параллели Ер устида абадий кўринади. Қавс ва Жадий буржларининг параллели абадий кўринмайди. Шу сабабли бу ерда ёзги икки ойнинг ҳаммаси кун, қишики икки ойнинг ҳаммаси тун бўлади. Қаерда қутб уфқдан етмиш даража ва ярим даражага кўтарила, у ерда Савр ярми билан Асад ярми оралиғидаги параллел абадий кўринади, унга қарама-қарши Жадий ўзига олган даражалар абадий кўринмайди. Шунинг учун бу ерда ёзниңг уч ойи ҳаммаси кун, қишининг уч ойи ҳаммаси тун бўлади.

Қаерда қутб уфқдан етмиш саккиз даража ва ярим даражага кўтарила, ўша ерда Савр, Жавзо, Саратон ва Асад параллели абадий кўринади. Уларга мос қарама-қарши буржлар абадий кўринмайди. Демак, ёзниңг тўрт ойининг ҳаммаси кун, унда тун йўқ. Қишининг тўрт ойининг ҳаммаси тун, унда кун йўқ.

Қаерда қутб уфқдан саксон тўрт даражага кўтарила, у ерда паралелнинг Ҳамал ўртаси билан Сунбула ўртаси оралиғи абадий кўринади. Бу буржларга мос қарама-қарши буржлар абадий кўринмайди. Шу сабабли, бу ерларда ёзниңг беш ойи ҳаммаси кундуз, унда тун йўқ, қишининг беш ойи ҳаммаси тун, унда кундуз йўқ. Бу жойлар ҳақида юқорида айтганлардан маълум бўладики, агар эклиптика-нинг айланма ҳаракатида эклиптика кутби осмон меридиани доирасида жанубга яқин бўлса, Ҳамалнинг боши шарқда ва Мезоннинг боши фарбда бўлади. Шунда шимолий буржлар Ер устида кўринади. Жанубий буржлар эса кўринмайди. Шу вақт буржларнинг Ер устида ёйилиш тартиби аҳоли яшайдиган жойлардан кўриниш тартибига хилоф равишда, шарқдан фарбга қараб рўй беради. Эклиптика-нинг Жадий билан Саратон орасидаги қисмларидан чиқадиганлари эса тескарича чиқади; яъни Савр Ҳамалдан олдин; Ҳамал Ҳутдан олдин; Ҳут Даљдан олдин ва ҳоказо. Шу сингари, уларга мос буржлар ҳам тескари тартибда ботади. Аммо шундай бир жой борки, унда қутб тўқсон даражага кўтарилади ва у зенит бўлиб қолади. Унда осмон экватори доираси доимо ернинг уфқ доираси билан устма-уст тушади. Осмон сферасининг айланиши пилдироқнинг айланиши каби уфқка параллел бўлади. У ҳолда осмоннинг эк-

ватордан шимолдаги ярмининг ҳаммаси Ер устида абадий кўринади. Жанубий ярми эса абадий кўринмайди. Шунинг сингари, агар Куёш шимолий буржларда бўлса, у айланәтиб уфқ яқинида чиқади ва унинг уфқдан энг катта баландлиги унинг осмон экватори доирасига оғишига тенг бўлади. Агар у жанубий буржларда бўлса, у ботади. Бу ерда бир йилнинг ҳаммаси бир кун бўлиб, унинг олти ойи тун, олти ойи эса кундуз бўлади<sup>99</sup>.

Ал-Фарғонийнинг бу бобда айтганларини 10-расмда намойиш қиласайлик. Бу расмда осмон сфераси осмон меридианига проекцияланган. Шаклдан кўриш қийин эмаски,  $ZQ^1$  ёйи бир вақтнинг ўзида зенит нуқтасининг оғиши  $\delta$  осмон экваторининг зенит масофаси  $Z_0$  ва зенит нуқтаси-



10-расм. Осмон доирасининг меридианига текислик проекцияси

нинг, яъни шу зенит остидаги жойнинг кенглигидир, яъни  $ZQ^1 = \delta_z = Z_0 = h_p = \phi$ . Демак, агар, ал-Фарғоний айтганидек,  $\delta_z < e$  бўлса, Куёш бундай жойларнинг зенитидан йилда икки марта ўтади. Буларнинг биринчиси баҳорги тенгкунлик билан ёзги гуёш туриш оралиғида, яъни 21 март билан 22 июнь оралиғида ва иккинчиси ёзги Куёш туриши билан кузги тенгкунлик оралиғида, яъни 22 июнь билан 23 сентябрь оралиғида бўлади. Бу ҳол фақат  $h_p = Z_0 = \phi = \delta_z < e$  шартни қаноатлантирган жойлар учун, яъни тропик зонадаги жойлар учун ўринли бўлади. Кўриш қийин эмаски, Саратон боши эклиптиканинг шимолий ярмида бўлгани учун  $\phi = \delta_z < e$  бўлган географик кенгликларда Куёш биринчи марта зенитдан 22 июндан олдинги кунларда ўтади, сўнг у кундан 22 июнгача бўлган оралиқда зенит  $Z$  дан шимолга то  $M$ , нуқтагача сурилади ва шу нуқтага 22 июнь куни – Саратон бошида етади. Кейинги

кунлар Қүёш  $M_1$  нүқтадан орқага, зенит  $Z$  тарафига қайтади ва маълум куни зенитдан иккинчи марта ўтади. Демак, Қүёш йилнинг биринчи ярмида зенит  $Z$  дан ўтганидан, то  $M_1$ , нүқтага етиб, яна орқага қайтиб  $Z$  нүқтадан ўтгунига қадар зенитдан шимол тарафда бўлади. Бошқача айтганда, у бу оралиқда аввал  $ZM$  ёйни, сўнг  $MZ$  ёйни ўтади.

Агар  $NP = ZQ^I = h_p = \epsilon$  бўлса, бу ҳолда  $M_1$  нүқта  $Z$  билан устма-уст тушиб,  $M_1$ ,  $Z$  ёй бўлмайди ва ҳақиқатан ҳам Қүёш бу ҳолда зенит  $Z$  дан фақат бир марта ўтади. Ўша куни Қүёш энг катта баландлик  $h_{max} = \epsilon$  га эришади.

Лекин агар  $NP = h_p = ZQ^I > \epsilon$  бўлса, бу ўша жойнинг географик кенглиги ҳам эклиптиканинг осмон экваторига оғиш бурчагидан катта  $\phi > \epsilon$  эканлигини билдиради. Ҳақиқатан ҳам, бундай жойларда гуёш зенитдан ўтмайди ва у зенитдан жанубга  $\phi - \epsilon > 0$  бурчакка «оғган» бўлади. Шимолий географик кенгликларга узоклашган сари бу бурчакнинг миқдори ортaborади ва Қүёш жануб тарафда чиқиб ботадиган бўлaborади. Ниҳоят, шимолий қутб доирасиiga етилганда, у ернинг географик кенглиги  $\phi = 90^\circ - \epsilon$  бўлгани учун, яъни ал-Фарғоний ибораси билан айтганда,  $h_p = \phi = 66^\circ + \frac{1}{4}^\circ + \frac{1}{6}^\circ$  ёки  $h_p = \phi = 66^\circ 25'$  бўлгани учун бу ерда эклиптика қутби зенитдан ўтган доирада ётади ва қутб тропиги доираси «абадий кўринувчи» бўлиб, Қүёш ёзги туриш куни бир кун, яъни 24 соат ботмайди. Шунинг учун Саратон боши – 22 июнь Қүёш туриш куни дейилади. Қиши пайтларида эса бу ерда жанубий қутб тропиги абадий кўринмас бўлгани учун Қүёш 24 соат тулуъ қилмайди. Бу ерларда эклиптика қутби зенитга мос келгани учун эклиптиканинг ўзи уфқ доираси билан устма-уст тушади. Шунинг учун бу географик кенгликларда ёзги Қүёш туриш нүқтаси уфқ шимоли, қиши Қүёш туриш нүқтаси уфқ жануби, баҳорги тенгкунлик нүқтаси унинг шарқи ва кузги тенгкунлик нүқтаси унинг ғарби билан устма уст тушади.

Энди ал-Фарғоний айтган «қутбнинг уфқдан баландлиги», яъни кенглик даражаларига келсак,  $\phi = 66^\circ + \frac{1}{4}^\circ + \frac{1}{6}^\circ = 66^\circ 25'$  кенглик шимолий қутб доирасининг кенглиги бўлиб, у  $\phi = 90^\circ - \epsilon$  муносабатдан, ал-Фарғонийда  $\epsilon = 23^\circ 25'$  бўлгани учун,  $\phi = 66^\circ 25'$  ҳосил

бўлади. Шимолий қутб доирасида ёзги турниш куни Куёш ботмайди, яъни 24 соат уфқ доирасига уринган ҳолда кўринади.

Географик кенглиги  $67^{\circ}15' (= 67^{\circ} + \frac{1}{4}^{\circ})$  бўлган жойларда

«Жавзонинг ярмидан Саратоннинг ярмигача», яъни 6 июндан 6 июлгача «бир ойнинг ҳаммаси кун» бўлади. Худди шу пайт Ернинг жанубий ярмида бир ой давомида тун бўлади.

Географик кенглиги  $69^{\circ}45' (= 69^{\circ} + \frac{1}{2}^{\circ} + \frac{1}{4}^{\circ})$  бўлган жойларда Жавзо бошидан то Саратон охиригача, яъни 21 майдан 21 июлгача икки ой давомида Куёш ботмайди, яъни икки ой кундуз бўлади.

Куёш шу кенгликларда қиш пайтида Қавс бошидан Жадий охиригача, яъни 22 ноябрдан 19 январгача чиқмайди ва икки ой тун бўлади.

Географик кенглиги  $73^{\circ}30'$  бўлган жойларда «Савр ярмидан Асад ярмигача», яъни 6 майдан то 6 августгача уч ой давомида Куёш ботмайди ва кундуз бўлади. Бу буржларга қарама-қарши бўлган Ақраб ўртасидан то Далв ўртасигача бўлган оралиқда, яъни 6 ноябрдан то 5 февралгача уч ой давомида Ернинг жанубий ярмида Куёш тулуъ қилмайди.

Географик кенглиги  $78^{\circ}30'$  бўлган жойларда Савр бошидан то Асад охиригача, яъни 20 апрелдан 23 августгача Куёш ботмайди ва у кенгликларда қутб ёзи тўрт ой давом этади.

Географик кенглиги  $84^{\circ}$  бўлган жойларда «Ҳамал ўртасидан то Сунбула ўртасигача», яъни 5 апрелдан 7 сентябргача беш ой давомида Куёш ботмайди ва қутб ёзи бўлади. Буларга қарама-қарши буржларда Мезон ўртасидан Ҳут ўртасигача, яъни 7 октябрдан келаси йил 5 марта беш ой давомида Куёш тулуъ қилмайди, яъни қутб кечалари бўлади.

Ниҳоят, шимолий қутбда ( $=90^{\circ}$ ) Ҳамал бошидан Мезон бошигача, яъни 21 марта 23 сентябргача олти ой Куёш ботмайди ва қутб ёзи бўлади. Қолган олти ой Куёш кўринмайди ва қутб кечалари бўлади.

Ал-Фарғоний бу бобда келтирган маълумотлар унинг шимолий қутб доираси кенгликларида ва ҳатто ундан ҳам анча шимолдаги жойларда рўй берадиган астрономик ҳодисалардан анча яхши хабардор бўлганлигини кўрсатади. Мусулмон сайёҳ ва, географлари VIII – IX асрларда Волга бўйлаб Булғорга ва ундан сўнг Болтиқ дengизи орқали

Скандинавия ярим оролига борганликлари маълум. Бу ҳақда Ослодан топилган Бағдод, Бухоро ва Хоразм тангалари гувоҳлик беради. Мусулмон сайёҳлари Булғордан сўнг Кама орқали Шимолий Уралга борганликлари ҳақида ҳам маълумот бор. Шубҳасиз, уларнинг баъзилари қутб доирасидан шимолий зоналарга ҳам ўтганлар. Ал-Фарғоний халифаликнинг марказий ерларида юриб, у сайёҳ ва географлар билан учрашганлиги ҳам шубҳасиз. Асарнинг кейинги икки боби бу фикрни тасдиқлади.

Китобнинг «Ерни ўлчаш ва унинг обод қисмининг етти иқлимга бўлиниши ҳақида» деб аталган саккизинчи боби диққатга сазовордир. Бунда муаллиф ёзади:

Ердаги аҳоли яшайдиган жойлар ахволининг баёнидан сўнг, Ер куррасининг бутун сиртини ўлчаш ҳамда унинг обод қисмининг, осмон куррасининг доираларида бўлганидек, узунлик ва қенгликлар бўйича иқлимларга бўлинишининг ахволини баён этамиз.

Биз айтамиз, юқорида баён қилганимиздек, Ер куррасининг маркази осмон куррасининг ҳам маркази бўлади. Бу ҳолда Ернинг думалоқлиги осмон куррасининг думалоқлигига мос бўлиши лозим. Агар Ер сиртида жануб ва шимол тарафларига қараб меридиан бўйлаб юрсак, шимолий қутбнинг уфқдан баландлиги Ер сиртида юрганимиз миқдорича ортади ёки камаяди.

Шундай қилиб, биз Ер курраси меридиани бир даражасининг узунлиги эллик олти-ю, учдан икки милга тенг бўлишини топа оламиз. Бир мил эса тўрт минг қора газга тенг бўлиб, шундай эканлиги халифа ал-Маъмун, Аллоҳ ундан рози бўлсин, замонида текшириб кўрилган бўлиб, ўлчашларни ўtkазиш учун у бир неча олимларни жамлаган эди.

Агар бир даражада ҳиссасини бутун айланага, яъни уч юз олтмиш даражага кўпайтирсак, Ер айланасининг узунлиги ҳосил бўлади. Бу йигирма минг тўрт юз милни ташкил қиласи.

Агар Ернинг айланасини уч ва еттидан бирга бўлсан, Ер диаметрининг миқдори ҳосил бўлади. У тахминан олти минг беш юз мил.

Агар Ер айланаси узунлигини диаметрига кўпайтирсан, бундан бутун Ер сиртининг юзаси ҳосил бўлади. У тахминан бир юз ўттиз икки минг минг ва олти юз минг. Бу миқдор милнинг милга (кўпайтмаси), яъни квадрат мил-

лар билан ўлчанади. Ерда аҳоли яшайдиган чоракнинг жами сирти ушбу милларда кўпайган бўлиб, тақрибан ўттиз уч минг минг бир юз эллик минг квадрат мил.

Агар биз шу чоракдаги аҳоли яшайдиган, идрокимиз етган ва хабарлари бизга етиб келган жойлар охирининг кенглигини топадиган бўлсак, бу Ер экватори билан кутб уфқдан Саратон паралелининг кутбгача масофаси миқдорига кўтариладиган жойлар оралиғига тенг бўлиб, у даражаларда олтмиш олти даража ва чорак даража ва олтидан бир даража, милларда эса уч минг етти юз олтмиш тўрт мил бўлади.

Аммо унинг узунлигига келсак, бу катта айланадоира сидаги масофа бўлиб, ўн икки соатга тенг, милларда эса Ер экватори айланасининг ярмича миқдорда бўлиб, у ўн минг икки юз милдир.

Аммо Ер куррасининг энг шимолий нуқтасигача бўлган жойларнинг узунлиги, Ер курраси қисмлари у ерда торайиб боргани учун, камдир ва айлананинг тақрибан бешдан бирига тенг бўлиб, тўрт минг саксон мил бўлади.

Ерда аҳоли яшайдиган чоракнинг обод жойларини еттига иқлимга бўлинган. Улардан биринчисининг ўртаси энг узун кунининг узунлиги ўн уч соат бўлган жойлардан ўтади, еттинчисининг ўртаси энг узун кунининг узунлиги ўн олти соат бўлган жойлардан ўтади.

Ҳақиқатан, биринчи иқлимининг чегараси жануб томонда бўлиб, у денгиз билан чегараланган. Унда обод жойлар кўп эмас.

Еттинчи иқлимининг чегараси шимол билан чегараланган бўлиб, у ерда ҳам биз биладиган шаҳарлар оз.

Ҳамма иқлиmlарнинг узунликлари шарқдан фарбга қараб олинади. У катта айланада бўйича ўн икки соатлик масофа дир. Уларнинг кенгликлари энг узун кунининг узунлигидан ярим соатга фарқ қиласди.

**Биринчи иқлимининг ўртаси** энг узун кунининг узунлиги ўн уч соат бўлган жойлардан ўтади. Бу жойларда кутб уфқдан ўн олти даража ва учдан икки даража кўтарилади. Бу иқлим кенглиги эса кунининг узунлиги ўн икки соат ва ярим ва чорак соат бўлган жойдан бошланади. Бу ерда кутбнинг уфқдан баландлиги ўн икки даража ва ярим ва чорак даража. Бу иқлим охири энг узун кунининг узунлиги ўн уч соат ва чорак соат бўлган жойда бўлиб, бу ерда

қутбнинг баландлиги йигирма даражада ярим даражада. Бу тўрт юз қирқ миллик масофа дар.

**Иккинчи иқлим** ўртаси энг узун кунининг узунлиги ўн уч соат ва ярим соатлик бўлган жойда бўлади. Бу ерда қутбнинг уфқдан баландлиги йигирма тўрт даражада ярим даражада ярим соатлик чегарасидан то энг узун кунининг узунлиги ўн уч соат ва ярим даражада ярим соатлик бўлган жойгачадар. Бу ерда қутбнинг баландлиги йигирма етти даражада ярим даражада – бу тўрт юз мил масофа дар.

**Учинчи иқлим** ўртаси энг узун кунининг узунлиги ўн тўрт соатдир. Кутбнинг баландлиги ўттиз даражада ярим даражада ярим соатлик бўлган жойгачадар. Кенглиги иккинчи иқлим чегарасидан энг узун кунининг узунлиги ўн тўрт соат ва чорак соатлик бўлган жойгачадар. Кутбнинг баландлиги ўттиз учдан икки даражадар. Бу милларда уч юз эллик мил масофа бўлади.

**Тўртинчи иқлим** ўртаси энг узун кунининг узунлиги ўн тўрт соат ва ярим соатлик. Кутбнинг баландлиги ўттиз олти даражада ярим соатлик бўлган жойгачадар. Кенглиги учинчи иқлим чегарасидан энг узун кунининг узунлиги ўн тўрт соат ва ярим соатлик бўлган жойгачадар. Кутбнинг баландлиги ўттиз тўққиз даражада, бу уч юз мил масофа.

**Бешинчи иқлим** ўртаси энг узун кунининг узунлиги ўн беш соат, кутбнинг баландлиги қирқ бир даражада ярим соатлик бўлган жойгачадар. Кенглиги бешинчи иқлим чегарасидан энг узун кунининг узунлиги ўн беш соат ва ярим соатлик бўлган жойгачадар. Кутбнинг баландлиги қирқ етти даражада ярим соатлик бўлган жойгачадар. Бу икки юз ўн мил масофа бўлади.

**Олтинчи иқлим** ўртаси энг узун кунининг узунлиги ўн беш соат ва ярим соатлик, кутбнинг баландлиги ўн беш даражада ярим соатлик бўлган жойгачадар. Кенглиги бешинчи иқлим чегарасидан энг узун кунининг узунлиги ўн беш соат ва ярим соатлик бўлган жойгачадар. Кутбнинг баландлиги қирқ етти даражада ярим соатлик бўлган жойгачадар. Бу икки юз ўн мил масофа бўлади.

**Еттинчи иқлим** ўртаси энг узун кунининг узунлиги ўн олти соатдир. Кутбнинг баландлиги қирқ саккиз даражада ярим соатлик бўлган жойгачадар. Кенглиги олтинчи иқлим чегарасидан, энг узун кунининг узунлиги ўн олти соат ва ярим соатлик бўлган жойгачадар. Кутбнинг баландлиги эллик даражада ярим соатлик бўлган жойгачадар. Бу бир юз саксон беш мил масофа дар.

Шундай қилиб ҳамма иқлиmlар бошланишидан то охиргача бўлган фарқлар уч ярим соат, қутб баландликлари орасидаги фарқ эса 38 даражага етади. Ер доираларидағи кенгликнинг жами масофаси эса икки минг бир юз қирқ мил бўлади»<sup>100</sup>.

Юқорида кўрганимиздек, ал-Фарғоний бу бобда халифа ал-Маъмун давридаги Ер ўлчаш ишлари ҳақида эслатган. Бу ўлчашларга кўра, Ер меридиани бир даражасининг узунлиги  $56 \frac{2}{3}$  мил деб топилган, бир мил эса 4000 «қора газ» деб аниқланган. Бу ўлчамлар ҳақида юқорида эслатилган ва 69-изоҳда изоҳланган.

Бир даражада  $56 \frac{2}{3}$  мил бўлгани учун бутун меридиан айланасининг узунлиги  $56 \frac{2}{3} \cdot 360 = 20400$  мил бўлади. Агар бир мил 1995 м эканлигини эътиборга олсак,  $20400 \cdot 1995 = 40698,8$  км бўлади. Албатта бу, ҳозирги Ер меридиани узунлиги учун қабул қилинган қиймат  $40008,6$  км дан анча катта ( $690,2$  км га). Бунинг асосий сабаби Синжор саҳросидаги ўлчашларда бир даражанинг узунлиги учун  $56 \frac{2}{3}$  милни тўғри деб топилганидадир. Шунга кўра барча ўлчамлар ҳақиқатдагидан анча ортиқ бўлган. Лекин биз биламизки, икки гуруҳдан бири бу миқдорни  $56$  мил деб топган. Бу ҳолда  $56 \cdot 1,995 = 111,72$  км бўлиб, бу ҳозирги қабул қилинган қийматнинг айнан ўзи бўларди. Лекин ҳозирги қиймат энг аниқ замонавий асбоблар билан аниқланган. Ал-Фарғоний даври асбоб-ускунаси учун  $56 \frac{2}{3}$  мил анча қонуний ва ҳақиқатта яқинdir. Уша давр асбобларида қўполликларга ва, натижада, хатоликларга йўл қўймасликнинг иложи йўқ эди.

Ал-Фарғонийнинг кейинги мулоҳазаларидан, у «пи» сонининг миқдорини  $\pi=3 \frac{1}{7}$  деб олгани билинади. Бундан кейин у  $\frac{2\pi R}{\pi} = 2R$  амални бажаради ва Ер диаметрини тахминан 6500 мил деб топади. Бу эса километларда 12967,5 км бўлади. Бундан Ер радиуси 6483,75 км эканлиги келиб чиқади. Экваториал радиус учун ҳозир қабул қилинган қиймат  $6371,2$  км дан бу қиймат, айтилган сабабга кўра,  $112,55$  км ортиқ.

Лекин ал-Фарғоний шар сирти учун аниқ формула  $S = 2\pi R \cdot 2R = 4\pi R^2$  дан фойдаланган. Шу формулага кўра у Ер курраси сиртини тахминан 132600000 квадрат мил деб топган. Агар буни километларга айлантиrsак, ал-Фарғонийда Ер юзаси 527751315 квадрат километр бўлади.

кутбнинг баландлиги йигирма даража ва ярим даражададир. Бу тўрт юз қирқ миллик масофадир.

**Иккинчи иқлим** ўртаси энг узун кунининг узунлиги ўн уч соат ва ярим соатлик бўлган жойда бўлади. Бу ерда кутбнинг уфқдан баландлиги йигирма тўрт даража ва ўндан бир даража. Кенглиги биринчи иқлим чегарасидан то энг узун кунининг узунлиги ўн уч соат ва ярим ва чорак соат бўлган жойгачадир. Бу ерда кутбнинг баландлиги йигирма етти даража ва ярим даража – бу тўрт юз мил масофадир.

**Учинчи иқлим** ўртаси энг узун кунининг узунлиги ўн тўрт соатдир. Кутбнинг баландлиги ўттиз даража ва ярим даража ва бешдан бир даражадир. Кенглиги иккинчи иқлим чегарасидан энг узун кунининг узунлиги ўн тўрт соат ва чорак соат бўлган жойгача. Кутбнинг баландлиги ўттиз уч даража ва учдан икки даражадир. Бу милларда уч юз эллик мил масофа бўлади.

**Тўртинчи иқлим** ўртаси энг узун кунининг узунлиги ўн тўрт соат ва ярим соат. Кутбнинг баландлиги ўттиз олти даража ва бешдан икки даража. Кенглиги учинчи иқлим чегарасидан энг узун кунининг узунлиги ўн тўрт соат ва ярим соат ва чорак соатлик жойгачадир. Кутбнинг баландлиги ўттиз тўққиз даража, бу уч юз мил масофа.

**Бешинчи иқлим** ўртаси энг узун кунининг узунлиги ўн беш соат, кутбнинг баландлиги қирқ бир даража ва учдан бир даража. Кенглиги тўртинчи иқлим чегарасидан энг узун кунининг узунлиги ўн беш соат ва чорак соатлик жойгача. Кутбнинг баландлиги қирқ уч даража ва ярим даража, бу икки юз эллик беш мил масофадир.

**Олтинчи иқлим** ўртаси энг узун кунининг узунлиги ўн беш соат ва ярим соат, кутбнинг баландлиги ўн беш даража ва бешдан икки даража. Кенглиги бешинчи иқлим чегарасидан энг узун кунининг узунлиги ўн беш соат ва ярим ва чорак соатлик жойгачадир. Кутбнинг баландлиги қирқ етти даража ва чорак даража. Бу икки юз ўн мил масофа бўлади.

**Еттинчи иқлим** ўртаси энг узун кунининг узунлиги ўн олти соатдир. Кутбнинг баландлиги қирқ саккиз даража ва учдан икки ва чорак даража. Кенглиги олтинчи иқлим чегарасидан, энг узун кунининг узунлиги ўн олти соат ва чорак соатлик ергача. Кутбнинг баландлиги эллик даража ва ярим даража. Бу бир юз саксон беш мил масофадир.

Шундай қилиб ҳамма иқлиmlар бошланишидан то охирigача бўлған фарқлар уч ярим соат, кутб баландликлари орасидаги фарқ эса 38 даражага етади. Ер доираларидағи кенглиknинг жами масофаси эса икки минг бир юз қирқ мил бўлади»<sup>100</sup>.

Юқорида кўрганимиздек, ал-Фарғоний бу бобда халифа ал-Маъмун давридаги Ер ўлчаш ишлари ҳақида эслатган. Бу ўлчашларга кўра, Ер меридиани бир даражасининг узунлиги  $56 \frac{2}{3}$  мил деб топилган, бир мил эса 4000 «қора газ» деб аниқланган. Бу ўлчамлар ҳақида юқорида эслатилган ва 69-изоҳда изоҳланган.

Бир даражага  $56 \frac{2}{3}$  мил бўлгани учун бутун меридиан айланасининг узунлиги  $56 \frac{2}{3} \cdot 360 = 20400$  мил бўлади. Агар бир мил 1995 м эканлигини эътиборга олсак,  $20400 \cdot 1995 = 40698,8$  км бўлади. Албатта бу, ҳозирги Ер меридиани узунлиги учун қабул қилинган қиймат 40008,6 км дан анча катта ( $690,2$  км га). Бунинг асосий сабаби Синжор саҳросидаги ўлчашларда бир даражанинг узунлиги учун  $56 \frac{2}{3}$  милни тўғри деб топилганидадир. Шунга кўра барча ўлчамлар ҳақиқатдагидан анча ортиқ бўлган. Лекин биз биламизки, икки гуруҳдан бири бу миқдорни  $56$  мил деб топган. Бу ҳолда  $56 \cdot 1,995 = 111,72$  км бўлиб, бу ҳозирги қабул қилинган қийматнинг айнан ўзи бўларди. Лекин ҳозирги қиймат энг аниқ замонавий асбоблар билан аниқланган. Ал-Фарғоний даври асбоб-ускунаси учун  $56 \frac{2}{3}$  мил анча қонуний ва ҳақиқатта яқиндир. Ўша давр асбобларида кўполликларга ва, натижада, хатоликларга йўл қўймасликнинг иложи йўқ эди.

Ал-Фарғонийнинг кейинги мулоҳазаларидан, у «пи» сонининг миқдорини  $\pi=3 \frac{1}{7}$  деб олгани билинади. Бундан кейин у  $\frac{2\pi R}{\pi} = 2R$  амални бажаради ва Ер диаметрини тахминан 6500 мил деб топади. Бу эса километларда 12967,5 км бўлади. Бундан Ер радиуси 6483,75 км эканлиги келиб чиқади. Экваториал радиус учун ҳозир қабул қилинган қиймат 6371,2 км дан бу қиймат, айтилган сабабга кўра, 112,55 км ортиқ.

Лекин ал-Фарғоний шар сирти учун аниқ формула  $S = 2\pi R \cdot 2R = 4\pi R^2$  дан фойдаланган. Шу формулага кўра у Ер курраси сиртини тахминан 132600000 квадрат мил деб топган. Агар буни километларга айлантиrsак, ал-Фарғонийда Ер юзаси 527751315 квадрат километр бўлади.

Бу эса ҳақиқий қиймат 509837899,3664 км<sup>2</sup> дан 17913415,6336 км<sup>2</sup> ортиқ.


Муаллиф Ер курраси сирти миқдорини түртга бўлиб, Ернинг маъмур чорагининг сиртини 33150000 квадрат мил деб топган.

Ал-Фарғоний Ернинг маъмур қисмининг шимолий чегарасини  $66^{\circ}25' (= 66^{\circ} + \frac{1^{\circ}}{4} + \frac{1^{\circ}}{6})$  кенглик, яъни унинг ҳисобидаги қутб тропиги доираси деб ҳисоблаган. Унинг бу даражаларни миллиарга айлантириши диққатга сазовор. У қўйидаги амалдан  $56\frac{2}{3} \cdot (66^{\circ} + \frac{1^{\circ}}{4} + \frac{1^{\circ}}{6}) = 56\frac{2}{3} \cdot 66 + \frac{562/3}{6} + \frac{562/3}{6} = 3764$  милни топган.

Шу бобнинг давомида ал-Фарғоний Ернинг обод қисмини кенглик бўйича минтақалар — иқлиmlарга ажратиш усулини киритади. Аслида иқлим сўзи юонча klima, яъни «офиш» сўзидан келиб чиқсан бўлиб, у шарқда географиянинг ривожланиш тарихи билан алоқадор. Умуман ислом мамлакатлари фани тарихида иқлим тушунчаси билан бирга Ернинг обод қисми ёки маъмур чораги ҳақидаги маълумотлар эски анъанага асосланган.

Аслида илк географик тасаввурлар аввал шарқ халқларида шаклланади. Қадимги Шумер, Бобил, Ҳиндистон, Миср ва Кичик Осиё давлатлари орасидаги денгиз алоқалари нинг мавжудлиги бундан гувоҳлик беради. Қадимги Финикияликлар аниқ географик тасаввурга эга бўлмаганларида, м.а. II ва I мингйилликлар оралиғида бутун Ўрта денгиз ва Қора денгиз соҳилларида ва ҳатто Британия оролларининг жанубида ҳам савдо колонияларига асос сола олмаган бўлардилар.

Яқин ва Ўрта Шарқ халқлари географик тасаввурлари жуда қадимги тарихга эга эканлигидан гувоҳлик берувчи энг қадимги географик харита сақланган. У қадимги Бобилда подшоҳ Саргон I (м.а. 2369 – 2314 йиллар) даврида тузилган. Харитада (11-расм) Ернинг маъмур қисми мунтазам доира шаклида тузилган бўлиб, у «Нордон денгиз», яъни океан билан ўралган. Унинг марказида меридионал йўналишда Дажла дарёси ва ҳатто ундаги кўпrik ҳам тасвиранган. Унда ҳалқачалар билан Ироқнинг ўрта қисми ва жанубидаги шаҳарлар тасвиранган<sup>101</sup>.



11-расм. Қадимги Бобил харитаси

Финикияликларнинг таъсири остида юноналарда ҳам географик тасаввур анча барвақт шаклланди. М.а. IX – VIII асрлардаги юонон шоирлари Гомер ва Гесиод бой географик маълумотларга эга бўлганлар. Лекин уларнинг маълумотлари ҳали мунтазам назария бўлиб ўакланмаган эди. Юононларда география фан сифатида, лекин тарихнинг қисми бўлиб, м.а. VI асрда Ионияда, яъни юононларнинг Кичик Осиё ғарбидаги колонияларида ва, демак, Шарқ анъаналарининг таъсири остида ўакланган. Бу пайт география тавсифий хусусиятга эга бўлади. Тавсифий географиянинг асл отаси деб милетлик Гекатей (м.а. VI аср – 475 йиллар) ҳисобланади. У биринчи Аҳоманий подшохлар даврида яшаган ва Эроннинг фуқароси ҳисобланган. У саёҳат қилиб Нил дарёсининг бош манбаларигача етиб борган. У тарихга оид «Шажаралар» асарини ва географияга оид «Ер даврлари» асарини ёзган. Гекатей иккинчи асарида ўзидан аввалги барча географик кашфиётлар ҳақида маълумотлар келтиради. Унинг хабарига кўра, фиръавн Нехо (м.а. 609 – 593 йиллар) даврида ёқ финикиялик денгизчилар Африкани жанубидан айланиб ўтганлар; Доро I даврида м.а. 520 йили форслар Ксилакс ва Сатаср Африкани дengиз бўйлаб ҳам, қуруқлик бўйлаб ҳам айланиб ўтишга уринганлар, лекин бу уриниш муваффақиятсизлик билан тутаган. М.а. V асрда карфагенлик Ганнон Африканинг ғарбий соҳили бўйлаб сузиб, ҳозирги Съерра-Леоне қирғоқларигача етиб боради. Ўша пайт карфагенликлардан яна бири Гамилкон Британия ва Ирландия қирғоқларигача сузиб боради. Гекатей олам харитасини ҳам тузган. Бироқ Гекатей ҳам бу борада биринчи эмас эди, у фақат милетлик Анаксимандрнинг (м.а. 610 – 545 йиллар) харитасини тузатган. Шуни

таъкидлаш мумкинки, Гекатей — Анаксимандр харитаси қадимги Бобил картографияси анъаналарини давом эттирган.

Машхур муаррих Геродотнинг (м.а. V аср) «Тарих» («Хистория») асари тавсифий географиянинг ёрқин намунаси ҳисобланади. Геродотнинг ўзи денгиз бўйлаб ҳам, куруқлик бўйлаб ҳам кўп саёҳат қилган ва асарида ўз кўзи билан кўрган мамлакатлар, ўлкалар ва шаҳарларни мароқли тавсифлаган. Геродот Ўрта денгизнинг шарқий қисмидаги ерларни, Қора денгиз соҳилларини, Миср, Ливия, Оссурия, Бобилни ва Арабистон ярим оролининг шимолий қисмини анча тўғри тавсифлаган. Лекин Овросиё қитъасининг ички ноҳияларига узоқлашган сари унинг маълумотларида хатоликлар кўпайиб боради.

Қадимги давр географиясига Архимеднинг дўсти, киреналик Эратосфен (м.а. 275 – 195 йиллар) улкан ҳисса қўшади. Эратосфен аслида астроном ва математик бўлгани учун фан тарихида биринчи марта география билан геодезиянинг боғлиқлигини исботлади ва математик географияга асос солди. У биринчи бўлиб Ернинг курра шаклидалигини исботлади ва Византия – Родос – Искандария ва Асвон орқали ўтган Ер меридиани бир даражасининг узунлигини аниқлади. Шу меридианнинг узунлигини у 252000 стадийга тенг деб топди, Ер меридиани бир даражасининг узунлигини эса 700 стадийга тенг топди. Агар бунда аттик стадий (177,6 м) қўлланилган десак, 700 стадий 124320 м бўлиб, у ҳақиқий қиймат 110938 м дан бир мунча ортиқ бўлади.

Эратосфен, шунингдек, узунликлар ўқини, яъни кенглик ўқи билан Родос оролида кесишувчи энг катта параллелни киритди. Эратосфеннинг ўлчашларида катта хатоликлар бўлган эса-да, у географияга месъёр ва ўлчамни, яъни аниқликни киритди, бу узоқ муддатгача ўз кучини сақлади.

Эратосфен бошлаган анъанани Гиппарх (м.а. II аср) давом эттиргди. Эратосфен киритган энг катта параллелини у  $360^{\circ}$  га бўлди, даражалар тўрини тасвиirlади ва одамлар яшайдиган ерларни (юончада «ойкумена»ни) 12 та иқлимга, яъни кенглик зоналарига ажратди; бу зоналарга иқлим шароити Қуёшнинг баландлиги билан, яъни Қуёш нурларининг шу кенгликдаги «огиши» билан ифодаланган. Бошлиғич меридиан учун у Родос ва Асвон

орқали ўтган меридианни танлаган. Шундай қилиб, Гиппарх илмий картографияга асос солди. Афсуски, Эратосфен ва Гиппархнинг асарлари бизгача етиб келмади. Биз улар ҳақида Страбоннинг (тахминан м.а. 64/63 – м.23/24 йиллар) «География» сидан биламиз. Страбон 17 китобдан иборат улкан асарида ўзидан аввалги барча эллин географларининг — Гомер ва Гесиоддан бошлаб то Посидоний (м.а. II аср) ва Артемидоргача (м.а. II – I аср) — географик маълумотларини келтирди. Географияни Страбон фақат амалий мақсадни кўзда тутган фан деб қараган. Унинг фикрича, географ математика ва астрономияни яхши билиши керак, лекин уларнинг назарий муаммоларига чуқур киришиши шарт эмас. Шунингдек, унинг фикрича, ойкуменанни муфассал тавсифлашнинг ўзи етарли. Шунуктаи назардан у Гиппархни танқид остига олиб, уни «географияни бутунлай математикалаштириш»да айблаган.

Страбон ойкуменани (маъмур ерларни) асарининг III – XVII китобларида тавсифлайди. У Ўрта ва Қора дengизлар ҳавзаларини, Атлантика океани соҳилларини, Оврупонинг маркази ва жанубини, Яқин ва Ўрта Шарқ мамлакатларини анчашўри тавсифлаган. Бироқ Оврупонинг шимоли ва шарқини, Осиёнинг ички тарафларини у яхши билмаган. Масалан, у Орол дengизини билмаган, Окс (Амударё) ва Яксарт (Сирдарё) Каспий дengизига куйилади, деб ҳисоблаган.

Страбоннинг маъмур дунё ҳаритасида Суғдиёна Каспий дengизи билан ойкумена узоқ шарқининг оралифида тасвирланган. Ойкуменанинг улкан қисмини – унинг бутун жануби-шарқини Ҳиндистон ишғол қилган.

Анча камчиликлари бўлганига қарамай, Страбон «География»си антик даврнинг энг тўлиқ географик асари эди.

Илмий география юзага келганидан бошлаб географиянинг энг муҳим муаммоси Ернинг тавсифланаётган қисмини ҳаритада ифодалаш бўлди. Эратосфен ва Гиппархнинг ишлари бу масала ечилишини анҷа илгари сурди. Бу масаланинг узил-кесил ечилиши курра сиртини текисликда акс эттиришдек математик масала билан боғлиқ бўлгани учун антик давр математикаси миқёсида бу масалани гўла ҳал қилиб бўлмас эди. Бироқ қадимги муаллифлар бу соҳадаги уринишларини канда қилмадилар. Бу йўналишда-

ги муҳим бир ишни м. 110 йили сурлик Марин қилди. У ўз хариталарида тўғри бурчакли координат системасини қўллайди ва бунда географик узунлик бирликлари кенглик бирликларининг 4/5 улушини ташкил қиласади, яъни бунда  $\cos \phi = 4/5$  эди. Бу шарт эса фақат Родос кенглиги  $\phi = 36^\circ$  учун тўғри бажариларди. Шунинг учун Мариннинг хариталарида фақат шу кенгликдаги масофалар ҳақиқатга мос келарди, қолган барча ҳолларда эса улар анча ўзгарарди<sup>102</sup>.

Антик давр географияси буюк астроном ва географ Птолемейнинг (м. II аср) «География» деб машхур бўлган, лекин асл номи «He geographike iphegesis» деб аталган асарида энг юксак чўққига эришди. Птолемейнинг асари саккиз китоб ва 27 харитадан иборат. Птолемей Марин усулини такомиллаштириб, ўз хариталарида анча мураккаб проекциядан фойдаланган, яъни у умумий конус кесимни ва Ер куррасини перспектив тасвирашни қўллайди. У ойкуменани (маъмур ерларни) II – VII китобларида тавсифлайди. Охирги VIII китобда ойкуменанинг 21 та параллелининг жадваллари, параллеллардаги энг узун куннинг ва улар ёйларининг жадваллари келтирилган. Птолемей иқлиmlар назариясини мукаммал ишлаб чиқди ва Гиппархдаги 12 иқлиmlни саккизгача қисқартириди.

Птолемейнинг асари қадим ва илк ўрта асрларда географиянинг ривожланишига улкан ҳисса қўшди. Бу, айниқса, шарқ олимлари мисолида аниқ сезилади. Йирик сурён астрономи ва географи Бар Дайсан (154 – 222 йиллар) юонон тили ва эллинларнинг асарларини яхши билган ва Птолемей «География»сининг тўғридан-тўғри таъсирида бўлган. Ўзининг фалсафий-географик асарида у Ернинг маъмур чорагини тавсифлаб, мамлакатларни биринчи марта етти иқлим бўйлаб тақсимлайди<sup>103</sup>. Бар Дайсаннинг асари юонон тилига таржима қилиниб, Византияда (Румда) кенг тарқалган эди.

Птолемейнинг асари VI асрда яшаган исми номаълум сурёнлик олим томонидан ҳам қайта ишланган бўлиб, бу асар кейинчалик арабийнавис олимлар ижодига катта таъсир кўрсатди<sup>104</sup>.

Халифалик даврида яшаган сурён олими Яъқуб ар-Рұҳавий (640 – 708 йиллар) бутунлай Птолемей асарига

асосланган. Птолемейнинг унга таъсири шу қадар кучли эдики, у ўзининг «Ҳексамерон» номли асарида ҳатто ўз ватани Суря ва Шимолий Ироқقا алоқадор масалаларда ҳам ўзидан 500 йил аввал яшаган Птолемейга таянарди. Яъқуб ар-Руҳавийнинг асари сўнгги Умавийлар ва илк Аббосийлар даврида халифаликда кенг тарқалган эди. Мжик ва Р. Вибер ал-Фарғонийнинг замондоши ва ҳамкасби Муҳаммад ал-Хоразмийнинг географик асаридаги кўп жойларнинг номлари Яъқуб ар-Руҳавий асаридан олинганилигини исботладилар<sup>105</sup>.

Ал-Фарғоний ижодига таъсир кўрсатиши мумкин бўлган асарлардан бири арманча «Ашхарацуйц» асари бўлиб, у VII асрда яшаган номаълум муаллифга тегишли деб ҳисобланган<sup>106</sup>. Китобнинг қўлёзмасида муаллифнинг номи келтирилмаган бўлса-да, узоқ вақтларгача унинг муаллифи Мавсес Хоренаци (V аср) деб тахмин қилинган<sup>107</sup>. Лекин сўнги пайт «Ашхарацуйц»нинг муаллифи Анания Ширақаци (VII аср) бўлган деб ҳисобланаяпти<sup>108</sup>. Бу асарда илк ўрта асрларда биринчи марта Аспахан (Исфаҳон), Сакастон (Сеистон); Палх (Балх), Хорасон (Хурросон) ва Туркистон каби географик номлар ва тоҳарлар, эфталитлар деган этонимлар ишлатилиди<sup>109</sup>. Муаллиф сўзбошида айтишича, у ўз асарини ёзишда Птолемей «География»сининг искандарилик Папп (IV аср) томонидан амалга оширилган қисқартма вариантидан фойдаланганлигини айтган. «Ашхарацуйц»ни таҳлил қилган С.Т. Еремяннинг айтишига кўра, муаллиф ўз асарига Птолемей «Географияси»сидан фақат VII аср географияси даражасига мос келган маълумотларнигина олган ва уни ўз замонига хос маълумотлар билан тўлдирган<sup>110</sup>.

Шуниси диққатга сазоворки, «Ашхарацуйц»нинг муаллифи Ернинг маъмур қисмини етти иқлим бўйлаб тақсимлайди: булардан биринчиси экватордан жанубда жойлаштирилган, қолган олтитаси қуйидаги тартибда экватордан шимолда жойлаштирилган: иккинчи иқлим Сиена (Асвон) орқали ўтган, учинчиси – Искандария орқали, тўртинчиси – Родос орқали, бешинчиси – Рим орқали, олтинчиси – Константинополь (Истамбул) орқали, еттинчиси – Скифия орқали ўтган. «Ашхарацуйц»даги иқлимлар чегаралари қуйидагича:

биринчи иқлим :  $16^{\circ} 25'$  жанубий кенглиқдан экватор-  
га;

иккинчи иқлим : экватордан  $23^{\circ} 20'$  гача;

учинчи иқлим:  $23^{\circ} 50'$  дан  $30^{\circ} 30'$  гача;

түртінчи иқлим:  $30^{\circ} 30'$  дан  $36^{\circ} 10'$  гача;

бешинчи иқлим :  $36^{\circ} 10'$  дан  $41^{\circ} 14'$  гача;

олтинчи иқлим :  $41^{\circ} 14'$  дан  $45^{\circ}$  гача;

еттінчи иқлим :  $45^{\circ}$  дан  $63^{\circ}$  гача;

Бундан күринағиди, «Ашхараңуц»даги етти иқлим түшунчаси Птолемей назарияси билан боғланған бўлса-да, бунда Ернинг маъмур чораги етти иқлимга Птолемейдан бошқача тақсимланган.

Юқорида айтилганлардан шундай холоса қилиш мумкин: ислом зухур қилиши арафасида ва исломнинг биринчи ўн йилликларида Яқин ва Ўрта Шарқ мамлакатларида Птолемейнинг «География»сини қайта ишлаш нағијасида бир ёки бир неча географик асарлар яратилган бўлиб, улардан Бар Дайсан, VII асрдаги арман географи ва халифаликда ал-Маъмун саройидаги олимлар ҳам фойдаланишган. У асарлар Птолемей маълумотларини ўз ичига олган бўлса ҳам, унда Птолемейга зид бўлган етти иқлим назарияси ҳам акс эттирилган. Умуман етти иқлим ҳақидаги ғоянинг ўзи аслида Шарқда юзага келганлиги ҳақиқатга яқин. Шарқда етти сони қадимдан алоҳида ўрин тутади: масалан, ҳафта кунларининг сони, сайёра-ларнинг сони шулар жумласидандир. Беруний хабар берисича, қадимги форслар Ернинг маъмур қисмини етти кишварга ажратганлар. Туркий халқларда ҳам исломдан анча илгари етти иқлим ҳақида тасаввур бўлган. Турк хоқони 598 йили Византия императори Маврикийга (582 – 602 йиллар) йўллаб ёзган мактубида бу ўз аксини топган. Мактубла хоқон ўзи ҳақида бундай ёзган: «хоқон, етти қабиланинг буюк ҳокими ва олам етти иқлимининг ҳукмдори»<sup>111</sup>.

Шунинг учун ишонч билан айтиш мумкинки, ал-Фарғоний ҳам, «Ашхараңуц» нинг муаллифи каби, етти иқлим ҳақидаги ғояни шарқ манбаларидан олган.

Ал-Фарғонийдаги етти иқлим ва уларнинг чегараларини қўйидаги жадвалда кўрайлик:

## Чегаралари

Иқлимлар	Номлари	Соатлар	Даражалар	Кенгликлар (милларда)
1-иқлим	боши	12 <sup>h</sup> 45 <sup>m</sup>	12 <sup>o</sup> 45 <sup>1</sup>	440
	ўртаси	13 <sup>h</sup> 0 <sup>m</sup>	16 <sup>o</sup> 40 <sup>1</sup>	
	охири	13 <sup>h</sup> 15 <sup>m</sup>	20 <sup>o</sup> 30 <sup>1</sup>	
2-иқлим	боши	13 <sup>h</sup> 15 <sup>m</sup>	20 <sup>o</sup> 30 <sup>1</sup>	400
	ўртаси	13 <sup>h</sup> 30 <sup>m</sup>	24 <sup>o</sup> 06 <sup>1</sup>	
	охири	13 <sup>h</sup> 45 <sup>m</sup>	27 <sup>o</sup> 30 <sup>1</sup>	
3-иқлим	боши	13 <sup>h</sup> 45 <sup>m</sup>	27 <sup>o</sup> 30 <sup>1</sup>	350
	ўртаси	14 <sup>h</sup> 0 <sup>m</sup>	30 <sup>o</sup> 42 <sup>1</sup>	
	охири	14 <sup>h</sup> 15 <sup>m</sup>	33 <sup>o</sup> 40 <sup>1</sup>	
4-иқлим	боши	14 <sup>h</sup> 15 <sup>m</sup>	33 <sup>o</sup> 40 <sup>1</sup>	300
	ўртаси	14 <sup>h</sup> 30 <sup>m</sup>	36 <sup>o</sup> 24 <sup>1</sup>	
	охири	14 <sup>h</sup> 45 <sup>m</sup>	39 <sup>o</sup> 0 <sup>1</sup>	
5-иқлим	боши	14 <sup>h</sup> 45 <sup>m</sup>	39 <sup>o</sup> 0 <sup>1</sup>	255
	ўртаси	15 <sup>h</sup> 0 <sup>m</sup>	41 <sup>o</sup> 20 <sup>1</sup>	
	охири	15 <sup>h</sup> 15 <sup>m</sup>	43 <sup>o</sup> 30 <sup>1</sup>	
6-иқлим	боши	15 <sup>h</sup> 15 <sup>m</sup>	43 <sup>o</sup> 30 <sup>1</sup>	210
	ўртаси	15 <sup>h</sup> 30 <sup>m</sup>	45 <sup>o</sup> 24 <sup>1</sup>	
	охири	15 <sup>h</sup> 45 <sup>m</sup>	47 <sup>o</sup> 0 <sup>1</sup>	
7-иқлим	боши	15 <sup>h</sup> 45 <sup>m</sup>	47 <sup>o</sup> 0 <sup>1</sup>	185
	ўртаси	16 <sup>h</sup> 0 <sup>m</sup>	48 <sup>o</sup> 55 <sup>1</sup>	
	охири	16 <sup>h</sup> 15 <sup>m</sup>	50 <sup>o</sup> 30 <sup>1</sup>	

Ушбу жадвалда кўрсатилган миллар иқлимининг боши ва охири географик кенгликлари айирмасини  $56 \frac{2}{3}$  га кўпайтиришдан ҳосил бўлган. Лекин миллар бутунларгача яхлитланган. Чунончи, биринчи иқлим чегаралари кенгликларининг айирмаси  $7^o 45^1$  ни ташкил қиласди. Агар бу рақамни  $56 \frac{2}{3}$  га кўпайтирасак,  $7^o 45^1 \cdot 56 \frac{2}{3} = 439,1$  мил бўлади. Буни муаллиф 440га тўлдирган. Лекин еттингчи иқлимдаги кенгликлар айирмаси  $3^o 30^1$  ни ташкил қиласми учун унинг миллари 198,3 мил бўлиб, у яхлитланганда 200 мил бўлиши керак эди. Бироқ муаллиф уни 185 мил деб олганлиги ажабланарли. Бундан ташқари, ал Фарғонийнинг иқлиmlар ҳақидаги таълимоти бошқа саволларни ҳам туғдиради. Масалан, у юқорида Ернинг обод қисмини, экватордан  $66^o 25^1$  шимолий кенгликдаги оралиқни етти иқлимга ажратилган деб, бу ерда иқлиmlарни

шимолий  $12^{\circ} 45'$  ва  $50^{\circ} 30'$  кенгликлар оралиғи билан чегаралаган. Нега шундай, деган савол туғилади. Яна у бу кенгликлар айирмасини негадир  $37^{\circ} 45'$  демай, яхлитлаб  $38^{\circ}$  деган. Экватордан  $12^{\circ} 45'$  гача ва  $50^{\circ} 30'$  дан  $66^{\circ} 25'$  гача бўлган оралиқларни иқлиmlар минтақасига киритмаган.

Ал-Фарғонийга замондош ва у билан бирга деярли айни жойларда хизмат қилган ал-Хоразмий биринчи иқлиmdан еттинчи иқлиmgача бўлган иқлиmlар ўрталари шимолий кенгликларини  $16^{\circ} 27'$ ,  $24^{\circ} 0'$ ,  $30^{\circ} 22'$ ,  $36^{\circ} 0'$ ,  $36^{\circ} 0'$ ,  $41^{\circ} 0'$ ,  $45^{\circ} 48'$  деб берган ва иқлиmlарни экватордан бошлиган. Лекин ал-Хоразмий экватордан жанубдаги  $8^{\circ}$  кенглика-гигача жойларни ҳам обод ерлар қаторига киритади. Ундан ташқари у  $48^{\circ}$  дан  $63^{\circ}$  гача оралиқдаги жойларни ҳам обод ерлар қаторига киритади ва еттинчи иқлиm ташқарисидаги шаҳарлар қаторида келтиради<sup>112</sup>.

Демак, мусулмон олимларида ва улардан бироз аввали Шарқ олимлари ўртасида етти иқлиm хусусида умумийлик бўлиши билан бирга, иқлиmlарнинг чегаралари ҳақида уларнинг ҳар бирида ўзига хослик ҳам бўлган. Албатта, ал-Фарғоний иқлиmlар минтақасини жанубда  $12^{\circ} 45'$  ва шимолда  $50^{\circ} 30'$  кенгликлар билан чегаралаган бўлишига қарамай,  $12^{\circ} 45'$  дан жанубдаги экваторгача, яъни  $0^{\circ}$  кенглиkkача ва шимолда  $50^{\circ} 30'$  кенгликтан то  $66^{\circ} 25'$  кенглиkkача оралиқларни ҳам обод ерлар қаторига қўшган. Чунки у юқорида бу ерларда ҳам шаҳарлар бўлганлигини айтган.

Ал-Фарғонийнинг иқлиmlар зонасига жанубда ҳозирги Марказий Судан билан ( $13^{\circ}$ ) шимолда Харьков кенглигигача ерлар тўғри қелади. Аслида бу ерлар IX аср бошлирида мусулмон савдогарлари муттасил ва энг кўп қатнаб турдиган, омон-эсон бориб-келишнинг кафолати бўлган ерлардир. Бундай ерларга бораётган карvonларга халифалик ҳудудидаги маҳаллий ҳокимлар ҳимоя учун аскар-куч ҳам кўшиб юборгандар, чунки «иқлиmlар» маълум даражада қўриқланиб турган. Улардан ташқаридаги жойларнинг эса кафолати олинмаган.

Ал-Фарғоний асарининг энг диққатга сазовор боби, бизнингча, унинг тўққизинчи бобидир. «Ердаги маълум ўлкалар ва шаҳарларнинг номлари, уларнинг қайси иқлиmга тегишлилиги ҳақида» деб аталган бу боб қуйидагича бошланади:

«Бу ерда ҳар бир иқлимдаги ўлкалар ва шаҳарларнинг номларини эслатишни истаймиз. Уларни Шарқ томондан бошлаймиз. Энг аввал ўлкаларнинг узунлиги ва кенглигигининг маъносини баён этамиз. Ҳар бир шаҳарнинг узунлиги деб, унинг Ерда аҳоли яшайдиган чоракнинг шарқдан ёки ғарбдан бошланадиган масофасига айтамиз. Бу катталик Ер экватори айланаси бўйлаб шаҳар меридиани билан аҳоли яшайдиган чорак бошининг меридиани орасидаги масофадир.

Аммо жой кенглиги унинг Ер экваторидан масофаси бўлиб, у кутбнинг уфқдан баландлигига тенгдир.

**Биринчи иқлимга** келсак, у шарқдан Хитой мамлакатининг энг узоқ жойларидан бошланади ва Хитой мамлакатининг жанубидаги жойидан ўтади. Унда Хитой подшоҳининг шаҳри Ашфатира жойлашган, бу Хитойнинг бандариdir. Сўнгра у денгиз соҳиллари орқали Ҳинд мамлакатининг жанубидан ўтади, сўнгра Синд мамлакатига боради. Кейин денгизда Карада ярим ороли орқали ўтиб, денгизни кесиб, Арабистон ярим оролигача Йаман ерига боради. Унда маълум шаҳарлардан Зафар, Уммон, Ҳазрамавт ва Адан, Санъо, ал-Қийн, Мара, Табола, Жураш, Маҳра ва Сабо бор. Сўнгра бу иқлим Қулзум денгизини кесади ва Ҳабаш мамлакатидан ўтади ва Мисрнинг Нил дарёсини кесиб ўтади. Мана шу ерда Ҳабаш мамлакатининг Жарми шаҳри ва Нубанинг Дунқула шаҳри бор. Сўнгра бу иқлим Мағриб ери орқали жанубга Барбарлар мамлакатига ўтади ва Ғарб денгизида тугайди.

**Иккинчи иқлим** шарқдан бошланади. У Хитой мамлакатидан ўтади, сўнгра Синд мамлакатига боради: унда ал-Мансура, Нирун ва Дайбул шаҳарлари бор. Сўнгра Яшил денгиз билан Басра денгизи туташган ерга боради. Арабистон ярим оролини Нажд ерида ва Тиҳома ерида кесади. Бу ерда шаҳарлардан ал-Йамома, Баҳрайн, Ҳажар, Йасриб, Ҳижоз, Макка, Тоиф ва Жидда бор. Сўнгра Қулзум денгизини кесиб, Юқори Мисрдан ўтади ва унда Нилни кесади. Бу ерда шаҳарлардан Қус, Аҳмим, Исно, Ансино, Асвон бор. Сўнгра Мағриб ери орқали Ифриқия мамлакатининг ўртасидан ўтади, сўнгра Барбарлар мамлакатига ўтади ва Ғарб денгизида тугайди.

**Учинчى иқлим** шарқдан бошланиб, Хитой мамлакатининг шимолидан, сўнг Ҳинд мамлакатидан ўтади, унда Қандаҳор шаҳри бор. Кейин Синд ўлкаси шимолига

боради, сўнг Кобул, Кермон, Искандария, Сижистон, Муҳаммадия, Жируфт ва Сиржон ўлкаларидан ўтади. Сўнг Басра денгизи соҳиллари бўйлаб ўтади. Унда Истахр, Жур, Фасо, Собур, Шероз, Сироф, Синниз, Жанноба, Мехрубон шаҳарлари бор. Сўнгра бу иқлим Аҳвоз чўли ва Ироқдан ўтади: бунда Басра, Восит, Бағдод, Кўфа, Анбор ва Ҳийт шаҳарлари бор. Сўнгра Шом мамлакатига ўтади. Унда шаҳарлардан Хийор, Саламия, Ҳўмс, Дамашқ, Сур, Акко, Табария, Қайсария, Арсуф, Байтулмуқаллас, Рамла, Асқалон, Фазза, Мадиан, ал-Қулзум бор. Сўнгра Қуий Мисрни кесади. Унда ал-Фарамо, Тиннис, Дамиёт, Фустот, Миср Файуми, Искандария бор. Кейин Барқа ўлкасига, ундан сўнг Ифриқия ўлкасига ўтади. У ерда Қайрувон шаҳри бор. Иқлим Farb денгизида тугайди.

**Тўртинчи иқлим.** У шарқдан бошланиб, Тибет ўлкаси орқали Ҳурносонга боради. Унда шаҳарлардан Ҳўжанд, Усрушана, Фарғона, Самарқанд, Балх, Бухоро, Ҳирот, Амуя, Марварруд, Марв, Сарахс, Тус, Нишопур, Журжон, Кумис, Табаристон, Дамованд, Қазвин, Дайлам, Рай, Исфахон шаҳарлари бор. Сўнгра Ҳамадон, Ниҳованд, Диновар, Ҳулвон, Шаҳризур, Сурраманрао, Мосул, Балод, Насибин, Амид, Рас ал-Айн, Қалиқало, Шамшот, Ҳаррон, Раққа, Қарқисия бор. Сўнгра Шомнинг шимолига ўтади. Унда Балис, Манбиж, Сумайсот, Малатийя, Зибатра, Ҳалаб, Қиннасрин, Антокия, Тараблус, ал-Масиса, Сайдо, Қора ал-Каница, Адана, Тарсус, Амория ва Лозиция шаҳарлари бор. Сўнгра Шом денгизидаги Қибрис ва Родос ороллари орқали ўтади. Кейин Мағриб заминидан Танжа ўлкасига боради ва Farb денгизида тугайди.

**Бешинчи иқлим.** У шарқдан — Йажуж мамлакатидан бошлиланади. Сўнгра Ҳурносоннинг шимолига ўтади. Унда қуйидағи шаҳарлар бор: Тароз, уни Савдогарлар шаҳри ҳам дейишади, Навокат, Хоразм, Исфижоб, Шош, Турарбанд, Озарбайжон, Армания вилояти, Бардаа, Нашаво, Сисжон, Арzon, Хилот, Рум мамлакатларидан Ҳаршана, Қарра, Буюк Рум шаҳарларига ўтади. Сўнгра Шом денгизи соҳили бўйлаб шимолгача боради. Сўнг Андалус мамлакатидан ўтиб, Farb денгизида тугайди.

**Олтинчи иқлим.** У шарқдан бошланиб Йажуж мамлакатидан ўтади, сўнгра Ҳазар мамлакатига боради, Журжон денгизи ўртасини кесиб, Рум мамлакатига боради. Сўнг

Журzon, Амасия, Хирақла, Халқидун, Кустантиниядан ўтиб, Буржон ўлкаси орқали Фарб денгизида тугайди.

**Еттинги иқлим.** У шарқда Йажуж мамлакатининг шимолидан бошланади, сўнгра Турклар мамлакатидан ўтади, кейин Журжон денгизи соҳили орқали Рум денгизини кесади. Буржон ва Сақолиблар мамлакатларидан ўгиб, Фарб денгизида тугайди .

Аммо бу иқлимларниң орқасида, бизга маълум барча аҳоли яшайдиган жойлардан кейин нималар келишини билмоқчи бўлсак, у шарқда Йажуж мамлакатидан бошланади. Сўнг Тўғузғуз ва Турклар ерларидан ўтади, кейин Аллонлар юртига боради. Татар, Буржон ва Сақолибдан ўтиб, Фарб денгизида тугайди»<sup>113</sup>.

Ал-Фарғоний «Астрономия асослари» асарининг тўққизинчи боби унинг асосий географик қисми бўлиб, бу бобда олимнинг барча географик маълумотлари мужассамлашган.

Маълумотларга кўра, асарнинг ilk нашрларидан биринда географик пунктлар иқлиmlар бўйлаб тақсимланган ҳолда жадвал тарзида берилган. Лекин Якоб Гоол нашрида бундай жадваллар йўқ. Бундай жадваллар асарнинг биз кўришга муяссар бўлган қўлёзма нусхаларининг бирортасида ҳам кўзга ташланмади.

Ал-Фарғоний иқлиmlардаги мамлакатлар ва шаҳарларнинг номларини шарқдан ғарбга томон йўналишдаги тартибда келтиради. Лекин у географик пунктларнинг координатлари — узунлик ва кенгликларини келтирмаган бўлса ҳам, айтишича, бу координатларнинг биринчиси — узунликни шарқдан ҳам, ғарбдан ҳам ҳисобласа бўлади. Унинг бу сўзлари ал-Маъмун академияси олимлари орасида бу борада икки хил анъанага амал қилувчилар бўлганлигидан далолат беради. Бу анъаналар юнон анъанаси ва Шарқ (ҳинд) анъанаси эди. Юнон анъанаси бўйича Птолемей «География»сидагидек, узунликлар Канаар оролларидан (арабчада Жазирату Холидот) Шарққа қараб ҳисобланган. Шарқ анъанасига кўра эса Узоқ Шарқдан ғарбга томон йўналишда ҳисобланган. Ҳар ҳолда ал-Фарғоний келтирган географик номлар китобий эканлиги аниқ сезилади. Демак, у бу номларни қандайдир тайёр манбадан ўқиб олган, деган хуроса келиб чиқади. Шу муносабат билан ал-Фарғоний асарининг географик қисми «ал-Маъмун харитаси» муаммосини ўртага қўяди.

Юқорида — биринчи бобда — айтганимиздек, халифа ал-Маъмун даврида Птолемей астрономик асарларидағи маълумотларни қайта текшириш ва аниқлаштириш натижасида «Зиж ал-мұмтаған» ва «Зиж ал-Маъмұний» каби астрономик асарлар юзага келган эди. Худди ўша даврда география соҳасидаги изланишлар ва тадқиқотлар натижасида ўрта асрларнинг машхур географик ёдгорлиги — «ал-Маъмун харитаси» юзага келди. Ҳозирги кунда бу ёдгорликдан ҳеч қандай асар қолмаган. Лекин унинг тавсифлари шу қадар ҳаққонийки, булар у ҳақида аниқ тасаввур ҳосил қилиш имконини беради.

Мазкур зижлар билан бўлгани каби, бу харита ҳам Птолемей хариталари ва сурлик Мариннинг бизгача етиб келмаган хариталари билан боғлиқ бўлган. X асрда бу хариталарни ўз кўзи билан кўрган ал-Масъудий у харитани бундай тавсифлайди:

«Бу иқлиmlарни мен бир неча китобда рангли бўёқлар билан тасвиrlанганligини кўрдим. Бу турдагиларнинг мен кўрган энг яхшиси Мариннинг «География»сида, — география эса ернинг кесилиши демакдир, — ва халифа ал-Маъмун учун бажарилган «ал-Маъмун харитаси» эди, буни тузишда унинг давридаги қатор олимлар иштирок этган эди. Унда олам курралари ва сайёralари билан, қуруқлик ва денгизлари билан, одамлар яшайдиган ва яшамайдиган қисмлари билан ҳамда одамларнинг масканлари ва бошқа нарсалар билан тасвиrlанган эди. У аввал эслатилган Птолемей «География»си, Марин «География»си ва бошқалардан анча афзал эди»<sup>114</sup>.

У харита сақланмагани учун техник жиҳатдан унинг қандай бажарилганлиги ҳақида фикр юритиш мушкул. Лекин тавсифларга кўра, у ҳар бир иқлиmdаги маълум мамлакатлар ва шаҳарларнинг тасвиrlаридан иборат бўлганга ўхшайди. Бу тасвиrlашда «ал-Маъмун зижлари»даги географик бўлим билан мослик бўлганлиги эҳтимолга яқин. Унда антик даврга хос исмлар арабчаларга алмаштирилган ёки арабийлаштирилган, лекин маъмур ерларнинг ва иқлиmlарнинг чегаралари юнонларнидек сақланган. И.Ю. Крачковский ёзишича, узунликлар эрон анъаналарига кўра ва арабча ёзув билан мослиқда шарқдан фарбга йўналишда ҳисобланган<sup>115</sup>. Унинг тавсифлари кўп астрономларнинг асарларида сақланган бўлса ҳам харитани тўла тиклаб бўлмайди, деб ҳисобланади<sup>116</sup>. Унинг тузилиш принципи ҳақида

ҳам катта ноаниқликлар мавжуд. Ал-Масъудий, унда Ер Птолемей системасига кўра тасвирланган, деб қатъий тарзда айтган бўлса ҳам, XII асрдаги андалусиялик географ аз-Зухрий «ал-Маъмун харитаси» ҳақида ўз «Китоб ал-Жуфрофия» асарида, агар ҳақиқатан ҳам у мазкур харитани кўрган бўлса, бутунлай бошқача тавсифни келтиради. Унинг сўзига кўра, харита етти иқлимга тақсимланган бўлиб, уларнинг олтитаси ўртадаги еттинчисини ўраб турган. Бундай бўлининш Беруний «Тафхим»ида келтирилган форслардаги кишварларга тақсимлашни эслатади<sup>117</sup>. Агар ал-Маъмуннинг атрофида форслар кўп бўлгани ва унинг ўзи эроний анъаналарга мойил бўлгани эътиборга олинса, бундай тақсимланишга ажабланмаса ҳам бўлади. Бироқ аз-Зухрийнинг хабари ҳаддан ташқари ажралиб туради ва бошқа хабарлар олдида унга ақл бовар қилмайди. Шубҳасизки, ал-Маъмун халифа сифатида улкан салтанатнинг хукмдори бўлгани учун ўзини қадимги Эрон шаҳаншоҳларидек ҳис этиб, салтанатининг харитасини яратиш истаги бўлганлиги аниқ. Шу тариқа «ал-Маъмун харитаси» юзага келган.

Ал-Маъмун харитаси ҳақида бироз тасаввур берувчи бир қўлёзма 2797/1 рақами билан Истамбулда Тўпқопи Саройида Аҳмад II коллекциясида сақланади. Бу қўлёзма «Китоб масолик ал-абсор» («Кўринувчи йўллар китоби») деб аталиб, 1349 йили вафот этган Ибн Фазлуллоҳ ал-Умарий қаламига мансубдир. Унда доира шаклида бир харита келтирилган. Бу харитада Ер куррасининг ғарбий ярми тасвирланган, унда гирд айланга бўйлаб қуруқлик денгиз билан ўралган. Харита «Ақолим ас-сабъя» («Етти иқлим») деб атаган ва ал-Маъмунга алоқадорлиги ҳақида ҳеч нарса дейилмаган. Харитани Франкфурт - Майндаги (Германия) Йоханн Вольфганг Гёте Университети таркибидаги «Араб ислом тарихи институти»нинг профессори турк-немис олими Фуат Сезгин нашр этган. Лекин ношир бу харитани «Халифа ал-Маъмун географлари ясаган олам харитаси» деб атаган. Худди шу хаританинг ёнида иккинчи харита келтирилган бўлиб, бунисининг остига «Асл узунлик ва кенглик даражаларига кўра ясалган» деб ёзилган. Демак, ношир иккала харитани ҳам ал-Маъмун харитаси демоқчи бўлади. Лекин бу икки харита бир-биридан фарқ қиласади.

Асл координатларга кўра ясалган иккинчи харитада катта аниқлик бор: ундаги номларнинг ҳаммаси ўқиласади. Кўлёз-

ма харитасидаги номларни ўқин катта қийинчилик түеди-ради. Иккала хаританинг жанубий ярмида катта ўшашлик бор. Лекин координатларига кўра ясалган иккинчи харита-нинг жануби-шарқидаги улкан денгиз «Ал-Баҳр ал-Му-зайлам» («Зуммат денгизи») деб аталаған бўлса, қўлёзма харитаси «Ал-Баҳр аз-зинтий» деб аталаған. Иккинчи харитада Миср, Арабистон яримороли, Кичик Осиё, Ироқ, Эрон, Фарбий Оврупо ва Шимолий-фарбий Африка анча ҳақиқатга яқин ифодаланган. Лекин қўлёзма харитасида бу ерларда катта ноаниқликлар бор. Масалан, Миср ҳаддан ташқари шарққа кенгайтириб юборилган. Арабистон ярим ороли эса тор ва кичик яриморол шаклида тасвиранган. Ундан бироз шарқда қуруқлик Форс деб аталиш ўрнига Озарбайжон деб аталаған. Иккинчи харитада экватордан жанубда Ҳинд океанида Сарандиг (Цейлон) оролининг бир қисми ва бир неча катта-кичик ороллар тасвиранган. Қўлёзма харитасида эса Сарандиг ороли йўқ, лекин экватордан жанубда Африка соҳилидан то Хитойгача чўзилган яшил бир улкан орол тасвиранган. Қатор номосликлар Осиёнинг ички қисмидаги географик обьектларга ҳам тааллуқлидир. Демак, агар иккинчи харитани асл координатларига кўра тикланган ал-Маъмун харитаси дейилса, у ҳолда қўлёзмадаги харитани бундай деб бўлмайди. Афтидан, ал-Умарий ал-Маъмун харитаси билан иккинчи ёки учинчи қўл орқали таниш бўлган ҳолда ўз харитасини ясаган кўринади. Муаллифнинг номи ҳам фанда деярли маълум эмас. Агар бу муаллиф фанда аҳамиятли бўлиб ном чиқарганида, мусулмон географиясининг билимдони И.Ю.Крачковский уни эслаган бўларди. Ваҳоланки, у ал-Умарий ва унинг харитаси ҳақида бир оғиз ҳам сўз демаган.

Энди иккинчи харитага келсак, Ф.Сезгин уни «асл координатларига кўра ясалган» деган бўлса-да, бу асл координатлар қайси китобда ва қаерда сакланганни ҳақида бир оғиз сўз демаган. Муҳаммад ибн Мусо ал-Хоразмий-нинг 1200 йиллик юбилейи муносабати билан биз унинг барча сакланган асарларини, шу жумладан олимнинг «Суратил-арз китоби» асарини ҳам ўзбек ва рус тилларида нашрға тайёрланган эдик. Асарнинг ўзбекчаси изоҳлари мукаммал бўлмаган ва хариталари тикланмаган ҳолда нашрдан чиқди. Лекин русча нусхаси анча асосли ва мукаммал тайёрланган, тўла изоҳланган эди ва унинг Москвада «Наука» нашриётида чоп этилиши мўлжалланган эди. Би-

роқ айрим сабабларга кўра китоб нашр этилмай қолди. Китобнинг русча нашрини тайёрлашда «Суратил-арз китоби» ҳақида дунёда нашр этилган барча адабиётдан фойдаланилган эди. Шуни айтиш керакки, ал-Хоразмий китобининг кўп қисми турли муаллифлар томонидан нашр этилган. Энди унинг ўзини тўлиқ нашр этиш керак эди. Афсуски, бу иш амалга ошмай қолди.

Ал-Хоразмий асарининг арабча тўлиқ номи «Китобу суратил-арз мин ал-мудун вал-жибол вал-бихор вал-жазоир вал-анҳор истахражаху Абу Жаъфар Мұхаммад ибн Муса ал-Хоразмий мин китоби Жуғрофиә ал-лази аллафаҳу Батлимуйус ал-ғалавзий» деб аталган. Бунда «суратил-арз» ибораси Птолемей асарининг юонча номидаги «география», яъни «ерни тасвирлаш» иборасининг арабча эркин таржимасидир. Асарда унинг ёзилиш йили кўрсатилмаган бўлса ҳам, тадқиқотчилар у 836 йил билан 847 йил орасида ёзилган, деб кўрсатишади. Ал-Хоразмий асарининг номи Птолемей асари номининг таржимаси бўлса ҳам, аслида асарнинг ўзи кўп жиҳатдан Птолемей «География»сининг таржимаси эмаслиги йирик шарқшунослар томонидан исботланган ва асарнинг илк нусхаси «Расм ар-руб ал-маъмур» деб аталганлиги ҳам айтилган<sup>118</sup>.

Ал-Хоразмий ўз асарини «Китобу суратил-арз» («Ернинг сурати китоби») деб аташи бежиз эмас. Асарнинг давомида «сурат» сўзи тўрт марта ишлатилади. Асар матнига кўра «сурат» деб ал-Хоразмий харитани назарда тутаётгани сезилади. Шунга кўра «сурат» сўзини харита деб тушунмоқ керак, чунки муаллиф бу сўзни ишлатган жойида географик пунктнинг номи «сурат»да, демак, харитада, келтирилмаган дейди. Бундан кўринадики, у ўз асарини ёзишда харитадан фойдаланган ёки, бошқача айтганда, ал-Хоразмий харитани тавсифлаган. Унинг асари, демак, хаританинг тавсифидан иборат. Ҳозир кўлчилик тадқиқотчилар ал-Хоразмий ўз асарида ал-Маъмун харитасини тавсифлаган, деган хulosага келган. Ал-Хоразмий асарининг иқлиmlар назариясига биноан тузилганлиги бу хulosанинг тўғрилигини исботлаши мумкин.

Ал-Хоразмий асарини жадвал тарзида, яъни зижга ўхшатиб тузган ва уни ўрта асрларга хос бўлган кириш сўзини келтирмай, фақат «бисмиллоҳ» билан бошлаган. Асарнинг мана шу хусусияти уни ал-Хоразмий зижининг географик қисми, деб қараашга сабаб бўлган.

ма харитасидаги номларни ўқиц катта қийинчилик туедиради. Иккала хаританинг жанубий ярмида катта ўхшашлик бор. Лекин координатларига кўра ясалган иккинчи хаританинг жануби-шарқидаги улкан ленгиз «Ал-Баҳр ал-Музаллам» («Зулмат денгизи») деб аталаған бўлса, қўлёзма харитаси «Ал-Баҳр аз-зинтий» деб аталаған. Иккинчи харитада Миср, Арабистон яримороли, Кичик Осиё, Ироқ, Эрон, Фарбий Оврупо ва Шимолий-фарбий Африка анча ҳақиқатга яқин ифодаланган. Лекин қўлёзма харитасида бу ерларда катта иоаниқилар бор. Масалан, Миср ҳаффдан ташқари шарққа кенгайтириб юборилган. Арабистон ярим ороли эса тор ва кичик яриморол шаклида тасвирангандан. Ундан бироз шарқда қуруқлик Форс деб аталиш ўрнига Озарбайжон деб аталаған. Иккинчи харитада экватордан жанубда Ҳинд океанида Сарандид (Цейлон) оролининг бир қисми ва бир неча катта-кичик ороллар тасвирангандан. Қўлёзма харитасида эса Сарандид ороли йўқ, лекин экватордан жанубда Африка соҳилидан то Хитойгача чўзилган яшил бир улкан орол тасвирангандан. Қатор номосликлар Осиёнинг ички қисмидаги географик объектларга ҳам тааллуқлидир. Демак, агар иккинчи харитани асл координатларига кўра тикланган ал-Маъмун харитаси дейилса, у ҳолда қўлёзмадаги харитани бундай деб бўлмайди. Афтидан, ал-Умарий ал-Маъмун харитаси билан иккинчи ёки учинчи қўл орқали таниш бўлган ҳолда ўз харитасини ясалган кўринади. Муаллифнинг номи ҳам фанда деярли маълум эмас. Агар бу муаллиф фанда аҳамиятли бўлиб номчиқарганида, мусулмон географиясининг билимдони И.Ю.Крачковский уни эслаган бўларди. Ваҳоланки, у ал-Умарий ва унинг харитаси ҳақида бир оғиз ҳам сўз демаган.

Энди иккинчи харитага келсак, Ф.Сезгин уни «асл координатларига кўра ясалган» деган бўлса-да, бу асл координатлар қайси китобда ва қаерда сақланганни ҳақида бир оғиз сўз демаган. Муҳаммад ибн Мусо ал-Хоразмий-нинг 1200 йиллик юбилейи муносабати билан биз унинг барча сақланган асарларини, шу жумладан олимнинг «Суратил-арз китоби» асарини ҳам ўзбек ва рус тилларида нашрга тайёрлаган эдик. Асарнинг ўзбекчаси изоҳлари мукаммал бўлмаган ва хариталари тикланмаган ҳолда нашрдан чиқди. Лекин русча нусхаси анча асосли ва мукаммал тайёрланган, тўла изоҳланган эди ва унинг Москвада «Наука» нашриётида чол этилиши мўлжалланган эди. Би-

роқ айрим сабабларга кўра китоб нашр этилмай қолди. Китобнинг русча нашрини тайёрлашда «Суратил-арз китоби» ҳақида дунёда нашр этилган барча адабиётдан фойдаланилган эли. Шуни айтиш керакки, ал-Хоразмий китобининг кўп қисми турли муаллифлар томонидан нашр этилган. Энди унинг ўзини тўлиқ нашр этиш керак эди. Афсуски, бу иш амалга ошмай қолди.

Ал-Хоразмий асарининг арабча тўлиқ номи «Китобу суратил-арз мин ал-мудун вал-жибол вал-бихор вал-жазоир вал-анҳор истахражаху Абу Жаъфар Мұхаммад ибн Муса ал-Хоразмий мин китоби Жуғрофиё ал-лази аллафаҳу Батлимуйус ал-ғалавзий» деб аталган. Бунда «суратил-арз» ибораси Птолемей асарининг юононча номидаги «география», яъни «ерни тасвирлаш» иборасининг арабча эркин таржимасидир. Асарда унинг ёзилиш йили кўрсатилмаган бўлса ҳам, тадқиқотчилар у 836 йил билан 847 йил орасида ёзилган, деб кўрсатишади. Ал-Хоразмий асарининг номи Птолемей асари номининг таржимаси бўлса ҳам, аслида асарнинг ўзи кўп жиҳатдан Птолемей «География»сининг таржимаси эмаслиги йирик шарқшунослар томонидан исботланган ва асарнинг илк нусхаси «Расм ар-руб ал-маъмур» деб аталганлиги ҳам айтилган<sup>11</sup>.

Ал-Хоразмий ўз асарини «Китобу суратил-арз» («Ернинг сурати китоби») деб аташи бежиз эмас. Асарнинг давомида «сурат» сўзи тўрт марта ишлатилади. Асар матнига кўра «сурат» деб ал-Хоразмий харитани назарда тутаётгани сезилади. Шунга кўра «сурат» сўзини харита деб тушунмоқ керак, чунки муаллиф бу сўзни ишлатган жойида географик пунктнинг номи «сурат»да, демак, харитада, келтирилмаган дейди. Бундан кўринадики, у ўз асарини ёзишда харитадан фойдаланган ёки, бошқача айтганда, ал-Хоразмий харитани тавсифлаган. Унинг асари, демак, хаританинг тавсифидан иборат. Ҳозир кўпчилик тадқиқотчилар ал-Хоразмий ўз асарида ал-Маъмун харитасини тавсифлаган, деган холосага келган. Ал-Хоразмий асарининг иқлиmlар назариясига биноан тузилганлиги бу холосанинг тўғрилигини исботлаши мумкин.

Ал-Хоразмий асарини жадвал тарзида, яъни зижга ўхшатиб тузган ва уни ўрта асрларга хос бўлган кириш сўзини келтирмай, факат «бисмиллоҳ» билан бошлаган. Асарнинг мана шу хусусияти уни ал-Хоразмий зижининг географик қисми, деб қарашга сабаб бўлган.

Муаллиф ўз асарини таркибий жиҳатдан боблар ва алоҳида бўлимларга ажратмаган бўлса ҳам, материалнинг жойлаштирилишига кўра уни олти бўлимдан иборат, деб қараашуммекин.

Биринчи бўлимда Ернинг одамлар яшайдиган (маъмур) қисмидаги шаҳарларнинг номлари етти иқлим бўйлаб, жадвалда географик координатлар билан келтирилади. Шаҳарлар, юонон анъанасига кўра, гарбдан шарққа ва жанубдан шимолга йўналишда санаб кўрсатилган. Асарнинг кейинги қисмларида ҳам шу тартибга қатъий риоя қилинган.

Иккинчи бўлимда, худди шу тартиб билан, етти иқлимдаги тоғлар жадвалда санаб кўрсатилади. Бу иккала бўлимнинг Птолемейдагидан фарқи шуки, ал-Хоразмий буларда географик обьектларни жадвал тарзида келтиради, иккинчи бўлимда эса ҳар бир тоғнинг бошланиши ва охирининг координатларини келтиради ва, ниҳоят, тоғларнинг ранги ва йўналишини келтиради.

Ал-Хоразмий асарининг учинчи бўлими Ер куррасидаги денгизларнинг тавсифига бағишлиланган. Муаллиф аввал Фарбий ташқи денгиз ва Шимолий ташқи денгизни, яъни Атлантика океанини тавсифлайди. Бироқ унинг ташқи денгизи Атлантика океанининг фақат шимоли-шарқини ташкил қилиб, ал-Хоразмий уни жанубда ўзи танлаган экватор, шимолда  $73^{\circ} 5'$  кенглик, гарбда Канар оролларидан ўтган бошлангич меридиан ва шарқда шимоли-гарбий Африка ва Европа билан чегаралайди. Демак, у фойдаланган харитада ҳам бу денгиз гарбда бош меридиан билан чегаралангандиги кўринади.

Шу бўлимнинг давомида ал-Хоразмий Буюк денгизни (Ал-баҳр ал-кабир) тавсифлайди. Бу ном билан у Қизил денгиз, Арабистон денгизи, Форс кўрфази, Ҳинд океани ва Жанубий Хитой денгизини атайди. Бироқ Ҳинд океанининг Ҳиндистон яриморолидан гарбдаги ва шарқдаги шимолий қисмларини у Синд денгизи ва Ҳинд денгизи деб атайди. Ҳинд океанининг қолган қисмини Арабистон денгизи билан биргаликда қараб, Яшил денгиз деб атайди. Буюк денгиз қирғоқларининг тавсифланиши диққатга сазовордир. Ал-Хоразмий денгиз ва оролларнинг қирғоқларини тавсифлашда соат милига тескари йўналишни ганлайди. Яшил денгиз тавсифини Бобалмандаб бўғозидан бошлаб, Африка соҳили бўйича давом эттиради.

Каспий денгизини ал-Хоразмий бир неча ном билан атайди. Булардан бири «Хоразм денгизи» деб аталишидир. Бундай номни фанда Каспий денгизига нисбатан илк бор ал-Хоразмий ишлатган. Бунинг сабаби қадимда ва илк ўрта асрлар даврида Амударёнинг Каспий денгизига қўйилган лигидадир. Хоразм эса Амударёнинг қуи оқимидағи ўлқадир. Қадимги даврлардаёт Ҳоразм аҳолиси Амударё ўзанига мослашиб яшаган ва дарёнинг йўналишига қараб аҳоли ҳам яшаган жойини ўзгартириб турган. Илк ўрта асрлар даврида Хоразм ҳудуди Каспийнинг шарқий соҳиллари гача бўлган ерларни ҳам ўз ичига олганлиги фанда маълум. Бунга яна бир далил шуки, рус солномаларида Хоразм «Хвалисси»( мамлакатнинг қадимги номи «Ҳваризм»дан) деб ва Каспий денгизини «Хвалиссое море» деб аталган.

Ал-Хоразмий Тинч океанини «ал-Баҳр ал-Музаллам», яъни «Зулмат денгизи», деб атайди ва уни алоҳида сарлавҳа билан ажратиб тавсифлайди.

Китобнинг тўртинчи бўлими денгизлардаги оролларни тавсифлашга бағишлиланган. Ал-Хоразмий Атлантика океанида Канар оролларидан то Шетланд ороллар группасидаги Фуле оролигача Оврупо қирғоқларига яқин барча оролларни тавсифлайди. Осиёда эса биринчи марта Узоқ Шарқдаги ярим афсонавий «Ёкут ороли», «Кумуш ороли» ва «Жавҳар ороли»ни тавсифлайди. Хозир бу ороллар Япония ороллари, Корея яримороли ва Филиппин ороллари эканлиги исботланган. Ланка оролини у Шарқда маълум бўлган номи – Сарандиб ва юононлардаги номи Тапробана билан ҳам атайди.

Асарнинг биринчи бўлимида мамлакатлар, давлат ва ўлкалар ҳақида маълумотлар келтирилади. Шу бўлимда ал-Хоразмий ўз асарини ёзишда харитадан фойдаланганлиги аниқ сезилади. У харитада мамлакат номи ёзувини ўқиб, шу ёзув ўртасининг географик координатларини келтиради. Бунда у «ёзувнинг ўртаси» – «васату китабиҳа» иборасини ишлатади. Шуниси диққатга сазоворки, Шимоли-фарбий Африка, Оврупо, Шарқий ва Шимолий Осиёдаги мамлакатларнинг номлари Птолемей «География»сидаги номлар бўлиб, Аббосий халифаларга қарам ерлардаги номлар янги, арабча номлар билан аталган.

Китобнинг охирги – олтинчи бўлимида Ернинг одамлар яшайдиган қисмидаги дарё ва булоклар тавсифланади. Асар Меотида (Азов кўли, ал-Хоразмийда «Батиха») кўли,

Волга дарёси (ал-Хоразмийда «Ра») ва Шимолий Қозоги-стондаги дарёларни тавсифлаш билан якунланали. Шуниси ажабланарлики, Азов денгизини олим Шимолий денгиз билан туашган, деб ҳисоблайди.

Ал-Хоразмий жами 2402 та пунктнинг географик координатларини келтиради: бундан 537 таси асарнинг биринчи бўлимида, 429 таси иккинчи бўлимида, 316 таси учинчи бўлимида, 265 таси тўртинчи бўлимида, 56 таси бешинчи бўлимида ва 799 таси олтинчи бўлимидадир. Мазкур 2402 географик пунктнинг фақат 936 таси муаллиф томонидан номланган бўлиб, қолган 1466 таси номланмаган. Муаллиф уларнинг фақат географик координатларини келтириш билан чегараланади. Шундай географик пунктлар ёки объектлар ҳам мавжудки, уларнинг ал-Хоразмий кўрсатаётган ўрни, жойлашиши ёки контурлари Птолемей «География» сидаги аниқ номли объектга мос келса ҳам, муаллиф унинг номини келтирмайди. Бундан кўринадики, ал-Хоразмий тавсифлаётган ал-Маъмун харитасида ҳам бу номлар бўлмаган.

Биз юқорида айтганимиздек, ал-Фарғоний бош меридиан ҳақида аниқ бир фикр айтмаган ёки пунктларнинг географик координатларини келтирмаган.

Ал-Хоразмий эса бу борада Птолемей анъанасига риоя қилиб, бош меридиан учун Канар оролларининг гарбий чеккасидан ўтган меридианни танлайди: бу оролларни, Птолемей каби, меридионал жойлашган, деб ҳисоблайди. Аслида бу Лондондан 20 даражада гарбдан ўтган меридиандир.

Ал-Хоразмийга кўра, ал-Маъмун харитасида экватор масаласида ҳам Птолемейга тақлид қилинган. Ундаги экватор маъмур чоракнинг марказига яқин жойларда ҳақиқий экватор билан деярли мос келади. Бироқ маъмур чорак марказидан гарб ва шарққа узоқлашган сари экватор ўрнида экватордан шимолдаги параллеллар қабул қилинганлиги кўринади<sup>10</sup>.

Ал-Маъмун харитасидаги Африка, Осиё ва Оврупо қитъаларининг тавсифи ҳам ўзида ўша давр географиясининг мавқеини акс эттирган. Афтидан, у харитала халифаликнинг марказий ерлари ҳақиқатга анча яқин тасвиrlangan кўринади. Бу ҳол ал-Хоразмий асарида яхши акс эттирилган. Бироқ марказдан узоқлашидан сари тавсиф ҳақиқатдан узоқлашади ва Птолемей асари доирасида қолади. Шунинг

учун ал-Хоразмий — ал-Маъмун харитасида ҳам маъмур чоракнинг чеккалари учала қитъада анча ноаниқ тасвирланган.

Хулоса қилиб шуни айтамизки, Ф.Сезгин нашр қилган «Асл координатларига кўра тикланган ал-Маъмун харитаси» аслида ал-Хоразмий «Суратил-арз китоби»дан олинган координатларга кўра чизилган. Ал-Хоразмийнинг 1200 йиллик юбилейига тайёрланган русча китоб учун биз ҳам ал-Хоразмий — ал-Маъмун харитасини миллиметр қофозида чизиб, унда тўғри бурчакли координатларда 2402 географик пунктни ва уларнинг номларини жойлаштирган эдик. Кўриниб турибдики, бу харита Ф.Сезгин харитасидан тўғри бурчаклилиги ва муфассаллиги билан фарқ қиласди. Манбаларда ал-Маъмун харитаси доиравий эканлиги айтилмаганлиги учун бу харита ҳақиқатга яқинроқдир, чунки ал-Хоразмий хариталари билан шуғулланган барча аввалги муаллифлар харитани тиклашда тўғрибурчакли координатлардан фойдаланганлар.

Ал-Фарғоний асаридаги географик номлар ҳам аслида ал-Маъмун харитасидан олинган бўлиб, фақат улар, ал-Хоразмийдан фарқли ўлароқ, шарқдан ғарбга қараб ўқилган.

Энди биз ал-Фарғоний географик пунктлари тўғрисида муфассал тўхталамиз.

Таржимада қабул қилинган «Хитой мамлакати» матнда «Билод ас-Син» дейилган ва бу ном билан ҳозирги Хитойнинг маркази, шарқи, жануби ва бутун Ҳиндси-Хитой яримороли аталган.

Аслида арабча ас-Син ва юононча Сине ҳамда Марказий Осиёдаги Чин номлари Цин империяси (м.а. 211 – 207 йиллар) – Қадимги Хитойдаги энг биринчи марказлашган давлатнинг номидан келиб чиқади. Бу ерда келтирилган Хитой пойтахтининг номи «Ашфатира» аслида Птолемайдаги Aspithra шаҳри бўлиб, у шу номли дарёning қуий оқимида жойлашган. Бу ном ал-Хоразмийда ҳам бор<sup>120</sup>. Даунихтнинг фикрича, бу ном Въетнам пойтахти Ханойнинг қадимги Лун-Пин номидан келиб чиқади<sup>121</sup>.

Ҳинд мамлакати — «Билод ал-ҳинд» — деб қадимда ва илк ўрта асрларда Ҳиндистон ярим оролининг Синд дарёсининг ўрта оқимларидан бошланиб, шарқقا ва жанубга йўналган қисмини айтилган. Синд мамлакати — «Билод ас-Синд» — деб шу номли дарёning қуий ҳавзасидаги срлар атаган.

Карала яримороли — Хинди斯顿нинг жанубидаги ўлка, ҳозирги Керала штати.

Зафар (ёки Зуфар) — Арабистон яриморолининг жанубидаги ўлка, Ҳазрамавтдан шарқроқда жойлашган. Ҳозир у Уммон таркибида. Уммон — Арабистон яриморолининг шарқидаги ўлка. Ҳозир бу ҳудудда Уммон давлати ва Бирлашган Араб Амирликлари жойлашган.

Ҳазрамавт — том маъноси «яшил ўлим», — Арабистон яриморолининг жанубидаги ўлка, ҳозир Йаман Араб Республикаси таркибига киради.

Адан — Йаман жанубидаги бандар шаҳар, Санъо — Йамандаги шаҳар, ҳозир Йаман Араб Республикасининг пойтахти.

Ал-Қийн — Йаманнинг шимолида Ҳижозга олиб борувчи йўлдаги шаҳар.

Мара — Птолемейда бу шаҳар Mara Metro polis деб аталган. Йаманда денгиз бўйидаги шаҳар.

Табола — Йаманнинг шимолидаги шаҳар.

Жураш — Йамандан Маккага бориш йўлида катта вилоят ва шаҳар.

Маҳра — аввалига бу ном билан Йаман ва Уммон орасидаги саҳро ўлка аталган; ўрта асрларда Йаманнинг шарқидаги шаҳар. Ҳозир Уммон ва Ҳазрамавт орасидаги вилоят, қисман Йаман Араб Республикасининг таркибига киради.

Сабо — Арабистон яриморолининг жануби-ғарбидаги қадимги давлат ва шаҳар. Ҳозир унинг ўрнида Саудия Арабистоннинг жануби-ғарбидаги Сабия шаҳри жойлашган.

Қулзум денгизи — Қизил денгиз, унинг арабча номидаги «қулзум» сўзи Қизил денгизнинг шимоли ғарбидаги қадимги шаҳар Klisma номидан келиб чиқади.

Ҳабаш мамлакати — «Мамлакатул ҳабаш» тор маънода ҳозирги Ҳабашистон — Эфиопия, кенг маънода Марказий Африканинг ҳозир арабчада Судан (яъни «қоралар юрти») деб аталадиган этнографик қисми.

Жарми — Птолемей Эфиопиясидаги қадимги Гарама шаҳри, ҳозир Жарми водийси. Ал-Хоразмий бу шаҳарни иккинчи иқлимда келтиради<sup>122</sup>.

Нуба ёки Нубия — Мисрнинг Асвондан жанубидаги қадимги вилояти. Ҳозир Нубиянинг шимолий қисми Миср таркибига ва жанубий қисми Судан таркибига киради.

Дунқула — ўрта асрлардаги шаҳар. Ҳозирги Донгола шаҳри, Суданда, Нил оқими бўйича жанубда жойлашган.

Мағриб сўзи маҳсус араб географик ибораси бўлиб, бу ном билан арабларда кенг маънода шимоли-ғарбий Африкадаги Тунис, Жазоир, Марокаш ва Мавритания аталади. Баъзан шу маънода умуман Мисрдан ғарбдаги мамлакатлар тушунилиб, бунга Ливия ҳам қўшилади. Лекин тор маънода фақат Марокаш мамлакати тушунилади.

Ал-Фарғоний «Барбарлар мамлакати» деб ҳозирги (кенг маънодаги) Мағриб мамлакатларининг саҳро қисмини назарда тутган. Худди шу маънода бу юрт номини ал-Хоразмий ҳам келтиради<sup>123</sup>. Бу мамлакат номи Птолемейда ҳам бор, лекин у ушбу ном билан ҳозирги Сомали ва Кения ҳудудларига тўғри келадиган ерларни атаган. Демак, Птолемейдан ал-Фарғоний ва ал-Хоразмийлар давригача ўтган олти – етти аср ичидаги барбарлар Шарқий Африкадан Шимоли-ғарбий Африкага силжиган кўринади. Аслида барбарлар деб ҳозир Саҳрои Кабирда кўчманчилик қилиб юрувчи туареглар айтилади. Улар тил жиҳатидан семит-хамит гуруҳига кириб, қадимги Миср билан боғлиқликда қаралади. Африка бўйича мутахассисларнинг тадқиқотларига кўра, IX – XIII асрларда экваториал Африкада катта аҳоли силжишлари рўй бериб, Марказий Африкадан қора танлилар Шарқий ва Ғарбий Африкага сурилган ва Кения, Сомали ҳудудларидан барбарларни шимолга суриб чиқарганлар.

Ал-Фарғоний иккинчи иқлимда эслатган биринчи шаҳар ал-Мансурадир. Бу шаҳар илк ўрта асрлар даврида Синд мамлакатининг маркази бўлган. Қадимда унинг ўрнида Баҳманво шаҳри бўлган. Шаҳар харобалари Ҳайдарободдан (Синдда) қарийб 60 км шимоли-шарқда ётади. Ривоятларга кўра, VII аср иккинчи ярмида араблар Ҳиндистонга Синдининг қуи тарафидан келиб, аввал шу шаҳарни фатҳ этганлар. Шу сабабли Баҳманво шаҳри ал-Мансура, яъни «енгилган» деб аталган.

Нирун – ўрта асрлардаги шаҳар, Синд дарёсининг денизга қуишиш жойида бўлган. Бошқа бир ўқилишга кўра Бирун бўлган.

Дайбул – ўрта асрларда Ҳиндистондаги бандар шаҳар, Синд дарёсининг денизга қуишиш ерида ҳозирги Қарачига яқин жойда бўлган.

Яшил дениз – ўрта асрларда Ҳинд океани шарқий қисмининг арабча номи.

**Басра денгизи – Форс кўрфази.** Басра денгизи билан Яшил денгизнинг туташган ери – Ҳурмуз бўғози.

**Нажд ери – Арз Нажд – Арабистон яриморолининг марказидан гарброқдаги улкан ўлка.** Ҳозирги Саудия Арабистонида ар-Риёз билан Ҳижоз орасидаги саҳро ўлка.

**Тиҳома ери – Арабистон ярим оролида Қизил денгизда туташган соҳил ерлар.**

**Ал-Йамома – Арабистоннинг марказидаги ўрта асрлар шаҳри, унинг қадимги номи Жавв бўлган.**

**Баҳрайн – Форс кўрфазида Арабистон яриморолига яқин жойлашган орол, ҳозир мустақил араб давлати.**

**Ҳажар – Баҳрайннинг ўрта асрлардаги пойтахти.**

**Йасриб – Мадинанинг исломгача номи.** Ҳижоз – Арабистоннинг гарбидаги тоғли ўлка, Макка ва Мадина шаҳарларини ўз ичига олади.

**Тоиф – Маккадан 100 км ча шарқдаги шаҳар.** Ўрта асрларда у ерда боғдорчилик ва умуман деҳқончилик ривожланган. Биздаги узумнинг «тоифий» нави шу ердан келтирилган.

**Жидда – Маккага денгиздан олиб борувчи бандар шаҳар.**

**Юқори Миср – Саъиди Миср – шу мамлакатнинг Нил оқими бўйича юқори қисми,** Асвон атрофи.

**Кус – Юқори Мисрдаги қадимги шаҳар,** қадимги номи Кейес бўлган, Рим империяси даврида Kusae деб аталган. Ҳозир шаҳар Кенага олиб борувчи йўлда, Луқсордан 30 км шимолроқда, Нилнинг ўнг соҳилида жойлашган.

**Ахмим – Мисрда, Нилнинг ўрта оқимида ўнг қирғоқдаги шаҳар.** У қадимги Хенте Мим шаҳри ўрнида туради. Шаҳарнинг номини Ёқут ал-Ҳамавий иккинчи иқлим шаҳарларидан деб қараб, номини «Ихмим» деб ўқиган<sup>124</sup>. Лекин ал-Ҳоразмий уни учинчи иқлимга киритган<sup>125</sup>.

**Исно – Мисрдаги қадимги шаҳар,** ҳозир ҳам мавжуд, Нилнинг чап соҳилида, Асвондан қарийб 150 км шимолда жойлашган.

**Ансино – Нилнинг ўнг соҳилида,** Ушмуннинг рўпарасидаги шаҳар. Унинг ўрнида римликлар томонидан барпо қилинган Антиной шаҳри бўлган. Ал-Ҳоразмий бу шаҳарни учинчи иқлимга жойластирган.

**Асвон – Юқори Мисрдаги шаҳар,** қадимги номи Сиена. Ҳозир шу номли тўғон ёнидаги йирик шаҳар.

Ифриқия – Қадимги Римнинг Африка провинцияси ўрнида ҳосил бўлган мулк, ҳозирги Тунис. Шу мулкнинг номи кейинчалик бутун қитъага нисбатан айтиладиган бўлди.

Ал-Фарғоний учинчи иқлим шаҳарларини ҳинд мамлакатидаги Қандаҳор шаҳридан бошлайди. Лекин бу шаҳарнинг Афғонистондаги шу номли шаҳарга алоқаси йўқ. Бу ерда Синд дарёсининг ўрта оқимидағи Шимоли-ғарбий Хиндиистондаги ўрта аср вилояти Гандҳара назарда тутилган. Унинг ҳозирги номи Нангарҳар.

Кобул – ўрта асрларда шу номли вилоятнинг номи, Хасргача маҳаллий подшоҳларнинг қароргоҳи, ҳозир Афғонистоннинг пойтахти.

Кермон – Эроннинг жанубидаги шу номли шаҳар ва вилоят, Птолемейда уни *Kartmania* дейилган. Ал-Фарғоний айтиётган Кермонга Эроннинг биринчи Сосоний шоҳи Ардашер Полакон асос солган. Птолемей давридаги шаҳар бундан шарқроқда бўлган.

Искандария – бу ерда Искандар Зул-Қарнайн Шарқий Эронда асос солган Александрия Ариана ҳақида сўз кетади. Ҳозирги Ҳирот.

Сижистон – эски номи «Сакастон»: II асрда Шарқий Эрондаги Дрангиана вилоятига Туркистондан сак қабилалари келиб ўтириб қолганидан сўнг бу вилоят шу ном билан аталган. Пойтахти ҳозирги Эрондаги Заранж шаҳри бўлган. Сўнгги пайтларда кўпроқ Сеистон дейилади. Ҳозир бу вилоятнинг бир қисми пойтахти билан бирга Эронда, иккинчи қисми Афғонистонда.

Муҳаммадия – Эрондаги Кермон вилоятидаги ўрта аср шаҳри, ҳозирги Жируфтдан шарқроқда бўлган.

Жируфт – Кермон вилоятидаги йирик ўрта аср шаҳри, Халилруд дарёси яқинида бўлган, харобалари ҳозирги Каримобод қишлоғи яқинида. Ал-Хоразмий уни тўртинчи иқлимда келтирган<sup>126</sup>.

Сиржон – Кермон вилоятининг ўрта асрлардаги пойтахти, Кермон шаҳридан фарброқда, ҳозирги Рафсанжон яқинида, Заранждан икки кунлик масофада бўлган. Ҳозирги Рафсанжондан жануброқдаги Сайдобод шаҳрининг номи Сиржонга ўзгартирилган.

Истаҳр – Шероздан шимолроқдаги шу номли вилоят ва шаҳар, Пулвар дарёси бўйида, қадимги Персепол ўрнида бўлган.

**Жур** – Эрондаги қадимги шаҳар, ўрта асрларда йирик савдо шаҳри бўлган; ҳозирги номи Ферузобод.

**Фасо** – ўрта асрларда Форс вилоятидаги Шероздан кейин иккинчи йирик шаҳар, ҳозир Шероздан шарқроқда шу номли қишлоқ.

**Собур** – ўрта асрларда Форс вилояти таркибидаги кичик ноҳия ва шаҳар. Бу ноҳияга Собурдан ташқари Навбинжон ва Козерун шаҳарлари ҳам кирган.

**Сироф** – ўрта асрларда Эроннинг Форс кўрфазидаги йирик савдо ва бандар шаҳри; XI асргача араб халифалигининг Ҳинд океани ҳавзасидаги шаҳарлар билан савдосида улкан аҳамият касб этган. Ҳозир кичик қишлоқ.

**Синнис** – Форс билан Хузистон чегарасидаги, Тоб дарёсининг қўйилиш ерига яқин бўлган. «Синнисий» газламалари билан машҳур бўлган.

**Жанноба** – Форс вилоятидаги бандар шаҳар, ҳозирги Жанава.

**Мехрубон** – Аббодон билан Сироф орасидаги шаҳарча, ҳозирги номи Мехреҳон.

**Аҳвоз** – Эроннинг жанубидаги Хузистон вилоятининг пойтахти, Қорун дарёсининг чап соҳилида жойлашган. Аҳвоз чўли – шаҳардан шарқдаги чўл. Ал-Хоразмий буни тўртинчи иқлимда келтирган.

**Басра** – араб халифалигининг илк шаҳарларидан, VII аср биринчи ярмида асос солинган. Ҳозирги Басра Ироқнинг асосий бандари ва йирик савдо ва саноат маркази.

**Восит** – 705 или асос солинган, ўрта асрларда халифаликнинг йирик шаҳри бўлган, Дажла дарёси бўйида Кўфа билан Басра орасида жойлашган. Ҳозир унинг ҳаробалари ас-Саъдия кўлидан фарброқда ётади.

**Бағдод** – 762 или халифа ал-Мансур томонидан асос солинган, ҳозир Ироқнинг пойтахти.

**Кўфа** – араб халифалигининг илк шаҳарларидан, халифа Умар ибн ал-Хаттоб (634 – 644 йиллар) даврида асос солинган, Имом Абу Ҳанифанинг ватани. Ҳозир шу номли шаҳарча, Нажафдан шимоли-шарқда жойлашган.

**Анбор** – Ироқдаги қадимги шаҳар. Бағдоддан 10 фарсах (таксиминан 60 км) фарброқда, Фирот дарёсининг ўнг соҳилида бўлган.

**Хийт** – Ироқда Фиротнинг ўнг қирғозидаги шаҳар.

**Шом мамлакати** – араблар Сурияни кўпроқ шу ном билан атайдилар.

Хийор – Ёкут ал-Ҳамавийнинг хабарига кўра, Ҳалабдан шимоли-шарқда Қиннасрин саҳросида бўлган<sup>127</sup>.

Саламия – Сурияда Ҳамотдан жануби-шарқдаги шаҳар.

Ҳўмс (ёки Ҳимс) – қадимги Эмесса, Суриянинг фарбидаги шаҳар.

Дамашқ – дунёдаги энг қадимги шаҳарлардан, Сурияниг пойтахти.

Сур (Тир) – қадимги Финикияниг бандар ва савдо шаҳри, ҳозир Ливан таркибида.

Акко – Фаластинда Хайфадан шимолроқдаги шаҳар. Римликлар ва византияликлар даврида Птолемаида деб аталган. Ҳозир Истроил таркибида.

Табария – қадимги Тиберия, Табария кўлининг фарбий соҳилида жойлашган.

Қайсария – қадимги номлари Кесарея, Цезарея – қадимда Ўрта денгиз соҳилларида шу номли шаҳарлар тўртта бўлган. Улардан биттаси Ливанинг шимолида, қолган учтаси денгизнинг шарқий соҳилида бўлган. Булардан бири Сурия ҳудудида Латакиядан 60 км жануброқда бўлган, ҳозир у Банияс деб аталади; иккинчиси – Жабол аш-шайх тоғи остонасида Урдун дарёси бошланадиган ерда бўлган; охиргиси Фаластинда Хайфадан 30 км жануброқда бўлган. Ал-Фарғоний шуни назарда тутган кўринади. Птолемейда у Kaisareia Stratonis деб аталган.

Арсуф – Ёкут ал-Ҳамавийнинг хабарига кўра, у Фаластинда Ўрта денгиз соҳилида Яффа билан Қайсария оралигига бўлган<sup>128</sup>.

Байтулмуқаддас – Фаластиндаги энг қадимги шаҳарлардан, Қуддус, Увришлим, Иерусалим, Илия (Элия) номлари билан ҳам маълум.

Рамла – ўрта асрларда Фаластиндаги йирик шаҳар, ҳозир Тель-Авивдан 25 км жануби-шарқдаги шаҳарча.

Асқалон – Фаластинда қадимги денгиз бандари, Фаззадан шимолроқда бўлган. Ҳозир унинг харобалари Ироилда Ашкелон шаҳридан жануброқда ётади.

Фазза – Фаластиннинг жанубидаги шаҳар.

Мадиан – Арабистоннинг шимоли-фарбига шу номли вилоят ва шаҳар, Ақаба кўрфази яқинида бўлган. Птолемей уни VI, VII китобиларида Modiana номи билан келтиради.

Ал-Кулзум – Қизил денгизнинг шимолий соҳилидаги шаҳар, ҳозирги Сувайш яқинида бўлган. Номи Птолемейдаги Klizma phrigion шаҳри номидан келиб чиқкан.

**Ал-Фарамо** – Ўрта асрларда Нил дельтасида Манзала кўлининг шарқидаги шаҳар.

**Тиннис** – ўрта асрларда Манзала кўлида шу номли оролдаги шаҳарча, Дамиёт ва ал-Фарамо шаҳарлари оралиғида бўлган, ўзининг газламалари билан машхур бўлган, ҳозир у сақланмаган.

**Дамиёт** – қадимги Дамиетта, Нил дельтасида Манзала кўли бўйидаги шаҳар. Ўрта асрларда у оролда бўлган.

**Фустот** – илк ўрта асрларда араблар Мисрни истило қилаётган пайтда ҳарбий ўрду сифатида юзага келган шаҳар. X асрда янги барпо қилинган Қоҳира таркибиға кирган. Ҳозир Қоҳиранинг жанубидаги ноҳия. Ал-Фарғоний ихтиро қилган Нил миқёси шаҳарнинг шу қисмида жойлашган.

**Файум** – Мисрдаги қадимги шаҳар, эллинизм давридаги Крокодилополис ўрнида вужудга келган. Ҳозирги Мисрнинг йирик шаҳри, Қоҳирадан жанубда жойлашган.

**Искандария** – Мисрда Ўрта денгиз соҳилидаги машхур шаҳар.

**Барқа** – римликлар даврида Киренаикадаги вилоят ва шаҳар; милод бошида Птолемаида деб аталган, ҳозир у Толемаида деб аталади. Ҳозирги Ливиядаги Барқа номли шаҳарча қадимги шаҳардан 30 км ча жанубда жойлашган.

**Қайрувон** – Тунисдаги шаҳар. Араб лашкарбошиси Уқба ибн Нафіъ томонидан 670 йили асос солинган.

**Ал-Фарғоний** тўртинчи иқлимини Тибатдан бошлайди. Тибат бир пайтлар Турк хоқонлиги таркибиға кирганлиги учун Мовароуннаҳр аҳолиси бу ўлка ҳақида маълумотга эга бўлган. Мовароуннаҳрнинг асосий шаҳарларини ҳам муаллиф тўртинчи иқлимга киритган.

**Хўжанд** – Мовароуннаҳрдаги энг қадимги шаҳарлардан, кўп минг йиллик тарихга эга. Илк ўрта асрлар даврида шу номли вилоят ва шаҳар, ҳозир Тожикистондаги шаҳар.

**Усрушана** (Уструшана, Осрушана, Сутрушана) – ўрта асрларда Зарафшон дарёсининг юқори оқимидаги вилоят, Хўжанд ерларини ва унга жанубдан туташ ерларни ўз ичига олган.

Унда ўнга яқин шаҳарлар бўлиб, энг йириги Бунжикент (Панжикент) эди. Араб истилосидан аввал ва араблар даврида то IX аср иккинчи чорагигача ўз ҳокими – афшини бўлган.

Фарғона деб муаллиф Ахсикатни назарда тутади, чунки бу шаҳар IX асрда водийнинг энг йирик шаҳри ва маркази эди.

Ўрта аср муаллифлари (масалан, Суҳроб) уни «мадина Фарғона», яъни «Фарғонанинг пойтахт шаҳри» дегандар.

Ахсикат (ёки Аҳси) Намангандан 30 км жануби-ғарбда, Косонсойнинг Сирдарёга қўйилиш ерида, Эски Аҳси ўрнида бўлган. Ҳозир унинг харобалари Наманган вилоятининг Поп ноҳиясида Сирдарёнинг ўнг соҳилидадир.

Самарқанд — дунёдаги энг қадимги шаҳарлардан ҳисобланади, ҳозир у Ўзбекистоннинг иккинчи шаҳри. Ал-Хоразмий шу эслатилган тўрт шаҳарни бешинчи иқлимда келтиради<sup>129</sup>.

Балх — Амударёнинг жанубидаги ўрта аср шаҳри, қадимги Бахтар шаҳри ўрнида вужудга келган. Ҳозир Афғонистоннинг шимолидаги Вазиробод номли шаҳарча.

Бухоро — Ўзбекистоннинг қадимги шаҳарларидан.

Ҳирот — дунёнинг қадимги шаҳарларидан, ҳозир у Афғонистоннинг ғарбидаги шаҳар.

Амуя — Амударёга ном берган унинг чап соҳилидаги шаҳар, ҳозир Туркманистондаги Чоржўй.

Марварруд — Мурғоб дарёси бўйидаги ўрта аср шаҳри, ҳозирги Морвчак (Афғонистон) шаҳри ўрнида бўлган; Искандар Зул-Қарнайн томонидан асос солинган Александрия Маргиана ўрнида вужудга келган.

Марв — ўрта асрларда Хуросондаги шу номли воҳа ва шаҳар; Туркманистондаги Маридан шарқроқда ҳозирги Байрам Али яқинида бўлган, қадимги Марғиёна.

Сарахс — Хуросондаги ўрта аср шаҳри; ҳозир Туркманистон ва Эрондаги шу номли икки чегаравий шаҳарча: иккиси Тажан дарёсининг икки тарафида жойлашган, уларнинг қадимгиси — Туркманистон тарафида, дарёнинг ўнг қирғоғидагисидир.

Тус — ўрта аср шаҳри, буюк шоир Фирдавсийнинг ватани, ҳозирги номи Фердоус. Шаҳар бу ерда 809 йили машҳур халифа Ҳорун ар-Рашид вафот этгани билан ҳам маълум.

Нишопур — ўрта асрларда Хуросоннинг энг йирик шаҳарларидан бири, ҳозир Эроннинг шу номли кичик шаҳри.

Журжон — ўрта асрларда Каспий денгизининг жануби-шарқидаги вилоят ва шаҳар; ҳозир Эроннинг шимолидаги Гўргон шаҳри.

Кумис — ўрта асрларда Текрондан шарқроқдаги тоғли ўлка ва шаҳар; ўлка ўзига Дамғон ва Семнонни ҳам қўшган.

Табаристон — ўрта асрларда Эроннинг шимолидаги тоғли ўлка, ҳозир Мозандарон таркибига киради.

Дамованд — Табаристондаги тоғ чўққиси номи.

Қазвин — Эроннинг шимолидаги шаҳар.

Дайлам — Эроннинг шимолида Каспий денгизига ту-таш тарихий ўлка; ҳозирги Гилон ва қисман Мозандарон таркибига киради.

Рай — қадимги Рага, Селевк Никатор (м.а. 312 — 281 йиллар) томонидан қалъа сифатида барпо қилинган. Лекин қадимдаёқ у йирик шаҳар бўлиб шаклланди. Ҳозир у Текроннинг шарқидаги ноҳияси.

Исфаҳон — Эроннинг Сосоний шоҳлари даврида Византияга (Румга) юришдан аввал лашкар тўпланадиган ҳарбий ўрдулари, Сафавийлар даврида пойтахт бўлган. Ҳозир Эроннинг шу номли йирик шаҳри.

Ҳамадон — Эроннинг энг қадимги шаҳарларидан, қадимги Экбатана (Ҳагматана), м.а. VII асрда Мидиянинг биринчи подшоҳи Дейока даврида асос солинган. Асосланганидан то м.а. 555 йилгача Мидиянинг пойтахти бўлган. Ҳозир Эроннинг йирик шаҳри.

Ниҳованд — Эроннинг ўрта асрлардаги шаҳри; ҳозир унинг харобалари Ҳамадондан жанубда ва Кермоншоҳдан фарбда Неҳованд қишлоғи яқинида.

Диновар — ўрта асрларда Эроннинг шимоли-фарбидаги Жибол ўлкасининг бош шаҳри, унинг харобалари Оби Диновар номли дарё яқинида.

Хулвон — Эрондаги қадимги шаҳар, ҳозирги Қасри Ширин шаҳридан 30 км масофада, Кермоншоҳдан фарброкда бўлган.

Шаҳризур — ўрта асрларда Фарбий Эрондаги шаҳар, ҳозирги Сулаймониядан жануби-фарбда бўлган.

Сурраманрао (Самарра) — ўрта асрларда Ироқдаги йирик шаҳар, 836 йили халифа ал-Муттасим даврида асос солинган, ҳозирги Самарра номли шаҳарча.

Мосул (Мавсил) — қадимги Оссуриянинг пойтахти Ниневия харобалари яқинида ўрта асрларда вужудга келган шаҳар; ҳозир Ироқнинг йирик саноат шаҳри.

Балад — ўрта асрларда Ироқ Жазирасида бу номли шаҳар бир нечта бўлган. Бу ерда Мосулдан 7 фарсах (42 км) масоғадаги Фирот бўйидаги шаҳар назарда тутилади.

Насибин (Нисибин) — Ироқнинг шимолидаги қадимги шаҳар, ҳозир Туркиянинг жанубида Суря чегарасига яқин жойда Қамишли шаҳри ёнидаги Нусайбин шаҳри.

Амид — қадимги Амид, шаҳар Дажла дарёси бўйида ҳозирги Диёрбакр (Туркия) яқинида бўлган.

Рас ал-Айн — иккинчи номи Айн Варрада — ўрта асрларда Ироқнинг шимолидаги шаҳар, ҳозир Туркиянинг жанубида Суря чегарасидаги Ресюляйн шаҳри.

Қалиқало — Ёкут ал-Ҳамавий хабарига кўра, Буюк Арманистон, Хилот, Маназгирд ва Тўртинчи Арманистонни ўз ичига олган ўлка. Лекин бошқа бир фикрга кўра, бу арабча ном арманча Карин-калак атамасидан келиб чиқади. Арман шаҳри Арзин бузилганидан сўнг аҳолисининг бир қисми Каринга кўчган, шундан сўнг шарқ географлари уни Арзин ар-Рум деб атайдилар. Кейинчалик бу ном Арзарум, сўнг Эрзирум шаклини олади.

Шамшот — бу Фиротнинг Мела ирмоғидаги Semizos шаҳри номининг ўзгаришидир. XIII асрда бу шаҳар вайронага айланган.

Ҳаррон — қадим ва ўрта асрларда Ироқнинг шимолидаги шаҳар, юлдузпараст собийларнинг ватани. Ҳозир Туркиянинг жануби-шарқидаги Ҳаран шаҳри.

Раққа — ўрта асрларда Суря шимолидаги катта шаҳар, ҳозир шу номли кичик шаҳар.

Қарқисия — ўрта асрларда Ироқда Ҳабур дарёсининг Фиротга қўйилиш еридаги шаҳар, ҳозирги Суриядаги Бусейра шаҳри яқинида бўлган.

Балис — Сурияда Фирот дарёси бўйида Ҳалаб ва Раққа орасидаги қадимги шаҳар; ҳозирги номи Мескена.

Манбиж — Сурияда ҳозир ҳам мавжуд Ҳалабдан шимоли-шарқдаги шаҳар.

Сумайсот — Суриянинг шимолидаги Фирот дарёси бўйидаги шаҳар. Птолемейда унинг номи Самосата бўлган; ҳозир Туркиянинг жанубидаги Самсат шаҳри.

Малатийа — Птолемей Фиротнинг юқори оқимидаги ўнг соҳилида Кичик Арманистонда жойлаштирган Мелитена шаҳри. Шарқий Анатолияда унинг ўрнида ҳозир Эски

**Малатийа** номди турк шаҳри жойлашган. Ҳозирги турк шаҳри Малатийа Қадимгисидан қарийб 30 км жануби-ғарбда жойлашган.

**Зибатра** — Шарқий Анатолияда Кичик Арманистондаги қадимги Зопаристус шаҳри, Малатийа ва Сумайсот орасида бўлган.

**Халаб** (Халеб, Алеппо) — Сурияning шимолидаги қадимги ва ҳозирги шаҳар.

**Киннасрин** — ўрта асрларда Сурияning шимолидаги шаҳар.

**Антокия** — қадимги Антиохия, ҳозир Туркия худудида Нахр ал-Аси (Оронт) дарёсининг бўйида.

**Тараблус** — Ливиядаги, яъни Фарбий Тараблусдан фарқли ўлароқ, Шарқий Тараблус ҳам дейилади; қадимги шаҳар — Сур, Сайда ва Арод шаҳарларининг муҳожирлари томонидан асос солингани учун Триполис (Уч шаҳар) деб аталган. Ҳозир Ливанning шимолида.

**Ал-Масиса** — Кичик Осиёдаги қадимги шаҳар, ҳозир Туркияning жанубида Аданадан шарқроқда Жайҳон дарёси бўйидаги Мисис шаҳарчаси.

**Сайдо** — қадимги финикий шаҳри Сидон, у Гомернинг «Одиссея»сида эслатилади; ҳозир Ливанning бандар шаҳри, Байрут ва Сур орасида жойлашган.

**Кора ал-Каница** (ёки ал-Каница) — Суриядаги бандар-қалъа, аҳолисининг кўпчилиги насронийлар бўлган ва жомеъ черкови бўлган.

**Адана** — Кичик Осиёning жанубида Сайҳон дарёси бўйидаги шаҳар, ҳозир Туркияning шу номли шаҳри.

**Тарсус** — Кичик Осиёда Аданадан фарброқдаги шаҳар, ҳозир Туркияда шу номли шаҳар.

**Амория** — Кичик Осиёда Фригиядаги қадимдаги Аморион шаҳри, Сангария (ҳозирги Сакария) дарёси бўйида бўлган.

**Лозиқия** — Птолемейдаги Лаодикия шаҳри номининг арабча транскрипцияси; ҳозир Сурияning шимоли-ғарбидаги бандар шаҳар Латакия.

**Танжа ўлкаси** — шимоли-ғарбий Африкада Гибралтар бўғозининг жанубидаги қадимги римликлар давридаги Тингитана вилояти ўрнида вужудга келган мулк ва шаҳар. Ҳозир Марокаш таркибида. Шаҳар ҳозир Танжер номи билан маълум.

Икки оғиз сўз Йажуж шаҳри ҳақида.

Шарқ халқларида бўлган қадимги ривоятга кўра, Искандар Зул-Қарнайн маъмур ерларни Йажуж, Мажуж деган шимол тарафда яшовчи ёввойи халқлардан ҳимоя қилиш учун шимол тарафдан мис девор билан ўраган. Бу девор бадиий адабиётда Садди Искандарий номи билан маълум. Йажуж, Мажуж ҳақидаги хабарлар ҳатто Инжилга ҳам Гог, Магог шаклида кириб қолиб, насронийлик билан бирга кўп дунё халқлари орасида тарқалган. Лекин Марказий Осиё халқлари Йажуж, Мажуж мамлакати деганда, одатда, Хитойни ёки унинг чекка тарафларини тушунгандар. Бу тасаввур ўзбек ва тоҷикларнинг баъзи мақол ва маталларида акс этган. Шунинг учун асли Марказий Осиёдан бўлган ал-Фарғоний ва ал-Хоразмийлар «Йажуж мамлакати», «Йажуж шаҳри» деганда аниқ географик ҳудуд ва шаҳарни тушунадилар.

Бу ҳақда Ҳ. Дауниҳтнинг фикри диққатга сазовор. У ал-Хоразмий «Суратил-арз китоби» даги 473: «Йажуж шаҳри», 474. «Мажуж шаҳри», 2049. «Йажуж ва Мажуж шаҳри» пунктларини таҳлил қилиб, бу пунктларнинг барчасида аслида бир пункт ҳақида сўз кетганини ва уни «Йажуж шаҳри» деб тушунмоқ кераклигини айтган эди. Ал-Фарғоний Мажуж шаҳри ёки мамлакатини эслатмай, Йажуж мамлакатини тўрт марта эслатиши Ҳ. Дауниҳтнинг фикрини тасдиқлайди.

Ҳ. Дауниҳтнинг айтишича, Йажуж шаҳри деб Пхенъянни тушунмоқ керак. Бу шаҳарга 427 йил асос солинган бўлиб, у Когурё (ёки Корё — Корея) мамлакатининг пойтахти бўлган, бу мамлакатнинг ўзи эса Йажуж мамлакати деб тушунилган. Когурё мамлакати шимоли-шарқий Хитойда ва Жанубий Манҷурияда Моку номи билан маълум бўлган. Бу ном эса, Ҳ. Дауниҳтнинг фикрича, кейинчалик Магог — Мажуж шаклини олган. Дауниҳтнинг фикрича, Псевдокалиссфеннинг (таксминан 300 йиллар) асарига бу маълумотларни суриялик шарҳловчи саруглик Якоб (VI аср) киритган бўлиб, у Суриянинг Шарқдаги колонияларида бўлганлиги аниқ. Кейинроқ, 600 йиллар атрофида бу маълумотлар Инжилнинг Иезекиил башоратларида киритилган<sup>130</sup>. Биз бу фикрга тўла кўшиламиз.

Ал-Фарғоний Йажуж мамлакатини бешинчи, олтинчи, еттинчи иқлимда ва иқлимлардан ташқарида ҳам эслатади. У бешинчи иқлимда эслатган биринчи шаҳар Та-

роз бўлиб, у Савдогарлар шаҳри дейилган. Тароз Марказий Осиёнинг эски шаҳарларидан бўлиб, у ўтроқлар билан кўчманчилар мулоқот қиласидиган жой бўлган. 751 йили бу шаҳар яқинида араб лашкарлари Хитой лашкарлари билан жанг қилиб, ғалаба қозонгандаридан сўнг бу ерда йирик араб ўрдуси турадиган форпост бунёд этилди ва кўчманчиларнинг Мовароуннахрга киришига тўсиқ кўйилди. Мусулмонлар билан кўчманчилар ўртасидаги савдо алоқалари асосан шу шаҳарда бўлган. Шунинг учун шаҳар Савдогарлар шаҳри деб ном олган. Шаҳарнинг номи кеъинчалик Талос шаклини олган ва, ниҳоят, у Жамбул номига ўзгартирилган.

Навкат — одатда бу шаҳарни тадқиқотчилар Еттисувда жойлаштиришади ва у Чу дарёси воҳасида бўлган, деб ҳисобланади. Баъзилар уни Иссиккўл яқинидаги Барсхон шаҳри билан адаштирадилар. Лекин Фарғона водийсининг шарқидаги Навкат ҳозир ҳам мавжуд.

Хоразм шаҳарлар орасида эслатилиши бежиз эмас. Бу ерда Хоразмнинг ўша даврдаги пойтахти Кот тушунилаётгани шубҳасиз. Бу ҳақда юқорида биринчи бобда айтилган эди.

Исфижоб — ўрта асрлар шаҳри, ҳозирги Сайрам ўрнида бўлган.

Шош — Марказий Осиёнинг қадимги шаҳарларидан-дир. Унинг номи Чоч шаклида биринчи марта ёзма манбада Эроннинг Сосонийлардан иккинчи подшоҳи Шопур I нинг (241 – 273 йиллар) ғалабалари муносабати билан эълон қилинган ёрлиғида эслатилади<sup>131</sup>. Исломгача Чоч алоҳида мулк бўлиб, унинг ўз ҳокими — тудун бўлган. Унга бутун Тошкент воҳаси ва баъзан Ўтроргача ерлар ҳам тобеъ бўлган. Исломдан сўнг қарийб яна бир аср давомида тудун ҳокимияти сақланган. Ислом даврида шаҳар номи Шош деб атала бошлади. Араб сайёҳи Истаҳрийнинг X аср бошлирида Шош аҳолиси ҳақида айтган сўзлари диққатга сазовор. Унинг айтишича, ўша пайт Шошнинг аҳолиси асосан суғдлардан иборат бўлган, лекин шаҳарнинг шарқий қисмида турклар ҳам яшаган. Суғдлар уйларида суғчада, кўчада эса дарийда (форсий) сўзлашганлар. Лекин ҳозир уларнинг кўпилари уйларида ҳам дарийда сўзлашацияти. Ундан ташқари суғдлар туркчада ҳам сўзлашадилар. Турклар эса ўз тилларидан бошқа тилда сўзлашмайдилар. Бу хабардан Шош турклари тил жиҳатидан эгамен бўлганлик-

лари, сүфдлар эса этник жиҳатдан тарқалиб, турклашиб бораётганиликлари кўринади. Бу жараён шу қадар тез бўлганки, Шош аҳолиси X аср охирига келиб асосан турклашиб бўлган. Бу ҳодиса шаҳарнинг номида ҳам акс этиб, X аср охиридан у Тошкент деб аталади.

Турагбанд — бошқача, қисқартирилган ҳолда Торбанд ҳам дейилган. Бу шаҳар ҳақида Ёкут ал-Ҳамавий бундай хабар беради: « Турагбанд — Сайхун (Сирдарё) дарёсининг ортида Шош мамлакатининг чегарасидаги шаҳар, ундан кейин Туркистон келади. У ислом ўлкаларининг чегарасида ва Мовароуннахрга тааллуқли. Ўша ерларнинг аҳолиси номнинг бир қисмини тушириб қолдирадилар ва Турор ёки Ўтуар дейдилар. У бешинчи иқлимда 97° 30' узунлик ва 39° 35' кенгликда туради»<sup>132</sup>.

Ал-Хоразмий ҳам унинг географик координатларини ҳудди шу рақамларда келтиради<sup>133</sup>.

Озарбайжон деганда ал-Фарғоний илк ўрта асрлар давридаги Озарбайжонни тушунади. Бу мамлакат таркибига асосан Эрон Озарбайжони ва Шарқий Туркияning бир қисми, яъни қадимги Атропатена ҳудуди киради. Ал-Фарғоний даврида ва ундан бир мунча кейин ҳам ҳозирги Озарбайжон Республикасининг ҳудуди ислом мамлакатларида Аррон номи билан, қўшни Византияда — Албания ва арманлар орасида Афванд номи билан маълум эди. Ал-Фарғоний бу ерда ҳам, кўп ҳоллардагидек, мамлакат номи билан унинг бош шаҳрини атаяпти. Бу ҳолда у даврдаги Озарбайжоннинг икки бош шаҳри — Ардабил ёки Марофадан бири назарда тутилаётир.

Армания вилояти деб ал-Фарғоний тарихий ўлкани тушунаяпти. Илк ўрта асрларда ва қадимда Анатolia (Кичик Осиё)нинг жануби-шарқи, шарқи, то ҳозирги Арманистонгача ерлар Армения (ёки Армания) деб аталган. Бу ўлка асосан Тавр ва Аракат тоғ тизмалари ва уларнинг атрофларидан иборат эди. Лекин арманиларнинг ўзи бу юртни икки хил атама билан атардилар. Биринчи хил атама бўйича бу ҳудудни Буюк Армания ва Кичик Армания деб атардилар. Кичик Армания мазкур ҳудуднинг жануби-гарбидан иборат бўлиб, уни Киликия ҳам дейиларди. Буюк Армания эса шимоли-шарқий Тавр ва Аракат атрофларини ўз ичига оларди. Иккинчи атамага кўра, Арманияни жануби-гарбдан шимоли-шарқقا йўналишда тўрт қисмга ажратилиб, Биринчи, Иккинчи, Учинчи ва Тўртинчи

Армания дейиларди<sup>134</sup>. Лекин ал-Фарғоний даврида бу бўлинишлардан асар ҳам қолмаган эди. VII – VIII асрларда рўй берган тарихий жараёнлар натижасида жануби-ғарблаги арманиларнинг кўпчилиги бошқа маҳаллий халқлар билан аралашиб кетган, улар бу ҳудуднинг фақат шимолий қисмида, яъни Буюк Арманияда кўпроқ сақланган эди. Ал-Фарғоний ана шу Арманияни назарда тутади. У даврда Армания вилоятининг пойтахти Ани эди.

Бардаа шаҳрининг қадимги номи Партав. Бу кейінги ном Марказий Осиёда зуҳур қилган ва м.а. III – м.III асрларда Яқин ҳамла Ўрта Шарқ ва Қора денгиз атрофларида ҳукм сурган парфияликлар давлатининг қадимги номидир. Парфияликлар даврида бу шаҳар уларнинг ғарбга юришларида таянч ўрду вазифасини бажарган. Парфияликлар давлати инқизотга юз тутгач, шаҳар Буюк Арманиянинг Ути ўлкаси таркибиға кирди. Ал-Фарғоний даврида у Ароннинг бош шаҳри эди. X – XI асрларда шаҳарнинг мавқеи янада ошиди. Ҳозир Озарбайжон Республикасидаги Барда шаҳри, Тар-тар дарёсининг Курага қўйилишида жойлашган.

Нашаво — «Тарих ал-Боб ва Ширвон» асарида эслатилишича, Ноҳчивондир.

Сисжон — Буюк Арманиядаги Сюник ноҳиясидаги Сисакан шаҳри номининг арабча ёзилишидир.

Арzon — ўрта асрларда Кичик Арманиядаги икки шаҳарнинг номи. Уларнинг биринчиси Ван кўлининг шимолига Хилот яқинида бўлган, XIII асрда харобага айланган. Иккянчиси кўпроқ Арzon ар-Рум деб аталган; бу ҳозирги Эрзирум.

Хилот — Шарқий Анатолияда Ван кўлининг ғарбий соҳилидаги шаҳар, ҳозирги номи Ахлат.

Рум мамлакати ал-Фарғоний даврида Византияни билдиради.

Харшана — бу тарихий Хориена, Византиядаги шаҳар.

Қарра — Италиянинг жанубидаги Карра шаҳри.

Буюк Рум — Рим шаҳри.

Андалус мамлакати — ал-Фарғоний даврида Пиреней ярим ороли алоҳида Андалусия Умавий халифалигини ташкил қиласиди, пойтахти Куртоба (Кордова) эди.

Ал-Фарғоний олтинчи иқлимда Хазар мамлакатини келтиради. VII асрда Турк хоқонлигининг ғарбий қисми мустақил ривожланади. Ўша асрнинг иккинчи ярмидан

Шимолий Кавказда хоқон Ашина уругининг фарбий бир тармоғи хазарлар бошчилигига алоҳида хоқонлик ташкил қилади. Хазарлар Кавказ халқларини ўз атрофига бирлаштириб, қудратли империяга асос соладилар. Кўпчилик тадқиқотчиларининг айтишича, Хазар хоқонлиги Шарқий Оврупода илк ўрта асрлардаги биринчи феодал давлат эди. IX асрда хазарлар юксак қудратга эришадилар ва Днепргача ҳамда Дунайнинг қуёй оқимиғача ерларга ўз таъсирларини ўтказадилар. У даврларда хазарлар шарқий славянларнинг кўпчилигидан ўлпон олардилар. Биринчи рус солномаси «Повесть временных лет»да айтилишича, хазарлар «брали с дыма по шеляге или по соболю», яъни ҳар бир тутун чиқадиган уйдан бир шиллингдан ёки бир сув-сар мўйнасидан олганлар. Баъзи фикрларга кўра, Киев Русининг пайдо бўлиши ва шаклланишида хазарлар катта аҳамият касб этганлар. Хазар хоқонининг саройида ва лашкарида хоразмлик мусулмонлар катта мавқе ва таъсирга эга бўлганлар. Хазарлар шу туфайли ҳозирги Қозоғистон чўлларига ҳам катта таъсир ўтказардилар. IX – XI асрларда Қозоғистон чўллари Дасти Хазар деб аталиши бежиз эмас эди. Ал-Фарғоний даврида хазар хоқонлигининг пойтахти Волга (Итил) нинг қуилишидаги Ҳамлиғ шаҳри эди.

Ал-Фарғоний Грузияни арабийлашган Журzon номи билан атайди. Бунинг сабаби – араб тилининг хусусиятига кўра, «г» ўрнида «ж» ёзилишидир.

Амасия — Кичик Осиёдаги Каппадокияда Ирис дарёси бўйидаги қадимги шаҳар, ҳозир Туркиядаги Обулистонда Яшил Ирмоқ дарёси бўйидаги шу номли шаҳар.

Рум денгизи деб ал-Фарғоний Қора денгизни атаган, чунки бу денгиз у пайлар Рум — Византия таъсири остида эди.

Ҳирақла — қадими Гераклея Понтия, Қора денгиз бўйидаги Вифиниядаги шаҳар, ҳозир Туркияда Қора денгиз бўйидаги Эрегли шаҳри.

Халқидун — Босфорда Халкедон ярим оролидаги шу номли қадимги шаҳар, Византияниң Вифиния вилоятига кирган. Ҳозир у Истамбулнинг Осиё қисмидаги Ҳайдарпоша.

Кустантиния — ҳозирги Истамбул.

Буржон ўлкаси — бу ерда Болгарияни англатади. Лекин венгер шарқшуноси К.Цегледининг айтишича, Буржон

герман қабиласи бургундлар билан боғлиқ<sup>135</sup>. Бу фикр диққатта сазовор, чунки ал-Хоразмий Птолемейнинг Оврупо Сарматиясини, яъни Висла билан Дон оралигини Арзи Буржон деб атаган. Бургундларнинг Дунайнинг қуи оқимидағи бир қисми VII – VIII асрларда туркийлашиб, булғорлар таркибиға кирган эҳтимол.

Еттинчи иқлимда ал-Фарғоний Турклар мамлакати – Билод ат-Турк деб Турк хоқонлиги таркибиға кирган ерларни назарда тутади. Унинг даври учун бу ерлар Мўғулистондан то Дунайгача бўлган ерларни англатади.

Сақолиблар, яъни славянлар мамлакати деган алоҳида мамлакат бўлмаган. Лекин ал-Фарғоний даврида араблар славянлар ҳақида жуда яхши тасаввурга эга бўлганлар. Сақолиб сўзи аслида сақлаб сўзининг кўплиги бўлиб, бу сўз герман тилларидаги склав сўзининг арабча транскрипциясидир. Бу сўз эса герман тилларида «қул» маносини англатган. Германлар VIII аср бошларида славян қулларини Андалусияга товар сифатида келтирганлар. Славян қуллари араблар ҳудудига VII асрда Босфор орқали ва ундан анча сўнг Трапезунд орқали келтирилган. Ҳар ҳолда ал-Фарғоний турклар ерлари каби славянлар юрти ҳақида анча аниқ тасаввурга эга бўлган.

Ал-Фарғонийнинг Тўғузғузлар ери ҳақидаги хабари диққатта сазовордир. У шу иборадан бошқа маълумот бермаса-да, шу элат ва унинг ерининг эсланиши тарихий жиҳатдан ўта муҳимдир. Аҳамият берилса, тўғузғузларнинг ери Йажуж мамлакатидан сўнг эслатиляяпти. Йажуж мамлакати эса бешинчи иқлимдан бошлаб, энди тўртинчи марта эслатилишидир. Агар ал-Фарғонийнинг юқоридаги иқлимлар жадвалига назар ташласак, Йажуж мамлакати шимолга камида 7° га чўзилган. Бу эса қарийб 400 милни, яъни 800 км масофани ташкил қиласи. Демак, бу масофа га кўра тўғузғузлар ерлари шимол мамлакати деб қаралмоғи керак.

Бу масалага ал-Хоразмий бироз аниқлик киритади. У Птолемейнинг Скифия экстра Имаум, яъни Имай (Олтой) тоғлари ортидаги Скифиясини Тўғузғузлар мамлакати дейди ва географик координатларини келтиради: узунлиги – 148°, кенглиги – 59° 30'. Демак, тўғузғузлар Хитойдан шимолда ва Мўғулистоннинг шарқий қисмida яшаган турк қабилалари эканлиги аниқ. Тўғузғузлар аслида ўғуз туркларидан бўлиб, уларнинг тўққиз уруғининг

бирлашмасидир. Улар VIII аср охири ва IX аср биринчи ярмида қарлуқ турклари томонидан Хитой тарафига сурнгилганлар ва бир муддат Хитойнинг таъсири остида бўлганлар. Шуниси диққатга сазоворки, IX асрда Мисрда Тўлунний турк сулоласига асос соглан Аҳмад ибн Тўлуннинг отаси Тўлун Тўғузғуз туркларидан бўлган.

Матнга кўра, Турклар ери Тўғузғузлар еридан фарбда жойлашган. Ундан кейин эса Аллонлар ери келади. Ал-Хоразмий Птолемейнинг иккинчи Сарматиясини, яъни Дон, Волга ва Кавказ оралигини Аллонлар ери деб атайди ва кенглигини 59° 30' дейди. Шубҳасиз, худди ўша манбадан фойдаланган ал-Фарғоний ҳам шу ерни назарда тутади. Аллонлар аслида ослар билан биргаликда эроний сармат қабилаларини ташкил қилиб, милод бошларида улар Каспий ва Орол денгизи оралиқларида кўчманчилик қилиб юрганлар. Кейинчалик уларни бу ерлардан хуннлар ва ўғуз турклари Волга орқали шимолий Кавказга сиқиб чиқарганлар. Ал-Фарғоний асарида бу ҳодиса ўз аксини топган.

Бу асарда татар этнонимининг эслатилиши ҳам муҳим аҳамиятга эгадир. Одатда татар қавми мӯғуллар билан бирга Осиёнинг фарбидаги XIII асрда пайдо бўлган, дейиларди. Ал-Фарғоний фан тарихида биринчи марта бу этнос ҳақида IX асрда эслатади.

Ал-Фарғоний ўз китобининг 10 — 18-бобларида Птолемей геоцентрик астрономиясини содда тил билан баён қиласиди. Худди шу усул билан у сайёralар ҳаракатининг эклиптик ва эпициклик назарияларини изоҳлайди. Шуниси ажабланарлики, Птолемей «Алмажистий» сида мураккаб чизмалар билан баён қилинган назарияни ал-Фарғоний ўз талқинида бирорта ҳам чизма келтирмай баён этади. Лекин шунга қарамай унинг баёни жуда содда ва тушунарли. Кейинчалик Оврупода бу асар оммалашиб кетганининг асосий сабабларидан бири шу бўлса керак.

Асарнинг «Турғун юлдузларнинг сони, уларни катталиклар бўйича таснифлаш, улардан энг катта ўн бешта юлдузнинг осмондаги вазиятларини аниқлаш» деб аталган ўн тўққизинчи бобидан юлдузлар астрономияси бошланади. Ал-Фарғоний бу бобда айтишича, турғун юлдузларнинг умумий сони 1022 та бўлган. Бу соннинг аниқ айтилиши олимнинг ўзи бу юлдузларни кузатиб санашда иштирок этганлигидан далолат беради.

Шу бобнинг диққатга сазовор бир ерида «юлдузлар ҳар юз йилда бир даражага силжийди», дейилади. Бу эса ал-Фарғоний турғун юлдузларда прецессия ҳаракати борлигидан хабардор бўлганидан далолат беради. Бу ҳаракат биринчи марта Гиппарх (м.а. II аср) томонидан аниқланган ва, афтидан, унинг ўзи ҳаракатнинг миқдори юз йилда бир даражани ташкил қилишини аниқлаган. Кейинчалик Абу Райҳон Беруний бу ҳаракат 66 йилда бир даражани ташкил қилишини аниқлади.

Ал-Фарғоний эса ушбу бобда ўз ўқувчиларини астрономиянинг шундай нозик масаласидан боҳабар қилаяпти. Ушбу бобда ўёзади:

«Юқорида юлдузларнинг узунлик ва кенглик бўйича ҳаракатлари ҳақида айтилганлардан сўнг энди турғун юлдузларнинг сонлари ва уларнинг катталиклари ҳақида баён этамиз, олимларнинг юлдузлар миқдорлари ҳақидаги қиёсига кўра, таснифларини берамиз. Катта юлдузларнинг исмларини ва уларнинг осмон фалакида бизнинг замона миздаги ўрни ҳақида баён этамиз, чунки улар ҳар юз йилда бир даражага силжийди.

Биз айтамизки, олимлар жамики кузатиш мумкин бўлган олатлар ёрдамида учинчи иқлимининг энг узоқ жанубида уларга кўринган турғун юлдузларни кузатганлар ва уларнинг катталиклари бўйича миқдорларини олти қисмга ажратганлар. Катталикларини уларнинг ёруғликларига кўра ажратиб, «аш-Шуърийайн» («Икки Сириус»), «ан-Наср ал-Воқіъ» («Йиқилаётган бургут») ва «Қалб ал-Асад» кабиларни биринчи катталиkkа киритганлар. Ёруғлиги бундан бироз заиф, масалан, «ал-Фарқадайн» («Икки бузоқча»), «Банот ан-Наъш» («Тобут олдида йиғловчи қизлар») никидек бўлса, иккинчи катталиkkа киритганлар. Сўнг шу тариқа давом этиб, кузатиш имкони бўлган энг кичик юлдузларгача ажратдилар ва энг кичикларини олтинчи катталиkkа киритдилар.

Шунда улар кўрдиларки, биринчи катталиkdаги юлдузлар ўн бешта, иккинчи катталиkdагилари – қирқ бешта, учинчи катталиkdагилари – икки юз саккизта, тўртинчи катталиkdагилари – тўрт юз етмиш тўртта, бешинчи катталиkdагилари – икки юз ўн еттита, олтинчи катталиkdагилари – олтмиш учта экан. Уларнинг хирадари тўқизта, туманлик жуфтлари эса бешта. Туманлик жуфтлар «Ҳақъя» («Сочлар ҳалқаси») билан «Насра» («Сочилиб ётган-

лар») бир жуфттга ўхшашдир, чунки улар кичик юлдузлар бўлиб, туманликка ўхшаш тўпланган.

Жами кузатиш мумкин бўлган юлдузларнинг умумий сони бир минг йигирма иккита. Булардан буржлар минтақасидан шимолдагилари уч юз олтмишта юлдуз, буржлар минтақасининг юлдуз туркумларида жойлашганлари – уч юз қирқ олтида, буржлар минтақасидан жануб томонда жойлашганлари – уч юз ўн олтида юлдузлардир.

Биринчи катталиктаги юлдузларнинг вазиятларини тавсифлайлик. Улар ўн бешта. Булардан бири Ҳамал буржидা, «ан-Наҳр» («Дарё») юлдуз туркумининг охиридә, унинг йўналиши Суҳайлнинг йўли яқинида, «Савр» юлдуз туркумиди, Саврнинг кўзидаги қизил юлдуз, «ад-Дабарон» деб аталади. «Тавъамайн» («Эгизаклар») юлдуз туркумидаги «Айуқ», яшил юлдуз, унинг йўли тўртинчи иқлимда зенитга яқин, Эгизакларнинг чап оёғида.

«Жавзо»нинг ўнг елкасидаги қизил юлдуз «Йаман Сириуси», у «Кечув» ва «Суҳайл» деб ҳам аталади. У «Кема» юлдуз туркумига киради. «Йаман Сириуси» билан бирга «Эгизак»нинг охирида ва бир вақтнинг ўзида улар икласининг орасида само бор. Саратонда «Шом Сириуси», уни «ал-Фамиса» деб атайдилар, Асадда «Асаднинг қалби», у буржлар минтақасида – Қуёшнинг йўлида жойлашган. Асаднинг думидаги юлдузни «ас-Сарфа» («Бурилиш») деб аташади. Мезонда «ас-Симок ал-аъзал» («Куролсиз Симок»), у Сунбула чап аёлининг қўлида ва «ас-Симок ар-Ромих» («Найза отувчи Симок»), зенит яқинида унинг ёнидаги қизил юлдуз: «Кентавр» юлдуз туркумидаги ўнг оёғидаги юлдуз, уни «аз-Золимон» («Коронфилар») дейишади. Унинг йўли Суҳайл қўли яқинида ва «ан-Наср ал-Воқіъ» («Ийқилаётган бургут») ёйида ҳамда йўли – зенитда. Даљвда «Ҳутнинг оғзи» йўлида Ақрабнинг захри оқимида бир юлдуз бор, у «аш-Шавла» («Ниш») деб аталади. Самодаги ҳамма катта юлдузлар мана шулардан иборат»<sup>136</sup>.

Бу ерда ал-Фарғоний эслатган юлдузлар сони ва уларнинг катталиклар бўйича ҳамда осмон сфераси қисмларининг жойлашиши бўйича таснифи аслида Птолемейницидир. Чунки у ўз «Алмажистий»сида келтирган юлдузларнинг жами 1022 та эди. Эклиптикандан шимолда, унинг ўзида ва ундан жанубдаги юлдузларнинг сони ҳам ал-Фарғоний эслатган рақамларга мос келади. Демак, бундан кўринадики, халифа ал-Маъмун давридаги астроном-мунахжим-

лар самодаги юлдузларни кузатган бўлсалар ҳам, улар Птолемейнинг юлдузлар жадвалига янгилик киритмай, фақат уларнинг сферик координатларини аниқлаштириш билан кифояланганлар. Ал-Фарғоний келтирган йирик юлдузларнинг номлари аслида Птолемейга маълум бўлган юлдузларнинг арабча номларидир. Ал-Фарғоний асарнинг бу ерда келтирилган 19-боби ва ундан кейинги 20-бобида берилиган маълумотларга кўра, у ўз асарини ёзища юлдузлар осмони глобусидан фойдаланган.

Мусулмон астрономларидан юлдузлар жадвалига биринчи бўлиб янгилик киритган олим Абу Райхон Берунийдир. У ўзининг машҳур «Қонуни Масъудий» асари тўққизинчи мақоласининг «Тургун юлдузларни санаб кўрсатиш ҳақида» деб аталган бебида 1029 та юлдузнинг жадвалини келтирган.

Асарнинг кейинги, йигирманчи боби «Ой манзиллари деб аталувчи ёритгичларнинг васфи ҳақида, улар йигирма саккизта манзилдир» деб аталган. Бу бобнинг Птолемей «Алмажистий»сига ҳеч алоқаси йўқ. Бу бобда ал-Фарғоний астрономия тарихида биринчи бўлиб арабларнинг ой манзиллари ҳақидаги қарашларини баён қиласди. Қадимги араблар Ой ўзининг бир ойлик ҳаракатида ҳар куни алоҳида юлдуз туркумидан иборат бир манзилда бўлади, деб ҳисоблаганлар.

**Ал-Фарғоний бундай ёзади.**

«Бу ерда энди Ой манзилларини баён этамиш, уларнинг арабча аталадиган номларини келтирамиз, чунки кўпчилик кишилар уларни мана шу номларда билишади. Уларнинг биринчиси «аш-Шартон» («Икки белги») манзилидир. Улар Ҳамалнинг бошидаги бир-биридан фарқли иккита нурли юлдуз. Уларнинг шимолдагиси ёруғроидир.

Сўнгра «ал-Бутайн» («Қоринча») у, Ҳамалнинг қорни, улар бир-бирига яқин учта кичик юлдуздир.

Сўнгра «Сураййо», уни «ан-Нажм» («Юлдуз») ҳам дейишади, улар бир жойга тўпланган олтита кичик юлдуздан иборат.

Сўнгра «ад-Дабарон», у ҳақда катта юлдузлар бобида гапирганмиз. Араблар уни «ал-финниқ», яъни «бойвачча» дейдилар. У билан кичкина юлдуз бор, уни «ал-фалоис» дейишишади.

Сўнгра «ал-Ҳақъя» («Сочлар ҳалқаси»), у Жавзонинг бошидаги бир-бирига яқин учта кичик юлдуз.

Сүнгра «ал-Ханъа», у бир-биридан фарқли икки юлдуз, улардан шимолийси ёруғ, иккаласи ҳам Эгизаклар оёқла-ри орасида жойлашган.

Сүнгра «аз-Зираъ» («Тирсак»), у Эгизакнинг бошидаги кўшалоқ юлдуз.

Сүнгра «ан-Насра» («Сочилиб ётганлар»), у «Асаднинг оғзи» деб аталади. У иккита кичкина юлдузнинг кесиши-шига ўхшаш кичик туманлик парчасидан иборат. Бу Птолемейда Саратоннинг жасади каби тасвиirlанган.

Сүнгра «ат-Тарф» («Кўз»), иккита кичкина юлдуз. Иккаласининг арабча исми «Айн ал-Асад» яъни «Асаднинг кўзи».

Сүнгра «ал-Жабҳа» («Пешона»), у тўртта ёруғ юлдуз. Уларнинг ҳайвонга (ўхшаш) бурилишдагиси «Асаднинг қалби» юлдузлариidir.

Сүнгра «аз-Зубра» («Тўсин»), у Асаднинг қалбига тегишли иккита нурли юлдуз, улар «Икки тешик» деб ҳам аталади.

Сүнгра «ас-Сарфа» («Бурилиш»), у Асаднинг думидалигини деб биз олдин айтганмиз.

Сүнгра «ал-Авво» («Хурувчи»), у бешта юлдуз. Улар «алиф» ҳарфининг ёзувига ўхшаш қатор саф тортган, фарқли юлдузлар, биттаси бўйинда, яъни ғарбда – Азро юлдуз туркумида.

Сүнгра «Симок ал-аъзал» («Қуролсиз Симок»), у ҳақда катта юлдузлар бобида эслатган эдик.

Сүнгра «ал-Фафр» («Парда»), у бир-биридан фарқланувчи учта юлдуздан иборат, улардан иккитаси «аз-Зубонайн» («Икки қисқич»)дан олдинда.

Сүнгра «Ақрабнинг қисқичлари», улар чорраҳадаги икки юлдуз, у Мезоннинг паллалари.

Сүнгра «ал-Иклил» («Тож»), у саф тортган учта ёруғ юлдуз.

Сүнгра «Қалб ал-Ақраб», у ёруғ икки юлдуз орасидаги қизил ёрқин юлдуз.

Сүнгра «аш-Шавла» («Ниш»), у Ақраб заҳри, бир-биридан фарқли икки юлдуз, улардан бири нурли.

Сүнгра «Туяқушлар», у ёруғ саккизта юлдуз: улардан тўрттаси Сомон йўлида ва улар «Сувдан чикувчилар» деб аталади. Тўрттаси эса Сомон йўлидан ташқарида ва улар «Сувга тушувчилар» дейилади. Улар Қавс юлдуз туркумидан.

Сўнгра «ал-Балда» («Қошлар ораси»), бу Сомоннинг очик жойи, у «Кичик тякүшлар»га тегишли; унда юлдуз йўқ.

Сўнгра «Саъд аз-зобих» («Сўювчининг баҳти»), улар икки кичик юлдуз, шимолийси бекилган ва ёпишган. Араблар уни «аш-Шот» («Алоҳида») дейишади ва шундан «Сўювчи» деб аталган.

Сўнгра «Саъд балаъ» («Ютувчининг баҳти»), у Сомон йўлидаги иккита кичкинагина юлдуз.

Сўнгра «Саъд ас-суъуд» («Бахтлар баҳти»), у учта юлдуздан иборат, улардан бири нурли.

Сўнгра «Саъд ал-ахбия» («Чодирлар баҳти»), у учбурчак шаклидаги учта юлдуз, уларнинг ўртасида тўртинчи юлдуз ҳам бор.

Сўнгра «Фарғ ад-далв муқалдам» («Олдинги чеҳак оғзи»), у иккита нурли юлдуз, уларнинг шимолийси «Манкиб ал-Фирас» («Отлиқнинг елкаси») деб аталади.

Сўнгра «Фарғ ал-муаххар» («Кейинги чеҳак оғзи»), улар бир-биридан фарқли иккита юлдуз, улар аввалги иккита-га яқин.

Сўнгра «Ҳут», у шимолий Ҳут юлдузи, у «Икки белги»га тегишли<sup>137</sup>.

Ўрта асрлардаги араблар 28 та Ой манзилида белгилаган юлдузлар ҳозир аниқланиб, идентификация қилинган. Бу идентификация қуйидагичадир.

1- манзилдаги икки юлдуз – Ҳамалнинг β ва γ юлдузлари.

2- манзилдаги уч юлдуз – Ҳамалнинг δ, ε ва ρ юлдузлари.

3-манзилдаги олти юлдуз – Саврнинг δ, ϑ, ψ, λ, φ ва η юлдузлари.

4-манзилдаги бир юлдуз – Саврнинг α юлдузи.

5-манзилдаги уч юлдуз – Орионнинг λ, φ<sup>1</sup>, φ<sup>11</sup> юлдузлари.

6-манзилдаги икки юлдуз – Эгизакларнинг γ ва ξ юлдузлари.

7-манзилдаги икки юлдуз – Эгизакларнинг α ва β юлдузлари, улар ҳозир Кастро ва Поллукс деб аталади.

8-манзилдаги уч юлдуз – Саратоннинг γ, δ ва ε юлдузлари.

9-манзилдаги икки юлдуз – Саратоннинг η ва Асаднинг λ юлдузлари.

10-манзилдаги тўрт юлдуз – Асаднинг α (Регул), γ, η ва ζ юлдузлари.

11-манзилдаги икки юлдуз – Асаднинг δ ва η юлдузлари.

12-манзилдаги бир юлдуз – Асаднинг β юлдузи, у ҳозир Денебола (Занабал Асад – яъни «Асаднинг думи» атамасидан) деб аталади.

13-манзилдаги беш юлдуз – Сунбуланинг β, γ, ε ва η юлдузлари.

14-манзилдаги бир юлдуз – Аэроннинг α юлдузи, у ҳозир Спика деб аталади.

15-манзилдаги учта юлдуз – Аэроннинг ι, κ ва λ юлдузлари.

16-манзилдаги икки юлдуз – Мезоннинг α ва β юлдузлари.

17-манзилдаги уч юлдуз – Ақрабнинг β, δ ва π юлдузлари.

18-манзилдаги бир юлдуз – Ақрабнинг α юлдузи, у ҳозир Антарес деб аталади.

19- манзилдаги икки юлдуз – Ақрабнинг λ ва γ юлдузлари.

20-манзилдаги саккиз юлдуз – Қавснинг γ, δ, ε, η, ζ, σ, τ ва φ юлдузлари.

21-манзилдаги бўшлиқ – Қавснинг π юлдузи яқинидаги юлдузсиз бўшлиқ.

22-манзилдаги уч юлдуз – Жадийнинг α, ν ва β юлдузлари.

23-манзилдаги уч юлдуз – Даљнинг ε, μ ва ν юлдузлари.

24-манзилдаги уч юлдуз – Даљнинг ρ, ξ юлдузлари ва Жадийнинг α юлдузи.

25-манзилдаги тўрт юлдуз – Даљнинг γ, η, ξ ва π юлдузлари.

26-манзилдаги икки юлдуз – Пегаснинг α ва β юлдузлари.

27-манзилдаги икки юлдуз – Пегаснинг γ ва δ юлдузлари.

28-манзилдаги бир юлдуз – Андромеданинг β юлдузи, ҳозир у Мирак деб аталади.

Беруний «Қонуни Масъудий»сида Ой манзилларига «Араблар ва ҳиндлар фикрича Ой манзиллари ва уларнинг юлдузлари ҳақида» деб аталган маҳсус бобни бағишилаган<sup>128</sup>.

Ал-Фарғоний асарининг 21-боби сайёralар ва турғун юлдузларнинг Ердан масофасини аниқлашга бағишиланган.

Муаллиф бобнинг бошланишида Птолемей фақат Қүёш билан Ойнинг ергача масофасини топгани ва сайёralарнинг шундай масофасини топмагани учун танқид қилади ва шу ишни ўзи қилажагини айтади. У ҳам, ўзидан аввалиги астрономлар каби, бу ўлчамларда масштаб бирлиги қилиб Ернинг радиусини танлайди. Юқорида айтилганидек, у Ернинг диаметрини 6500 мил ва радиусини 3250 мил топган эди. Шунга кўра у Ойнинг Ергача энг яқин масофасини, яъни перигейини Ер радиусининг 33га кўпайтмасига тенг, яъни 109026 мил деб топади. Энг узоқ масофаси – апогейини эса Ер радиусининг  $64 \frac{1}{4}$  га кўпайтмасига тенг, бу эса Уторуднинг Ерга энг яқин масофаси, яъни 208542 мил деб топади. Бир мил 1,995 км бўлгани учун бу масофалар километрларда 217507 ва 416041 ни ташкил қилади. Ал-Фарғоний бу масофаларни қандай усулага кўра топганини айтмаган бўлса ҳам, у шу бобда апогей орбитаси ва эпицикллар назариясига кўра аниқлагани билинади. Бу усул Берунийнинг «Қонуни Масъудий»сида муфассал баён қилинган<sup>139</sup>. Ҳозирги аниқлашларга кўра, Ойнинг Ердан перигейдаги масофаси 363300, апогейдаги масофаси 405500 км бўлиб, ал-Фарғоний келтирган қийматлардан бирмунча фарқ қилади.

Ал-Фарғоний бобнинг давомида Ердан сайёralаргача масофаларни ҳам аниқлайди. Уларнинг қиймати ҳам ҳозирги маълум қийматлардан катта фарқ қилади.

Асарнинг кейинги боблари сайёralар юзаларини ўлчашга, параллакс масалаларига, сайёralарнинг чиқиш ва ботишлирига, Ой чиқиши ва ботиши, Қуёш ва Ой тутилиши масалаларига бағишинланган. Юқорида айтганимиздек, олим бу асарини кенг китобхонлар оммасига мўлжаллаб, чизмалар ва формуласарни келтирмайди.

XII аср ўртасида ал-Хоразмийнинг математик ва астрономик асарлари билан бирга ал-Фарғонийнинг ушбу асари лотинча таржимасининг Оврупода пайдо бўлиши Оврупо маданияти учун инқилобий бир ҳодиса бўлди. Ҳақиқатан ҳам, XII асрнинг бошида бутун Оврупо илм ва маданият жиҳатидан ҳали саҳар пайтидаги уйқу ҳолатида эди. У пайтлар фақат Испаниядаги ва Жанубий Италиядаги баъзи шаҳарларда овруполиклар араблар билан мулоқот қилар ва бу ерга етиб келган ислом фани ва маданиятининг баъзи намуналари билан танишар эдилар. Ўша даврларла Испа-

ниядаги Севилья (арабча Ишбилиядан), Толедо (арабча Тулайтиладан), Мадрид (арабча Мажритдан) шаҳарларига аввало Испаниянинг шимолий қисмидан, сўнг Италия, Франция, Британия ва ҳатто Германиядан ҳам қизиқувчилар «арабларнинг билимларини ўрганиш учун» келардилар.

Улар бу ерда араб тилини ўрганиб, таржимонлик қиласдилар. XII асрнинг машҳур таржимонлари Аделард Бат (Англиядан), Герардо Кремона (Италиядан), севильялик Иоанн (Испаниядан) шулар жумласидан эдилар. Улар мусулмон фани ва маданиятининг энг яхши намуналарини лотинчага таржима қилиб, аввало ўша даврдаги Оврупонинг илфор мутафаккир тоифаларига етказдилар. Бу кейингилар эса илк «коллегиялар» (кейинги «коллежлар»), монастирлар ва университетларда Оврупо ёшлирига етказдилар. XIII асрда Оврупонинг илфор фикрли кишиларидан Рожер Бэкон ва Буюк Альберт ислом олимларининг асарларига юқори баҳо бердилар. Шу тариқа Оврупода илк Ренессанс бошланди. XV аср ўрталарида Ренессанс илдам одимлар билан бораётган кезда Иоган Мюллер (Региомонтан) Оврупо университетларида ал-Хоразмий математикаси ва ал-Фарғоний астрономиясидан маърузалар ўқиди.

Шундай қилиб, Ал-Фарғонийнинг юқорида биз танишган асари ўрта асрлардаёқ дунё маданиятига тўла сингиб кетди.

Ал-Фарғонийнинг муҳим тарихий аҳамият касб этган иккинчи асари астурлоб ясаш ҳақидаги рисоласидир. Бу асар қуйидаги номлар билан маълум: «Ал-Камил фй санъа ал-астурлаб аш-шимали вал-жануби бил-ҳандаса вал-ҳисаб» («Геометрик ва ҳисоб усули билан шимолий ва жанубий астурлоб ясаш ҳақида тўла маълумот»), «Китаб фй санъа ал-астурлаб» («Астурлоб ясаш ҳақида китоб»), «Китаб ал-камил ал-Фарғоний» («Ал-Фарғонийнинг мукаммал китоби»). Бу номларнинг иккинчиси – «Астурлоб ясаш ҳақида китоб» унинг анча кенг тарқалган ва кўпчилик томонидан қабул қилинган номидир. Асарнинг қўлэзмалари Берлин (5790/1, 5791 – 5792), Кастамону (794/4), Лондон (5479/2), Машҳад (5593), Париж (2456/5), Техрон (6411, Сипоҳсолор, 702) кутубхоналарида сақланади.

Асар тавсифланган ва қисман ўрганилган. У сўз боши ва етти бобдан иборат. Сўз бошида қуйидагилар битилган: «Аҳмад ибн Касир ал-Фарғоний деди: илми нужум билан машғул бўлган қадимги олимлар осмон фалакларининг ҳара-

катлари ва бунда юз берадиган ҳодисаларни кузатиш ва ўлчаш ёрдамида аниқлаганлар. Улар қўпинча ўлчаш асбобларидан зотул ҳалақ асбобидан фойдаланганлар ва унинг кўрсаттанларига асосланганлар. Улар бу асбобни уларга аниқ бўлган осмоннинг шакли курравий эканлигини аниқ билган ҳолда ва фалакнинг ҳаракатлари, айниқса, иккита биринчи ҳаракатини билган ҳолда ясаганлар. Мен барча фалакларни шарқдан ғарбга айлантирувчи энг катта фалакнинг ҳаракати ва барча ёритгичларга хос бўлган оғма фалакнинг ғарбдан шарққа ҳаракатини назарда тутаман. Бу фалак эклиптикадир, унинг кутби энг катта фалакнинг кутблари атрофида айланади.

Улар бу асбоб ёрдамида аниқлаганларининг далили ҳандаса (геометрия) фанидан хабардор кишиларга маълум. Лекин биз биламизки, улар астурлоб деб аталувчи бошқа ускуна ҳам ясаганлар. Унинг сатҳи зотул ҳалақ ҳалқасининг сатҳидан фарқлидир. Унинг ёрдамида фалакнинг кўп ҳаракатларини ва Ернинг ҳар хил иқлимларида кундуз ва кеча орасидаги фарқни аниқланади. Уни ясашда у билан бўладиган ўлчашларда фақат унинг шаклини аниқлаш учун керак сабаблар ва кўрсатмаларнинг тўғрилиги эътиборга олинди. Лекин биз бирор киши буни таърифлаганини ва китобда битганини кўрмадик. Одамлар астурлобдан фойдаланишда тақлид қиласидилар ва бунда у билан аниқланадиган осмон фалакининг ҳаракати зотул ҳалақ билан аниқланганига ва ҳисоблаб топилганига таянадилар ва асбоб тўғрилигини ва унинг ясалиш асосини далилсиз қабул қиласидилар.

Ана шу биз эслатган шубҳалар бу масалада бизнинг замонамиизда илм билан машғул баъзиларни астурлоблар ўтмишда хато тузилган ва унинг ясалишида амал қилинган асослар нотўғри, дейишга олиб келди. Улар ўзлари эришган билимга асосланиб, астурлоб ясашда бошқа йўлларни кўрсатадилар ва уларни гўё тўғри деб ўйладилар. Ваҳоланки, мавжуд усул фойдаланиш учун қулай, тўғри ва аниқ бўлиб қолаётир. Шунинг учун биз ушбу умумлаштирувчи китобимизни ёздиқ, бунда биз астурлобнинг шакли, унинг асосларининг моҳияти, кўрсатмаларининг тўғрилиги, астурлобда тасвир этилган осмон фалаки айланаларининг миқдорини аниқлаш усуллари, Ернинг ҳамма чеккалари учун уларни тасвирлаш тартиби, ундан фойдаланиш усулларидаги фарқнинг аҳамиятсизлиги хусусидаги қадимгиларнинг амаллари тўғрилигини асослаймиз.

Ҳар бир бобда амалларни геометрик чизмалар билан мумкин қадар қисқа сўзлар билан исбот ва далилларни келтирамизки, булар илми ҳандаса билан илми нужум ўртасида умумий бўлади. Дарвоқе, баъзи далилларда олимларнинг китобларида кўрсатганинига эҳтиёжимиз тушса ҳам, биз улар ҳақида қисқача ва соддароқ шаклда айтамиз. Биз китобчамизда ўз тавсифимизни унинг тузилишига кўра етти бобда баён қиласиз.

Биринчи боб – астурлобнинг шаклини асослаш хусусида геометрик жумлаларни келтириш ҳақида.

Иккинчи боб – астурлоб тузилишининг асослари ва осмон фалакининг барча айланаларига астурлоб сатҳидаги тўғри чизиқлар ва айланалар мос келиши ҳақида.

Учинчи боб – астурлоб сатҳидаги айланалар миқдори ва улар марказлари ўринларини ҳисоблаб аниқлаш ҳақида.

Тўртинчи боб – айланалар марказларининг барча иклиmlардаги ўринларини жадвалда келтириш.

Бешинчи боб – астурлоб билан шимолий кутб тарафидан амал қилинганида уни чизиш ҳақида.

Олтинчи боб – астурлоб билан жанубий кутб тарафидан амал қилинганида уни чизиш ҳақида.

Етгинчи боб – астурлоб шаклини чизганда биз тавсиф қилгандан бошқа тасаввур қилган барча шакллар мумкин эмаслиги ва хатолиги ҳақида».

Бу сўз бошида айтилганларга кўра, ал-Фарғоний рисоласи халифаликда астурлоб ясашга (санъа ал-астурлаб) бағишлиланган илк асар бўлган. Ҳақиқатан ҳам, Г.П.Матвиевская ва Б.А.Розенфельдлар томонидан нашр этилган мусулмон математиклари ва астрономларига бағишлиланган фихристда айтилишича, ал-Фарғонийдан олдин ўтган бирор муаллиф бу маънодаги асар ёзмаган. Бундай асарни фақат ал-Фарғонийга сафдош ва замондош бўлган Аҳмад ал-Марвазий ёзган<sup>140</sup>. Лекин у узоқ умр яшаб, ўз асарини ал-Фарғонийдан бир мунча кейин ёзган. Шунинг учун буюк олимнинг бу асари улкан тарихий аҳамият касб этади.

Мазкур етти бобда қуидагилар диққатга сазовордир.

Биринчи бобда: а) Ушбу лемма исботланади: агар айланани унга уринма бўлган тўғри чизиқقا О нуқтадан стереографик проекцияланганда АВ ватар А' В' кесмага проекцияланса, у ҳолда ОАВ ва ОВА бурчаклар мос ОВ'А' ва ОА'В' бурчакларга тенгdir; б) куррани текисликка стереографик проекцияланганда, проекциялаш марказидан

ўтмаган айланалар айлана шаклида проекцияланади; в) курранни текисликка стереографик проекцияланганида курра сиртидаги айланалар марказлари текисликка мос айланаларнинг марказлари бўлиб проекцияланмайди.

Бу ерда астурлоб сатҳидаги айланалар – аслида осмон экватори, тропиклар, параллеллар, алмуқантаротлар ва вертикалларнинг осмон фалакининг жанубий кутбидан («шимолий астурлоб») ёки шимолий кутбидан проекцияланган даги («жанубий астурлоб») стереографик проекцияларидир.

Учинчи бобда жанубий кутбдан проекциялаганда экватор параллелларидан Саратон ва Жадий тропикларини ифодаловчи айланалар радиусини аниқлаш тавсифланади; бу радиуслар

$$\rho = \frac{2R\cos\epsilon}{1+\sin\epsilon} \text{ ва } \rho = \frac{2R\sin\epsilon}{1-\sin\epsilon}$$

бу ерда  $R$  – осмон экваторини ифодаловчи айлананинг радиуси.

Шу бобда яна осмон сферасининг эклиптик координатлари  $\lambda$  ва  $\beta$  ҳамда ўтиш даражаси  $\mu$  бўлган нуқтасининг оғиши  $\delta$  ни ҳисоблаш тавсиф қилинади. Бунда нуқтанинг тўғри чиқиши  $\alpha_0$  ўтиш даражаси  $\mu$  ва энг катта оғиш  $\epsilon$  билан

$$\operatorname{tg} \alpha_0 = \operatorname{tg} \mu \cdot \cos \epsilon$$

муносабат орқали боғланганлиги таъкидланади.

Шунингдек, оғиши  $\delta$  бўлган параллелни тасвирловчи айлананинг радиуси ва астурлобнинг эклиптикадаги Қуёш туришлар нуқтасининг тасвири ва даражаси  $\mu$  бўлган нуқта орқали ўтувчи диаметрлари орасидаги бурчак ўргимчакнинг координатлари  $\lambda$  ва  $\beta$  бўлган юлдузни ифодаловчи нуқтасининг кутб координатлари эканлиги кўрсатилади. Сўнгра алмуқантарот ва вертикалларни ифодаловчи айланаларни ясаш тавсифланади.

Тўртинчи бобда: а) параллелни ифодаловчи айлана радиуси  $\rho$  нинг параллел оғиши  $\delta$  дан боғлиқлигини ифодаловчи

$$\rho = \frac{2R\cos\delta}{1+\sin\delta}$$

муносабат учун жадваллар келтирилади; б) тўғри сфера даги чиқиши жадвали келтирилади, у эклиптика нуқтаси

түғри чиқиши  $\alpha_0$  нинг унинг узунлиги  $\lambda$  дан боғлиқлигини

$$\operatorname{tg} \alpha_0 = \operatorname{tg} \lambda \cdot \cos \varepsilon$$

муносабат билан ифодалайди; в) «турғун юлдузлар жадвалида» 25 юлдузнинг номи ва улар учун  $\lambda, \beta, \delta$  ва  $\mu$  нинг қийматлари ҳамда  $\beta$  ва  $\delta$  нинг ишоралари кўрсатилади; г) «алмуқантаротлар жадвалида» алмуқантаротларни ифодаловчи айланалар марказларининг тимпан марказидан масофаси  $\gamma$  ва шу айланалар радиуси  $r$  нинг алмуқантарот баландлиги  $\eta$  ва маҳаллий кенглик  $\phi$  дан боғлиқлигини кўрсатади. Бу боғланишларни

$$\gamma = \frac{1}{2}[x - y], \quad \rho = \frac{1}{2}(x + y)$$

муносабатлар билан ифодалаш мумкин, бу ерда

$$x = \frac{\varphi - h}{2}, \quad y = \frac{\varphi + h}{2}, \quad h = 0^\circ, 1^\circ, \dots, 90^\circ; \quad \varphi = 15^\circ, 16^\circ, \dots, 50^\circ;$$

д) «азимутлар жадвали», вертикалларни ифодаловчи айланаларнинг улар марказларининг түғри чизиги билан кесишиш нуқталаридан меридианларни ифодаловчи түғри чизикчача масофаси  $X$  нинг азимут  $A$  ва жой кенглиги  $\phi$  билан боғланишини кўрсатади. Бу боғланишни

$$X = \frac{4R}{\cos \varphi} \cdot \frac{1 - \sin A}{\cos A}$$

формула билан ифодалаш мумкин, бу ерда  $h = 0^\circ, 5^\circ, 10^\circ, \dots, 90^\circ; \varphi = 15^\circ, 16^\circ, \dots, 50^\circ$ .

Еттинчи бобда осмон сферасини олам ўқининг ихтиёрий нуқтасидан ва, айниқса, олам ўқига параллел проекциялаш хусусида муфассал тўхталади. Бу кейинги ҳолда осмон сферасининг айланалари эллипслар шаклини олиши айтилади ва муаллиф эллипсни «тандир шакли» (шакл аттанинури) дейди. Ал-Фаргоний бу проекцияни ишлатса-да, ўзи маъқул топмайди. Лекин ундан кейин  $X$  асрда бу проекцияни ас-Сағоний маъқуллаб чиқади.

Бу асар ал-Фарғонийнинг аввалги рисоласи каби Овру-по олимлари томонидан ўрганилган. Олимнинг 1200 йиллик юбилейи муносабати билан ватанимизда бу асарнинг русча изоҳли таржималари нашрга тайёрланган.

Ал-Фарғонийнинг қолган олтита асари ҳали ўрганилмаган. Улар қўйидаи илардир.

III. «Астурлоб билан амал тутиш кигоби» («Китоб амал бил-астурлаб»); унинг биргина нодир қўлёзмаси Ҳиндистонда Рампур (164) кутубхонасида сақланади.

IV. «Ал-Фарғоний жадвали» («Жадвал ал-Фарғоний») асари, бунинг биргина нодир қўлёзма нусхаси Ҳиндистонда Патна (2580/8) кутубхонасида сақланади.

V. «Жалий диаметри учун ал-Фарғоний жадвали» («Жадвал ал-Фарғоний ала қутр ал-жадий») рисоласининг биргина қўлёзмаси Туркияда Маниса (1698/3) кутубхонасида сақланади.

VI. «Ой ер устида ва остида бўлган вақтида вақтни аниқлаш ҳақида рисола» («Рисола фи маърифа ал-авқот аллати йакуну ал-қамар фиҳа фавқа ал-ард ау тахтаҳа»), бунинг биргина қўлёзмаси Қоҳирада (У 311) сақланади.

VII. «Етти иқлимини ҳисоблаш» («Ҳисоб ал-ақолим асабъя») рисоласининг икки қўлёзмаси мавжуд; бири Германияда Гота (1523) кутубхонасида, иккинчиси Қоҳирада (У 310) сақланали.

VIII. «Куёш соатини ясаш ҳақида китоб» («Китоб амал ар-руҳама») рисоласининг икки қўлёзмаси мавжуд: бири Суриянинг Ҳалаб шаҳрида Қадdur кутубхонасида, иккинчиси Қоҳирада Қаҳрабои кутубхонасида сақланади.

«Ал-Хоразмий зижининг сабаблари ҳақида» («Таълил ли-зиж ал-Хоразмий») номли яна бир рисоласини фақат Беруний эслатади, лекин унинг ўзи сақланмаган.

Ал-Фарғонийнинг асарлари сон жиҳатидан кўп бўлмаса ҳам, унинг номи, Хоразмийнинг номи каби, Шарқ ва Фарбла машҳурдир. Унинг номи Ўрта асрларда табиий-илмий билимларнинг ривожига улкан ҳисса қўшган олим сифатида манбаларда, сўнгги Фарб ва Шарқ муаллифлари асарларида, ўз юрти Ўзбекистонда, айниқса, зўр сурур ва иғтихор билан тилга олинади, ўрганилади. Ҳозирги кунда кўчалар, истироҳат боғлари, ўкув юртларига унинг номи берилган.

\* \* \*

Ҳурматли китобхон! Юқорида биз Аҳмад ал-Фарғонийнинг даври, ҳаёти ва ижодини қўлимизда мавжуд манбалар асосида мумкин қадар тўла ёритишга ҳаракат қилдик. Албатта, бизнинг қўлимиз етмаган ва бизга номаълум қолган манбалар бу маълумотлар доирасини янада кенгайтиради. Лекин, ўйлаймизки, юқорида келтирилган маълумотларнинг ўзиёқ машҳур Фарғона фарзанди ҳақиқатан ҳам фан ва маданият тарихида чуқур из қолдирган буюк олим эканилигини кўрсатади. Илк ўрта асрлар даврида, ҳали қўп мамлакатлар ва халқиар қолоқлик ва ғафлат уйқусида ётган бир пайтда, бу олимнинг илмларнинг юксак чўққилирига ва пироварида дунё миқёсида илм шуҳратига эришаолгани кишини ҳайратда қолдиради.

Биз юқорида кўрдикки, ал-Фарғоний бизнинг заминимиздан зуҳур қилган машҳур олимлардан фақат бири эди.

Ал-Фарғоний мисолида биз Ватанимизнинг ўтмиш тарихи ва маданиятига яна бир нигоҳ ташладик. Дунёга ал-Фарғоний ва ал-Хоразмий, Беруний ва Улуғбекларни берган бу Ватан қадимги бой ва буюк маданиятга эга бўлганлигига яна бир бор гувоҳ бўлдик. Ишончимиз комилки, келажак тадқиқотлар фанимиз ва маданиятимиз тарихидаги янги номларни очади, маълум олимларнинг эса ижодининг янги қирраларини намоён қиласди.

## ИЗОХЛАР:

1. Ислом Каримов. Тарихий хотирасиз келажак йўқ. – «Мулоқот» журнали, 1998, № 5, 12-бет.
2. Ўша жойда, 11-бет.
3. Ўзбекистон Республикаси. Энциклопедия. Тошкент, 1997, 56-бет.
4. Берништам А. Н. Древняя Фергана. Ташкент, 1951. С. 6.
5. Геродот. История в девяти книгах / Перевод и примечания Г.А.Стратановского. Л., 1972. С. 168. Одатда Геродотнинг тўқиз китобдан ибодат бу асарига ҳавола қилинганида унинг асари китобининг рақами ҳамда китоб параграфининг рақами келтирилади. Шунга кўра бу ҳолда ҳавола (III, 92) бўлади.
6. Берништам А.Н. Юқоридаги асар, 7-бет.
7. История Узбекистана в источниках. Составитель Б.В.Лунин. Ташкент, 1984. С.186.
8. Горбунова Н.Г. Фергана по сведениям античных авторов. – В кн.: История и культура народов Средней Азии (Древность и средние века) / М., 1976. С.26-30.
9. Dani A.H. and Bernard P. Alexander and his successors in Central Asia.- In: History of civilizations of Central Asia. Vol. II. 700 b.c. – a.d. 250. Editor: Janos Harmatta. Co-editors. B.N.Puri and G.F. Etemadi: UNESCO Publishing.1996, P.67–97, see: P.92.
10. Bernard P. The Greek Kingdoms of Central Asia. – Op.cit., pp.99–129, see p.100.
11. Puri B.N. The Kushans. Op.cit., pp. 247–263.
12. «История» ат-Табари. Избранные отрывки / Перевод с арабского В.И.Беляева. Дополнения к переводу О.Г.Большакова и А.Б.Халилова. – Ташкент, 1987. С.19 ( Русчадан таржима менини – А.А.).
13. Ўша жойда, 211-бет. Халифа Умар 644 йил охиригача ҳукм сурган.
14. Ўша жойда, 26-бет.
15. История стран зарубежной Азии в средние века. – М., 1970. С.71.
16. Ўша жойда, 73-бет.
17. Ал-Белазури. Китаб футух ал-булдан (Извлечения) / С.Волина. – В кн.: Материалы по истории туркмен и Туркмении. Т.1. (VII–XV вв.) – М.–Л., 1939. С.74.
18. «История» Табари, с.137, 140.
19. Ўша жойда, 141-бет.
20. Ўша жойда, 145–146-бетлар.
21. Ibn Wadhin qui dicitur al-Ja’cubī, Historiae pars altera historiam islamicam continens / Ed. M. Th. Houtsma. Lughdumo Batavorum, E.D. Brill, 1883, р. 354–355.
22. «История» Табари, 184–185-бетлар.
23. Ўша жойда, 208–217-бетлар.

24. Ўша жойда, 267–270-бетлар.
25. Большаков О.Г. Введение. — В кн.: Очерки истории арабской культуры V–XV вв. / Отв. ред. Большаков О.Г. — М., 1982. С.5–12.
26. Абу Райхан Беруни. Избр. произведения. Т.4. Фармакогнозия в медицине (Китаб ас-сайдана фи-т-тибб) / Иссл., пер., примеч. и указат. У.И.Каримова. — Ташкент, 1973. С.138.
27. Грюнебаум Г.Э., фон. Основные черты арабо-мусульманской культуры: Статьи разных лет / Составитель Д.В.Фролов, отв. Ред. А.Б.-Кудслин, М.Б.Пиотровский. — М., 1981. С.63–64.
28. Монтгомери У.Уотт. Влияние ислама на средневековую Европу. (Перевод с английского С.А.Шуйского. Отв. ред. и автор предисл. А.В.Сагадеев. — М., 1976. С. 28–29.
29. Григорьян С.Н. Из истории философии Средней Азии и Ирана VII–XII вв. — М., 1960. С.33.
30. Ўша жойда, 48-бст.
31. Большаков О.Г. Средневековый арабский город. — В кн.: Очерки истории арабской культуры V–XV вв. С.179.
32. Абу Райхон Беруний. Туаржойлар (орасидаги) масофаларни аниқлаш учун манзилларнинг чегараларини белгилаш [Геодезия] / Муқаддима, таржима ва изоҳлар муаллифи Ашраф Аҳмедов. Таиланган асарлар, III жилд. Тошкент, 1982, 61–62-бетлар.
33. Мең Адам. Мусульманский Ренессанс. Изд. 2-е / Пер. с нем., предисл., библ., и указат. Д.Е.Бертельса. М., 1973. С.148.
34. Пигуловская Н.В. Культура сирийцев в средние века. — М., 1979. С.155.
35. Ибн ан-Надим. Ал-Фихрист, Кохира, 1929, 388–389-бетлар.
36. Геродот. Юқоридаги асар, 129–132-бетлар.
37. Kennedi E.S. The Sasanian astronomical handbook Zij-i Shah and the Astrological Doctrine of «transit» (Mamatarr). — J.Amer. Orient. Soc., 1958, Vol.78, p.246.
38. Nallino C.A. Raccolta di scritti editi et inediti, vol.5. Astrologia, astronomia, geografia. Roma, 1944, p.238–240.
39. Sezgin F. Geschichte des arabischen Schrifttums. Bd. 6. Astronomie. Leiden, E.J.Brill, 1978, S.7–11.
40. Абу Райхон Беруний. Таиланган асарлар, III жилд, 189–190-бетлар.
41. Булгаков П.Г. Жизнь и труды Беруни. — Ташкент, 1972. С. 204, 420.
42. Рожанская М.М. О значение «Зиджа» ал-Хоразми в истории астрономии. — В кн: Мухаммад ибн Муса ал-Хорезми. К 1200 летию со дня рождения. — М., 1983. С. 135.
43. Абу Райхон Беруний. Қонуни Масъудий. 1–5 мақолалар. Таржимон А.Расулов. Махсус муҳаррир А.Аҳмедов. Изоҳларни А.Аҳмедов ва А.Расулов тузган. Таиланган асарлар. V жилд, биринчи китоб. — Тошкент, 1973. 281-бст.
44. Булгаков П.Г., Розенфельд Б.А., Аҳмедов А.А. Мухаммад ал-Хорезми. — М., 1983. С. 28–29.
45. Крачковский И.Ю. Арабская географическая литература. Изб. соч. — М. — Л., 1957. Т. IV. С.68.
46. Ibn Wadih qui dicitur al-Ja'cubi, Historiae pars altera historian Islamicam continens / Ed. M. Th. Houtsma. Lughduno Batavorum, 1883, vol. 2, p. 528.
47. Ўша жойда, 531-бст.
48. Земанек К. Аль-Хорезми: Происхождение, личность, работы, влияние. — В кн: Алгоритм в современной математике и ее приложе-

- ниях. Часть I: Материалы международного симпозиума. Ургенч, УзССР, 16 – 22 сентября 1979 г. Под ред. А.П. Ершова и Д.Кнута. Новосибирск, 1982. С.3–92.
49. *Ruska J. Über des Fortleben der antiken Wissenschaft in Orient.* – Ardu. Gesch.D.Math., Naturwiss.U.d.Technik.Bd.10.Leipzig, 1927, s.112–135.
  50. *Ибн ал-Кифтий.* Китоб ихбор ал-уламо би-ахбор ал-хукамо. Қоҳира, 1908, 46–47-бетлар.
  51. *Ўша жойда,* 69-бет; *Крачковский И.Ю.* Избр. соч. Т.IV. С. 78.
  52. *Ибн ал-Кифтий.* Юқоридаги асар, 248-бет.
  53. *Ибн ан-Надим.* Юқоридаги асар, 423–424-бетлар; *Ибн ал-Кифтий.* Юқоридаги асар, 117–122-бетлар.
  54. *Sezgin F. GAS.* Bd. 5. Mathematik. Leiden, E.J.Brill, 1974, S.88.
  55. *Абу Райхон Беруний.* Танланган асарлар, III жилд. 95-бет.
  56. *Ўша жойда.*
  57. *Sayili A. The Observatory in Islam and its place in the general history of the Observatory.* Ankařa, 1860, p. 69.
  58. *Ўша жойда,* 7–16-бетлар.
  59. *Sezgin F. GAS.* Bd.5. Mathematik, S.243–244, Bd. 6. Astronomie. S.138–139.
  60. *Юшкевич А.П.* История математики в средние века. – М., 1961. С.268.
  61. *Абу Райхан Беруни.* Канон Масъуда. Кн. 6–11. Пер. и примеч. Б.А.Розенфельда и А.Ахмедова при участии М.М.Рожанской (пер. и примеч.), С.А.Красновой и Ю.П.Смирнова (пер.), указатели А.Ахмедова. – Ташкент, 1976. С. 45.
  62. *Розенфельд Б.А.* История неевклидовой геометрии. – М., 1976. С.153.
  63. *Ибн ан-Надим.* Юқоридаги асар, 274-бет.
  64. *Descriptio imperii mos Lemici auctore Schamsod-din Abu Abdollah Mohammed ibn Ahmed ibn Abi Bekr al-Banna al-Basscharl al-Mokaddasi al-Mokaddasi.* Ed. M.J. de Goeie, Lugdnni Batavarum, 1877; ed.2; 1906, p.165.
  65. *Бартольд В.В.* Сочинения. Т.I. – М., 1963. С.218.
  66. *Sayili A.* P.70.
  67. *Абу Райхон Беруний.* Танланган асарлар, III жилд, 162-бет.
  68. *Ўша жойда,* 162–163-бетлар.
  69. Аслида бир араб мили 4000 шаръий газга (аз-зираъ аш-шариъа), яъни 49,875 м дан иборат газга тенг бўлиб 049,875 x 4000=1995 м ни ташкил қиласди; қаранг: *Хинц В.* Мусульманские меры и веса с переводом в метрическую систему. Перевод с немецкого Ю.Э.Б-регеля. – М., 1970. С.71.
  70. Ҳозирги атласларда Ерни шар деб ҳисобланганда, ўртача радиуси 6371,2 км ва меридианнинг узунлиги 40008,6 км деб қабул қилинган. Бу ҳолда  $40008,6 : 360^\circ = 111,135$  км ва  $111,72 - 111,135 = 0,545$  бўлаши.
  71. *Абу Райхон Беруний.* Танланган асарлар, III жилд. 163-бет.
  72. *Крачковский И.Ю.* Юқоридаги асар, 83-бет.
  73. *Ўша жойда,* 84-бет.
  74. *Ўша жойда,* 85-бет.
  75. *Alfraganii. Elementa Astronomiae ex trad. Joanni Hispalensis, Ferrarae, 1493.*
  76. *Alfraganii. De motu stellarum ex trad. Cerhardi Cremonensis cum notis Regiomontani, ed. J. Schoner. Norimbergae, 1537.*

77. *Alfraganii. Elementa Astronomiae ex trad. J. Christimanni, Francofurti, 1590.*
78. *Muhammedi Fil. Ketiri Ferganensis, qui Vulgo Alfraganus dicitur, Elementa Astronomiae Arabice et Latine. Cum Notis ad res exoticae sive Orientales, quae in eis occurant, Opera Jakobi Colii. Amstelodami, 1669;* бундан кейин Якоб Гоол нашри деймиз.
79. *Campani R. Alfragano. Il «Libro dell' aggregazione delle stelle». Firenze, 1930.*
80. Крачковский И.Ю. Юқоридаги асар, 86-бет.
81. Якоб Гоол нашри, 1-бет.
82. Үша жойда, 2-бет.
83. Абу Райхон Беруний. Танланган асарлар, I-жилд. Қадимги халқлардан қолтандырылған тарихи мәдениеттер. Таржимон А.Расулов. Издаштарни И.Абдуллаев ва А.Расулов тұзған. – Тошкент, 1968. 96–97-бетлар.
84. Якоб Гоол нашри, 2-бет.
85. Абу Райхон Беруний. Танланган асарлар. V жилд. Иккінчи китоб. Қонуни Масъудий. 6–11. мақолалар. 258–268 бетлар ва тегишли изохлар.
86. Якоб Гоол нашри, 2–3-бетлар.
87. Үша жойда, 3-бет.
88. Үша жойда.
89. Үша жойда, 3–4-бетлар.
90. Абу Райхон Беруний. Танланган асарлар. I жилд. 252–277-бетлар.
91. Якоб Гоол нашри, 5–6-бетлар.
92. Үша жойда, 6–7-бетлар.
93. Үша жойда, 7-бет.
94. Үша жойда, 8–10-бетлар.
95. Үша жойда, 11–12-бетлар.
96. Үша жойда, 13–15-бетлар.
97. Үша жойда, 15–19-бетлар.
98. Үша жойда, 19–24-бетлар.
99. Үша жойда, 24–29-бетлар.
100. Үша жойда, 29–34-бетлар.
101. Томсон Дж. О. История древней географии. – М., 1953. С. 68–69.
102. Нейгебаэр О. Точные науки в древности / Перевод Е.Е.Гохман. Под ред. и с предисл. А.П.Юшкевича. – М., 1968. С.210.
103. Крачковский И.Ю. Юқоридаги асар, 20-бет; Пигулевская Н.В. Культура сирийцев в средние века. – М., 1979. С 117–125.
104. Крачковский И.Ю. Юқоридаги асар, 29-бет.
105. Mzik H.U. Afrika nach der arabischen Bearbeitung der Geographike hiphegesis des Claudius Ptolemaeus von Muhammad ibn Musa al-Hwarizmi. – Kaiserliche Akad. D. Wiss. in Wien, Philosophisch-historische Klasse, Denkschriften, Bd. 59, Abh. 4, Wien, 1916; Wieber R. Nordwesteuropa nach arabischen Bearbeitung des Ptolemaischen Geografie von Muhammad B. Musa al-Hwarizmi. Welldorf – Hessen, 1974, ss. 62, 113, 114.
106. «Ашхарацуйц». Армянская география VII века. – Издание текста и русский перевод К.Патканова. – Спб., 1877.
107. Czegledy K. Die Karte der Donaulandschaftgruppe nach al-Huwarizmi. - Acta Orientalia Hungaricae, Tom I, fasc. I., Budapest, 1950, S.36.
108. Абрамян А.Г. К вопросу об авторстве «Ашхарацуйц», приписываемому Хоренации. – Ереван, 1940.

109. «Ашхарацуйц», 62–63-бетлар.
110. Еремян С.Т. Армения по «Ашхарацуйц». — Ереван, 1963; Еремян С.Т. «Ашхарацуйц» (армянская география VII века) — выдающийся памятник географии и картографии древнего мира. — В ж.: Вестник общественных наук АН Арм. ССР, 1968. № 5. С.43–60.
111. Феофилакт Симокатта. История / Пер. С.П.Кондратьева. Примеч. К.А.Осиновой. — М., 1957. VII. 7, 8.
112. Мұхаммад ибн Мусо ал-Хоразмий. Таңланған асарлар. Математика. Астрономия. География. Кириш мақолалари, таржима, изохлар ва күрсаткичлар мұаллифи Ашраф Ахмедов. — Тошкент, 1983. 292–304-бетлар.
113. Якоб Гоол нашри, 35–39-бетлар.
114. Ал-Масъудий. ВГА. VIII. Р. 33, 12–17.
115. Крачковский И.Ю. Юқоридаги асар. 87-бет.
116. Honigmann E. Die sieben Klimata und die poleis epicetmoy. Heidelberg, 1329, s.143.
117. Абу Райхан Беруни. Избр. произведения. Т. VI. Книга вразумления начаткам науки о звездах. Вступ. статья, пер. и примеч. Б.А. Розенфельда и А.Ахмедова при участии М.М.Рожанской, А.А.Абдурахманова и Н.Д.Сергеевой. — Ташкент, 1995. С.115.
118. Крачковский И.Ю. Юқоридаги асар, 94–95-бетлар.
119. Мұхаммад ибн Мусо ал-Хоразмий. Юқоридаги асар. 246–248-бетлар.
120. Үша жойда, 295-бет.
121. Daunicht H. Der Osten nach der Erdkarte al-Hwarizmis: Beiträge zur Historischen Geographie und Geschichte Asiens. Bd. III. Bonn, 1968 – 1970. S.390 – 391.
122. Мұхаммад ибн Мусо ал-Хоразмий. Юқоридаги асар, 294-бет.
123. Үша жойда, 335-бет.
124. Ёқут ал-Хамавий. Китоб мұжжам ал-булдои. I жилд. Қохира, 1906. 153-бет.
125. Мұхаммад ибн Мусо ал-Хоразмий. Юқоридаги асар, 295-бет.
126. Үша жойда, 299-бет.
127. Ёқут ал-Хамавий. Юқоридаги асар, 375-бет.
128. Үша жойда, 132-бет.
129. Мұхаммад ибн Мусо ал-Хоразмий. Юқоридаги асар, 301-бет.
130. Daunicht. Юқоридаги асар, IV жилд. 103–108-бетлар.
131. Луконин В.Г. Культура сасанидского Ирана. — М., 1969. С. 126.
132. Ёқут ал-Хамавий. Юқоридаги асар, VI жилд. 37-бет.
133. Мұхаммад ибн Мусо ал-Хоразмий. Юқоридаги асар, 301-бет.
134. «Ашхарацуйц». 33–54-бетлар.
135. Czegldy K. Die Karte der Donaulandschaftgruppe nach al-Huwarizmi. In: Acta Orientalia Hungaricae, Tom I. fasc. I., Budapest, 1950. S.46–79, s.52.
136. Якоб Гоол нашри. 74–76-бетлар.
137. Үша жойда, 77–79-бетлар.
138. Абу Райхон Беруний. Таңланған асарлар. V-жилд. Иккінчи китоб. 303–361-бетлар.
139. Үша жойда, 370–376-бетлар.
140. Матвиевская Г.П., Розенфельд Б.А. Математики и астрономы мусульманского средневековья и их труды (VIII – XVII вв.). Т. II. — М., 1983. С. 47–49.

## **МУНДАРИЖА**

<i>Фахримиз, шуҳратимиз. Ўзбекистон Республикаси Президенти</i>	
<i>Ислом Каримовнинг кириши сўзи</i>	3
<i>Сўз боши</i>	5
<i>Биринчи боб. Ватани</i>	7
<i>Иккинчи боб. Ал-Фарғоний яшаган давр ва муҳит</i>	26
<i>Учинчи боб. Ал-Фарғоний ижоди ва асарлари</i>	67
<i>Изоҳлар</i>	154

Аҳмедов А.

Аҳмад ал-Фарғоний (тах. 798—так. 865 йиллар)//Масъул муҳаррир: А. Азизхўжаев/.— Т.: «Ўзбекистон миллий энциклопедияси» Давлат илмий нашриёти. 1998.— 160 б.

Сарл. олдида: Марказий Осиё тадқиқотлари халқаро институти.

ББК 72.3

Масъул муҳаррир:  
*Алишер АЗИЗХҮЖАЕВ*

Илмий муҳаррир:  
*Нозим ҲАБИБУЛЛАЕВ*

Адабий муҳаррир:  
*Шомуҳиддин МАНСУРОВ*

Китобни тайёрлаш ишларини мувофиқлаштирувчи илмий гурӯҳ:

*Нозим ҲАБИБУЛЛАЕВ* (раҳбар), *Георгий НИКИТЕНКО,*  
*Акбар ҲАКИМОВ, Болтабой ШОДИЕВ*

Компьютер таъминотчилари:  
*Ольга ДУДАКОВА, Махсуда СОМИРОВА,*  
*Дилбар САҶДУЛЛАЕВА*

Ашраф Аҳмедов

### АҲМАД АЛ-ФАРГОНИЙ

Бадиий муҳаррир **А. Бурҳонов**  
Муқова рассоми **С. Е. Соин**  
Техник муҳаррир **М. Алимов**

ИБ № 184

Теришга берилди 13.10.98. Босишга рухсат этилди 16.10.98 й. Ўчинми 84x108 /<sub>10</sub>/  
Нашриёт ҳ.т. 9,55 л. Босма табоқ 8,9 л. Буюртма № 6458. Тираζи 8000. Баҳоси  
шартнома асосида.

«Ўзбекистон миллий энциклопедияси» Давлат илмий нашриёти. Тошкент—129,  
Навоий кўчаси, 30.

Ўзбекистон Республикаси Давлат матбуот кўмитасининг ижарадаги Тошкент матбаа  
комбинатида босилди. Тошкент—129, Навоий кўчаси, 30.